


20853/A





Digitized by the Internet Archive
in 2017 with funding from
Wellcome Library

https://archive.org/details/b29330105_0002

Index hic , ad finem Partis I^{ae} quae inscribitur XENOPHANES
inserendus, in gratiam emtorum istius voluminis additur.

PHILOSOPHORUM
GRAECORUM VETERUM
RELIQUIAE.

AMERICAN

LIBRARY

OF THE

CONGRESS

TYPIS G. A. SPIN.

PHILOSOPHORUM GRAECORUM VETERUM

PRAESERTIM

QUI ANTE PLATONEM FLORUERUNT
OPERUM RELIQUIAE.

RECENSUIT ET ILLUSTRAVIT

SIMON KARSTEN.

Antiquitas, quo propius aberat ab ortu et
divina progenie, hoc melius ea fortasse quae
erant vera cernebat. CICERO.

~~~~~  
VOLUMEN PRIMUM.

PARS ALTERA. PARMENIDES.  
~~~~~

AMSTELODAMI,

SUMTIBUS J. MÜLLER & SOC. BIBLIOPOLARUM.

—
1835.

62060

PARMENIDIS ELEATAE

CARMINIS

RELIQUIAE.

DE

VITA EJUS ET STUDIIS

DISSERUIT, FRAGMENTA EXPLICUIT, PHILOSOPHIAM ILLUSTRAVIT

SIMON KARSTEN,

PHIL. THEOR. MAG. LITT. DOCT. INSTITUTI REGII BELG. SODAL. CORRESP.

GYMN. AMISFURT. RECT.

*Μηδέ σ' ἔθος πολὺ πειρον ὁδὸν κατὰ τήνδε βιάσθω,
Νωμῶν ἄσκοπον ὄμμα καὶ ἡχέεσσαν ἀκουήν
Καὶ γλώσσαν κρῖναι δὲ λόγῳ —*

PARMENIDES.

AMSTELODAMI,

SUMTIBUS J. MÜLLER & SOC. BIBLIOPOLARUM.

1835.



VIRO AMPLISSIMO,
HENRICO WINBEEK,

ORDINI LEONIS BELGICI ADSCRIPTO,

GYMNASIORUM IN REGNO NEERLANDIAE

INSPECTORI,

&c. &c.

D. D.

AUCTOR.

Quum dudum cuperem meae aliquod erga te observantiae monumentum exstare, nunc offero tibi hunc librum tuo nomini dedicatum, quod munus, quamvis exiguum, ita tibi acceptum fore spero, ut a me deberi tibi sentio. Nam et benevolentia tua ac fides mihi incertis in rebus non semel experta facit, ut ex animo gratias tibi habeam teque diligam, et tua publicae institutionis ac disciplinae regendae tuendaeque cura talis est, ut quivis patriae et literarum amans te colat et honoret. Quae tua cura tum alibi, tum nusquam magis conspicua fuit, quam in Belgio quondam quum Gymnasiorum et Athenaeorum ordinandi munus magnam partem tibi esset mandatum; ubi prudentia tua et humanitate ita docentium et discentium commodis consulisti, ut cum bonorum

omnium existimationem tibi conciliares, tum doctrinae studia in dies ibi laetius pullularent. Quorum studiorum fructus quum jam ostendi videretur, interceptum eum fatalis ista calamitas, quae rempublicam, quam legum aequitate et principis moderatione diu incolumem fore spes erat, turbavit et laceravit. Acerba profecto benefactorum remuneratio; sed subleuat cogitatio fore ut, quemadmodum e bonis initiis saepe mala oriuntur, ita hoc malum ad salutem convertat Ille, ὃς ρεία τ' ἰθύνει σκολιὸν καὶ ἀγήνορα κάρφει!

Sed, ut ad rem veniam, meministi, vir amplissime, eo ipse anno quo haec acta sunt, me Bruxellis degentem Philosophorum Graecorum veterum reliquias edere coepisse: emiseram Xenophanem Colophonium, editum Bruxellis, sumtibus J. Frank, 1830; cui mox adjungere destinaveram Parmenidem, quem tum jam inchoatum et paene absolutum in scriniis habebam reclusum. Sed postquam malum istud erupit, ego, abdicato munere, in veterem patriam me recepi. Ibi tum belli cura et apparatus omnia occupaverat, Musarum autem studia inter armorum strepitum languebant; nec mihi aut ad scribendum animus aut ad scripta evulganda occasio erat, quum etiam bibliopola, qui primum volumen edendum curaverat, rebus suis exturbatus, susceptum opus persequi non posset, dimittere nollet. Sic opus diutius interruptum pependit, donec tandem, re ordinata, alius bibliopola suscepit, a quo deinceps meliore omine continuatum iri spero.

Accipis ergo *Parmenidem*, non sordidum, ipso *Platone* iudice, naturae verique auctorem, et doctrinae gravitate ac recondita philosophandi ratione per multa secula nobilitatum. Quam profecto nobilitatem numquam ille esset assecutus, nisi fuisset in viri philosophia singulare quiddam et praestans, quod eruditorum studia excitaret mentesque teneret. Quale hoc sit, ipse operis titulus indicat: primus ille aut in primis coepit in *verum* inquirere, constans illud et aeternum, idque ab opinionum commentis et sensuum praestigiis sejungere. Quod philosophandi quasi signum ut *Parmenides* sustulit, num miramur, optimos quosque et summi ingenii viros illius auctoritatem esse secutos? Est enim ita: veri studio ducimur omnes, et quo quisque est ingenio celsior, eo magis sentit, verum perfectumque non in fluxis his rebus, vel potius his rerum umbris, ut *Plato* appellat, sed in divinis aeternisque collocatum esse. Licet autem, dum corporum compagibus inclusi sumus, mentis nostrae imbecillitas cernere illud non valeat, sed auguremur tantum et quasi *δὲ ἐσόπτρου* cernamus, tamen nescio quomodo fit ut, si quem videamus diviniore impetu excitatum mentem supra humana extollere, cum admiremur et sequi gestiamus. Quodsi honesta meritoque laudabilis habetur earum rerum contemplatio, in quibus pulcri quaedam effigies elucet, quanto est laudabilius et praeclarius ea cognoscere et intueri, in quibus veri species cernitur expressa! Obscurum esse *Parmenidem* vulgo questi sunt. Ista tamen obscuritas

dubito utrum magis tribuenda sit ipsi rei quam tractat, an seriorum interpretum commentis qui illius philosophiae quasi nebulam obduxerunt, quam quidem, explanatis diligenter et Parmenidei carminis reliquiis et veterum testimoniis, jam magna parte sublatam esse confido. Caeterum illius doctrinae cognitio quanti sit momenti vel ad philosophiae historiam vel ad Platonis et Platoniorum scripta et placita illustranda, te profecto haud fugit, qui quondam juvenis antiquae philosophiae et literarum suavitatem degustasti in germana illa Batavorum schola, quae, auctore Wyttenbachio, non modo superstitum scriptorum operibus interpretandis, sed etiam deperditorum reliquiis colligendis, antiquitatem plurimum illustravit. Commendo ergo tibi hunc meum librum, qui si tibi in legendo tantum afferat delectationis, quantum mihi curae in scribendo, erit gratissimum. Vale, vir amplissime, mihi que fave!

Dabam Amisfurti, mense Junio, a. 1835.

Priusquam Parmenidis carmen et doctrinam explicare aggrediar, pauca de iis, qui ante me in eodem argumento versati sunt, praemonenda duxi. Horum primus fuit Henr. Stephanus, qui in *Poësi Philosophica* a. 1573 edita, quaedam Parmenidis versuum fragmenta collecta protulit. Quod hic inchoaverat, majore cura et majore doctrinae apparatu persecutus est J. Scaliger, cujus adversaria in Leydensi bibliotheca asservata praeter alia continent Parmenidis et Empedoclis carminum reliquias, tam diligenter et sedulo collectas et comparatas, ut pleraque, quae multis demum post annis literatorum hominum studiis eruta sunt, ille multo ante occupaverit. Neque dubium est quin, si haec collectio prius esset divulgata, Parmenidea philosophia jam pridem multo clariùs

et plenius fuisset cognita. Sed illius copiae in bibliothecae thesauro reconditae, raro expromptae, paucis cognitae (*), a nonnullis etiam frustra quaesitae, ita delituerunt, ut aut non exstitisse aut jam evanuisse crederentur (+). Expromsit ea mecumque humaniter communicavit vir cl. Jac. Geel. In perlegendo reperi in iis nova quidem nulla, quaedam vero ita emendata, ut a summo critico expectes. Nostrâ autem et patrum memoriâ, quum perditorum scriptorum reliquiae studiosius conquiri coepissent, etiam Parmenidis fragmenta non neglecta sunt; primum colligere ea et explicare aggressus est Georg. Gustav. Fülleborn, libro inscripto: Παρμενίδου τοῦ Ἐλεάτου Λείψανα. *Fragmente des Parmenides, gesammelt, übersetzt und erläutert. Züllichau, 1795.* Idem scriptum insertum est in ejusdem auctoris collectaneis, *Beyträge zur Gesch. der Philos.* Part. VI. His *Spicilegium observationum* subjecit Car. Fr. Heinrich, in eodem opere, Part. VIII. Füllebornium secutus est Chr. Aug. Brandis, in *Côm-*


(*) Memorat Goensius ad Porphy. de Antr. Nymph. p. 96.

(+) Vid. Sturz. Praef. ad Empedocl. p. V.

mentationum Eleaticarum Sectione secunda, Alton.
1813, qua Parmenidis carmen et doctrina sunt ex-
posita. Uterque illorum, jam in Xenophane a me
commemorati, merito laudem sibi vindicant, quod
Eleaticam philosophiam multorum seculorum pulvere
obrutam renovarunt. Omitto autem librum Joannis
Theodori van der Kemp, *Parmenidem* inscrip-
tum, quippe qui illius nomen tantum adscivit, quo
suam doctrinam commendaret, ut ipse operis titulus
indicat, qui talis est: *Parmenides, sive de stabi-*
liendis per applicationem principiorum dunatosco-
picorum ad res sensu et experientia cognoscendas
scientiae cosmologicae fundamentis: quo omnis eorum
philosophia evertitur, qui mundi materiam aut ipsam
substantiam Divinam aut a Deo numerice diversam
esse sentiunt; ostenditur in universum omnia unum
esse, quae vero plura videntur ea relativa esse om-
nia, absoluti nihil. Edinae, 1781. Quam suam
rationem quamvis ille ad Parmenidem referat aucto-
rem, de illius tamen sententia nihil attulit quod non
melius sit ab aliis expositum. (*)

(*) Rationem ejus attigi infra in dissert. p. 211, 215, 224.

Illorum ergo trium quos dixi virorum, Scaligeri, Füllebornii, Brandisii, copiis adhibitis, fontes ipse denuo adii, nova quaedam quamvis pauca adjeci, corrupta et depravata emendavi, obscura illustravi. Omnem autem meam disputationem in duas partes divisi, quarum prior pars, praemissa enarratione de Parmenidis vita, ipsius carmen cum commentario continet; altera ejus philosophiam ordine exponit. Quodsi hac mea opera aliquid lucis attulisse ad veterem philosophiam illustrandam videar, impensi me laboris haud poenitebit.



DE
PARMENIDIS
VITA ET STUDIIS.

DE PARMENIDIS VITA ET STUDIIS.

§ 1.

PARMENIDES Eleaticae scholae princeps, patria natus est Elea, patre Pyrrhete, generis splendore et opibus apud suos insigni ¹. Quo autem tempore vixerit, non accurate definitum est a veteribus. Habemus hac de re duos praecipuos testes inter se dissidentes, Platonem et Diogenem Laërtium, alterum aetate illi proximum, alterum temporibus quidem multo inferiorem, sed an-

(1) Diogenes L. IX, 21: *Ξενοφάνους δὲ διήκουσε Παρμενίδης Πύρητος Ἐλεάτης... γένους τε ὑπάρχων λαμπροῦ καὶ πλούσιος*. Cf. Suidas v. *Παρμενίδης*. Theodoretus Therap. Serm. IV. Eusebius Praep. Eu. XIV, 3. p. 720 D. Epiphanius adv. Haeres. III. Vol. I, p. 1087. Strabo L. VI princ. de ELEA loquens: *ἐξ ἧς Παρμενίδης καὶ Ζήνων, ἄνδρες Πυθαγόρειοι*. In patris nomine notando variant libri: alii *Πύρητα*, alii *Πύρρητα*; quorum hoc cum nominibus *Πύρρος* et *Πύρρα* analogia congruum est. Ab his vero auctoribus dissidet Apollodorus, ut testatur Diogenes, in Zenonis vita IX, 25 sic scribens: *Ζήνων Ἐλεάτης τοῦτον Ἀπολλόδωρος φησὶν εἶναι ἐν χρονικοῖς Πύριθος (Πύρητος) τὸν δὲ Παρμενίδην φύσει μὲν Τελευταγόρου, θέσει δὲ Παρμενίδου*. Hic ergo PYRRHETEM facit ZENONIS patrem. Sed verba attentius consideranti, turbata esse facile apparet. Nam quo valent ista *τὸν δὲ Παρμενίδην φύσει...*? non enim de Parmenide, sed de Zenone hic agitur; neque Parmenidem TELEUTAGORAE F. quisquam novit. Verba in hunc modum ordinanda censeo: *Ζήνων Ἐλεάτης τοῦτον Ἀπ. φησὶν εἶναι ἐν χρονικοῖς φύσει μὲν Τελευταγόρου, θέσει δὲ Παρμενίδου τὸν δὲ Παρμενίδην Πύρρητος*. Hac ratione Parmenidis mentio cum Zenone apte jungitur, ac tollitur omne scriptorum dissidium. cf. inferius not. 32, 33.

tiquiorum chronologorum testimoniis munitum. Plato initio dialogi quem PARMENIDIS nomine inscripsit, narrat venisse aliquando Athenas ad Panathenaeorum celebritatem Parmenidem una cum Zenone, illum jam natu grandem, annorum circiter quinque et sexaginta, hunc vero florente aetate, annos natum ferme quadraginta, et Parmenidis delicias (παιδικὰ) a plerisque creditum; quorum sermoni puerum etiam tum interfuisse Socratem (τότε σφόδρα νέον)². Jam Socrates natus Olymp. 77, a. 4; si igitur ponamus eum, quo tempore hic sermo habitus sit, sedecim annorum ephebum fuisse, Parmenides, qui tum erat jam sexagenario maior, natus fere fuit Olymp. 65³; Zeno autem, qui viginti amplius annis illo inferior, Olympiade 71. Laërtius vero memorat Parmenidem circa Olymp. 69 aetatis ἀκμῇ fuisse⁴; quod profecto, si secundum Platonem Olymp. 65 natus sit, non est credibile, eum tam brevi ad doctrinae et gloriae maturitatem potuisse pervenire.

At Platonis hac in re fidem addubitarunt jam veteres, ut Athenaeus et Macrobius, qui, animadvertentes illum in dialogis interdum personarum aetates confundere, etiam hoc quod de Parmenide narrat, exemplum proferunt, cum quo vix colloqui Socratem propter aetatem, nedum tam arduis de rebus potuisse disputare⁵. Hi ergo, e vulgari chronologorum ratione,

(2) Plato Parm. p. 127 B C.

(3) Dodwellus, Dissert. de aetate Pythag. II, p. 220, in computando annorum numero fallitur.

(4) Diogenes L. IX, 23: ἤκμαξε δὲ κατὰ τὴν ἐνάτην καὶ ἐξηκοστὴν Ὀλυμπιάδα.

(5) Athenaeus IX, 15. p. 505 F: Παρμενίδῃ καὶ ἐλθεῖν εἰς λόγους τὸν

Parmenidem crediderunt aliquanto antiquiorem, in eoque concinunt cum Diogene, secundum quem Parmenides etiamsi diutissime vixisset, fuisset tamen, puero Socrate, non modo grandis natu sed decrepitus aetate senex, ut nec disserere cum eo nec disserentem videre Socrates potuisset ⁶. Notum est quidem, Platonem in dialogis, magis argumenti quam temporis ratione habita, personas interdum secum colloquentes facere quorum aetates non conveniant ⁷. Et conceditur haec libertas dramaticae arti, quae poësi propinqua est; at num ideo concessum ei erat, personarum aetates tam stricte definire, ipsum aetatis annum notare, si veritati repugnaret? Ille autem non solum in hoc dialogo, sed in aliis quoque, ut Sophista et Theaeteto, Socratem facit commemorantem, a se puero senem auditum Parmenidem ⁸. Dicat quis Platonem in his dialogis id scripsisse, quo magis sibi constaret, et quo probabilior videretur Parmenidis cum Socrate disputatio. At istiusmodi probabilitatem non requirit dialogorum ratio, ut, si quaedam fingantur ad praesentem disputationem accommodata, ideo obscuranda omnino veritas et lectores fallendi sint, adfir-

τοῦ Πλάτωνος Σωκράτην, μόλις ἡ ἡλικία συγχωρεῖ, οὐχ ὥς καὶ τοιοῦτους εἰπεῖν ἢ ἀκοῦσαι λόγους. Macrobius Saturn. I, 1: »Socrate ita Parmenides antiquior, ut hujus pueritia vix illius apprehenderit senectutem, et tamen inter illos de rebus arduis disputatur».

(6) Cf. Casaubonus ad Athen. l. l.

(7) Qua de re vid. Wolfii iudicium in Prooemio ad Platon. Symposion.

(8) Plato Soph. p. 217 C.: Παρμενίδῃ παρεγενόμην ἐγὼ νέος ὢν, κείνου μάλα δὴ τότε ὄντος πρεσβύτου. Theaet. p. 183 E: συμπροσέμιξα τῷ ἀνδρὶ πάννυ νέος πάννυ πρεσβύτῃ.

mando revera sic fuisse ut fingatur. Accedit ad firmandam Platonis fidem, quod Zenonis aetas, quam in eodem dialogo notat, cum chronologorum testimoniis concinit⁹; ergo, si de Zenone vere scripsit, quidni de Parmenide, cujus aetas cum illius temporibus cohaeret, idem existimemus¹⁰? Contra Diogenis et qui cum eo faciunt testimonium, vix congruit Parmenidis temporibus. Nam patria ejus Velia condita a Phocæensibus Olymp. 61; si ergo post hanc Olympiadem demum natus est Parmenides, quomodo tam brevi maturescere potuit, ut jam Olymp. 69 ad ἀκμὴν pervenisset? Probabilius, florem ejus aetatis aliquot annis inferiorem esse ponendum et propius ab ineunte Socratis pueritia remotum.

§ 2.

Fuerunt viri docti, ut jam dudum Scaliger, et post Füllebornius, qui ut Diogenem cum Platone conciliarent, apud illum numeros mutarunt, pro Olymp. 69 reponentes 79¹¹. At hujusmodi emendandi libertas ut parum habet auctoritatis, ita repugnat fere ipsi

(9) Zenonis flos, teste Laërtio IX, 29, incidit in Olymp. 79.

(10) Platonis testimonium comprobant quoque Fülleborn, Beiträge zur Gesch. der Phil. Part. VI, p. 12; Schleiermacher in Prooemio interpret. Platon. Parmenidis. Heindorf. ad Parmen. c. 2. p. 190.

(11) Diogenes Laërtius Stephan. habet κατὰ τὴν θ' καὶ εἰκοστὴν Ὀλυμπιάδα. Scaliger ad libri oram scripsit καὶ ἐβδομηκοστὴν; eundemque annum ponit in Ὀλυμπιάδων ἀναγραφῇ, ubi legitur ad Ὀλυμπ. οθ', α'. Παρμενίδης ὁ φιλόσοφος ἠκμαζεν. Heraldus Advers. I, 2, vult οη' (78). Fülleborn. l. l. p. 14.

Diogeni, qui hac Olympiade Zenonis florem statuit: quocirca aut hujus quoque anni mutandi essent, aut statuendum doctorem et discipulum eodem utrumque tempore floruisse. Alia et facilior est interpretandi via, qua diversa amborum testimonia inter se concilientur. Diogenes videlicet, non natalem annum, sed aetatis florem definiens, non urgendus est, quum veteres ἀκμὴν modo aetatis maturitatem, modo juventutis viriditatem interpretentur; Platoni autem credamus omnino, et Athenas venisse Parmenidem sexaginta amplius annos natum, et grandem natu fuisse puero Socrate; ceterum de disputatione cum Socrate ab eo habita, finxisse hoc videtur non tam rerum veritati quam suo consilio accommodate, quum Socratis personam in omnibus paene dialogis disserentem faciat, neque hic alia aptior ei videretur, quae de gravissima philosophiae quaestione cum dialecticorum principe dissereret. Itaque collatis amborum testimoniis statuamus, Parmenidem, ut Diogenes notat, Olymp. 69 juvenili flore fuisse; eundem, ut Plato tradit, puerulo Socrate, grandaeum, aetatis doctrinaeque maturitate perfectum.

Sunt praeterea aliorum testimonia quae cum his non concinunt: primum Theophrasti qui, si Diogenem audiamus, Parmenidem Anaximandri auditorem dixit¹². Theophrastum tamen hoc scripsisse, vix credo;

(12) Diogenes L. Parmen. princ. IX, 21: Ξενοφάνους δὲ διήκουσε Παρμενίδης... τοῦτον Θεόφραστος ἐν τῇ Ἐπιτομῇ Ἀναξιμάνδρου φησὶν ἀκοῦσαι. Cf. Suidas, Παρμενίδ. Num fortasse Theophrastus de Xenophane hoc dixit qui, teste Sotione, Anaximandri aequalis fuit, ita ut hunc natu majorem adolescens viderit? Vid. Xenophan. Reliqq. p. 3—10. meae edit. Hoc testimonio ductus Palmerius Exercit. p. 461, in Laërtio

si scripserit, falsum arbitror. Anaximander enim, Thaletis in Ionica schola successor, diem obiit Olymp. 58, atque adeo mortuus erat jam aliquot ante annis quam condita esset Elea, in qua natus Parmenides. Neque probabilius, quod idem Diogenes refert, auditorem Parmenidis Anaximenem fuisse¹³. Namque ut omit- tam diversam utriusque patriam, diversam doctrinae rationem, obstant quoque tempora, quum Anaxime- nes, Anaximandri auditor habitus, aut superior Par- menide aut aequalis ei fuit, inferior certe aetate non fuit. Alii contra multo inferiorem faciunt. In Eusebii Canone chron. haec notata leguntur: Ὀλυμπ. π, δ (Ol. 80, 4). Ἐμπεδοκλῆς καὶ Παρμενίδης Φιλόσοφοι Φυσικοὶ ἐγνωρίζοντο. Ζήνων καὶ Ἡράκλειτος ὁ σκοτεινὸς ἤκμαζον. Accommodata videtur haec notatio ad illud fere tempus, quo Parmenides una cum Zenone Athenas venisse narra- tur apud Platonem; vitiose tamen ambos hos, aetate dis- pares, eodem tempore inclaruisse scribit. Longius etiam recedit Syncellus statuens eosdem philosophos, ut et De- mocritum, floruisse, regnante Artaxerxe qui Macro- chir cognominatus, intra Olympiades 82-91, et circa idem tempus natum esse Socratem¹⁴. Sed longum foret omnes chronologorum errores enumerare, refu- tare supervacaneum¹⁵. Itaque auctores secuti Pla-

pro θ' καὶ εἰκοστὴν Ὀλ. legi voluit ἑξακοστὴν Ὀλ. commode enim Parmenidem dici Olymp. 60 floruisse, sex videlicet annis post mortem praeceptoris Anaximandri, quae accidit Olymp. 58. Idem numerus pla- cebat Menagio Observv. ad Diog. Laërt. l. l.

(13) Diogenes L. II, 3.

(14) Syncellus Chronogr. p. 253 D.

(15) Veluti quod quidam Gorgiae quoque et Prodico aequalem statue-

tonem et Laërtium statuamus, tempus quo Parmenidis flos et maturitas continetur, intra Olymp. 69-80, a. Chr. 504-460 esse ponendum ¹⁶. In hoc tempus conveniunt quoque ii qui cum Parmenide aetate conjuncti fuerunt: Xenophanes, Eleaticorum parens, floruit Olymp. circiter 60; Heraclitus autem, qui Parmenidi fere aequalis fuit, Olymp. 69, Zeno ejus auditor, aequalis fere Anaxagorae, Olymp. 79 floruisse ponuntur. Sic temporum ordo philosophorum successioni respondet.

§ 3.

De Parmenidis vita non nisi pauca sunt tradita, e quibus tamen conjicere nobis licet, quali ingenio praeditus, qua institutione eruditus tam illustris in philosophia exstiterit. Natus Eleae audivit XENOPHANEM grandem natu adolescens ¹⁷, e cujus praeceptis

runt: Eusebius Canon. chron. Olymp. πς'; Syncellus Chronogr. Olymp. 88. (ex Africano). Videtur quaedam doctrinae et rationis similitudo vel affinitas hanc confusionem peperisse. Anonymus vit. Pythag. sect. 8, (Kuster.) Parmenidem et Zenonem Platonis videlicet in dialectica praeceptores facit: τῆς λογικῆς σπέγματα καταβαλεῖν αὐτῷ Ζήρωνα καὶ Παρμενίδην τοὺς Ἑλεάτας. Simili jure Thucydidem liceat Demosthenis praeceptorem appellare.

(16) Strictius determinare ejus aetatem nolumus. Medium fere tenemus inter Cousinum Nouv. Fragm. p. 97 sq. qui Parmenidem natum censet circiter Olymp. 62½; sic vero annus Parmenidis sexagesimus quintus non, ut ille supputat, pueritiam Socratis, sed vix natalem hujus annum attigisset; — et Clintonum Fast. Hellen. p. 364 not b, qui ut Parmenidis senectutem cum Socratis adolescentia conciliet, eum natum putat circiter Olymp. 65 (a. Chr. 519); hac vero ratione Parmenides vix ephebus fuisset, mortuo Xenophane, qui ejus praeceptor est habitus.

(17) Aristoteles hoc refert ut vulgo creditum, Metaph. I, 5. p. 648 E. dicens:

hausisse videtur initia ejus disciplinae quam deinceps excoluit. Audivit et Pythagoreos, doctrinae celebritate tum maxime florentes, e quibus duo nominantur quos studiorum duces et magistros habuerit, AMINIAS et DIOCHAETES; horum ille adolescentem a negotiis ad literarum otium traduxit; hic pauper sed morum honestate spectatus adeo ab eo dilectus est, ut mortuo sacellum consecraverit, ut Sotion retulit ¹⁸. Multi Parmenidem ejusque auditorem Zenonem Pythagoreos appellarunt; sive propter Pythagoreorum consuetudinem et disciplinæ cognitionem, sive propter illorum famam et celebritatem, quae diu tanta fuit, ut nemo fere esset doctrina illustrior quin huic scholae adnumeraretur. ¹⁹ Pythagorica vero illa institutio magis valuisse videtur ad excitandum ejus studium et ingenium promovendum, quam ad mentem certis disciplinae praeceptis imbuendam vitamque institutis formandam. A Cebete quidem vita Parmenidea aequae ac Pythagorica laudatur; unde fortasse aliquis efficeret, Parmenidem, sicut Pythagoreos, singularem secutum es-

Παρμενίδης τούτου (τοῦ Ξενοφάνους) λέγεται μαθητής. Theophrastus, diligens auctor, ut certum ponit, apud Alexandrum Aphrod. Metaph. intp. Sepulveda, f. 7 A. Hunc plerique sequuntur: Plutarchus apud Eusebium Praep. Eu. I, p. 23 C; Eusebius ipse ibid. X, p. 504 D; XIV, p. 758 A; Simplicius Phys. f. 2 A. Diogenes Laërt. modo (n. 12) citatus; Suidas, *Παρμεν.* ceteri.

(18) Apud Diogenem L. IX, 21.

(19) Callimachus apud Proclum in Parm. T. IV, p. 5: *Ἐλεάται δ' ἄμφω, καὶ οὐ τοῦτο μόνον, ἀλλὰ καὶ τοῦ Πυθαγορικοῦ διδασκαλείου μεταλαβόντες.* Iamblichus Vit. Pyth. s. 166, 267. Anonymus scriptor Vit. Pyth. s. 8. Kuster. Strabo, VI. pr. quem citavimus n. 1. Cf. quae diximus in Xenophan. p. 8, n. 14. p. 130.

se vitae morem; quod non fecit, sed vitam egit sapientia, dignitate, modestia conspicuam, quam Cebes significat ²⁰, et Timo Phliasius praedicat dicens: ²¹

Παρμενίδου τε βίην μεγαλόφρονα καὶ πολύδοξον.

Hujus institutionis illustre exemplum praebuit ejus familiaris Zeno, forti et invicto animo quo se adversus patriae tyrannum Demyllum gessit; magistri disciplinam, ut Plutarchus dicit, factis probans ²². In philosophia Parmenides quamquam magistri Xenophanis vestigiis ductus, sua tamen ratione processit, ut et veteres animadverterunt ²³ et ipsius doctrina declarat. Literarum otio ita se dedit, ut a rei publicae negotiis non abstineret. Leges tulit Eleatis, quae, ut Plutarchus refert, adeo probatae fuerunt ut magistratus quotannis cives adigeret jurejurando, se Parmenidis leges observaturos ²⁴. Habitasse videtur Eleae in patria, in exteras regiones interdum devertisse ²⁵. Memorabile praesertim est iter quod Athe-

(20) Cebes Tab. pr. ἀνὴρ ἔμφρων καὶ δεινὸς περὶ σοφίαν, λόγῳ δὲ καὶ ἔργῳ Πυθαγόρειόν τινα καὶ Παρμενίδειον ἐξηλωκὼς βίον.

(21) Apud Diogen. Laërt. IX, 23.

(22) Plutarchus adv. Colot. p. 1126. Vol. X, p. 630 Reisk.

(23) Parmenidem in pluribus a Xenophane discessisse animadvertit Plutarchus apud Eusebium, l. l. (n. 16): Παρμενίδης ὁ Ἐλεάτης, ἑταῖρος Ξενοφάνους, ἅμα μὲν καὶ τῶν τούτου δοξῶν ἀντεποιήσατο, ἅμα δὲ καὶ τὴν ἐναντίαν ἐνεχειρήσατο στάσιν. Diogenes Laert. l. l. ὁμῶς δ' οὖν ἀκούσας καὶ Ξενοφάνους, οὐκ ἠκολούθησεν αὐτῷ.

(24) Speusippus apud Diog. Laërt. IX, 23. Strabo VI, pr. Plutarchus adv. Colot. p. 1126 A. Vol. X, p. 628 Reisk.

(25) Fuerunt qui, ut omnem fere Graecorum sapientiam, sic Parmenidis quoque doctrinam ab Aegypto arcessiverunt. Sic Io. Camotius in Theophrasti Metaph. f. 100, Neo-Platonicos fere secutus. Hinc narratio,

nas fecit, quo tempore haec civitas, opibus et splendore jam excellens, doctos homines et artifices undique ad se tanquam ad commune receptaculum invitabat. Venit eo, ut Plato narrat, ad Panathenaeorum celebritatem, aetate maturus et doctrinae studiis clarus, ibique aliquamdiu versatus est, in eruditorum hominum et adolescentum coetu de philosophiae quaestionibus sermones serens, quorum mentionem facit Socrates ²⁶. A quo inde tempore Parmenidis philosophia tam disputationibus quam scriptis magis vulgo innotescere coepit. Sed ut multi Athenas confluebant qui doctrinae facultate et ingenii acumine abuterentur ad inanem sapientiae ostentationem et popularis aurae aucupium, quales non ita multo post sophistae fuerunt, quos tam acriter carpit Socrates, sic Parmenides ab illo laudatur ut vir βαθὺς, αἰδοῖός τε δεινός τε, qui sapientiam non vana ambitione, sed sincero veritatis amore expeteret, et disserendi acumen cum modestia et gra-

Parmenidem discendi causa in Aegypto degisse; quod refert Vinc. Bellovacius, Specul. doctr. I, 29: »Quindecim annos ob astronomicas, ut credibile est, considerationes in rupe Aegyptiaca consedissee legitur." Pulcrius etiam Io. Sarisberiensis Metalog. II, 2: »Licet Parmenides Aegyptius in rupe vitam egerit, ut rationes logicas inveniret, tot et tantos studii habuit successores, ut ei inventionis suae totam fere praeripuerint gloriam." Fabulae nescio unde concinnatae. Non improbabile, ut Brandisius auctor est, efficta haec esse e loco Martiani Capellae Nupt. I, IV, p. 95 Grot. »progreditur Dialectica; haec se educatam dicebat Aegyptiorum rupe, atque in Parmenidis exinde gymnasium atque Atticam demeasse, etc." Quae ipsa parum recta illi confundendo augendoque pejora reddiderint.

(26) Plato Parm. pr. p. 127, 136 D. Soph. p. 217 C: διεξιέναι δι' ἐρωτήσεων... οἷόν ποτε καὶ Παρμενίδη χρωμένῳ καὶ διεξίοντι λόγους παγκάλους παρεγενόμην.

vitae conjungeret ²⁷. Quibus dotibus non mirum, eum tantam adeptum esse nominis famam et disciplinae auctoritatem, ut princeps Eleaticorum ab omnibus habitus sit.

Vidit eadem aetas multos doctrina excellentes viros, Heraclitum, Anaxagoran, Leucippum, Empedoclem, alios, quorum studiis philosophiae semina per Ioniam et universam Graeciam disseminata sunt. Horum plures cum Parmenide videntur habuisse consuetudinem, veluti LEUCIPPUS et EMPEDOCLES, qui auditores ejus vel aemuli fuisse dicuntur ²⁸; nisi vero fuerit inter eos consuetudo, literarum tamen et studiorum commercium inter eos fuisse credibile est. Praecipui autem ejus auditores et sodales memorantur ZENO et MELISSUS ²⁹, uterque cum illo disciplinae societate, ille etiam familiaritate conjunctus. Plato, ut vidimus, Zenonem Parmenidis delicias creditum dicit ³⁰; quamobrem graviter reprehensus est ab Athenaeo, qui cum Platonis anachronismum notat, de quo modo vidimus, tum

(27) Plato Theaet. p. 183 E: *Παρμενίδης δέ μοι φαίνεται, τὸ τοῦ Ὀμήρου, αἰδοῦός τε ἄμα δεινός τε, . . . καὶ μοι ἐφάνη βάθος τι ἔχειν παντάπασιν γενναῖον.* Soph. p. 237 A: *Παρμενίδης δὲ ὁ μέγας.*

(28) De Leucippo Simplicius, auctore, ut videtur, Theophrasto, Phys. f. 7 A; de quo infra in Dissertat. de Parm. phil.

De Empedocle Diogenes Laërt. VIII, 55, 56: *ὁ δὲ Θεόφραστος Παρμενίδου φησὶ ζηλωτὴν αὐτὸν (Ἐμπεδοκλῆ) γενέσθαι καὶ μιμητὴν ἐν τοῖς ποιήμασι. — Ἀλκιδάμας δὲ ἐν τῷ φυσικῷ φησὶ κατὰ τοὺς αὐτοὺς χρόνους Ζήνωνα καὶ Ἐμπεδοκλῆ ἀκοῦσαι Παρμενίδου.* Cf. Suidas v. *Παρμενίδ.* ALCIDAMAS hic Isocrati aequalis, atque adeo illorum temporibus proximus habetur. Fabric. Bibl. Gr. II, 26, 4. T. II, p. 776. Harl. Fides tamen ejus mihi non satis spectata videtur.

(29) Diogenes L. IX, 24.

(30) Plato Parmen. p. 127 B; Diogenes L. IX, 25.

praesertim eum vituperat, quod de talibus viris tam indignam rem temere ausus sit praedicare: τὸ δὲ πάντων σχετλιώτατον, inquit, καὶ τὸ εἰπεῖν, οὐδεμιᾶς κατεπειγούσης χρείας, ὅτι παιδικὰ γεγονότι τοῦ Παρμενίδου Ζήνων ὁ πολίτης αὐτοῦ ³¹. Scite profecto! ignorat videlicet amorem, quo vulgus abutebatur ad turpissimam libidinem, a philosophis, Socraticis praesertim, traductum esse ad mentis animique conjunctionem, qua nulla esset honestior, nulla ad pulcri bonique studium excitandum alendumque efficacior. Itaque ut Socrates ipse ubivis se profitetur ἐρωτικόν, sic minime inhonestum, Zenonem Parmenidis παιδικὰ appellari, utpote communi sapientiae ardore cum eo conjunctum. Hoc bene intellexit Proclus et, quamvis in multis a Platonis mente aberrans, Platonice interpretatur: παιδικὰ τοῦ Παρμενίδου γέγονεν, inquit, ὁ Ζήνων, δῆλον ὅτι πρὸς ἓνα καὶ τὸν αὐτὸν θεὸν ἀμφοτέροις ἢ ἄνοδος ἦν ³². Nonnulli videntur Parmenidem Zenonis patrem adoptivum credidisse ³³, decepti, ut opinor, falsa interpretatione vocabuli πατήρ: nam *patrem* Graeci veteres interdum appellant disciplinae auctorem et magistrum, tamquam animi ingeniique parentem; quo sensu Parmenides Zenonis pater dici haberique merito potuit ³⁴.

(31) Athenaeus, XI, p. 505 F.

(32) Proclus in Parmen. T. IV, p. 88.

(33) Diogenes L. citatus n. 1.

(34) Hoc sensu Eleates hospes apud Platonem Soph. p. 241 D, dicit τὸν τοῦ πατρὸς Παρμενίδου λόγον. Proclus Parm. T. IV, p. 8: ὁ μὲν οὖν Ζήνων... τὸν τοῦ πατρὸς Παρμενίδου λόγον ἡσπάζετο. ibid. p. 137; Theolog. Platon. I, p. 27. Amplius illustrant Astius Comment. in Platon. Phaedr. p. 340; Boissonnade ad Marin. Vit. Procli, Annot. p. 75 sq.

§ 4.

Philosophiam suam tam scriptis quam sermonibus explicuit et propagavit. In sermonibus ingressus est eam disserendi viam quae interrogando verum falsumque exquirat, ut significat Socrates apud Platonem dicens, auditum a se Parmenidem δι' ἐρωτήσεων disserentem, quam ejus disputationem ut pulcerrimam laudat³⁵. Haec est proprie dialectica ratio quae, ut nomen indicat, in colloquendo et disceptando cernitur, et Eleaticae disciplinae propria est habita, ut notat idem Proclus: τὴν διαλεκτικὴν ἐξαιρετὸν οὖσαν τοῦ Ἑλεατικοῦ διδασκαλείου, καθάπερ ἄλλο τι τοῦ Πυθαγορείου λέγουσιν, ὡς τὴν διὰ τῶν μαθημάτων ἀγωγὴν, — καὶ ἄλλο τοῦ Ἡρακλειτείου, τὴν διὰ τῶν ὀνομάτων ἐπὶ τὴν τῶν ὄντων γνῶσιν ὁδόν³⁶. Dialecticē Eleaticis propriam dicit, ut mathematica Pythagoreis, etymologiam Heracliticis. Illius quidem artis inventorem Zenonem Aristoteles praedicat; Parmenidem tamen non rudem ejus et ignarum fuisse, recte Sextus Empiricus animadvertit³⁷; ambo quoque apud Platonem tanquam ἐλεγκτικοὶ et περὶ τὰς ἐρίδας ἐσπουδακότες memorantur³⁸. Inchoaverat istam artem jam Xenophanes, altius eduxit Parmenides, Zeno artificiosius elaboravit et in contentionum palaestram protulit. In dialecticā

(35) Plato Sophist, cit. n. 26.

(36) Proclus in Parm. T. IV, p. 12. Cf. p. 39.

(37) Sextus Empiricus adv. Mathem. VII, 5.

(38) Plato Soph. pr.

ticorum autem rogatiunculis celebrata est argumentatio Ἀχιλλεὺς dicta, altera item διχοτομία appellata, quarum illam Phavorinus, hanc Porphyrius Parmenid tribuerunt auctori ³⁹; utramque tamen Zenoni jure vindicandam esse, Aristotelis et Simplicii testimoniis satis probatum est, ut alibi ostendemus.

Conscripsit philosophiam versibus, exemplum secutus Xenophanis, Hesiodi, aliorum, qui quondam carminibus de rerum natura et cognitione vaticinati erant ⁴⁰. Nam prosa oratio quamquam eo tempore jam effloruisset, et praesertim in Ionia tam a rerum scriptoribus quam philosophis usurpari coepisset, tamen nondum adeo frequentata erat, ut poësin auctoritate superaret, neque satis exculta, ut severiori praesertim disserendi et argumentandi modo satisfaceret. Poëtarum, praecipue Homeri, lectione imbuti usuque edocti, horum linguam facillime imitabantur; ab his rerum nomina, imagines, dictiones mutuabantur ⁴¹; assumebant praesertim numeros, ut horum concinnitas disserendi tenuitatem et infantiam quodammodo tegeret et compensaret. Caeterum, exceptis numeris, Parmenidis orationem poëtico ornatu et elegantia paene nudam fuisse, etiam veteres animadverterunt. Proclus ejus stilum sic describit: Ὁ Παρμενίδης ἐν τῇ ποιήσει, καίτοι δι' αὐτὸ δῆπου τὸ ποιητικὸν

(39) Phavorinus apud Laërtium IX, 23; Cf. Menagius Observv. h. l. Porphyrius apud Simplicium Phys. f. 30.

(40) Plutarchus de Pyth. Orac. p. 402. (Vol. VII, p. 584 R.) Diogenes L. IX, 22. Suidas Παρμ.

(41) Indicant hoc plurimi loci, quibus Parmenides Homericam dictionem expressit, quos passim notavimus in Commentario.

εἶδος χρῆσθαι μεταφοραῖς ὀνομάτων καὶ σχήμασι καὶ τρόποις ὀφείλων, ὅμως τὸ ἀκαλλώπιστον καὶ ἰσχνὸν καὶ καθαρὸν εἶδος τῆς ἀπαγγελίας ἡσπάσατο... ὥστε μᾶλλον πεζὸν εἶναι δοκεῖν ἢ ποιητικὸν λόγον.⁴² Cicero ejus versus minus bonos appellat⁴³; Plutarchus στιχοποιΐαν reprehendit, et animadvertit, Parmenidem, similiter ut Empedoclem, poësin usurpasse modo tanquam vehiculum, quo pedestrem incessum evitaret⁴⁴. Itaque facile intelligitur, non tam ingenii luxuriam et linguae facundiam, quam, usum dicam an necessitatem, Parmenidi versuum pangendorum causam fuisse. Interdum modo magis inflavit orationem, quum cogitationum sublimitas rerumque gravitas ejus ingenium accenderet vocemque incitaret; ut in carminis prooemio, ubi concitata mente, veluti alatis equis, ut fingit, ad sapientiae templum evehitur. Qui locus testatur, Parmenidem, etsi magis docere quam delectare versibus studeret, non prorsus tamen ditioris venae fuisse expertem.

Nonnulli putarunt eum prosa quoque oratione scripta quaedam edidisse. Sic Suidas: ἔγραψε δὲ ... καὶ ἄλλα τινὰ καταλογάδην, ὧν μέμνηται Πλάτων⁴⁵. Orta haec opinio videtur e Platonis loco in Sophista, ubi ille Par-

(42) Proclus in Parm. T. IV, p. 62.

(43) Cicero Acad. Qu. IV, 23.

(44) Plutarch. de audit. p. 44 (Vol. VI, p. 163 R.); tum de aud. poët. p. 16 C (VI, p. 56), ubi dicit: τὰ δὲ Ἐμπεδοκλέους ἔπη καὶ Παρμενίδου, καὶ Θηριακὰ Νικάνδρου, καὶ Γνωμολογίαι Θεογνίδος λόγοι εἰσὶ κεχρημένοι παρὰ ποιητικῆς ὥσπερ ὄχημα τὸν ὄγκον καὶ τὸ μέτρον, ἵνα τὸ πεζὸν διαφύγῃσιν.

(45) Similiter Eudocia p. 149 Villos. Sic arbitratur quoque Brandisius, l. l. p. 124 not.

menidis decreta memorans dicit: τοῦτο ἀπεμαρτύρατο, πεζῇ τε ὧδε ἑκαστότε λέγων καὶ μετὰ μέτρων. At quum Plato hic non solum de scriptis Parmenidis, sed universe de ejus disputationibus loquatur, probabile est, alterum (πεζῇ) ad sermones ab illo habitos, alterum (μετὰ μέτρων) ad versus quos edidit scriptos spectare ⁴⁶. Fertur quidem fragmentum quoddam pedestri oratione, quod Simplicius inter medios versus a se repertum dicit quasi ipsius Parmenidis; sed ipsum illud quasi a Simplicio additum indicat, fidem hujus loci parum ei spectatam fuisse. Quis vero credat, Parmenidem mediis in versibus verba metro soluta intertexuisse ⁴⁷? Praeterea unum modo scriptum edidisse Parmenidem, notat Diogenes ⁴⁸, idque confirmatur cum aliorum veterum testimoniis, tum ipsius etiam scripti reliquiis, quum omnia, quae de Parmenidis versibus et placitis tradita sunt, ad unum idemque carmen sint referenda. Neque obstat quod Plato ejus ποιήματα memorat, quia ποιήματα, similiter ut ἔπη, λόγοι, γράμματα, de uno etiam carmine vel una disputatione, pluribus partibus composita, usurpantur ⁴⁹.

(46) Plato Sophist. p. 237 A. Cf Ritter. Gesch. d. Phil. I, p. 464, n. 7.

(47) Plura de hoc ad ipsum fragmentum, quod Parmenidis versibus subjecimus, n. 2.

(48) Diogen. Laërt. Prooem. s. 16. Similiter veteres unum modo Parmenidis scriptum agnoscunt, appellantes τὸν Παρμενίδου λόγον, τὸ Παρμενίδου σύγγραμμα. Vid. Plato Parm. p. 128 A, C. Theophrastus apud Laërt. VIII, 55, dicit: ἐκεῖνον ἐν ἔπεσι τὸν περὶ φύσεως λόγον ἐξενεγκεῖν. Clemens Alex. Strom. V, p. 552 C: Παρμενίδης ἐν τῷ αὐτοῦ ποιήματι. Simplicius Phys. f. 31 A: διὰ τὴν σπάνιν τοῦ Παρμενιδείου συγγράμματος.

(49) Plato Parmen. princ. Sic vulgo dici solet διὰ ποιημάτων φιλοσοφεῖν, ἐν ποιήμασιν ἐκφέρειν τοὺς λόγους, caet. Diogen. Laërt. IX, 22. Plutarch.

§ 5.

Carmen hoc vulgo περὶ φύσεως inscribi solitum est, sicut appellat jam Theophrastus, titulo plerisque physicorum scriptis communi ⁵⁰; etsi dubitari potest, utrum ab ipso Parmenide, an a senioribus sit profectus. Si ipse Parmenides ita inscripsit, vocabulum φύσεως retinuit e prisco physicorum more, mutata significatione. Illi enim, mundi naturam et primordia considerantes, φύσιν appellarunt rerum ortum motumque et elementa unde gignantur; Parmenides vero, etsi res naturales non neglexit, praecipue tamen consideravit id quod summum putabat, ens, quod vacuum omni naturali concretione, nec ipsum aliunde exstitit, nec aliis caussa fuit ut existerent. Hanc ergo naturam si φύσιν appellavit, non propria usus est significatione, sed transtulit a rebus naturalibus ad aeternas: quo sensu postea quidem usurpatum esse constat ⁵¹; eodemque jam veteriores usurpasse affirmat Simplicius, addens, similiter Melissi librum περὶ φύσεως ἢ περὶ ὄντος fuisse inscriptum ⁵². Quidquid

de Pyth. orac. p. 402. Eodem sensu Ζήνωνος λόγοι, γράμματα, de una disputatione, apud Platon. Parm. p. 127 C, D, E.

(50) Theophrastus citatus n. 48; similiter Sextus Empir. adv. Math. VII, 111. Porphyrius Antr. nymph. C. 22, φυσικὸν appellat; Suidas et Eudocia p. 361, φυσιολογίαν, eadem significatione.

(51) Vid. Aristotelis Metaph. IV, 4. p. 677. Cas.

(52) Simplicius de Caelo III, f. 138 A. Idem significare videtur Aristoteles, quum non semel dicit, priscos philosophos ens atque universum idem existimasse, ut Metaph. III, 3: μόνοι γὰρ ὄντο περὶ τε ὅλης φύσεως σκοπεῖν καὶ περὶ τοῦ ὄντος. Phys. I, 8. p. 261 B: ζητοῦντες γὰρ οἱ κατὰ φιλοσοφίαν πρῶτοι τὴν ἀληθείαν καὶ τὴν φύσιν τῶν ὄντων. Quamquam non expresse dicat, eos utrumque uno vocabulo designasse.

sit, — non enim tanti haec quaestio est, — hoc titulo Parmenidis carmen a veteribus vulgo notatum esse patet.

Duplex autem est ejus argumentum, de veritate, et de opinionibus seu visis; unde veteres plerique in duas partes diviserunt, et proprio utramque nomine designarunt, alteram τὰ πρὸς ἀλήθειαν sive περὶ τοῦ νοητοῦ, alteram τὰ πρὸς δόξαν sive περὶ τοῦ αἰσθητοῦ appellantes ⁵³. Hinc nonnulli putarunt, Parmenidem duos edidisse libros diverso argumento, diversis titulis inscriptos ⁵⁴. Sed ista divisio, aliena a veterum more, a serioribus demum inducta est; Parmenides ipse ambo argumenta non paribus libris distinxit, sed colligavit unaque disputatione complexus est, ut etiam nunc ex ejus reliquiis apparet ⁵⁵.

Harum autem partium altera agit de ente et veritate; altera de rebus fluxis, de mundi principiis, natura et conditione, unde haec κοσμογονία appellatur a Plutarcho ⁵⁶. Plato memorat Parmenidem etiam de diis scripsisse, similiter ut Hesiodum ⁵⁷: quod non sic inter-

(53) Ut Proclus in Parm. T. V, p. 310 sq. καὶ αὐτὸς Παρμενίδης τὰ μὲν πρὸς ἀλήθειαν ἔγραψε, τὰ δὲ πρὸς δόξαν. Io. Philoponus Phys. I. lit. A, p. 9; lit. C, p. 11. ed. Trincav. Simplicius Phys. I. f. 7 B.

(54) Sic fere recentiores. Io. Camotius in Theophr. metaph. f. 44 B: Παρμενίδης γράψας δύο βιβλία, ἓν κατὰ τὴν κοινὴν δόξαν, ἕτερον δὲ κατὰ τὴν ἀλήθειαν. Similiter Bessarion adv. Calumn. Platon. II, 11. f. 31 B. Lescaloperius ad Cicer. Nat. Deor. I, p. 45.

(55) Animadvertit hoc jam Brandis. ad Parm. vs. 107. Commentitium plane et falsum est Procli judicium, Parmenidem Pythagoreos imitatum altera carminis parte quasi ἐσωτερικοὺς et μυστικοὺς, altera ἐξωτερικοὺς sive ὑπαιθριοὺς λόγους exposuisse; in Parm. T. V, p. 310. Hic nihil studiosius agit, quam ut Parmenidis rationes cum Pythagoricis confundat.

(56) Plutarchi. Amator. p. 756 F. Vol. IX, p. 32. Reisk.

(57) Plato Symp. p. 195 C: τὰ δὲ παλαιὰ πράγματα περὶ θεοῦς, ἃ

pretandum, quasi Parmenides quoque theogoniam condiderit; sed spectat ad eam carminis partem qua rerum naturam cecinit, in qua celebranda poëtarum commenta vulgique opiniones secutus, etiam Deorum nomina induxit et fabulas enarravit, quarum etiam nunc in ejus versibus vestigia quaedam restant. Hae fabulae quales fuerint notat Menander rhetor, qui scribit Parmenidem composuisse Ὕμνους Φυσιολογικοὺς ⁵⁸, h. e. tales narrationes in quibus Deorum personae et nomina finguntur factaque narrantur ad rerum principia, naturae vires, mundiue partes significandas accomodate; sicut solent poëtae e. g. Apollinem solem dicere, ejusque personam solis naturae et potestati accommodare, Iovem aethera, aërem Junonem, cet. Imprimis ergo Parmenides videtur in naturae rebus explicandis hanc rationem secutus esse, quae ista aetate maxime invalescere coeperat, ut fabulas deorum ad physicas rationes revocaret; cujus exemplum deinceps Empedocles studiose est imitatus ⁵⁹.

Ἡσίοδος καὶ Παρμενίδης λέγουσιν — ubi Astius parum considerate pro Παρμενίδης scribi volebat Ἐπιμενίδης. Idem scribit Macrobius Somn. Scip. I, c. 2 extr. » Pythagoras ipse atque Empedocles, Parmenides quoque » et Heraclitus de Diis fabulati sunt."

(58) Menander de Encom. I, c. V, p. 39, postquam hi hymni quales sint explicuit, addit: *χρῶνται δὲ τοιούτῳ τρόπῳ Παρμενίδης τε καὶ Ἐμπεδοκλῆς ἀκριβῶς· κέχρηται δὲ καὶ ὁ Πλάτων ἐν τῷ Φαίδρῳ. — Παρμενίδης μὲν οὖν καὶ Ἐμπεδοκλῆς ἐξηγοῦνται, Πλάτων δὲ ἐν βραχυτάτοις ἀνυμνεῖ. — καὶ οἱ ποιηταὶ, ὧν ἐπεμνήσθημεν, πραγματείας ὅλας κατέθεντο.* Ex hoc genere *πραγματείων* est Parmenidis exordium, a Sexto Empirico servatum.

(59) Tangendum hic obiter quod nonnulli e Diogene Laërtio effecerunt, Callimachum dixisse, Parmenidis carmen, quod fertur, non esse. Ille in vita Parmenidis IX, 42, haec scribit: *δοκεῖ πρῶτος πεφωρακέναι τὸν αὐτὸν εἶναι Ἑσπερον καὶ Φῶσφορον· Καλλίμαχος δὲ φησὶ μὴ εἶναι αὐτοῦ τὸ ποίημα.* Quae Stanley Hist. Philos. P. X, 1, p. 876, sic inter-

§ 6.

Parmenidis doctrina quam clara olim et celebrata apud philosophos fuerit, notum est. Empedocles, illius exemplo commotus, ejus scribendi genus, praesertim in physicis, aemulatus est. Zeno magistri rationes ab aliis impugnatas tueri et adversarios refutare studiose conatus est ⁶⁰. Amborum, Parmenidis et Zenonis, meminit Democritus, ut sua aetate maxime nobilium (ὥς κατ' αὐτὸν μάλιστα διαβεβοημένων), ut testatur Laërtius ⁶¹; quem in ceteris deridendis nec illis pepercisse probabile est. Eleaticorum placita cupide arripuerunt Sophistae, quippe qui in his egregiam sibi videbantur reperisse cavillandi materiem; eadem studiose sectati sunt Megarici, quorum parens Euclides

pretatur, quasi Callimachus dixerit, Parmenidem nullum carmen scripsisse. At si Diogenes istud voluisset significare, Callimachi iudicium memorasset certe eo loco, ubi de Parmenidis carmine loquitur, §. 22, dicens: καὶ αὐτὸς διὰ ποιημάτων φιλοσοφεῖ, καθάπερ Ἡσίοδος. Sed Callimachi sententia referenda ad inventum illud astronomicum, quod hic memoratur, de quo, ut dicit, inter doctos non conveniebat, utrum Pythagorae esset an Parmenidi tribuendum. Quid autem Callimachus voluerit, obscurum. Utrius illorum negat esse τὸ ποίημα? Pythagorae an Parmenidis? Credo, Parmenidis, quia de hoc agitur. Quid autem dicit ποίημα? Num significat poëma quoddam, alterutri horum attributum, quo inventum istud celebraretur? Non est probabile. Potius credo ποίημα mutandum in εὑρημα, aut certe hac significatione interpretandum, ut apud Jamblich. Vit. Pythag. s. 162: τοιαῦτα Πυθαγόρας πλάσματα καὶ ποιήματα εἰς ὠφελείαν καὶ ἐπανόρθωσιν τῶν συνδιαγόντων ἐπενοεῖτο. quod recte interpretes vertit *inventa figmenta*que.

(60) Plato Parm. p. 128 C.

(61) Diogenes Laërt. IX, 42.

Parmenidis dialectica cum morali Socratis disciplina conjungere instituit ⁶². Maxime vero illius philosophiam nobilitavit Plato ⁶³, celebri illo dialogo qui per tot secula doctorum studia exercuit et Parmenidis nomen ab oblivione vindicavit; quamquam eadem res occasionem dedit, ut Platonica cum Parmenideis confunderentur et hujus sententia ad illius rationem detorqueretur, quod maxime factum a Neo-Platonicis. Porro Platonem qui secuti sunt, Aristoteles et Xenocrates, tum Theophrastus et Eudemus Rhodius, Parmenidis placita diligenter explorarunt et disceptarunt. Xenocratis peculiare scriptum memoratur, *περὶ τῶν Παρμενίδου, α'* ⁶⁴. Aristotelem quoque libellum conscripsisse quo Parmenidis rationes redarguerit, nonnulli dixerunt; falso; nititur ista opinio Aristotelis loco in Physicis, ubi Melissi sententiam redarguens dicit, adversus Parmenidem eadem argumenta et praeterea alia quaedam propria valere: *καὶ πρὸς Παρμενίδην δὲ*, inquit, *ὁ αὐτὸς τρόπος τῶν λόγων, καὶ εἰ τινες ἄλλοι ἰδιοὶ εἰσιν*. Hinc videlicet effecerunt; quos Aristoteles hic commemorat *ιδίους λόγους*, peculiari libro esse ab eo explicitos, quem hoc loco spectet ⁶⁵; etsi nec Aristoteles nec ullus

(62) Diogenes Laërt. II, 106. Hinc quod Megarici et qui hos secuti sunt, Eretriaci, iidem atque Eleatici dicantur apud Ciceron. Acad. Qu. IV, 42.

(63) Platonem accepisse ab Hermogene *τῷ τὰ Παρμενίδου φιλοσοφοῦντι*, auctor est Diogenes L. III, 6; quam narrationem ut futilem et ab Hermogenis persona alienam jure refutavit Groen van Prinsterer, Platon. Prosopogr. p. 252.

(64) Diogenes Laërt. IV, 13.

(65) Io. Philoponus Phys. Lit. B. p. 9: *φασὶ δὲ καὶ γεγράφθαι αὐτῷ ἰδίᾳ βιβλίον πρὸς τὴν Παρμενίδου δόξαν, ὃ νῦν ἀνίσταται διὰ τοῦ*

veterum hunc librum agnoscit. Hac igitur aetate Parmenidis carmen notum et doctorum manibus versatum fuisse constat: saepius scriptores illi et dicta ejus tangunt et versus interdum tanquam notos commemorant. Inde per plura adhuc secula, dum florerent in Graecia philosophiae studia, doctorum memoria viguit. Cicero Parmenidis versuum meminit ⁶⁶; num ipse eos legerit, dubium est. Plutarchus autem ita commemorat ejus carmen, ut, nisi in manibus habuisset, vix potuisset de eo sic loqui ⁶⁷. Hunc qui aetate sequuntur, Sextus Empiricus, Galenus, Clemens Alexandrinus, Coelius Aurelianus, non solum memorant carmen, sed versus quoque ex eo satis multos et varios adferunt; Sexto Empirico praesertim debemus nobile prooemium, quo poëma exorsus est. Hi vero si non omnes integrum Parmenidis carmen habuerint ⁶⁸, apparet tamen illud eo tempore adhuc exstitisse et eruditorum memoria viguisse. Deinde autem magis magisque rarescere coepit; Platonici et Aristotelici plerique in exploranda illius doctrina non fontem sed rivulos consecrati, pleraque e Platone, Aristotele, Theophrasto hauriebant ⁶⁹. Neque tamen prorsus evanuit: Proclus,

ἐλπεῖν, καὶ εἴ τινας ἄλλοι ἔτεροι (l. ἰδιοί). Locus Aristotelis est in Phys. I, 3. p. 255 E.

(66) Cicero Acad. Qu. IV, 23.

(67) Plutarchus praesertim adv. Colot. p. 1114.

(68) Coelium Aurelianum ipsum Parmenidis carmen non habuisse in manibus, sed fragmentum tantum ejus vidisse, patet ex ipsius verbis. Vid. annot. ad vs. 150 sqq.

(69) Sic Porphyrius, auctor non admodum diligens, Parmenidis car-

qui quinto post Christum seculo fuit, in explicando Parmenide ipsius scriptum adhuc in manibus habuisse videtur, certe multis locis versus ex eo passim decerptos commemorat. Praecipue vero ab oblivione vindicavit Simplicius, qui quum ejus aetate veteriorum scripta jam essent rariora et paucis nota, plura ex iis excerpserit et posteritatis memoriae prodidit ⁷⁰; quae autem e Parmenide retulit, desumpta sunt praecipue ex ea carminis parte quae de veritate agit; ex altera, qua res naturales tractantur, non nisi pauca memoravit, et contenti esse debemus paucis reliquiis hic illic passim obviis. Duobus igitur his auctoribus, Sexto Empirico et Simplicio, praecipua debemus quae de Parmenide ad nostram notitiam pervenerunt.

Notavimus praecipuos auctores, a quibus Parmenidei carminis reliquias et fragmenta accepimus. In

men fando tantum cognovit, ut ipse indicat verbo *φασί*; Antr. Nymph. c. 22. cf. annot. ad Parm. vs. 11. Neque Simplicio ejus fides hac in re satis probata erat, quum Phys. I, f. 25 A illius dicta referens, sic scribat: *Πορφύριος δὲ... τὰ μὲν ἐκ τῶν Παρμενιδείων ἐπῶν, ὡς οἶμαι, τὰ δὲ ἐκ τῶν Ἀριστοτέλους καὶ ὧν ἂν τις πιθανῶς ἐκθέσθαι τὴν Παρμενίδου δόξαν βουλόμενος εἴποι, γράφει ταῦτα.*

Alexander Aphrodisius, quamvis studiosus in Eleaticis refellendis, magis tamen e Theophrasto quam ex ipso Parmenide videtur hausisse. Adversus hunc disputat Simplicius Phys. f. 17. — Johannes Grammaticus, in disserendo de Parmenide, ipse auctores laudat Aristotelem, Platonem et Theophrastum. Vid. Phys. (ed. Trincav.) I, lit B. f. IV averso.

(70) Simplicius Phys. f. 9 A, de Parmenide agens, *ταῦτα μὲν*, inquit, *διὰ τὴν πολλὴν ἄγνοιαν νῦν τῶν παλαιῶν συγγραμμάτων μηκύνειν ἀναγκάζομαι.* ibidem f. 31 A: *ἡδέως ἂν τὰ περὶ τοῦ ἐνὸς ὄντος ἐπη τοῦ Παρμενίδου τοῖςδε τοῖς ὑπομνήμασι παραγράψαιμι, διὰ τε τὴν πίστιν τῶν ὑπ' ἐμοῦ λεγομένων καὶ διὰ τὴν σπάνιν τοῦ Παρμενιδείου συγγράμματος.*

qua notatione apparet temporum quaedam series et successio, qua illa per doctorum manus deinceps tradita et ad seriora tempora sunt delata. Atque si ipsas reliquias consideremus, inueniemus, pleraque quae ab antiquissimis inde auctoribus usque ad seriores relata sunt, apte inter se cohaerere; quae Plato quamvis pauca prodidit, concinunt plane cum iis quae ampliora apud Simplicium leguntur: quocirca si illius auctoritas probanda est, etiam hujus ceterorumque fides in dubium vocari non facile potest. Porro apud hos eadem quaestiones, eadem argumenta proferuntur et tractantur quae jam apud Platonem, Aristotelem, Theophrastum, Eudemum, memorata et disceptata reperimus. Denique versuum compositio et forma talis est, qualem veteres describunt: versus minus eleganter conditi, ad docendum magis quam ad delectandum compositi; dictio tenuis, jejuna, interdum asperior; argumentandi et concludendi modus ejusmodi, qui dialectices infantiam referat. Quibus rationibus quum satis firmata videatur horum versuum auctoritas, non est dubitandum, quin jure habendi sint primarius fons, e quo Parmenidis ratio haurienda et explicanda sit.

ΠΑΡΜΕΝΙΔΟΥ

ΕΠΕΩΝ ΛΕΙΨΑΝΑ.

ΠΑΡΜΕΝΙΔΟΥ

ΕΠΗ.

ΠΕΡΙ ΦΤΥΣΕΩΣ.

- Ἴπποι, ταί με φέρουσιν, ὅσον τ' ἐπι θυμὸς ἱκάνοι
πέμπον, ἐπεὶ μ' ἐς ὁδὸν βῆσαν πολύφημον ἄγουσαι
Δαίμονος ἢ κατὰ πάντ' ἀδαῇ φέρει εἰδότα φῶτα·
τῇ φέρομην, τῇ γάρ με πολύφραστοι φέρον Ἴπποι
5. ἄρμα τιταίνουσαι. Κοῦραι δ' ὁδὸν ἡγεμόνευον,
Ἡλιάδες κοῦραι, προλιποῦσαι δώματα νυκτός,
εἰς Φάος, ὠσάμεναι κροτάφων ἄπο χερσὶ καλύπτρας.
ἄξων δ' ἐν χνοιῆς ἴει σύριγγος αὐτὴν
αἰθόμενος, — δοιοῖς γὰρ ἐπείγετο δινωτοῖσι
10. κύκλοις ἀμφοτέρωθεν — ὅτε σπερχοῖατο πέμπειν.
Ἐνθα πύλαι νυκτός τε καὶ ἡματός εἰσι κελεύθων,
καὶ σφας ὑπέρθυρον ἀμφὶς ἔχει καὶ λάϊνος οὐδός,
αὐταὶ δ' αἰθέριαι πλῆνται μεγάλοισι θυρέτροις·
τῶν δὲ Δίκη πολύποινος ἔχει κληΐδας ἀμοιβούς·
15. τὴν δὴ παρφάμεναι κοῦραι μαλακοῖσι λόγοισι
πεῖσαν ἐπιφραδέως, ὥς σφιν βαλανωτὸν ὀχῆα
ἀπτερέως ὥσειε πυλέων ἄπο· ταὶ δὲ θυρέτρων

Exordium, vss. 1-30 (Ἴπποι — ἀληθείης), citat Sextus Empiricus adv. Math. VI s. 111; quibus versibus continuo ordine subjungit vss. 52-57 (ἀλλὰ οὐ τῆςδ' — — — λείπεται), ceteris omissis, quos aliunde interposuimus.

PARMENIDIS CARMEN.

DE NATURA.

Equi, quibus vehor, quo animi impetus tenderet
me duxerunt, siquidem in celebrem me vexerunt viam
Daemonis quae per arcana omnia fert doctum virum.

Hac ferebar; namque hac me solertes portabant equi

5. currum agentes. Nymphae autem iter ducebant,

Heliades nymphae, noctis domum egressae,
in lucem, velaminibus de capite rejectis.

Axis autem in foraminibus ciebat fistulae stridorem
fervens, - binis enim agitabatur tornatis

10. rotis utrimque - quando vehere festinarent.

Illic est porta noctis et lucis viarum,

quam supra hyperthyrium, infra limen lapideum continet;

ipsa autem aetheria clauditur ingentibus valvis,

quarum ultrix Justitia tenet reciprocas claves.

15. Hanc igitur nymphae blandis verbis deprecatae,

scite ei persuaserunt, ut sibi balano munitum vectem

incunctanter disjiceret a foribus; statim porta valvis

χάσμ' ἀχανὲς ποίησαν ἀναπτάμεναι, πολυχάλκους
ἄξονας ἐν σύριγξιν ἀμοιβαδὸν εἰλίξασαι

20. γόμφοις καὶ περόνησιν ἀρηρότας· ἦ ῥα δι' αὐτῶν
ἰθὺς ἔχον κοῦραι κατ' ἀμαξιτὸν ἄρμα καὶ ἵππους.
καί με Θεὰ πρόφρων ὑπεδέξατο, χεῖρα δὲ χειρὶ
δεξιτερὴν ἔλεν, ὧδε δ' ἔπος φάτο καί με προσήδα·

᾿Ω κοῦρ', ἀθανάτοισι συνήορος ἡνιόχοισιν,

25. ἵπποισι ταί σε φέρουσιν ἱκάνων ἡμέτερον δῶ,
χαῖρ', ἐπεὶ οὔτι σε μοῖρα κακὴ προὔπεμπε νέεσθαι
τήνδ' ὁδὸν, — ἦ γὰρ ἀπ' ἀνθρώπων ἐκτὸς πάτου ἐστίν· —
ἀλλὰ θέμις τε δίκη τε. Χρεὼ δέ σε πάντα πυθέσθαι,
ἡμὲν ἀληθείης εὐπειθέος ἀτρεκέες ἦτορ,

30. ἡδὲ βρότων δόξας τῆς οὐκ ἐνί πίστις ἀληθῆς
ἀλλ' ἀπατή· καὶ ταῦτα μαθήσεαι ὥς τε ᾿δοκοῦντα
χρὴ δοκίμως ἰέναι διὰ παντὸς πάντα περῶντα.

Τὰ πρὸς ἀληθείαν.

Εἴ δ' ἄγ', ἐγὼν ἐρέω, κομίσαι δὲ σὺ μῦθον ἀκούσας,
αἵπερ ὁδοὶ μοῦναι διζήσιός εἰσι νοῆσαι·

35. ἡ μὲν, ὅπως ἐστι τε καὶ οὐκ ἐστι μὴ εἶναι,
πειθοῦς ἐστι κέλευθος, ἀληθείῃ γὰρ ὀπηδεῖ·
ἡ δ', ὥς οὐκ ἐστι τε καὶ ὥς χρεῶν ἐστι μὴ εἶναι, —

Vss. 28-32 (χρεὼ δέ σε — — περῶντα.) laudat Simplicius de Coelo f. 138 A ed. Ald. quae tamen editio nihil aliud est quam interpretatio e Latina Moërbekae versione Graece facta. Simplicii manum e codice Taurin. restituit Am. Peyron, l. l. p. 55.

Vss. 28-30 (χρεὼ δέ — — ἀληθῆς) Diogenes L. IX, 22; Vss. 29 et 30 Plutarchus

pansis immanem hiatum fecit, aeratos
 in fistulis cardines retrorsum convertens
 20. nexos clavis et fibulis; per eamque
 cito rexerunt nymphae lato tramite currum.
 Ac Dea me propitia accepit, dextraque dextram
 prehendit, et his locuta verbis me affata est:

O puer, divinis comitate aurigis,
 25. equis qui te vehunt ad nostram domum delate,
 macte! siquidem non mala te fors induxit ire
 hanc viam, — nam longe a trita mortalium semita distat, —
 sed religioque fidesque. Oportet autem omnia te nosse,
 et veritatis benesuadae mentem sinceram,
 30. et mortalium visa, in quibus non vera fides
 sed fallacia; et haec nosces quomodo existimantem te
 oporteat clare perdiscere omnia pervestigantem.

DE VERITATE.

Age vero, ego dicam, tu dicta teneto audiens, (sitae:
 quae solae sint quaerendi viae ad cognoscendum propo-
 35. altera, quod est neque potest non esse,
 Suadae via est; veritas enim comitatur;
 altera, quod non est et quod necesse est non esse, —

adv. Colot. p. 1114. Vol. X. p. 585 R. Clemens Alex. Strom. V, p. 576. Proclus
 in Plat. Timaeum, II, p. 105.

Vss. 33 40 (ἐν δ' ἄγ' — — φράσας) citat Proclus in Timaeum l. l. post vss. 29
 et 30, interjecto καὶ πάλιν, hos subjiciens.

Vss. 35-40 (ἡ μὲν ὅπως — — φράσας.) Simplicius Phys. I, f. 25 A.

τὴν δὴ τοι φράζω παναπειθέα ἔμμεν ἀταρπόν·
οὔτε γὰρ ἂν γνοίης τό γε μὴ ἔον, — οὐ γὰρ ἀνυστόν, —
40. οὔτε φράσαις.

τὸ γὰρ αὐτὸ νοεῖν ἐστί τε καὶ εἶναι.

* * *

ξυνὸν δέ μοι ἐστίν,
ὅπποθεν ἄρξωμαι, τόθι γὰρ πάλιν ἵξομαι αὖθις.

* * *

Χρὴ τὸ λέγειν τε νοεῖν τ' ἔον ἔμμεναι· ἐστί γὰρ εἶναι,
μηδὲν δ' οὐκ εἶναι· τά τέ σε φράζεσθαι ἄνωγα·
45. πρῶτον τῆςδ' ἀφ' ὁδοῦ διζήσιος εἵργε νόημα.
αὐτὰρ ἔπειτ' ἀπὸ τῆς ἣν δὴ βρότοι εἰδότες οὐδὲν
πλάζονται δίκρανοι· ἀμηχανίη γὰρ ἐν αὐτῶν
στήθεσιν ἰθύνει πλαγκτὸν νόον· οἱ δὲ φορεῦνται
κωφοὶ ὅμως τυφλοὶ τε τεθηπότες, ἄκριτα φῦλα,
50. οἷς τὸ πέλειν τε καὶ οὐκ εἶναι ταῦτόν νενόμισται
καὶ οὐ ταυτόν· πάντων δὲ παλίντροπὸς ἐστί κέλευθος.

* * *

Ἀλλὰ σὺ τῆςδ' ἀφ' ὁδοῦ διζήσιος εἵργε νόημα,

Vs. 40 (τὸ γὰρ αὐτὸ — εἶναι) separatim memorant Plotinus, Ennead. V, 1, 8, p. 489. Clemens Alex. Strom. VI, p. 627 B.

Vs. 41 sq. (ξυνὸν — — αὖθις) Proclus Comment. in Parm. T. IV, p. 120. Cousin.

Vss. 43-51. Initium (χρὴ τὸ λέγειν — μηδὲν δ' οὐκ εἶναι.) assert. Simplicius Phys. f. 19 A; eodem versus cum sqq. 43-51 (ἐστί γὰρ εἶναι — — κέλευθος) ibid. f. 25 A.

hanc vero tibi ajo plane falsam esse viam:
 nam non ens nec animo comprehendas, (fieri enim nequit)
 40. nec verbis eloquare.

idem est enim cogitare et esse.

* * *

aequale autem mihi est,
 unde incipiam; namque rursus illuc revētar.

* * *

Oportet, dicere ac cogitare esse ens: namque est ens,
 nihil vero non est; quod te animo tenere jubeo.
 45. Primum ab ista quaerendi via mentem abstrahe.
 Deinde vero ab illa, qua mortales utique ignari
 errant ambigui; haesitatio enim in eorum
 cordibus jactat fluctuantem mentem; illi autem feruntur
 surdique caecique, stupore obsessi, dementia secla,
 50. quibus esse et non esse idem aestimatur
 et diversum: omnium quae hi probant contraria est via.

* * *

Tu vero ab hac quaerendi via mentem detine;

Vs. 50 sq. (οἷς τὸ πέλειν — κ' οὐ ταῦτόν.) idem f. 17 A.

Vss. 52-57 init. ('Αλλὰ σὺ νῆςδ' — — λείπεται.) Sextus Empir. ut notavimus
 modo ad vs. 1. — vs. 52 citat Plato Soph. p. 237 A, 258 D. Simplicius Phys. f.
 17 A, 152 B. — vss 53-55 (μηδέ σ' ἔθος — — ἔλεγχον) Diogenes L. IX, 22.

- μηδέ σ' ἔθος πολύπειρον ὁδὸν κατὰ τήνδε βιάσθω,
 νωμᾶν ἄσκοπον ὄμμα καὶ ἡχέεσσαν ἀκουήν
55. καὶ γλῶσσαν· κρῖναι δὲ λόγῳ πολύδηνιν ἔλεγχον
 ἐξ ἐμέθεν ρηθέντα. Μόνος δ' ἔτι μῦθος ὁδοῖο
 λείπεται, ὡς ἔστι. ταύτῃ δ' ἐπὶ σήματ' ἔασι
 πολλὰ μάλ', ὡς ἀγέννητον ἔδν καὶ ἀνώλεθρόν ἐστιν,
 οὖλον μουνογενές τε, καὶ ἀτρεμές ἡδ' ἀτέλεστον·
60. οὐ ποτ' ἔην οὐδ' ἔσται, ἐπεὶ νῦν ἔστιν ὁμοῦ πᾶν,
 ἐν ξυνεχές. τίνα γὰρ γέννην διζήσεαι αὐτοῦ;
 πῇ πόθεν αὐξηθέν; οὔτ' ἐκ μὴ ἐόντος ἔάσω
 φάσθαι σ' οὐδὲ νοεῖν· οὐ γὰρ φατὸν οὐδὲ νοητόν
 ἐστιν ὅπως οὐκ ἔστι· τί δ' ἂν μιν καὶ χρέος ὦρσεν
65. ὕστερον ἢ πρόσθεν τοῦ μηδενὸς ἀρξάμενον Φῦναι;
 οὕτως ἢ πάμπαν πέλεμεν χρεῶν ἐστιν ἢ οὐκί.
 οὐδέ ποτ' ἐκ τοῦ ἐόντος ἐφήσει πίστιος ἰσχύς
 γίγνεσθαι τι παρ' αὐτό. τούνεκεν οὔτε γενέσθαι
 οὔτ' ὄλλυσθαι ἀνῆκε δίκη, χαλάσασα πέδησιν,
70. ἀλλ' ἔχει. ἡ δὲ κρίσις περὶ τούτων ἐν τῷδ' ἐστίν·
 ἐστιν ἢ οὐκ ἔστιν. κέκριται δ' οὖν, ὥσπερ ἀνάγκη,

Vss. 56-111 (*Μόνος δ' ἔτι μ. — — ἀπατηλὸν ἀκούων.*), omissis vss. 89-92, Simplicius Phys. f. 31 A, B.

Vss. 56-69. (*Μόνος δ' ἔτι μ. — — χαλ. πέδησιν*) Simplicius ibid. f. 17 A. Vss. 58-60 ibid. f. 7 A.

Vss. 58 et 59 Clemens Alex. Strom. V, p. 603 A; ex hoc Eusebius Praep. Eu. XIII, p. 680 C.

Vs. 59. Plutarchus adv. Colot. p. 1114 D. (Vol. X, p. 584 R.) et in Strom. apud Eusebium Praep. Eu. I, p. 23 C. Theodoretus Therap. Serm. IV, p. 57 Sylb. Philoponus Phys. Lit. B, p. 9 (Venet. 1535.) Simplicius de Coel. III, f. 138 A. Phys. f. 26 A. et initium versûs ibid. f. 19 A.

Vs. 60 tangit Ammonius Herm. περὶ Ἑρμηνείας, Lit. D f. 7 Ald. Philoponus, l. l. Proclus in Parm. T. IV, p. 62 Cous.

- neve vulgaris te consuetudo cogat in vagam hancce viam,
attendere caecos oculos et obtusas aures
55. vocemque; sed ratione judica argumentationem
a me propositam. Una igitur argumentationis via
restat, ens esse; in qua indicia insunt
permulta, ingenitum illud esse et immortale
totum unigenamque et immobile atque perenne;
60. non fuit olim neque erit, quoniam nunc est simul omne,
unum continuum. Quam enim materiem ejus invenies?
unde, qua ratione ortum? ex non ente nec dicere te
sinam nec cogitare: nam nec dici nec cogitari
potest non esse. Quae autem vis illud excitasset
65. ut post magis quam ante non ens exsisteret?
Ergo vel esse omnino vel non esse necesse est.
Nec umquam e non ente permittet fidei vis
fieri quidquam praeter ens ipsum. Quocirca nec natum esse
nec interire illud sinit justitia, remissis vinculis,
70. sed cohibet. Iudicium autem de his in hocce positum:
aut est aut non est. Jam vero decretum est, sicut necesse,

Vss. 61-65 (*τίνα γὰρ γέννην — αἰῶνα*) repetit Simplicius Phys. f. 34 B. Eosdem
usque ad 64 init. (*ἔστιν ὅπως οὐκ ἔστι*) idem de Coelo apud Peyron. p. 56 sq.

Vss. 58-69 Bessarion adv. Platonis Calumn. II, 11. f. 31 B. ita fecit latinos:
Ingenitum quando est, sit et immortale necesse,
unigenum, immotum, immensum, sine fine perenne,
quod nec erat nec erit, totum nunc esse fatendum est,
unum, continuum. Nam quem ejus dixeris ortum?
Aut quo tandem? aut unde? nec ex non ente putandum est;
Nec dici ore potest, nostra nec mente revolvi,
Quod nihil est. Nam quid post ipsum fecit oriri
Aut prius? Entis enim non sunt primordia primi.

τὴν μὲν ἔαν ἀνόητον, ἀνώνυμον, — οὐ γὰρ ἀληθὴς
 ἐστὶν ὁδός — τὴν δ' ὥστε πέλειν καὶ ἐτήτυμον εἶναι.
 πῶς δ' ἂν ἔπειτα πέλοι τὸ ἐόν; πῶς δ' ἂν κε γένοιτο;
 75. εἰ γε γένοιτ', οὐκ ἔστ', οὐδ' εἰ ποτε μέλλει ἔσεσθαι·
 ταῖς γένεσις μὲν ἀπέσβεσται καὶ ἄπιστος ὄλεθρος.

Οὐδὲ διαίρετόν ἐστιν, ἐπεὶ πᾶν ἐστὶν ὅμοιον,
 οὐδέ τι τῇ μᾶλλον τό κεν εἴργοι μιν ξυνέχεσθαι,
 οὐδέ τι χειρότερον· πᾶν δὲ πλεόν ἐστιν ἐόντος·
 80. τῷ ξυνεχὲς πᾶν ἐστίν, ἐὼν γὰρ ἐόντι πελάζει.
 Αὐτὰρ ἀκίνητον μεγάλων ἐν πείρασι δεσμῶν
 ἐστίν, ἀναρχον, ἀπαυστον, ἐπεὶ γένεσις καὶ ὄλεθρος
 τῇλε μάλ' ἐπλάγχθησαν, ἄπωσε δὲ πίστις ἀληθής·
 τούτων δ' ἐν τούτῳ τε μένον καθ' ἑωυτὸ τε κεῖται·
 85. οὕτως ἔμπεδον αὖθι μένει· κρατερὴ γὰρ ἀνάγκη
 πείρατος ἐν δεσμοῖσιν ἔχει τέ μιν ἀμφὶς ἔέργει.
 οὔνεκεν οὐκ ἀτελεύτητον τὸ ἐὼν θέμις εἶναι·
 ἐστὶ γὰρ οὐκ ἐπιδευές, μὴ ἐὼν δέ κε παντὸς ἐδεῖτο.

Vs. 76 (τῶς γένεσις κ. τ. λ.) Simplicius de Coelo apud Peyron. p. 56; f. 138 A. Ald.
 Vs. 77. idem Phys. f. 19 A; ibidemque vs. 81.

Vs. 80 ultima verba, ἐὼν γὰρ ἐ. π. memorant Plotinus Enn. VI. L. IV, c. 4.
 p. 648 A. Proclus in Parm. T. IV, p. 62, et 120. Philoponus Phys. Lit. B, p. 9.

Vss. 81-88. (Αὐτὰρ ἀκίνητον — — παντὸς ἐδεῖτο.), intermisso vs. 84, Simplicius

Numquam ergo aut semper, de quo nunc dicimus, ens est;

Ex nihiloque nihil fieri sententia perstat:

Ergo ortus nullus nec erit post secula finis.

alterum mittere, incomprehensibile, ineffabile, — non enim vera est ista via — alterum vero constare et verum esse.

Quî igitur postea foret ens? vel quî antea exstisset?

75. si exstiterit, non est, neque si quando futurum sit:
sic et ortus extinctus est et infidus interitus.

Neque dividuum est, siquidem omne sui simile est, nec alia parte valentius, quod prohibeat ipsum cohaerere, alia parte debilius; sed omne plenum est entis:

80. ideo continuum est omne; nam ens enti cohaeret. (minis,

Est vero immotum magnis constrictum vinclo-
rum ter-
principiique finisque expers, quoniam ortus et interitus
procul admodum refugerunt, quos repulit veritatis fides.
Ast idem eodem in statu ipsum per se consistit;

85. sic firmiter constitutum manet: dura enim necessitas
fatalibus vinculis cohibet circumque coërcet.

Quocirca finitum esse ens non licet:

non enim est sui indigens; non ens contra omnibus eget.

Phys. f. 9 A. Vss. 81-83 (*Αὐτὰρ ἀν. — ἐπ' ἀλλ' ἄλλου*) ibid. f. 17 B; sequentes
84-88 (*τὸν — ἐδεῖτο*) f. 7 A.

Vs. 84 (*τὸν — μένον*) tangit Proclus in Parm. T. IV, p. 32.

Vss. 81-88 Bessarion l. l. f. 32 A, 31 B, sic vertit:

Immotum validis injecta in finibus arcent
Vincula, principiique expers finisque futuri;
Hinc etenim longe finisque ortusque recedunt:
Vera fides haec est, nec hoc qui credit aberrat.

* * *

Λεῦσσε δ' ὅμως ἀπέοντα νόῳ παρέοντα βεβαίως
 90. οὐ γὰρ ἀποτμήξει τὸ ἔον τοῦ ἑόντος ἔχεσθαι,
 οὔτε σκιδνάμενον πάντη πάντως κατὰ κόσμον
 οὔτε συνιστάμενον.

* * *

Ταῦτόν δ' ἐστὶ νοεῖν τε καὶ οὔνεκεν ἐστὶ νόημα·
 οὐ γὰρ ἄνευ τοῦ ἑόντος, ἐν ᾧ πεφασισμένον ἐστίν,
 95. εὐρήσεις τὸ νοεῖν· οὐδὲν γὰρ ἐστὶν ἢ ἔσται
 ἄλλο πάρεξ τοῦ ἑόντος· ἐπεὶ τό γε μοῖρ' ἐπέδησεν
 οἷον ἀκίνητον τελέθειν τῷ παντὶ ὄνομ' εἶναι,
 ὅσσα βροτοὶ κατέθεντο, πεποιθότες εἶναι ἀληθῆ,
 γίγνεσθαί τε καὶ ὄλλυσθαι, εἶναί τε καὶ οὐκί,
 100. καὶ τόπον ἀλλάσσειν, διὰ τε χρόα φανὸν ἀμείβειν.
 Αὐτὰρ ἐπὶ πείρας πύματον τετελεσμένον ἐστὶ,
 παντόθεν εὐκύκλου σφαίρης ἐναλίγκιον ὄγκῳ,
 μεσσόθεν ἰσοπαλὲς πάντη· τὸ γὰρ οὔτε τι μεῖζον
 οὔτε τι βαιότερον πέλεναι χρεών ἐστὶ τῇ ἢ τῇ·

Vss. 89-92 (Λεῦσσε — — συνιστάμενον.) Clemens Alex. Strom. V, p. 552 D.
 Vs. 89 Theodoretus Therapeut. Serm. I, p. 13 Sylb.

Est et idem per seque manens ens semper eodem,
 Immotum fixumque simul; vis magna necessi
 Implicat hoc circum, summo quoque fine coërcet.
 Quodsi sine vacet, nequaquam dicimus esse:
 Si quid namque deest, opus est ens omne deesse.

* * *

Etiam absentia animo ut praesentia firme contemplare;
90. nihil enim ens ab ente, quominus cohaereat, divellet,
neque ut figurâ dissipetur omnino prorsus,
neque ut concilietur efficiet.

* * *

Idem autem est cogitare et id cuius caussa est cogitatio:
non enim seorsum ab ente, in quo repositum est,
95. cogitare reperies; neque est vel erit quidquam
aliud praeterquam ens: quoniam hoc fatum constituit,
unum immotumque universo contingere nomen esse,
quaecumque mortales opinati sunt, vera putantes,
et nasci et interire, et esse et non esse,
100. et locum mutare, et laetam speciem convertere.

Atqui ad extremum finem perfectum est,
undique rotundae sphaerae simile globo,
undique a medio aequale: nam neque majus
neque minus hac illave ex parte esse potest:

Vs. 93 sqq. Simplicius primario loco, quem indicavimus vs. 56.

Vss. 93-97 (τὸν τὸν — — ὅνομα' εἶναι.) idem abrupte memorat Phys. f. 19 A,
vss. 93-95 (τὸν τὸν — — εὐρήσ. τὸ νοεῖν.) ibid f. 31 A. Vs. 97 (οἶον κτλ.) Plato
Theact. p. 180 D; ex hoc Simplicius l. l. f. 7 A.

Vss. 102-104 (παντόθεν — — τῇ ἢ τῇ.) Plato Soph. p. 244 E; e Platone Proclus
Theol. Platon. III, 20. p. 155; Simplicius Phys. I, f. 12 A, 19 B; Boëthius Consolat.
philos. L. III. Eosdem citat Aristoteles de X. Z. G. cap. 2. Stobaeus Eccl. I, 15. p. 352.

105. οὐτε γὰρ οὐκ ἓόν ἐστι τό κεν παύῃ μιν ἱκεῖσθαι
 εἰς ὁμὸν, οὔτ' ἓόν ἐστιν ὅπως εἴη κενεὸν ἑόντος
 τῇ μᾶλλον, τῇ δ' ἥσσον, ἐπεὶ πᾶν ἐστιν ἄσυλον.
 ἥ γὰρ παντόθεν ἴσον ὁμῶς ἐν πείρασι κῦρεϊ.

Ἐν τῷ σοι παύω πιστὸν λόγον ἡδὲ νόημα.
 110. ἀμφὶς ἀληθείης· δόξας δ' ἀπὸ τοῦδε βροτείας
 μάθανε, κόσμον ἐμῶν ἐπέων ἀπατηλὸν ἀκούων.

Τὰ πρὸς δόξαν.

Μορφὰς γὰρ κατέθεντο δύο γνώμης ὀνομάζειν
 τῶν μίαν οὐ χρεῶν ἐστιν, ἐν ᾧ πεπλανημένοι εἰσὶν
 ἀντία δ' ἐκρίναντο δέμας, καὶ σήματ' ἔθεντο
 115. χωρὶς ἀπ' ἀλλήλων· τῇ μὲν Φλογὸς αἰθέριον πῦρ,
 ἥπιον ἑὸν, μέγ' ἀραιὸν, ἐωυτῷ πάντοσε τωυτόν,
 τῷ δ' ἐτέρῳ μὴ τωυτόν· ἀτὰρ κακείνο κατ' αὐτὸ,
 ἀντία νύκτ' ἀδαῇ, πυκινὸν δέμας ἐμβριθές τε.

Vss. 102, 103 pr. (παντόθεν — ἰσοπαλές) Aristoteles I. I. cap. 4; Proclus in Tim. p. 160 Bas. Simplicius Phys. f. 27 B.

Vss. 103, 104 (οὐτε τι μεῖζον — — χρεῶν ἐστι.) Proclus in Parmen. T. IV, p. 62. Dictum μεσσόθεν ἰσοπαλές saepius laudatur; ut ab Aristotele Phys. III, 6; Proclo in Parm. T. IV, p. 120.

Vss. 109-120 (Ἐν τῷ σοι παύω — — παρελάσση) Simplicius Phys. f. 9 A; vss. 109-118 (ἐν τῷ σοι π. — — ἐμβριθές τε) ibid. f. 7 B.

Vss. 109-118 Bessarion I. I. f. 32 A sic vertit, parum accurate:

Hactenus et veri mentem intemerataque verba;

Nunc res mortales, carmen quoque sumite fallax.

105. neque enim non ens est, quod prohibeat ipsum constipari
 in unum, neque ens ullo modo ente vacuum esse potest
 hic magis illic minus, quia totum est intemeratum.
 Nam aequabile undique simul in terminis haeret.

Hic tibi jam finio fida dicta et cogitata
 110. de veritate; visa deinceps mortalia
 cognosce, ordinem versuum meorum fallacem audiens.

DE VISIS.

Formas enim mentibus statuerunt duas designare,
 (quarum unam ponere non licet, in eoque falluntur;)
 easque bifariam distinxerunt materie, notasque addiderunt
 115. sibi oppositas: hinc aethereae flammae ignem,
 levem, pertenuem, sui omnino similem,
 contrario dissimilem; verum hoc quoque sibi consentiens,
 alteri oppositum, noctem obscuram, materiem densam ac
 gravem.

Vss. 109-111 (*Ἐν τῷ σοι π. — ἀκούων.*) idem de Coelo, III f. 138 A, Ald.
 apud Peyronum, p. 55. — Vss. 112-118 (*Μορφὰς — — ἐμβροθεὶς τε*) idem Phys.
 f. 38 sq.

Principio duplicem statuerunt dicere formam;
 Altera sed minus est tali cognomine digna,
 Quod simulans verum fallit mortalia corda.
 Has contra adverso statuerunt ordine metas:
 Hic flammam aetheriam statuunt raramque levemque;
 Ipsa sui similis semperque sibi undique constat;

Τῶν σοι ἐγὼ διάκοσμον ἑοικότα πάντα Φατίσω,
120. ὥς οὐ μή ποτέ τις σε βροτῶν γνώμη παρελάσση.

* * *

Αὐτὰρ ἐπειδὴ πάντα Φάος καὶ νύξ ὀνομάσται
καὶ τὰ κατὰ σφετέρας δυνάμεις ἐπὶ τοῖσί τε καὶ τοῖς,
πᾶν πλεον ἔστιν ὁμοῦ Φάεος καὶ νυκτὸς ἀφάντου,
ἴσων ἀμφοτέρων, ἐπεὶ οὐδετέρῳ μέτα μηδέν.

* * *

125. Αἱ γὰρ στεινότεραι ποίηντο πυρὸς ἀκρίτοιο,
αἱ δ' ἐπὶ ταῖς νυκτός, μετὰ δὲ Φλογὸς ἴεται αἶσα·
ἐν δὲ μέσῳ τούτων Δαίμων ἢ πάντα κυβερνᾷ·
πάντα γ' ἄρα στυγεροῖο τόκου καὶ μίξιος ἀρχῇ
πέμπουσ', ἄρσενι θῆλυ μίγεν τό τ' ἐναντίον αὖθις
130. ἄρσεν θηλυτέρῳ.

* * *

πρώτιστον μὲν Ἑρωτα θεῶν μητίσατο πάντων.

* * *

Vss. 121-124 (*Αὐτὰρ ἐπειδὴ — — μέτα μηδέν.*) Simplicius Phys. f. 39 A.

Vss. 125-127 (*Αἱ γὰρ στεινότε. — — κυβερνᾷ.*) id. f. 9 A. — Vss. 126-130 (*αἱ δ' ἐπὶ ταῖς — — θηλυτέρῳ*) id. f. 7 B.

Illic obscuram adversantemque undique noctem,
Incomptam, humentem, gelidam, densamque gravemque.

Quorum ego tibi dispositionem, qualis videatur, omnem
120. ut ne ulla te mortalium doctrina fugiat. (exponam,

* * *

Quum autem omnia nominata sint lux et nox
et quae secundum suam potestatem huc illucve pertinent,
universum completum est luce nocteque obscura; (inest.
quorum utrumque est aequale, quoniam neutri inane

* * *

125. Angustiores enim orbes conflati sunt luce crassiore;
hos qui sequuntur, nocte, quam inter volitat ignis flamma;
in medio autem horum est Dea quae cuncta gubernat.
Cuncta enim dirae generationis coitûsque appetitu
incitante, et femina mari et contrario rursus
130. mas feminae conjugata sunt.

* * *

primum quidem omnium deorum formavit Amorem.

* * *

Vs. 130 (*πρώτιστον κτλ.*) citant Plato Sympos. p. 178 B; Aristoteles Metaph. I, 4. p. 646 E; Plutarch. Amator. p. 756 F (IX, p. 32 Reisk.); Sextus Emp. adv. Math. IX, 9; Stobaeus Eccl. Phys. I, 10. p. 274; Simplicius Phys. f. 9 A.

Εἶση δ' αἰθερίαν τε Φύσιν τά τ' ἐν αἰθέρι πάντα
 σήματα, καὶ καθαρᾶς εὐαγέος ἡελίοιο
 λαμπάδος ἔργ' αἰδήλα, καὶ ὀππόθεν ἐξεγένοντο,

135. ἔργα τε κύκλωπος πεύση περίφοιτα σελήνης
 καὶ Φύσιν· εἰδήσεις δὲ καὶ οὐρανὸν ἀμφὶς ἔχοντα,
 ἔνθεν ἔφυ τε καὶ ὥς μιν ἄγουσ' ἐπέδησεν ἀνάγκη
 πείρατ' ἔχειν ἄστρον.

* * *

πῶς γαῖα καὶ ἥλιος ἡδὲ σελήνη

140. αἰθήρ τε ξυνὸς γάλα τ' οὐράνιον καὶ Ὀλύμπος
 ἔσχατος ἡδ' ἄστρον θερμὸν μένος ὠρμήθησαν
 γίγνεσθαι.

* * *

νυκτιφάες περὶ γαῖαν ἀλώμενον ἀλλότριον Φαῖς.

* * *

αἰεὶ παπταίνουσα πρὸς αὐγὰς ἡελίοιο.

* * *

Vss. 132-138 (εἶση δ' αἰθερίην — — ἄστρον.) Clemens Alex. Strom. V extr. p. 614 A.
 Vss. 139-142 (πῶς γαῖα — — γίγνεσθαι.) Simplicius de Coelo, III, f. 138 B.
 Ald. apud Peyron. p. 55 sqq.

Nosces autem et aetheriam naturam et quaecumque
sunt in aethere signa, et splendidi clara solis
face labores occultos, et unde haec exstiterint;

135. gestaque rotundae disces circumvaga lunae
naturamque; nosces quoque coelum omnia cingens,
et unde exstiterit et quomodo regens ipsum necessitas
ut astrorum terminos teneat. (adligarit

* * *

ut terra utque sol et luna

140. communisque aether lacteusque orbis et olympus
summus et astrorum fervida vis coeperint
existere.

* * *

Noctilucum terram circumvagans lumen alienum.

* * *

semper solis radios adversa intuens.

* * *

Vs. 143 (*νυκτιφαῖς*) Plutarchus adv. Colot. p. 1116 A. (Vol. X, p. 590. Reisk.)

Vs. 144 (*ἀλεῖ παπτ.*) Plutarchus Qu. Rom. p. 282 B; de Facie. lun. p. 929 A.
(Vol. VII, p. 138; Vol. IX, p. 671 R.)

145. Ὡς γὰρ ἐκάστω ἔχει κῤῥασις μελέων πολυπλάγκτων,
 τὼς νόος ἀνθρώποισι παρέστηκεν· τὸ γὰρ αὐτό
 ἐστὶν ὅπερ Φρονέει μελέων φύσις ἀνθρώποισι
 καὶ πᾶσιν καὶ παντί· τὸ γὰρ πλεόν ἐστὶ νόημα.

* * *

δεξιτεροῖσιν μὲν κούρους, λαιοῖσι δὲ κούρας.

* * *

* * *

Οὕτω τοι κατὰ δόξαν ἔφυ τάδε, νῦν τε ἔασι,
 καὶ μετέπειτ' ἀπὸ τοῦδε τελευτήσουσι τραφέντα·
 τοῖς δ' ὄνομ' ἀνθρωποι κατέθεντ' ἐπίσημον ἐκάστω.

Vss. 145-148 (Ὡς γὰρ ἐκάστω — — νόημα.) Aristoteles Metaph. III, 5. p. 671 C.
 Theophrastus, fragm. de sensu, princ.

Vs. 149 (δεξιτεροῖσιν κτλ.) Galenus in Hippocrat. Epidem. VI, 48. Comment. II.
 (T. IX., p. 430. Charter.)

145. Nam uti cuique comparata est caducorum temperies
membrorum, sic cuique intellectus inest: hoc enim ipsum
est quod sapit, corporis natura, mortalibus
et omnibus et singulis; quod enim valentius, intelligen-
tia est.

* * *

dextris quidem partibus pueros, laevis autem puellas.

* * *

150. *Femina virque simul Veneris cum germina miscent
Venis, informans diverso ex sanguine virtus,
Temperiem servans, bene condita corpora fingit;
At si virtutes, permixto semine, pugnent
Nec faciant unam, permixto in corpore dirae*
155. *Nascentem gemino vexabunt semine sexum.*

* * *

Sic quidem ex opinione haec exstiterunt, et nunc sunt,
et postea dehinc matura facta interibunt;
his autem homines nomen cuique certum imposuerunt.

Vss. 150-155 (*Femina — — sexum.*) Latine redditos servavit Coelius Aurelianus, de morb. chron. IV, 9. p. 545. Wetsten.

Vss. 156-158 (οὕτω τοι κατὰ δ. — — ἐπίσημον.) Simplicius de Coelo III, f. 138 B; apud Peyron. p. 55 sq.



ῥήματα Παρμενίδη ἀνατεθέντα.

1. Plato Soph. p. 237 A: Παρμενίδης δ' ὁ μέγας . . . ἀρχόμενός τε καὶ διὰ τέλους τοῦτο ἀπεμαρτύρατο, πεζῇ τε ὧδε ἐκάστοτε λέγων καὶ μετὰ μέτρων·

» Οὐ γὰρ μήποτε τοῦτ' οὐδαμῇ (φησιν) εἶναι μὴ ὄντα,

» ἀλλὰ σὺ τῆςδ' ἀφ' ὁδοῦ διζήσιος εἶργε νόημα.”

Idem dictum memorat Plato ibid. p. 258 D; Aristoteles Metaph. XIII, 2. p. 761 B. (p. 294 Br.); e Platone Simplicius Phys. f. 29 B, 31 A, 53 B.

2. Simplicius Phys. I, f. 7 B: Καταλογάδην μεταξὺ τῶν ἐπῶν ἐμφέρεται τι ῥησείδιον, ὡς αὐτοῦ Παρμενίδου, ἔχον οὕτως·

» Ἐπὶ τῷδε ἐστὶ τὸ ἀραιὸν, καὶ τὸ θερμὸν, καὶ τὸ φάος, καὶ τὸ

» μαλθακὸν, καὶ τὸ κοῦφον· ἐπὶ δὲ τῷ πυκνῷ ὠνομάσται τὸ

» ψυχρὸν, καὶ τὸ ζόφος, καὶ τὸ σκληρὸν, καὶ τὸ βαρὺ· ταῦτα γὰρ

» ἀπεκρίθη ἑκατέρως ἑκάτερα.”

3. Suidas: Ὡς . . . λίαν. Παρμενίδης· »θαυμασίως ὡς δυσανάπειστον.”
-

4. Idem: » Μακάρων νῆσοι”, ἡ ἀκρόπολις τῶν ἐν Βοιωτίᾳ Θηβαίων τὸ παλαιὸν, ὡς Παρμενίδης.

Similiter Photius Lex. V. » Μακάρων νῆσος,” κτλ.

COMMENTARIUS.

COMMENTARIUS

IN

PARMENIDIS CARMEN

DE NATURA.

Vs. 1. sqq. Splendida allegoria carmen orditur. Fingit philosophus se sublime elatum ad Sapientiae adytum tendere, ibique e sancto Deae ore praecepta et rationes de veritate et rerum natura accipere, quae deinde illius quasi voce in carmine exponit. Allegoria ducta ab itineris similitudine; addita equorum et currus imago, petita ex antiquorum exemplo, qui Deos ipsumque Jovem equis vehi fingunt, sicut Homerus illustri loco Iliad. θ, 41-46, deinde frequenter tam a poëtis quam philosophis usurpata ad ingenii mentisque impetum et veluti cursum designandum. Cf. Pindarus Ol. VI, vs 22 (37) sqq.

— ἀλλὰ ζεῦξον ἤδη μοι σθένος ἡμιόνων
ᾗ τάχος, ὄφρα κελεύθῳ τ' ἐν καθαρᾷ
βάσομεν ὄκχον —

ubi Boeckh. Parmenidis locum exemplo fuisse nobili Platonis allegoriae in Phaedro p. 246, animadvertunt veteres. Hermias in Phaedr. p. 125: οὐ πρῶτος δὲ ὁ Πλάτων ἡνίοχον καὶ ἵππους παρέλαβεν, ἀλλὰ πρὸ αὐτοῦ οἱ ἔνθεοι τῶν ποιητῶν, Ὅμηρος, Ὀρφεύς, Παρμενίδης. Cf. Ast. ad Phaedr. p. 290 sq. Empedoclis εὐσεβείης εὐήνιον ἄρμα (vs. 343), quod Fuellebornius comparat, his non admodum conveniens est. Simili methaphora utitur Archytas apud Jamblichum, sapientem laudans, quod ei contingat di-

vina perspicere, atque ταύταν ἄρματήλατον ὁδὸν ἐκπορισάμενος τῷ νόῳ κατ' εὐθεΐαν ὁρμαθῆναι καὶ τελοδρομῆσαι κτλ. Vid Gale Opusc. mythol. p. 734.

Dolendum vero praeclarum hoc exordium pluribus partibus corruptum et mutilatum esse: quod eo fortasse factum quod Sextus, cum proposuisset sibi Parmenidis mentem et sententiam declarare, ea, quae ad descriptionis ornatum pertinerent, minus curaverit.

Vs. 1. Ἴπποι ταί με κτλ.) Initium abruptum, et, ut mihi videtur, capite truncatum. Ἴπποι ταί με φέρουσι, similiter vs. 25; idem valet quod ἄρμα καὶ Ἴπποι vs. 21, simplicius Ἴπποι ἐμαί. Hervetus, vertens *me portant quoque equi*, pro ταί suo arbitrio, ut interdum facit, legit καὶ. — Sequentia sic ordinanda: πέμπον με ἐφ' ὅσον θυμὸς ἰκάνοι. dubium quidem, utrum ἐπὶ cum ὅσον τε an cum ἰκάνοι jungi praestet; illa tamen constructio aptior videtur. Similis ambiguitas est in aliis locis, ut Iliad. γ, 12:

τόσσον τίς τ' ἐπιλεύσσει, ὅσον τ' ἐπὶ λαῶν ἴησιν.

Hymn. in Apoll. 45:

τόσσον ἐπ' ὠδίνουσα Ἐκήβολον ἴκετο Λητώ.

ubi scribendum censeo ὅσον τ' ἐπὶ, τόσσον ἐπὶ; simplex ὅσον τε significat *circiter*. vid. Iliad. λ, 25; Herodoteum Lexic. in V. Particulam τε, quae post ὅσος, ὅς et similia in antiquo sermone jungitur, neque adeo, ut quondam opinabatur Heinrichius, hic in γε mutanda est, bene explicat Franke ad Homeri Hymn. I, vs. 139. — θυμὸς ἰκάνοι, hoc valde offendit Heinrichium, qui censet, ut recte dicatur, exempli gratia, ἴμερος θυμὸν ἰκάνει, ita simpliciter θυμὸς ἰκάνει dici non posse, idque pariter et a recta loquendi ratione et a Graecae dictionis usu esse alienum. Ergo pro ἰκάνοι reponi suadet ἀνώγοι, quod per compendium scriptum ανοι, facile librariorum inscitia in ἰκάνοι potuerit mutari. Commendat hanc conjecturam multis Homeri exemplis, cujus dictionem quam frequenter seriores epici, et ipse Parmenides imitatus sit, notum est. Vid. Iliad. ζ, 439:

τ, 102 al. Quamvis vero ingeniosa sit haec viri eruditissimi conjectura et docte exposita, tamen a vulgata lectione discedendum mihi non videtur. Si enim Graece dicitur, ut ipse concedit, ἡμερος ἰκάνει θυμὸν, quidni eadem ratione dicatur, θυμὸς vel ἐπιθυμία ἰκάνει με. Hoc autem pronomen facile ex antecedentibus hic intelligi potest, si verba sic explanentur: ἔπεμπον με ἐπὶ τόσον, ἐφ' ὅσον πέμπεσθαι (Φέρεσθαι) θυμὸς με ἰκάνοι. Sed, etiam nullo intellecto pronomine, θυμὸς ἰκάνει significare potest *animus tendit, pertendit*, similiter ut vulgo θυμὸς ὁρμᾶται, *animus fertur*; quod hic optime congruit.

Sextus Empiricus ἵππους intelligit τὰς ἀλόγους τῆς ψυχῆς ὁρμάς τε καὶ ὁρέξεις. quam interpretationem sive arreperit e comparatione Platonici illius loci in Phaedro, sive duxerit e significatione vocabuli θυμὸς, quod apud doctos τὴν ἄλογον animi partem notat, ab hoc loco certe aliena est. Parmenides contra equos suos mox vocat πολυφράστους.

Vs. 2. ἐπεὶ μ' ἐς ὁδὸν) Indicant haec, quo tenderet, quo ferretur ipsius animus. Itaque ἐπεὶ vertendum *quum, siquidem*. Fatendum tamen cum Brandisio, duriores hoc loco esse hanc particulam, et parum apte copulari sententiam. Non mirarer si post πέμπον quaedam intercidissent, ac deinde haec sententiae pars cum sequentibus male esset conglutinata. Auget hanc suspicionem, quod mox vs. 4 eadem fere verba repetuntur; cujusmodi repetitio post aliquot versuum intervallum optime conveniret; nunc autem nescio quomodo frigida videtur. Si vero nulla sit lacuna, vide num fortasse sic legendum sit:

ἵπποι, ταί με φέρουσιν, ὅσον τ' ἐπὶ θυμὸς ἰκάνη
πέμπουσ', ἐπεὶ μ' ἐς ὁδὸν βῆσαν ,
τῇ Φερόμην κτλ.

» Equi, qui me vehunt et quo animus tendat deducunt, postquam me in Sapientiae viam detulerunt, eâ pergebam etc.” ut postrema faciant apodosin, antecedentia protasin. Sed in huiusmodi locis lubrica est conjectura. — βῆσαν, activa potestate; vid. Iliad, α, 438. Pindar. Olymp. VI, 24. Vitiose nonnulli

libri ζῆσαν, Stephanus in Poësi phil. γ' ἦσαν. — ὁδὸν πολύφημον magnifice dicit viam ad sapientiam.

Vs. 3. Δαίμονος) Qualis Daemon significetur, palam est; intelligitur Dea cognitionis et sapientiae; quo autem proprio nomine a Parmenide notata sit, non patet. Fuellebornio non improbabile videtur, τὴν φύσιν significari, Daemonem universae naturae auctorem, omniaque vi sua et mente conplectentem, quae celebratur in Orphicis. At haec notio potius convenit illi Deae, quam infra in describenda natura praedicat totius mundi gubernatricem vs. 127, quae cum hac confundenda non est. Probabile est, Parmenidem hanc Daemonem, quam pro suo arbitrio finxit, nullo proprio nomine designasse, sed universe Δαίμονος vel Θεᾶς appellatione significasse. Ipsi quoque veteres, qui hos versus retulerunt, nomen ejus silent, vim tantum significant. Sextus Empiricus interpretatur τὸν φιλόσοφον λόγον sive φιλοσοφίαν. Proclus in Parm. T. IV, p. 34, Cousin. de Parmenidis ente loquens, dicit: ἐκεῖνο δὲ πρεσβυτικῆς εἶναι διανοίας καθορᾶν καὶ οὐδὲ ἀνθρωπίνης, ὥς ἐν τοῖς ποιήμασι φησὶν, ἀλλὰ νύμφης ὑψιπύλης τινός, h. e. excelsae cujusdam Divae; ipsam hanc Δαίμονα significat. Cousinus ibi perperam Ὑψιπύλης scripsit, tanquam proprium nomen.

Ibid. ἡ κατὰ πάντ' ἀδαῆ φέρει) Sic oblitteratam lectionem meo arbitrio interpolare ausus sum, ne versus mutilus et sine sensu relinqueretur. Veteres Sexti editiones: ἡ κατὰ πάντα φέρει τῇ. Stephanus: ἡ κατὰ πάντ' ἀτηφέρει. Similiter e duobus Sexti codicibus edidit Fabricius, quem vulgo sequuntur; etsi vocabulum ἀτηφέρειν nihili est. Alii divisim: ἀτη φέρει; Codex Ciz. πάντα τῇ φέρει, sensu nullo. Hervetus vertens: *via quae fert per singula doctum*, molestum illud τῇ vel ἀτη evitavit. Multa ad emendandum versum excogitarunt viri docti. Heynius volebat: ἡ κατὰ πάντ' ἀντην φέρει ἔσβατα vel ἔμβατα φῶτα, quod vix Graecum. Heinrichius recepit ἀντην, antiquum εἰδότα retinens; non magis probabiliter. Fuellebornius vertit, tanquam legeretur: ἡ κατὰ πάντ' αἰδῆ φ. Dea quae ad occulta

quaevis mortalem ducit; sensu bono. Brandis reponendum censet: κατὰ πάντα σαφῇ φ. *ad manifesta quaeque*; mutatis quidem verbis, sensu vero eodem quo Fuelleb. Nam quae per se manifesta et intelligentiae clara, eadem vulgari sensui occulta et obscura; hoc autem loco, ubi nondum explicata et patefacta sunt, convenientius est *occulta* vocari. Itaque F. conjecturam probarem, nisi vocabulum αἰδῆς admodum insolens, et unice ad oculorum sensum relatum occurreret, in Hesiodi Scut. Herc. 477. Quod reposui αἰδαῆς, notum est vocabulum, ductum a δάω; significat cum *indoctum*, *ignarum*, tum etiam *ignotum*, *obscurum*; simili, si non eadem plane significatione, infra dicitur νύκτ' αἰδαῆ, vs. 118. Sententiam universe adumbrat Sextus Empiricus, qui sic interpretatur: κατὰ δὲ τὴν πολύφημον ὁδὸν πορεύεσθαι (φησὶν), ... ὡς λόγος προπόμπου δαίμονος τρόπον ἐπὶ τὴν ἀπάντων ὁδὴ γεῖ γινώσκουσιν. — εἰδότες φῶτα dicit, qui supra vulgus sapit, sapientiae studiosum, quamquam nondum doctrina perfectum; contrario vs. 44 εἰδότες οὐδὲν homines rationis expertes, ἄκριτοι. ὁ εἰδὼς, οἱ εἰδότες hoc modo absolute tam apud poëtas et oratores quam apud philosophos usurpatur.

Vs. 4. πολύφραστοι.) Hoc vocabulum non unam capit interpretationem. Ductum a φράζω, *dico*, notat idem quod πολῦρρητος, πολύφημος, *multum celebratus*; a φράζω, *cogito*, idem valet quod πολυφραδῆς, *valde intelligens*; notum est enim verbalia in τος pleraque tam activam quam passivam habere potestatem. Hoc loco priorem significationem, quae magis est vulgaris, secuti sunt interpretes; mihi posterior unice probanda videtur, quae etiam obvia est in Oppian. Cyn. 4, 6. laudante Schneidero in Lex. Optime enim equi illi, qui poëtam in veritatis viam deducunt, *solertes*, *cordati* appellantur.

Vs. 5. sqq. Κοῦραι δ' ὁδὸν ἡγεμόνευον) Levem hic fecimus versuum transpositionem. Nam vulgo post hunc versum statim ponuntur vss. 8—10: ἄξων δ' ἐν χνοίῃς — πέμπειν, tum deinceps ii quos ego collocavi 6 et 7: Ἡλιάδες — καλύπτρας.

Quae dispositio parum congrua mihi videbatur. Mirum enim, poëtam, nymphis his uno verbo memoratis, priusquam dixerit quae et quales sint, interponere volantis currus descriptionem, tum denuo ad illas reverti, et quales sint describere. In his unusquisque sentiat nullum esse ordinem; nunc contra, transpositis duobus versibus, omnia bene cohaerere videntur.

Vs. 6. Ἡλιάδες κοῦραι, κτλ.) Heliadum nomen e fabula petatum, fictio Parmenidi propria. Ut vulgo veritas cum sole et luce comparari solet, sic Heliades, *Sole natas*, appellat deas quae ad divinam veritatis lucem deducunt. Simili allegoria, ut admonet Brandisius, Empedocles finxit daemonem Ἡλιόπην, vs. 11. Sturz. Has autem virgines informat tanquam προδόμπους δαίμονας, currum regentes viamque monstrantes, secutus poëtarum morem qui similiter heroës et semideos a magnis dîs in coelum evehi fingunt. Res nota et a me quoque tacta in Specim. Pindar. p. 113 sq. — δώματα νυκτός, h. e. νύκτα, ut bene accepit Fuelleborn, ne quis de Noctis palatio, tanquam Heliadum domo, hic cogitet, quod fraudi fuit Heinrichio. Parmenides fingit has virgines e nocte in lucem evehentes, sic ut vulgo Aurora fingitur, mane cubile relinquens. — εἰς Φάος jungendum vel cum proximo προλιποῦσαι, vel, quod commodius, cum superiori ὁδὸν ἡγεμόνευον. Sic quoque melius cohaeret quam si, retento pristino versuum ordine, construas: σπερχοίατο πέμπειν εἰς Φάος. Sextus conjungit εἰς Φάος ὠσάμεναι, quod probat quam parum diligenter haec legerit.

Vs. 7. ὠσάμεναι κροτάφων ἅπο κτλ.) Pro κροτάφων ἅπο legebatur vulgo κρατερῶν ἅπο —, quod aperte vitiosum. Heynius conjecerat κρατεραῖς, sicut jam olim Hervetus, vertens *validis manibus*. At de virginibus certe dixisset ἀπαλαῖς, *teneris manibus*. Brandis κρατερῶς, quod si minus durum, est tamen non satis aptum. Acutissime Heinrichius κροτάφων, quod recipere non dubitavi, quum mihi ipsi antea in mentem venisset κρατῶν, *a capitibus*, quod sensu nihil differt. —

Additum *χερσὶ* nostro sensu supervacaneum et frigidum; sed antiquae praesertim Epicorum loquendi consuetudini conveniens; vid. Homer. *Iliad.* α, 298. Hesiod. *Theogon.* 575. — *κάλυπτρα*, capitis velamen a mulieribus et puellis gestari solitum. *Iliad.* χ, 406, Hecuba filii necem deplorans, ἀπὸ δὲ λιπαρὴν ἐρρίψε *καλύπτρην*. Cf. Od. ε. 232. In Hesiodi *Theogon.* 574, Minerva Pandoram ornans,

κατὰ κρήθεν δὲ καλύπτρην

δαιδαλέην χείρεσσι κατέσχεθε.

Vid. praeter alios Archilochi epigramma in Jacobs. *Anthol.* Vol. I. Part. I. p. 153. Aeschyl. *Supplic.* 115, 126. ed. Wel-lauer. Apollon. Rhod. *Argon.* III, 834. Callimach. fragm. 125. Cf. Meurs. ad Lycophron. p. 125. Winckelman, *Gesch. d. Kunst*, Opp. Vol. V. p. 37. Ut autem moerentium vel dormientium est habitus *obtenta submittere lumina palla* (ut ait Statius XII, 469. ad q. l. Barth.), sic virgines has, alacres lucis viam ingredientes, optime decent frons aperta, revelata tempora. Similiter artifex in Lipperti *dactylioth.* I, n. 55, Divam aquilâ sublime vehementem expressit flammeo rejecto et circum humeros demisso.

Vs. 8. ἄξων δ' ἐν χνοιῆς ἴει κτλ. Versus hic in libris mutilatus est sic: ἄξων δ' ἐν χνοιῆσιν σύριγγος αὐτήν. Scaliger pro αὐτήν reposuit αὐτεῖ, quo sensum quidem reddidit, metrum non curavit. Heynius corrigendum censuit: — σύριγγος ἐπ' αὔον αὐτεῖ. Placet Heinrichio et Brandisio; videtur tamen quaesitum nec satis aptum; nam αὔον αὐτεῖν proprie dicitur de rauco crepitu et fragore, veluti lignorum aridorum, non autem de acuto axis stridore; ut declarat ipse Heynius ad Virgil. *Georg.* I, 357; Wakefield ad Lucret. VI, 118. Equidem mutando χνοιῆσιν in χνοιῆς ἴει, quae facillime in unam vocem coalescere potuerunt, versum reparasse mihi videor. Cf. Homer. *Iliad.* γ, 221: ὅπα τε μεγάλην ἐκ στήθεος ἴει. Ne autem alicui suavius fortasse videatur χνοιῆσιν ἴει, animadvertendum ἴημι semper primam habere longam. Vid. Brunck.

ad Aristoph. Ran. 1462. Accentum in *χνοίῃς* sic posui cum Stephano; Scaliger *χνοίῃσι*; similiter Fabricius ceterique editores, contra grammaticorum praeceptum qui jubent has vocabulorum formas sic notari: *πνοιά*, *πνόα*. *χροιά*, *χρόα*, et simili modo cetera. Vid. Oudendorp. ad Thom. Mag. p. 786; Schaefer. ad Gregor. Corinth. p. 220 sq. Creuzer. ad Plotin. de pulcr. p. 195; etsi fatendum, huic regulae librorum scripturam frequenter repugnare. *χνοιά* seu *χνόα* est *fistula* rotae, cujus foramini immittitur axis; *σύριγξ* *fistula* proprio sensu, cantûs instrumentum; idem tamen vocabulum alibi latiore quoque significatione pro *χνοιά* ponitur, et ambo inter se permutantur, ut infra vs. 19: *ἄξονας ἐν σύριγξιν*. Hesychius, *χνόαι* . . . αἱ τοῦ ἄξονος σύριγγες.

Vs. 9. *ἐπείγετο*, np. ὁ ἄξων. Virgilius Georg. III, 107: *volat vi fervidus axis*. Volventibus quippe rotis, axis agitur et teritur; hinc fervet et volat.

Vs. 10. *ὅτε σπερχοίατο πέμπειν*.) Dubites, *equi* an *Heliades* intelligendae sint: equos malim, quoniam de aurigis currum agentibus non *σπέρχεσθαι*, sed *σπέρχειν* dici oportuerat. — Optativus autem post *ὅτε*, quem moleste ferebat Brandisius, hoc significat, axem strepuisse, non *usque dum* currus ferretur, sed *quoties* equi citius et impetuosius se proriperent. Haec ist vis optativi. Homerus Il. α, 610; γ, 233:

ἔνθα πάρος κοιμᾶθ', ὅτε μιν γλυκὺς ὕπνος ἱκάνοι. —

πολλάκι μιν ξείνισσεν Ἀρήϊφίλος Μενέλαος

οἴκῳ ἐν ἡμετέρῳ, ὅποτε Κρήτηθεν ἵκοιτο.

Quos locos laudat et explicat Bernhardt, Synt. L. Gr. p. 406. Etiam ipsa conjunctio *ὅτε* Brandisio inepta videbatur; malebat *ὅπη*, sic verba jungens: *ἐπείγετο* . . . *ὅπη σπερχοίατο πέμπειν* Ἡλιάδες, volabat currus, *quocumque* Heliades festinarent. Sed, mutata interpunctione, haec difficultas, credo, jam sublata est. Conferatur Hesiod. Scut. Herc. vs. 64:

Ἄρματα δ' εὐποίητα καὶ ἄντυγες ἀμφαράβιζον,

ἵππων ἱεμένων.

Vs. 11. Ἐνθα πύλαι νυκτὸς κατλ.) Aditus ad templum Deae describitur. Est coeli regio in qua sitae sunt lucis et noctis viae, locus non omnibus patens, sed januis septus quas custodit Justitia; per has januas est aditus ad templum. — Viarum descriptio non admodum clare a poëta est expressa; dubitatum est adeo, utrum duas fingat vias, alteram lucis, alteram noctis, an unam, qua dies et nox alternis procedant. Expressa quidem aut potius adumbrata est notio ex antiquiorum carminibus, ut jam Fuelleborn. animadvertit; νυκτὸς τε καὶ ἡματός κέλευθοι memorantur Odyss. κ, 86. Simili fictione in nympharum antro Odyss. ν, 109 sqq. finguntur binae fores, quarum

αἱ μὲν πρὸς βορέαο, καταιβαταὶ ἀνθρώποισιν,

αἱ δ' αὖ πρὸς νότου εἰσὶ, θειώτεραι.

In Orph. fragm. VI, vs. 25. (Herm.) memorantur item duae viae,

ἀνταλίη τε δύσις τε, θεῶν ὁδοὶ οὐρανόωνων.

Aliter vero apud Hesiodum. Fingit hic Theogon. 747 sqq. palatium in inferis, in quo Nox et Dies se invicem excipiunt, alternis cursum perficientes:

ἀεὶ ἑτέρη γε δόμων ἔκτοσθεν εἰοῦσα

γαῖαν ἐπιστρέφεται, ἥ δ' αὖ δόμου ἐντὸς εἰοῦσα

μῖμνει τὴν αὐτῆς ὥρην ὁδοῦ, ἕστ' ἂν ἵκηται.

Hesiodi hanc imaginem in Parmenidem transfert Heinrichus: »Prodeunt, inquit, Heliades e Noctis palatio (vs. 6.) »ubi porta est Noctis et Lucis, per quam alternis vicibus Nox »et Lux procedunt." In his varia sunt confusa. Porta illa et viae non sunt in Noctis palatio (quod Parmenides ne cogitavit quidem; cf. ad vs. 6.), sed in coelesti regione positae; deinde Parmenidis menti multo quoque convenientius est, non unam, sed duas et diversas intelligi vias, alteram noctis, alteram lucis; quibus significet duas illas rationes, veritatis et opinionum, quas deinde explicat. Simili fictione usus est etiam Plato in inferis describendis, ubi duae viae, ἡ μὲν εἰς

μακάρων νήσους, ἥ δὲ εἰς τάρταρον. Gorg. p. 524 A, et Virgilius Aen. VI, 540.

Harum autem viarum aditus clauditur portâ. Mos est poëtis, abdita quaeque et arcana portis et claustris obserata fingere. Similiter Lucretius, *arta Naturae portarum claustra* dicit, I, 71 sq. Vocabulum autem πύλαι plurali numero unam portam significat, cui una quoque custos, *Justitia*, praeest; ne quis putet duas fingi portas, quibus ambae viae discludantur, sicut male accepit Porphyrius, Homeri vss. modo citatos explicans, antro Nymph. cap. 22: τῶν δύο πυλῶν τούτων μεμνήσθαι καὶ Παρμενίδην ἐν τῷ Φυσικῷ Φασί.

Vs. 12. καὶ σφας ὑπέρθυρον κτλ.) καὶ initio hujus versus languidum videtur; non mirer, si inter hunc et praecedentem versum aliquid exciderit, quo hae viae explicatius sint descriptae. Jam sequitur brevis portarum descriptio, qua earum praecipuae partes notantur; cf. Homerica descriptio Odyss. η, 88-90. ὑπέρθυρον, frequentius ὑπερθύριον; similiter πάννουχος et παννύχιος (Iliad. ψ, 217 sq.), ἀκρόθινα et ἀκροθίνια (Pind. Olymp. II, init.), aliaque interdum variantur. λάϊνος οὐδὲς occurrit etiam Iliad. ι, 404; Odyss. θ, 80. Hymn. in Apoll. 296.

Vs. 13. αὐταὶ δ' αἰθ. πλῆνται) πλῆνται inusitatum, usu receptum πλῆντο; quod etsi facile posset reponi, alterum tamen nec analogiae repugnat et tempore cum verbo ἔχει, in antecedenti et proximo versu, congruit: quamobrem nihil muto. Interpretatio autem duplex se offert, pro duplici potestate verbi πλῆντο. Quod si ductum sit a πελάζω, significat idem quod προσπέλασαν; si a πλῆθω, notat idem quod ἐπληροῦντο. Vulgo interpretes priorem significationem secuti sunt, et αὐταὶ retulerunt ad *Heliades*; sicut jam olim Her-vetus, reddens:

Illae autem aetheriae veniunt, portisque propinquant.

Tamen nympharum mentio inter mediam portarum descriptionem parum apta est, neque satis commodum hoc sensu πλῆνται,

quod temporis continuitatem notat; requireretur *πλήντο*, ut vs. 5, *ἡγεμόνευον*; vs. 16, *πείσαν*; vs. 21, *ἔχον*. Mihi multo aptius videtur, *αὐταὶ* referre ad *πύλας*, et *πλήνται* altera significatione interpretari, *implentur*, h. e. *obstruuntur*, *clausae sunt*. Hesiod. Scut. Herc, vs. 148, de serpente: *τοῦ καὶ ὀδόντων πλήτο στόμα*, h. e. *os dentium vallo munitum erat*. Apud Parmenidem autem pro genitivo positus est dativus instrumenti (*θυρέτροις*), quod non minus ferri potest quam Euripidis hoc Bacch. 18: *Ἑλλησι βαρβάροις θ' ὁμοῦ πλήρεις ἔχουσα . . . πόλεις*, pro *Ἑλλήνων βαρβάρων θ'*.

Vs. 14. *Δίκη πολύποινος κτλ.*) Justitia fingitur templi custos, sicut Horae portas coeli custodire finguntur apud Homerum. *πολύποινος*, ait Fuelleborn. »solenne hujus Deae epitheton: cf. Orph. fragm. XX, p. 481. Herm. *Δίκη* autem, Jovis filia et *πάρεδρος* apud veteres (Hesiod. *Ἔργ.* 256 sqq. Orph. l. l.), summa virtute et sapientia excellens. Orph. hymn. 62. »*κληίδας ἔχειν* praecipue dicuntur aedium et templorum custodes et antistites, unde etiam *κληδοῦχοι* appellantur, ut Io *κληδοῦχος Ἥρας*, Aesch. Suppl. 288. ed. Wellauer. cf. Spanhem. ad Callimach. in Cerer. 45. p. 782 cit. Fuell. — *ἄμοιβοι* dicuntur *κληίδες* ab *ἀμείβεσθαι*, h. e. a *reciprocando*, quia permutatis vicibus januas vel claudunt vel aperiunt; hîc *aperiendi* notio potissimum spectatur, similiter ut vs. 19: *ἄξονας ἄμοιβαδὸν εἰλίξασαι*, de pansis foribus. Alio sensu apud Homer. Il. μ, 456, *ὀχῆες ἐπαμοιβοί* dicuntur. Sextus h. l. interpretari videtur *ἀσφαλεῖς*.

Vs. 16 sq. *βαλανωτὸν ὀχῆα.*) *ὀχεὺς* sive *μόχλος*, *pessulus*, *vectis*, munitus erat *βαλάνῳ*, i. e. ferro oblongo, a glandis similitudine nominato, quod per januae foramen transmissum, vectem foribus committebat, ita, ut eo injecto clauderentur fores, retracto aperirentur: fiebat id per clavem, quae inde proprie *βαλανάγρα* nominata. Ita fere explicant Salmasius ad Solin. p. 649 sq. Sagittarius de januis XI, 7. cf. Suidas v. *βαλανάγρα*, et ibi Kuster. — *ἄπτερέως*, i. e. *ἐτοίμως*, *ἐλαφρῶς*; legitur

etiam apud Apollonium Rh. Argon. IV, 1765; olim legabatur eadem vox apud Hesiodum, teste Etymologo in v. ubi pro ἀπροθύμως corrig. προθύμως. cf. Albert, ad. Hesych. v. ἄπτερος.

Vs. 17 sq. ταὶ δὲ θυρέτρων κτλ.) Versus hic multum moratus est interpretes. Fuellebornius ταὶ refert ad κούρας; sed obstat participium ἀναπτάμεναι, quod ille perperam activa potestate accepit. Brandisius intelligi vult Δίκην cum suis (quasnam illas?), et ἀναπτάμεναι mutari in ἀναπταμένως, vocabulum inauditum, ni fallor, nec elegans. Vere Heinrichius vidit, pronomen unice ad πύλας posse referri. Verba autem sic explicanda: *Portae fecerunt ingentem januarum hiatum*; hoc est simplicius: *porta pandit fores*; dictum, si non vulgare, haud tamen insolens: nam πύλας et θύρας (s. θύρετρα) proprie diversas esse nemo nescit. Hoc solum offensionem habet, quod πύλας modo pro *foribus* posuit, nunc autem proprio sensu pro *porta*; minus diligenter id quidem, ferendum tamen, quia voces illae usu frequenter confundi solebant; quod apparebit, comparatis inter se Homeri locis Iliad. μ, 121, 454 et 291. In latina versione pro uno vocabulo duobus, *foribus* et *porta*, usi sumus, quo difficultas evitatur.

ἀναπτάμεναι convenit cum πύλαι, pro quo proprie dici oportuerat ἀναπταμένων, np. θυρέτρων; non enim *porta* revolvitur, sed *fores* revolvuntur sive panduntur. Hypallage haec est Graecis admodum usitata, qua verbum passivum accipit vim medii; ut cum Euripides dicit Electr. 317: δμῶαί... ἰδαῖα φάρη... ἐζευγμέναι. Similiter hic explicandum πύλαι ἀναπταμέναι sc. θύρετρα. Cf. Heindorf ad Horat. Sat. I, 6, 74.

Vs. 19 sq. ἄξονας ἐν σύριγγιν tetigimus ad vs. 8. — ἀμοιβαδὸν εἰλίξασαι Heinrichius vertit: *versantes per vices*, ut valvae alternatim patefiant. Mihi ἀμοιβαδὸν vertendum videtur *retrosum*. Vid. ad vs. 14. — Cardines γόμφοις καὶ περόνησιν ἀρηρότας, np. ταῖς πύλαις, *portis adfixos*; γόμφους interpretor *cuneos* sive compages ligneos quibus cardines foribus commit-

tuntur; *περόνας* *clavos* quibus adfixi sunt. Utriusque vocabuli vaga nec satis definita significatio.

Vs. 20. ἥ ῥα. Vulgo hae particulae in interrogando vel adfirmando adhibentur; hic pro ἥ aptius videtur καὶ, quod per compendium scriptum solo propemodum spiritu ab illo differt; unde ambae hae voces saepius sunt confusae, teste Schaefero ad Gregor. Cor. p. 384 not. Bastio, Comment. Palaegr. ibid. p. 815. Cum tamen ἥ saepius copulandi vim habere videatur, ut vs. 27, et vs. 108, ἥ γὰρ, a mutando abstinui. — κατ' ἀμαξίτην Stephanus; codices nonnulli uno vocabulo καταμαξίτην; editt. καθ' ἀμαξ. Cf. Iliad. χ, 146.

Vs. 21. ἰθὺς ἔχον κτλ.) Idem color in Hesiod. Scut. Herc. 97:

ἰθὺς ἔχειν θοδὺν ἄρμα καὶ ὠκυπόδων σθένος ἵππων.

Horat. Carm. I, 34: *egit equos volucremque currum.*

Vs. 22 sq. καὶ με Θεὰ κτλ.) Transitus denuo abruptior; priusquam Deam audias ipsum compellantem, introitum in templum significari exspectasses. Θεὰ eadem quae supra Δαίμων appellata; vid. ad vs. 3. Mirum quomodo viri docti, nuper etiam Ritter. Gesch. der Philos. Vol. I, p. 465, hanc confundere potuerint cum Δίκη, quae ut modo vidimus, κληδούχου et antistitis munere fungitur.

χεῖρα δὲ χειρὶ κτλ.) Simili venustate scriptor Λιθικῶν, cit. Brandis. vs. 95:

καί μιν ἔλῶν χερὶ χεῖρα προσήυδων ᾧδ' ἐπέεσσιν.

Virgilius Aen. I, 408: *Cur dextrae jungere dextram non datur?*

Ovidius Heroid. II, 31. Dextram prensare, antiquo more fidei et benevolentiae pignus; Homer. Iliad. ζ, 233; ω, 672.

Vs 24 sq. συνήορος dedit Brandis pro συνάορος. Cf. Hom. Odyss. θ, 99. De verborum structura ambigitur, utrum post ἡνίοχοισι comma ponendum, an hoc cum proximo ἵπποις coniungendum sit, ut facit Fabricius. At ἡνίοχοι appellari non possunt equi; intelligendae Heliades, quae iter ducunt (vs. 5.), currumque regunt (vs. 21.). Itaque post ἡνίοχοισιν interpunxi, ut facit etiam Scaliger in ms. Leyd.

In vs. sequenti, ἵπποις — ἱκάνων edidit e mss. Fabricius, pro quo editiones antea habebant ἵπποι — ἱκανόν, quam lectionem viri docti variis modis emendare tentaverant. Scaliger in Poësi phil. p. 217 corrigebat: ἱκανον (in vocativo) ἐς ἡμέτερον δῶ; idem tamen in ms. Leyd. veram lectionem exhibet.

Vs. 26-28. οὔτι σε μοῖρα — δίκη τε.) h. e. non temere, non pravo consilio ad philosophiam ductus es, sed veri sanctique amore. μοῖρα, humanarum rerum moderatrix, est vel κακῇ vel ἐσθλῇ, prouti mortalibus κακὸν φέρει ἡδὲ καὶ ἐσθλόν, ut est in versu Solonis. Vulgo μοῖραν, et deinceps θέμιν ac δίκην, tanquam deas a Parmenide memorari arbitrantur, ex quo difficultas oritur, quod poëta, quum modo Δίκην templi custodem finxerit, nunc eandem una cum Themide ut προπόμπους δαίμονας inducat. Sed poëta cum has quasi personas usurpat, non ideo deas praedicat, sed communem secutus est poëtarum loquendi morem, qui rerum caussas, vires, virtutesque tanquam personas et agentes memorare solent.

V. 27. ἢ γὰρ ἀπ' ἀνθρώπων ἐκτὸς π.) Jungi potest: ἐκτὸς ἀπὸ πάτου ἀνθρώπων. ἐκτὸς ἀπό, similiter ut χωρὶς ὑπό, νόσφιν ἀπό, saepe junguntur: sic Timo Phliasius ἐκτὸς ἀπ' ἀνθρώπων. apud Sextum Empir. Pyrrh. I, 224. Possunt etiam, separatis his vocibus, verba sic construi: ἀπ' ἀνθρώπων, longe ab hominibus; ἐκτὸς πάτου, extra vulgarem viam. Quo sensu pro ἀπὸ scribendum esse ἔπο docet Bast. ad Gregor. Corinth. p. 210 not. — Caeterum color non admodum diversus in notissimo Lucretii versu, IV pr. quem citat Fabricius:

*Avia Pieridum peragro loca, nullius ante
Trita solo.*

nec dissimilis sensus in eo quod idem de Epicuro praedicat, I, 76:

et extra

Processit longe flammantia moenia mundi.

Vs. 28. χρεῶ δέ σε πάντα κτλ.) Jam ad argumenti propositionem accedit. Prius vero quam interpretando progrediamur, pauca sunt de versuum dispositione praemonenda. Nam usque

ad verba *πίστις ἀληθής* (vs. 30) Sextum Empiricum ducem secuti, in his quae deinceps sequuntur ordinandis ab eo discessimus. Ille post versum 30 statim subjungit hos quos inferius collocavimus, 52—57: *ἀλλὰ σὺ τῆςδ' ἀφ' ὁδοῦ μῦθος ὁδοῖο λείπεται*. Qui versus quam parum apte inter se cohaereant, unusquisque, re attentius considerata, sentiet. Scriptorem enim, modo exordium facere aggressum, et argumento tribus verbis proposito, jam statim perversam philosophandi viam reprehendere, in vulgi iudicium invehi, parum est consentaneum; prius expectares utramque viam et rationem ab ea exponi, tum alteram argumentis probari, alteram vulgarem refelli. Attamen a Sexto sic referuntur. Verum huic non erat propositum Parmenidis versus ordine omnes referre, sed id agebat ut ex ejus dictis ostenderet, sensuum iudicium ab eo sperni, rationis fidem probari. Ideo excerp- sit ea tantum, quibus hoc maxime demonstrari posset, caetera facile omisit. Indicant hoc ipsius Sexti verba in paraphrasi quam laudatis illis vs. subjungit: *ἐπαγγέλλεται (ὁ Παρμενίδης) δύο ταῦτα διδάξειν, ἡμὲν ἀληθείης εὐπειθέος ἀτρεμεῖς ἦτορ, ὅπερ ἐστὶ τὸ τῆς ἐπιστήμης ἀμετακίνητον βῆμα· ἕτερον δὲ, βρότων δόξας ταῖς οὐκ ἐνὶ πίστις ἀληθῆς, τουτέστι, τὸ ἐν δόξῃ κείμενον πᾶν ὅτι ἦν ἀβέβαιον*. addit deinceps: *καὶ ἐπὶ τέλει προςδιασαφεῖ τὸ μὴ δεῖν ταῖς αἰσθήσεσι προσέχειν, ἀλλὰ τῷ λόγῳ*. Haec ergo, quibus sensuum iudicium vituperat, Parmenides *ἐπὶ τέλει προςδιασαφεῖ, extremo loco insuper* explicuit; quocirca in ipso argumentationis initio collocari non possunt. Etiam Diogenes Laert. IX, 22, versus hos, *Χρεὼ δέ σε πάντα πίστις ἀληθής* (28-30), et sequentes, *μήδε σ' ἔθος πολύπειρον κτλ.* (53-55.) separatim memorat. Etsi hoc quidem minoris est momenti. Plurimum vero valet Simplicii testimonium, de Coelo f. 138 A, qui versui 30 (— *πίστις ἀληθής*) duos subjungit cum eo arcte cohaerentes: quo omnis sane dubitatio tollitur. Ergo, hoc auctore, primum duos illos versus interposuimus; deinde eos quibus Parmenides rationis suae summam

explicat, quid verum sit docet et probat, falsum refellit adversariorumque opiniones explodit (33-51.); tum demum sequuntur ii qui apud Sextum leguntur, de sensuum fallacia et vulgaris iudicii perversitate (52-57). His denique adnectuntur versus a Simplicio laudati (56 sqq.), cum illis non solum sententia sed ipsis quoque verbis plane cohaerentes: Simplicius enim in medio versu 56, eodem dicto incipit quo desinit Sextus, ut ibi notabimus. Versibus ita dispositis, omnia, ni fallor, apte cohaerent et argumentatio ordine procedit.

Vs. 28. *χρεὼ δέ σε πάντα.*) Sextus *χρέω*; Simplicii codd. *χρῶ*, et quidem confusis literis, *χρῶδες ἐπάντα*: quo deceptus Ald. interpres vertit *διεγείρω*. Unice verum, quod jam interpretes correxerunt *χρεώ*, idem quod *χρεών ἐστι* sive *χρή*. cf. vs. 37, 66.

Vs. 29 sq. *ἡμὲν ἀληθείης κτλ.*) Pro *ἡμὲν* — *ἡδὲ*, Proclus *τὸ μὲν* — *ἡδὲ*; Clemens *ἡ μὲν* — *ἡ δὲ*. Proponit duplex ad cognoscendum argumentum, alterum veritatem, alterum mortalium visa; idem in disputationis fine (vs. 109 sq.) repetit. Diogenes Laert. IX, 22: *δισσὴν τε ἔφη εἶναι τὴν φιλοσοφίαν, τὴν μὲν κατ' ἀλήθειαν, τὴν δὲ κατὰ δόξαν*. Veterum interpretationes diligentius exponemus in dissert. de Parm. philosoph. § 2. Discrimen inter *εἶναι* et *δοκεῖν*, *εἰδέναι* et *δοξάζειν*, plures etiam ante Parmenidem notarunt. Simonides apud Schol. Eurip. Orest. vs. 235, et Platon. Rep. II, 8. p. 365 C: *τὸ δοκεῖν καὶ τὴν ἀλήθειαν βιάται*. Aeschylus in notissimo versu Sept. adv. Theb. 577:

οὐ δοκεῖν δίκαιος, ἀλλ' εἶναι θέλων.

Agamn. 1377. Sophocles Trach. vs. 425 sq. laudd. a Casaub. Cf. id. ad Diogen. L. I. I. Democritus in Opusc. Gr. moralibus, ed. C. Orell. T. I, p. 118, n. 132: *οἱ πολλοὶ τὴν μὲν ἀλήθειαν ἀγνοοῦσι, πρὸς δὲ τὴν δόξαν ἀποβλέπουσι*. Sed illi spectarunt communem vitam, hominum mores et consuetudinem; Parmenides hanc distinctionem ad naturae contemplationem transtulit et in philosophiam induxit; a Parmenide in Atticam, Platonicam praesertim, philosophiam manavit. Sic Plato Soph.

p. 233 C: δοξαστικὴν ἄρα τινα περὶ πάντων ἐπιστήμην ὁ σοφιστὴς ἡμῖν, ἀλλ' οὐκ ἀλήθειαν ἔχων ἀναπέφονται. et saepe alibi. Aristot. Genér. et corr. I, 3. p. 389 C: συμβαίνει δὴ κατὰ δόξαν καὶ κατὰ ἀλήθειαν ἄλλως, κτλ.

ἀληθείης ἦτορ, pro ἀλήθεια, eodem modo quo βίη Ἡρακλέος, Ἰς Τηλεμάχοιο, et similia apud poëtas. Sic infra vs. 141, ἄστρων θερμὸν μένος, h. e. ἄστρα. Quamquam ἦτορ hoc constructionis modo insolens sit, est tamen aptissimum, quoniam cor opinione veterum mentis et sapientiae sedes habita. Multo insolentius est notum illud Ennii, qui oratorem M. Cethegum *Suadae medullam* vocavit. Vid. Quinctil. II, 15. § 4. — εὐπειθέος, pro hoc Proclus εὐφεγγέος, Simplicius εὐκύκλιος, (— εος), unde Aldina lectio κυκλικῆς fluxit; reliqui εὐπειθέος quod unice probandum. Sic enim ἀλήθεια vocatur, tanquam *persuasionis comes*, ut dicit vs. 36:

πειθοῦς ἐστὶ κέλευθος, ἀληθείη γὰρ ὁπιδεῖ.

contrario falsum παναπειθέα ἀταρπὸν vocat vs. 38; sicut mox etiam versu sq. veritati opponit opiniones, τῆς οὐκ ἔνι πίστις ἀληθῆς. Itaque εὐπειθῆς valet idem fere quod πιστή, quemadmodum infra vs. 109: πιστὸν λόγον ἡδὲ νόημα ἀμφὶς ἀληθείης. Lectio εὐφεγγέος fluxit e notione τοῦ νοεροῦ φωτὸς, qua maxime delectabantur Platonici, ut significat ipse Proclus interpretans: τὴν ἀλήθειαν εὐφεγγῇ κέκληκεν, ὥς τῷ φωτὶ τῷ νοερῷ λάμπουσιν. εὐκύκλου facile ortum ex eo, quod Simplicio obversaretur Parmenidis σφαῖρα εὐκύκλος (vs. 102.), quae est veritatis imago.

ἀτρεκές. Super hoc vocabulo maior est controversia; ἀτρεκές Plutarchus et Diogenes; sed Clemens, Proclus et Simplicius ἀτρεμές, cui respondet etiam Ald. lectio ἄφοβος; Sexti editt. quidem ἀτρεκές; ipse tamen legit ἀτρεμές, ut indicat interpretatio quam subjicit: τὸ τῆς ἐπιστήμης ἀμετακίνητον βῆμα. Eandem lectionem Brandis aliique receperunt. Quum autem ob literarum similitudinem admodum facilis fuerit confusio, vera lectio unice ex utriusque vocabuli potestate et usu dijudicanda est. Ἀτρεκής, vox antiqua, poëtis et Ionicis praeser-

tim scriptoribus usitata, frequens apud Homerum et Herodotum; notat idem quod ἀληθής, ἀκριβής. Pindarus Nem. V, 17: ἀλάθει' ἀτρεκής. hinc quoque ἀτρέκεια eodem sensu, Olymp. XI, 13. Democritus apud Sextum Emp. adv. Mathem. VII, 136: ἡμεῖς δὲ τῷ μὲν ἔδοντι οὐδὲν ἀτρεκές συνίμεν. Patet ex his, vocabulum illud usu et significatione h. l. plane congruere. Ἀτρεμής autem (de quo accuratius ad vs 59.) significat ἀκίνητος; vocabulum antiquis non ignotum, studiosius tamen usurpatum a senioribus praesertim Platoniceis, ad *immobilem idearum statum* significandum. Itaque cum ab his praesertim tractata sint Parmenidis carmina, non mirandum foret, si verbum vulgare doctiore vocabulo obliteravissent. Praeterea h. l. non satis aptum est: nam licet ἀλήθεια ἀτρεμής optime dicatur, tamen ἦτορ ἀτρεμής parum conveniens est, nisi forte, sicut Sextus, interpretari velis ἀμετακίνητον βῆμα, *cor* scilicet pro *statu* vel *gradu* accipiens. Contra ἀτρεκές ἦτορ aptissimum est: quamobrem hoc unice probandum censeo.

Vs. 30. βρότων δόξας τῆς κτλ.) Nonnulli δόξαις; pro τῆς vulgo ταῖς. Diogenes τῶν οὐκ ἔτι; Sextus et Proclus ταῖς οὐκ ἔτι. Simplicii cod. Oxon. δόξαν τῆς. — δόξα, *opinio*, sive ἡ δύναμις τοῦ δοξάζειν, subjective; δόξαι, *opinionis placita*, *visa*, objective. Prior significatio frequens Platoni; posteriore praecipue sensu usurpat Parmenides. Timo Phliasius Φαντασίας vocat, apud Diogen. L. IX, s. 23, de Parmenide dicens:

ὅς ῥ' ἐπὶ Φαντασίας ἀπάτης ἀνενείκατο νόσεις.

h. c. ὅς τὰς νοήσεις εἰς Φαντασίας ἀπατηλὰς ἀνέφερε, *qui animi sensuumque notiones ad vanas species reduxit*. Plato ambo vocabula, ut similia, conjungit Theaet. p. 161. extr. ἐλέγχειν τὰς ἀλλήλων Φαντασίας τε καὶ δόξας.

πίστις ἀληθής.) πίστις, in qua est πειστικὴ δύναμις, (cf. vs. 67) propria veritati, opinionibus aliena. Quod Parmenides πίστιν ἀληθῆ, id seniores, magis definita vocabuli potestate, simpliciter πίστιν appellant; sic ἀληθείῳ λόγῳ interdum eodem sensu ac simplex λόγῳ ponitur apud Herodotum; vid. Lex. Schweigh.

v. λόγος, II, 3. Verbum autem apud doctos vario sensu usurpatum varieque definitum. Parmenides ad veritatem refert; sic quoque Philolaus, Theolog. Arithm. p. 61: πίστις γε μὴν καλεῖται (ἡ δεκάς), ὅτι κατὰ τὸν Φιλόλαον δεκάδι καὶ τοῖς αὐτῆς μορίοις περὶ τῶν ὄντων οὐ παρέργως καταλαμβανομένοις πίστιν βεβαίαν ἔχομεν. Plato in opinione ponit, nec in iis quae sunt, sed quae videntur. Tim. p. 29 C: ὁ πρὸς γένεσιν οὐσία, τοῦτο πρὸς πίστιν ἀλήθεια. Hinc quod Rep. VI, p. 511 extr. πίστιν et εἰκασίαν ut cognata conjungit, quibus opponit νόησιν et διάνοιαν; illa ad fluxa et incerta, haec ad vera et aeterna refert. Praecipue vero celebrata ἡ πίστις a patribus Christianis, quam interpretantur eam animi affectionem quae non scientiae cognitione, sed divina auctoritate divinoque instinctu ad credendum adducitur. Eodem sensu πίστιν a Parmenide intelligi putat Theodoretus Serm. I, p. 14. Sylb. καὶ Παρμενίδης ὁ Ἐλεάτης, ὁ τοῦ Κολοφωνίου Ξενοφάνους ἑταῖρος, πίστει τοῖς νοητοῖς προσβάλλειν παρεγγυᾷ. Φήσι γὰρ Λεῦσσε δ' ὅμως κτλ. (vss. 89 sqq.) Qui tamen versus ad hanc sententiam probandam parum valent.

Vs. 31. sq. ἀλλ' ἀπατῇ κτλ.) Duo hi versus in Simplicii codice Taurin. sic leguntur:

ἀλλ' ἔμπις καὶ ταῦτα μαθήσεται ὡς τὰ δοκοῦντα

χρὴν δοκίμως εἶναι διὰ παντὸς πάντα περῶντα.

Cod. Oxon. in altero versu vitiose: δοκίμους — πάντα περ ὄντα. Peyronus lectionem Taur. sic emendat: ἀλλ' ἔμπης κ. τ. μαθήσαι, ὡς τὰ δ. χρὴ δ. εἶναι κτλ. quae ita vertit: *attamen haec disces, qua ratione oportet te semper probate ire sensibilia quaeque (τὰ δοκοῦντα πάντα) pertranseuntem.* Probat Brandisius; mihi tamen fateor istam lectionem parum satisfacere. Emendandi viam monstrat Moërbekae interpretatio: quibus non est vera fides, — sed *deceptio.* Et haec discite quomodo quae videntur oportebit probata esse per omne omnia terminantia. Unde expressa Ald. lectio: οὐκ ἐστὶ πίστις ἀληθῆς, ἀλλ' ἀπαθῇ. καὶ ταῦτα μάθετε πῶς τὰ δοκοῦντα δεῖ δοκιμάζειν εἶναι, διὰ παντὸς πάντα

ὀρίζοντα. Haec quamvis depravata sint, facile tamen Moërbekae auctoritate pro ἄλλ' ἔμπης recipiemus ἄλλ' ἀπατή, quod oppositum praecedenti πίστις ἀληθῆς; similiter infra τὸν περὶ δοξῶν λόγον appellat ἀπατηλόν, vs. 111. Deinde τὰ δοκοῦντα post praecedens ταῦτα, frigide repetitum esse, quis non sentit? imo ineptum paene videtur, quum non opinabilia solum, sed vera praesertim cognoscenda sint. Ideo correxi ὥς τε δοκοῦντα, et participium refero non ad praecedens ταῦτα, sed ad pronomen quod intelligitur σέ, quo pertinet etiam sequens περῶντα, a Moërbeka perperam pro neutro plurali habitum. Itaque constructio est: καὶ ταῦτα μαθήσεαι, ὥς τε (πῶς) χρὴ δοκίμως δοκοῦντα ἰέναι διὰ παντὸς περῶντα πάντα. Verba ἰέναι, περᾶν, ἐλαύνεσθαι, similiter ut nomina πόρος, ὁδός, saepe ad mentis cogitationem disceptationemque transferuntur; sic Empedocles vs. 328: πάντοσ' ἐλαυνόμενοι. vs. 350: ὁπόση πόρος ἐστὶ νοῆσαι. Hic tamen pro ἰέναι (al. εἶναι) malletm κρῖναι, verbum Parmenidi usitatum; et deinceps construi πάντα διὰ παντὸς, h. e. omnia omnino, per pleonasmum, ut appellant, quo interdum utitur Parmenides, ut vs. 91: πάντῃ πάντως. vs. 148: καὶ πᾶσιν καὶ παντί.

Vs. 33. εἰ δ' ἄγ', ἐγών.) Sic emendavi vulgatum ἄγε τῶν, mutata litera T in Γ, quae ambae quam saepe a librariis confusae sint, non dictu opus est. Vid. Bast. Palaeogr. p. 710 et passim. Similiter Empedocles vs. 165:

εἰ δ' ἄγ', ἐγὼ τοι νῦν λέξω πρῶθ' ἥλιον ἀρχήν.

Homerus Iliad. ι, 262:

εἰ δέ, σὺ μὲν μευ ἄκουσον, ἐγὼ δέ κέ τοι καταλέξω.

Vs. 34. αἵπερ ὁδοὶ μοῦναι κτλ.) Proclus pro μοῦναι habet μοῦσαι, quod ineptum mihi videtur. Nam *musam* quidem pro carmine vel sapientia vel arte dici, notum est et probabile; sed tenuem philosophi argumentationem, dialecticam interrogatiunculam, *musam* appellari quis ferat? Quae est autem ista verborum constructio: ὁδοὶ μοῦσαι διζήσιος? Ὅδὸς διζήσιος propria locutio est et Parmenidi usitata; interjectum μοῦσαι languidum et absurdum. Fuellebornius vero μούσας pro adjectivo

habet derivato a *μοῦσος*, quod saepius occurrere dicit. Vellem indicasset. Exemplum quod affert ex Euripidis *Alcest.* 965 nihil valet. A philosophis et grammaticis quaesita videtur haec explicatio, qui *μούσας* quasi *μῶσας*, *quaerendi studiosas*, a *μῶσθαι*, *quaerendo*, nominatas voluerunt. Plato *Cratyl.* p. 406 A: τὰς δὲ μούσας τε καὶ ὅλως τὴν μουσικὴν ἀπὸ τοῦ μῶσθαι, ὡς ἔοικε, καὶ τῆς ζητήσεώς τε καὶ φιλοσοφίας τὸ ὄνομα τοῦτο ἐπωνόμασαν. Etymologus M. Μοῦσα.... μῶσά τίς ἐστὶ μῶ γὰρ καὶ μῶμαι τὸ ζητῶ. Cf. Heindorf. ad Platon. l. l. Sed ejusmodi doctorum commenta quam parum valeant ad usum et significationem verbi probandum, quisque videt. Itaque Brandisii conjecturam *μοῦναι*, ut sententiae congruam et a vulgata scriptura parum distantem, recepi. — ὁδὸς διζήσιος, idem quod Plato dicit, *ζητήσεώς τε καὶ φιλοσοφίας*, occurrit etiam infra vs. 52; eodem sensu *διζεῖν* vs. 61.

νοῆσαι. Dubitari potest utrum referendum sit ad superius verbum *ἀκούσας* (*ἀκούσας μῦθον ὥστε νοῆσαι, αἵπερ ὁδοὶ... εἰσίν*), an pendeat a proximo *εἰσί*. Prior constructio durior; altera etsi non perusitata, tamen a Graeci sermonis consuetudine non abhorret, ut *αἵπερ... εἰσὶ νοῆσαι* dictum sit pro *ἄσπερ ὁδοὺς ἐστὶ νοῆσαι*. Hujusmodi est dictum Aeschyli *Pers.* 417 (411): *θάλασσα δ' οὐκ ἔτ' ἦν ἰδεῖν*. Cf. Bernhardt, *Syntax L. Gr.* p. 361. Simili racione complura verba, quae vulgo tanquam impersonalia ponuntur, personae accommodantur, ut nota illa *δίκαιός εἰμι, δῆλός εἰμι*; e. g. Sophocl. *Antig.* 400: *δίκαιός εἰμι τῶνδ' ἀπηλλάχθαι κακῶν*, h. e. *δίκαιόν ἐστίν ἐμε κτλ*. Plato *Charm.* princ. *ἡγγελτὰι ἡ τε μάχη πάνυ ἰσχυρὰ γεγονέναι καὶ πολλοὺς ἐν αὐτῇ τεθνάναι*. ubi duplex constructio confunditur.

Vss. 35 sqq. His summa continetur Parmenideae doctrinae. Duplex proposita est ratio: altera quae esse affirmat, non esse negat; altera huic contraria, quae esse negat, non esse statuit; quarum illa veritati consentanea, haec falsa est. — *ἐστι*, breviter dictum, latius sic explanandum: *τὸ εἶναι* sive *τὸ ὂν ἐστι*; sed illud clarius exprimit unam illam et sim-

plicem entis notionem, τὸ ὄν αὐτὸ καθ' αὐτό, in quo nihil est multiplex, nulla subjecti et praedicati diversitas. cf. ad vs. 60. Totam hanc propositionem vs. 71 tribus verbis concludit: ἔστιν ἢ οὐκ ἔστιν.

Vss. 35-37. ἡ μὲν — ἡ δὲ. Simplicius ἡμὲν — ἡδὲ; sed articulus praestat, qui referatur ad praecedens ὁδοί. Error facile ex eo natus quod Simplicius antecedentes versus omisit, neque adeo erat quo articulus referretur. vs. 37, οὐκ ἔστι τε καὶ, Proclus γε καί. — vs. 36. πειθοῦς κέλευθος. *Via* pro ratione vel disputatione usitate dicitur tam in poësi quam in soluta oratione. Similiter mox παναπειθέα ἀταρπὸν. et vs. 72: οὐ γὰρ ἀληθὴς ἔστιν ὁδός. Empedocles vs. 33: λόγων ἀτραπὸν μίαν. Linus apud Stobaeum Floril. V, 22. Gaisf.

μύθων ἡμετέρων ἀτραπὸν περὶ παντὸς ἀληθείᾳ.

Orph. fragm. II, vs. 8. (Herm.) cit. Brandis. Cf. Gesner. ad Argon. vs. 33-35. Heusdius ad Platon. Politic. p. 258 B, in Specim. Platon. p. 130. sq. — πειθὼ quasi persona satis frequens. Vid. Aeschyl. Niobes fr. in Stob. Floril. T. CXVIII, 1. Euripid. Antig. Ornatus Empedocles vs. 304: πειθοῦς ἀμαξιτός.

Vs. 38. παναπειθέα ἔμμεν. Vulgo scribunt ἔμμεν', addito apostropho; Simplicius παναπειθέα ἔμμεναι. Notandus autem hiatus ante ἔμμεν, uti et vs. 74 in verbis, πέλοι τὸ ἔόν. vs. 156: νῦν τε ἔασι. Posset facile tolli inserendo γ', aliove remedio, quo in multis hujusmodi locis usus est Hermannus: ut Homer. II. Apoll. Del. vs. 54, pro σε ἔσεσθαι corrigit σέ γ' ἔσεσθαι. Similia hiatus exempla apud seriores epicos multa exstant, ut apud Q. Smyrnaeum III, 325, 475. VI, 296. XIV, 114: ἄλσεα ὑλήεντα, στήθεα ἡδὲ χιτῶνας, ὅπποσα ἔστι, al. quae omnia emendatione egere censet Hermannus, de hiatu disserens ad calcem Orphic. p. 743 sqq. Equidem tamen tangere vereor.

Vs. 39 sq. οὔτε γὰρ ἂν γνοίης κτλ.) Inter hunc versum et antecedentem Proclus interponit particulam καὶ, unde suspiceris aliquid intermissum esse; Simplicius tamen uno ordine continuat. Etsi versus bene cohaerent, tamen haud impro-

babile videtur, aliquid intercidisce, quo latius explicitum sit, quod deinde saepius repetitur, non ens esse omnino nihil, idque tanquam inane prorsus esse rejiciendum. — τό γε μὴ ἔδν, Proclus μὴ ὄν; Ionicam formam praebet Simplicius, quae Parmenidi ubique restituenda, ut monuit Heindorf ad Platon. Soph. p. 239 B, et fecit jam Brandis. μὴ ante ἔδν producitur vi arseos; alioquin corripiendum, ut vs. 62: ἐκ μὴ ἐόντος ἑάσω.

οὔτε γνοίης — οὔτε φράσαις. Similiter vs. 63: οὔτ' ἑάσω

φάσθαι σ' οὐδὲ νοεῖν, οὐ γὰρ φατὸν οὐδὲ νοητόν.

Parmenidis vestigia legit Plato Soph. p. 238 C: συννοεῖς οὖν ὥς οὔτε φθέγγεσθαι δυνατὸν ὁρθῶς οὔτε εἰπεῖν οὔτε διανοηθῆναι τὸ μὴ ὄν αὐτὸ καθ' αὐτό, ἀλλ' ἔστιν ἀδιανόητόν τε καὶ ἄρρητον καὶ ἀφθεγκτον καὶ ἄλογον. Eadem verba, quamquam diversâ sententiâ, exprimit Proclus Theolog. III, 7. p. 131 sq. ἀπάντων τῶν ὄντων... μία... αἰτία προὔφεστηκεν, ἄρρητος μὲν παντὶ λόγῳ καὶ ἀφραστος, ἄγνωστος δὲ πάσῃ γνώσει καὶ ἄληπτος.

ἀνυστόν. Ita Simplicius; Proclus ἐφικτόν. Significatio paene similis: quod ratione probari vel mente comprehendi potest; ut difficile sit dictu, iudice Brandisio, utra lectio anteponenda sit. Ἐφικτόν occurrit apud Empedoclem, vs. 302:

οὐκ ἔστιν πελάσασθ', οὐδ' ὀφθαλμοῖσιν ἐφικτόν

ἡμετέροις ἢ χερσὶ λαβεῖν.

apud Democritum in Stobaei Floril. T. CX, 18: ἐλπίδες αἱ τὰ ὁρθὰ φρονέοντων ἐφικταί, αἱ δὲ τῶν ἀξυνέτων ἀδύνατοι. — ἀνυστόν et compositum ἀνήνυστον habet etiam Empedocles vs. 125: τὸ ὄν ἐξόλλυσθαι ἀνήνυστον, h. e. ἀμήχανον. Anaxagoras fr. 14, p. 125 Schaub. οὐδὲ ἀνυστόν πάντων πλείω εἶναι, κτλ. Melissus apud Simplicium Phys. f. 23 B. extr. οὐ γὰρ αἰεὶ εἶναι ἀνυστόν, ὅτι μὴ πᾶν ἐστί. ibid f. 24 A. οὐδὲ μετακοσμηθῆναι ἀνυστόν. cf. Brandis. § 7, 12. Etsi autem utrumque vocabulum antiquis usitatum, posterius tamen, isto quidem sensu, priscis magis proprium mansisse videtur, illud a senioribus quoque usurpatum. Hesychius: ἐφικτόν, δυνατὸν (καταλαβέσθαι), καταληπτόν. Cf. interpp. ad h. l. Eunapius, Vita Porph. p. 10. ed. Boiss.

Quamobrem probabilius videtur, vocabulum antiquius alteri magis noto cecidisse; tum etiam Simplicii auctoritas in laudandis veterum dictis Proclo anteponenda est.

Vs 40. τὸ γὰρ αὐτὸ κτλ.) Versiculum hunc a Plotino et Clemente separatim memoratum, non animadversum ab interpretibus, hic interposui, quod et sententia et numeri cum proximis verbis aptissime cohaerent. Sensus universe hic est: Non ens ne cogitari quidem potest: nam quodcumque cogites, esse cogitas; si esse tollatur, tollitur etiam ipsum cogitare; ergo si cogitare statuas, esse quoque fatendum est: idem adeo est dicere cogitare et esse. Οὐ γὰρ ἔνευ τοῦ ἐόντος εὐρήσεις τὸ νοεῖν, dicit similiter vs. 94, quae cum his conferenda. Plotinus hoc dictum sic interpretatur, Parmenidem τὸ ὄν idem dixisse νοῦν, atque ens intellexisse cogitantem naturam. Hic Neo-platonica cum Parmenideis confudit. Agemus de hoc in dissertatione de Parm. philos. § 12.

Vs. 41 sq. ξυνὸν δέ μοι κτλ.) Apud Proclum haec leguntur: ὁ μὲν γὰρ Παρμενίδης αὐτὸ τὸ ὄν ἑώρα... τὸ πάντων ἐξηρημένον καὶ ἀκρότατον τῶν ὄντων, ... οὐχ ὥς ἀγνοῶν τὸ πλῆθος τῶν νοητῶν. αὐτὸς γὰρ ἐστὶν ὁ φῶς, ἐὼν γὰρ ἐόντι πελάξαι (vs. 80.), καὶ πάλιν,

ξυνὸν δέ μοι ἐστὶν ὁ πόθεν

ἔξομαι.

τόθι γὰρ πάλιν,

ἔξομαι αὐθις.

καὶ ἐν ἄλλοις, μεσσοθέν ἰσοπαλές. (vs. 103.) Sic haec verba apud Cousinum sunt disposita. At statim patet, ὁ πόθεν non posse ultimam versus sedem obtinere; obstat enim metrum: itaque ad initium versus sequentis rejeci. Deinde verba τόθι γὰρ πάλιν si a sequentibus ἔξομαι αὐθις dispescantur, nullus omnino subest sensus; versiculi partem esse, poëtica etiam particula τόθι indicat. Si autem sensum quaeras, videtur in eo nihil esse reconditum, sed transitum modo facere ad inchoandam disputationem. Scriptor, diversis propositis argu-

mentis et quasi disserendi viis, tanquam incertus quo primum ingrediatur, videtur hoc dicere: *Nihil interest, unde initium capiam: nam mox illuc revertar.* Possent, si opus esset, similia poëtarum dicta conferri, ut hoc Empedoclis, in fragm. Peyron. p. 53:

αὐτὰρ ἐγὼ παλίνορσος ἐλεύσομαι ἐς πόρον ὕμνων,
τὸν πρότερον κατέλεξα —

et vulgaria illa: *ἐπανελθεῖν βούλομαι, ὅθεν εἰς ταῦτα ἐξέβην,* similiaque, quorum multa exempla profert Wytttenbachius ad Phaedon. p. 194. Sed res explicatione non eget. Illud tantum quaeritur, quae argumenta Parmenides hic spectet. Pertinere ad disputationem sive carminis partem *περὶ τοῦ ὄντος*, apparet e Proclo. Iam opinari posses, spectari duo illa argumenta quae in carminis prooemio proponit, de veritate et de opinione; quorum utrum prius tractare instituat velut ambigens, hoc dicat. At ista quidem partitio non erat temeraria neque fortuita. Potius spectasse credo duplicem illam viam seu rationem, quam initio argumentationis de ente proponit: utrum esse an non esse sit statuendum. Hoc mihi non improbabile visum, ideoque hoc loco, quo aptiorem sedem non facile invenias, interpōsui. Si autem Proclum interpretantem audiamus, verbis his gravis et recondita subest sententia, quae paucis exploranda est: *διὰ γὰρ τούτων ἀπάντων*, inquit, (iis nempe quae modo attulimus) *δείκνυσιν ὁ Παρμενίδης, ὅτι καὶ πολλὰ εἶναι τίθεται νοητὰ, καὶ τάξιν ἐν τούτοις πρώτων καὶ μέσων καὶ τελευταίων, καὶ ἔνωσιν ἄφραστον αὐτῶν.* Vult ergo, Parmenidem his dictis ostendere, et multa esse entium sive intelligibilium rerum genera; et perfectum in iis ordinem, in quo sit initium, medium et extremum; et varia illa inter se unitate incomprehensibili contineri. Horum primum, *πολλὰ εἶναι νοητά*, efficit e dicto quod laudat, *ἐὸν ἐόντι πελάζει*; quibus videlicet verbis palam sit, *ens enti* a Parmenide addi; ergo non unum sed plura entia poni. Alterum, esse *τάξιν πρώτων καὶ μέσων καὶ τελευταίων*, efficit e verbis *μεσσοθεν ἰσοπαλές*.

nam quodcumque medium habeat, extrema quoque habeat necesse sit. Postremum, esse *ένωσιν τῶν νοητῶν*, e versu quem nunc tractamus, *ξυνὸν δὲ κτλ.* colligendum. Ista interpretatio profecto tam ingeniosa est tamque subtilis, ut Neo-platonico paene acumine opus sit ad eam intelligendam et explicandam. Videor tamen Procli sensum posse enucleare. Nimirum duxit hanc interpretationem e vocabulo *ξυνόν*, h. e. *κοινόν*, quod apud philosophos interiorum habet sensum: sic enim appellant *summum genus*, *cujus communione cuncta contineantur*. Aristoteles *Metaph.* III, 3. p. 667 D; Eudemus in *Simplicii Phys.* f. 29 A, de *Parmenidis* ente agens: *τὸ μὲν οὖν κοινὸν οὐκ ἂν λέγοι· οὔτε γὰρ ἐζητεῖτο πῶς τὰ τοιαῦτα, ἀλλ' ὕστερον ἐκ τῶν λόγων προῆλθεν*. *Simplicius* *ibid.* f. 28 B: *τὸ μὲν γένος δύο ἔχει, τό τε οὐσιῶδες καὶ τὸ κοινόν*. De eodem *Proclus* ipse paullo ante (*in Parm.* T. IV, p. 119) dicit: *ἐστὶ δὲ αὖ τῶν πολλῶν δεσμὸς τὸ ἐν αὐτοῖς κοινόν*. Hanc igitur significationem *Proclus*, ut sagacissimus verborum interpres, in hunc locum transtulit. Hinc illa explicatio, in qua non essem tam diu immoratus, nisi exemplo esset, qua arte usi sint *Platonici* in interpretandis veterum scriptis, qua effecerunt, ut in omnibus tam poëtarum quam philosophorum libris ubique suae doctrinae vestigia reperirent, et suas adeo rationes, tanquam totius antiquitatis consensu firmatas et probatas, celebrarent.

Vs. 43 sq. *χρὴ λέγειν τε κτλ.*) Argumentum idem quod antecedentis versus 40; demonstrare vult, cogitare et dicere ens esse, quod hac ratiuncula concludit: dicere et cogitare est; quodcumque est, necessario ens est; ergo dicere et cogitare ens est. Argumentatio haec e *Parmenidis* mente non co valet, ut omne discrimen inter esse et cogitare, omnisque adeo rerum diversitas tollatur; sed hoc docet, nihil non-esse, ens patere per omnia, nec sine hoc dici cogitarive quidquam posse, sicut vs. 94 dicit: *οὐ γὰρ ἄνευ τοῦ ἔοντος.. εὕρησεις τὸ νοεῖν· οὐδὲν γὰρ ἔστιν ἢ ἔσται ἄλλο πάρεξ τοῦ ἔοντος*. *Simplicius* l. I. f. 19 A, sententiae hujus summam sic exponit: *εἰ οὖν ὅπερ*

ἔν τις ἢ νοήσῃ ἢ εἴπῃ τὸ ὄν ἐστι, πάντων εἷς ἔσται λόγος ὁ τοῦ ὄντος. Recte. Strictius tamen pro ὅπερ ἔν τις ἢ νοήσῃ ἢ εἴπῃ dixisset, ut Parmenides, τὸ νοεῖν τε καὶ λέγειν sive πᾶσα νόησις τε καὶ ῥῆσις. Simplicii interpretatio in errorem induxit Heindorfium, ut statim videbimus.

ἔστι γὰρ εἶναι, μηδὲν δ' οὐκ εἶναι.) Simplicius uno loco (f. 19 A.) pro οὐκ εἶναι legit οὐκ ἔστιν. Parum differt; commodius tamen εἶναι et οὐκ εἶναι sibi opponi videntur, eodem sensu ac si dixisset: ἔστι γὰρ τὸ εἶναι, τὸ δὲ μὴ εἶναι οὐδέ ἐστιν. Notionem τοῦ μὴ ὄντος declarat Platonis Parmenides p. 163 C: τοῦτο τὸ μὴ ἔστι, λεγόμενον ἄπλως, σημαίνει ὅτι οὐδαμῶς οὐδαμῇ ἔστιν οὐδέ πῃ μετέχει οὐσίας τό γε μὴ ὄν... οὔτε ἄρα εἶναι δύναίτο ἔν τὸ μὴ ὄν οὔτε ἄλλως οὐδαμῶς οὐσίας μετέχειν. Sententiam Parmenidis, non verba reddit Proclus in Parm. T. V, p. 280: τὸ γὰρ οὐκ ὄν οὐδέ ἐστιν, αὐτὸς ἦν ὁ λέγων ὁ Παρμενίδης. — Caeterum Heindorf. ad Platon. Soph. p. 239 B, Simplicii ductu locum hunc sic corrigendum putabat:

χρὴ τὸ λέγεις, τὸ νοεῖς τ' εἶναι ἔμμεναι· ἔστι γὰρ εἶναι,
μὴ δ' εἶν' (εἶναι) οὐκ ἔστιν.

Recte τ' (τε) εἶναι emendavit pro τὸ ὄν, quod legitur in Simplicio; ad eundem modum τὸ λέγειν τε νοεῖν τ' scripsi pro vulgato τὸ λέγ. τὸ ν. τ'. Caetera autem nulla emendatione egere videntur. In sqq. τὰ τέ σε φράζεσθαι, τε inseruit Heindorfius, postulante metro. Est autem locutio HomERICA, ut Fuelleborn. notat. Vid. Odyss. α, 269; Hesiod. Ἔργ. 367. al.

Vs. 45. πρῶτον τῆς δ' ἀφ' ὁδοῦ) Sic versum hunc e conjectura refinxi. Simplicius legit: πρώτης γὰρ ἀφ' ὁδοῦ ταύτης. ταύτης, quod turbat metrum, ejecerunt Fuelleb. et Brandis; tamen pronomen requiritur. Praeterea vero suspectum mihi erat γὰρ, quod metro repugnat, neque ullum habet sensum. Quam frequenter haec particula, in citandis veterum dictis, inseri soleat, latet neminem; similiter vs. 60 pro οὔ ποτ' Hermias οὐ γάρ. Denique πρώτης non satis congruit sequenti αὐτὰρ ἔπειτ', quod illi respondet. Ideo ταύτης et γὰρ utrum-

que, ut temere intrusum, eieci; πρώτης autem mutavi in πρώτον-
τηςδ', quod sequentis versûs initio optime respondet. Proba-
bile est scripturae compendium hanc labem fecisse, quam
deinde interpretes vel librarii suo arbitrio suppleverint.

Vs. 46 sqq. αὐτὰρ ἔπειτ' ἀπὸ τῆς κτλ.) Quum primum non
esse redarguit, deinceps se opponit eorum sententiae qui esse
simul et non esse dicunt, τοῖς τὸ ὄν καὶ τὸ μὴ ὄν συμφέρουσιν,
interprete Simplicio; h. e. qui esse quidem ajunt, sed fluxa ista
et mortalia, non constans illud et aeternum. Ad quos spectet,
infra in dissert. § 5. quaeremus. Nunc, quo clarius Parme-
nidis mens pateat, verba ejus accuratius considerata sunt.

Vs. 47 sq. πλάζονται δίκρανοι.) δίκρανος, *biceps*, in ratioci-
nando ambiguus et contrarius, κορυφὰς ἑτέρας ἑτέραισι προσάπτων,
ut Empedoclis dicto utar (apud Plutarch. def. oracul. c. 15.).
Simili modo versutus sophista a Platone πολύκεφαλος appella-
tur, Sophist. p. 240 C. — πλάζεσθαι dicitur qui ambigit, in
sententia fluctuat. Sic Plato Rep. V, p. 479 D, de vulgi
opinionibus dicit: τὰ τῶν πολλῶν νόμιμα... μεταξύ που κυλιν-
δεῖται τοῦ τε μὴ ὄντος καὶ τοῦ ὄντος εἰλικρινῶς. Lucianus,
(cit. Brandis.) in Fugit. § 10 (T. III, p. 370 Hemst.): τὸ
σοφιστῶν φῦλον... οἷον τὸ ἱπποκενταύρων γένος σύνθετόν τι
καὶ μικτὸν ἐν μέσῳ ἑλαζονείας καὶ φιλοσοφίας πλαζόμενον. Huic
cognata sunt verba πλάνος, πλάνη, πλανᾶσθαι, quae quam fre-
quenter de rebus fluxis vagisque opinionibus a Platone et Pla-
tonicis usurpentur, notum est. Vid. e. g. Parm. p. 135 E;
Soph. p. 245 E; Phaedon. p. 79 D; Tim. p. 48 A. Verbum
translatum a navigii cursu fluctibus agitati, cui congruunt
etiam sequentia: ἰθύνει, πλαγκτὸν νόον, Φορεῦνται.

ἀμηχανία — πλαγκτὸν νόον). ἀμηχανία vocabulum latae signi-
ficationis: vulgari usu universe consiliorum inopiam, vel mo-
lestiarum sollicitudinem notat; apud philosophos autem haesitationem in argumentando, rationum ambiguitatem, incon-
stantiam. Sextus Empir. Pyrrhon. I, 7, de scepticismo: ἀπορητικῇ,
inquit, ista ratio appellatur ἀπὸ τοῦ ἀμηχανεῖν πρὸς συγκατάθε-

σιν ἢ ἄρνησιν, quod *anceps* est tam ad affirmandum quam ad negandum. Cf. Brandis. — πλαγκτὸν usurpat Homer. Od. φ, 363; Parmenides vs. 145: μελέων πολυπλάγκτων. — φορεῦνται scripsi pro φοροῦνται.

Vs. 49. κωφοὶ ὅμως τυφλοὶ τε) Notantur ii qui non rationis iudicium, sed sensuum commenta sequuntur; de quibus vs. 54 dicit: νομῶν ἔσκοπον ὅμματα καὶ ἠχέεσσαν ἀκουήν. Parmenides fuit in primis qui oculorum auriumque sensus vituperavit, mentis iudicium commendavit. Comparanda cum hoc aliorum dicta Parmenidi fere aequalium, ut Epicharmi celebratissimus versus:

νοῦς ὁρῇ καὶ νοῦς ἀκούει· τᾶλλα κωφὰ καὶ τυφλά.

in Stobaei Florileg. T. IV, 42. Gaisf. Cf. Potter. ad Clement. Alex. I. p. 442, aliique; Heracliti dictum apud Sextum Emp. adv. Mathem. VII, 126: κακοὶ μάρτυρες ἀνθρώποισιν ὀφθαλμοὶ καὶ ὦτα, βαρβάρους ψυχὰς ἐχόντων. Empedoclis illud de mundi harmonia, vs. 53:

τὴν σὺ νόῳ δέρκευ, μήδ' ὁμμασιν ἦσο τεθηπῶς.

Utrumque vocabulum τυφλὸς et κωφὸς frequenter ad intelligentiam transferuntur. Heraclitus apud Clement. Alex. Strom. V, p. 604 A: ἀξύνετοι ἀκούσαντες κωφοῖς εἰκόκασιν. Sophocles Oedip. Tyr. vs. 371:

τυφλὸς τὰ τ' ὦτα τὸν τε νοῦν τὰ τ' ὅμματα εἶ.

Idem in Aiace vs. 911: ἐγὼ δ' ὁ πάντα κωφὸς, ὁ πάντ' ἄϊδρις. Plato Phaedr. p. 270 E: οὐ μὲν ἀπεικαστέον τὸν γε τέχνην μετίοντα ὁτιοῦν τυφλῷ οὐδὲ κωφῷ Cf. Brandis.

ἄκριτα φῦλα) ἄκριτος, *rationis expers*, *judicandi inperitus*; significatio non vulgaris. Cf. Gatakerus ad Antonin. L. II, § 17. κρίνειν proprie dixit Parmenides de rationis cognitione; vs. 55: κρίναι δὲ λόγῳ. vs. 70: κρίσις περὶ τούτων.

Vs. 50. οἷς τὸ πέλειν κτλ.) Qui esse et non esse statuunt, hos redarguit eo, quod utrumque diversum simul idemque faciant: nam quum non-ens enti opponunt, diversa statuunt; quum ambo esse asseverant, idem faciunt.

Hoc autem placitum est eorum qui esse ponunt in rebus fluxis et mortalibus, quae oriuntur et occidunt, [non autem constant. Sic infra vs. 99 conjungit γίνεσθαι τε καὶ ὀλλυσθαι, εἶναι τε καὶ οὐκί. Illustrat Plato Rep. V, p. 479 C: καὶ γὰρ ταῦτα (res fluxae) ἐπαμφοτερίζει, καὶ οὐτ' εἶναι οὔτε μὴ εἶναι οὐδὲν αὐτῶν δυνατὸν παγίως νοῆσαι, οὐτ' ἀμφοτέρα οὔτε οὐδέτερον. Quod Plato vocat ἐπαμφοτερίζειν, est idem quod Parmenides dicit, παλίντροπός ἐστι κέλευθος. Cf. Ruhnken. ad Tim. Lex. p. 108. — τὸ πέλειν id. q. τὸ εἶναι, ut vs. 66; articulum vero hic deleri mallet, quia saepius omittitur (ut vs. 43: ἔστι γὰρ εἶναι), in ejusque locum supponi particulum γέ, quae hic minime foret supervacanea. In verbis autem construendis ambiguum, utrum jungendum sit πέλειν τε καὶ οὐκ εἶναι, an sic ordinandum: πέλειν τε καὶ οὐκ (h. e. οὐ πέλειν) et sequens εἶναι cum proximo ταῦτὸν νενόμισται copulandum sit. Priorem rationem praeferrem, nisi πέλειν et οὐκ εἶναι minus apte proponi viderentur; potius dixisset εἶναι τε καὶ οὐκ εἶναι, vel πέλειν τε καὶ οὐ πέλεναι. Posterior ratio Graecis non inusitata; ut vs. 66: πέλεμεν χρεῶν ἐστὶν ἢ οὐκί (πέλεμεν). Plato Soph. p. 245 E: τοὺς διακριβολουμένους ὄντος τε πέρι καὶ μή (ὄντος). Quae constructio si hic, ut mihi videtur, praeferenda est, pro εἶναι legi malim ἔμεναι, tam propter numerum, quam ut ambiguitas leniatur: nam εἶναι usurpat Parmenides, quando ipsum τὸ ὄν notat; quum vero pro copula ponitur, saepius utitur forma ἔμεναι; ut vss. 38, 43. Itaque verum etsi non statuo, opinor tamen sic legendum:

οἷς γε πέλειν τε καὶ οὐκ ἔμεναι ταῦτὸν νενόμισται
κοῦ ταῦτόν.

Vs. 51. πάντων δὲ παλίντροπος) πάντων, nempe ἃ λέγουσιν; Brandis conjiciebat πάντως. παλίντροπος notat vel *redux* vel *in contrarium versus*: nam πάλιν in compositis utrumque significare, et rursus et *contra*, notum est. Hic παλίντροπος κέλευθος est ratio anceps, ipsa sibi repugnans. Eodem fere sensu Plutarchus de Cicerone, mortis angore in diversas partes

jactato, in Vit. c. 47: *ταραχώδη καὶ παλίντροπα βουλεύματα τῆς γνώμης μεταλαμβάνων*. Hinc *παλιντροπία* fluctuantis animi sollicitudines vocantur ab Apollon. Rhod. III, 1156. Similis est significatio vocabuli *παλίντονος* in celebratissimo Heracliti dicto, apud Plutarch. Is. et Osir. p. 369 B: *παλίντονος γὰρ ἡ ἁρμονία κόσμου, ὅπωςπερ λύρης καὶ τόξου*. pro quo apud eundem de Animi gener. in Tim. p. 1026 C, legitur *παλίντροπος*. Sed hoc ut melius congruit voci *κέλευθος*, qua Parmenides utitur; ita illud magis conveniens est cum *ἁρμονίῃ*. Denique *παλίμβολος* quoque eodem sensu interdum ponitur; sic Aristaenet. Ep. I, 29, *παλίμβολον* appellat *ἱστὸν Πηνελόπης*, telam illam textam assidue et retextam. cf. Timaei Lex. p. 204. Cum Parmenidis dictis propter coloris similitudinem comparanda sunt haec Numenii Pythagorici verba, quibus Academicum Arcesilam insectatur, apud Euseb. Praep. Eu. XIV, 5. p. 730 A: *καὶ ἔλεγε καὶ ἀντέλεγε, καὶ μετεκυλινδεῖτο καὶ κεῖθεν καὶ ἀντεῦθεν, ἑκατέρωθεν ὁπότεν τύχοι, παλινάγρετος καὶ δύσκριτος καὶ παλίμβολός τε ἅμα καὶ παρακεκινδυνευμένος, οὐδέν τε εἰδώς, ὥς αὐτὸς ἔφη*.

Vs. 52 sqq. *ἀλλὰ σὺ τῆς δ' κτλ.*) Devenimus jam ad versus illos a Sexto relatos, de quorum collocatione ad vs. 28 vidimus. Parmenides, suis rationibus expositis, refutatis adversariis, hortatur, ut in his dijudicandis non vulgarem viam, non oculorum auriumque judicium sequantur, sed ratione verum discernant. Argumentationis ordinem et nexum indicat Simplicius Phys. f. 17 A: *μεμψάμενος (ὁ Παρμενίδης) τοῖς τὸ ὄν καὶ τὸ μὴ ὄν συμφέρουσιν, . . . ἀποστρέψας τῆς ὁδοῦ τῆς τὸ μὴ ὄν ζητούσης, ἀλλὰ σὺ (λέγων) τῆς δ' ἀφ' ὁδοῦ διζήσιος εἶργε νόημα, ἐπάγει· μόνος δ' ἔτι μῦθος ὁδοῖο λείπεται κτλ.* Ex hoc patet, viam, quam Parmenides sequi dissuadet, esse τὴν τὸ μὴ ὄν ζητοῦσαν, sive eorum rationem qui negant esse, non esse statuunt, quam initio jam reprehendit et hîc identidem refutat. Intelligitur inde, versus nonnullos eo spectantes hic intercidisse; quod significant etiam Platonis verba de Parmenide, Soph. p. 237 A: *οὐ γὰρ μήποτε τοῦτ' οὐδαμῇ φησιν*

εἶναι μὴ ἐόντα, ἀλλὰ σὺ τῆςδ' ἀφ' ὁδοῦ διζήσιος εἶργε νόημα. quae Brandisius, ut lacunam suppleret, tanquam ipsius Parmenidis dicta hic inseruit; nobis, quia verba illa nec numeris constant nec argumentationem interruptam justo modo explent, melius visum e versuum ordine excludere et inter prosae orationis fragmenta referre infra, ubi de his accuratius. Mi-
retur vero aliquis, Simplicium l. c. versus illos, quibus Parmenides sensuum fidem perstringit (53-55), plane omittere, neque ullam facere eorum mentionem. Ratio est, quod Simplicius eo loco id agit ut Parmenidis argumenta περὶ τοῦ ὄντος explicet, caetera satis habuit uno verbo (ἀποστρέψας τῆς ὁδοῦ κτλ.) indicare.

Vs. 53. μήδε σ' ἔθος πολύπειρον ὁδόν) Fuellebornius admonet celebratissimorum versuum Hesiodi Ἔργ. 288, ubi duae viae, altera virtutis, altera injustitiae describuntur; unde hunc Parmenidis locum expressum vel adumbratum esse, post illum alii quoque judicarunt, ut Astius ad Platon. Phaedr. p. 379. Tamen quam parum sit inter utrumque similitudinis, non opus est multis explicare, monuisse sufficiat, ne dissimilibus inter se comparandis hujus loci sensus obscuretur.

ἔθος, vulgaris hominum consuetudo, opiniones, ὅσσα βρότοι κατέθεντο, πεποιθότες εἶναι ἀληθῆ, ut dicit vs. 98. Diogenes habet μή σε θεός, confusis literis. — πολύπειρον, sive illud referatur ad ἔθος sive ad ὁδόν, non potest usitata significatione accipi, qua notat *experientia doctus, prudens*; sed accipiendum eadem significatione qua πολυπείρων, *multivius, multimodus*, apud Orpheum Argon. vs. 33: μαντείης πολυπείρονας δίμους. quae vocabula ambo ejusdem sunt originis et cognatae significationis: ducuntur enim ambo a πεῖρα, quod et *experientiam* et *viam* notat (Sophocl. Ai. 290.); terminationes autem in ος et ων interdum nullo discrimine permutantur, ut in ἀπειρος et ἀπείρων, ποικιλόδερμος et ποικιλοδέρμων. Alioquin addito apostropho scribi posset πολυπείρον' ὁδόν. Itaque significatur vulgare hominum iudicium non unam sequens rationis viam,

sed per multas sensuum ambages oberrans, anceps, ambiguum.

Vs. 54. νωμῶν ἄσκοπον ὄμμα κτλ.) His similes sunt versus Empedoclis 248 sqq.

μήτε κατ' ὄψιν ἔχων πίστιν πλέον' ἢ κατ' ἀκουήν,

ἢ ἀκοὴν ἐρίδουπον ὑπὲρ τρανώματα γλώσσης,

μήτε τι τῶν ἄλλων ὁπόση πόρος ἐστὶ νοῆσαι.

quorum versuum primum leviter refinximus, quum apud Sturz.

sic legatur: μήτε τιν' ὄψιν ἔχων πίστει πλέον — sed de hoc

alibi. Comparandus quoque Epicharmi versiculus citatus ad

vs. 47, aliaque omnium quondam ore pervagata; quae spec-

tat Plato Phaedon. p. 65 B, sic rogans: ἄρα ἔχει ἀλήθειάν τινα

ὄψις τε καὶ ἀκοὴ τοῖς ἀνθρώποις; ἢ τά γε τοιαῦτα καὶ οἱ ποιηταὶ

ἀεὶ ἡμῖν θρυλλοῦσιν, ὅτι οὔτ' ἀκούομεν ἀκριβὲς οὔδ' ἐν οὔτε ὁρῶμεν.

ad quem locum largam doctrinae messem praebet Wyttenbach.

Annotat. p. 151 sq. — ἄσκοπον ὄμμα. Cf. Homer. Il. ω, 157;

Timo Phlias. apud Sextum Empir. adv. Mathem. IX. 57. —

ἡχέεσαν ἀκουήν id. q. ἐρίδουπον apud Empedoclem, l. c. monente

Brandisio.

Vs. 55. κρίναι δὲ λόγῳ) κρίνειν, *discernere*, a philosophis

proprie de intelligentiae iudicio usurpari coeptum. Ana-

xagoras de sensuum imbecillitate loquens, ὑπὸ ἀφαιρότητος,

inquit, οὐ δύνατοί ἐσμεν κρίνειν τὰ ληθές. (apud Sextum Empir.

adv. Math. VII, 90.) Hanc significationem Parmenides magis

etiam declarat addito λόγῳ, quae locutio etiamsi vulgari quo-

que consuetudine usurpatur (ut δηλοῦν λόγῳ, similia; Herodot.

VIII, 61; cf. Lex. Herodot. Schw. II, p. 78.), tamen apud

philosophos propriam habet potestatem. Hi λόγον appellant

rationandi et disserendi facultatem, quae eadem postea arte

constituta *διαλεκτικὴ* seu *λογικὴ* dicta est. Hoc sensu λόγος

hic opponitur ἔθει, *communi sensuum consuetudini*. Similiter

τῇ ἐμπειρίᾳ opponitur a Platone Legg. IX, p. 857 C: ἱατρὸς

τῶν ταῖς ἐμπειρίαις ἄνευ λόγου τὴν ἱατρικὴν μεταχειριζομένων. cf.

Aristotel. Metaph. I, 1. Eodem vocabulo utitur Platonis Par-

menides p. 135 D: οὐκ ἐν τοῖς ὁρῶμένοις οὔδ' ἐπεὶ ταῦτα τὴν

πλάνην ἐπισκοπεῖν, ἀλλὰ περὶ ἐκεῖνα ὃ μάλιστα τις, ἂν λόγῳ λάβοι. quod idem Plato Phaedon p. 79 A (37 Wyt.) sic exprimit: τῶν δὲ κατὰ τὰ αὐτὰ ἔχόντων οὐκ ἔστιν ὅτῳ ποτ' ἂν ἄλλῳ ἐπιλάβοιο ἢ τῷ τῆς διανοίας λογισμῷ. Sic λογίζεσθαι quoque de mentis cogitatione a sensu remota; ibid. p. 65 C. (15 W.). Parmenidis autem aetate vocabulum λόγος hac notione apud doctos nondum valde invaluisse videtur; usitatus νοῦς et νοεῖν. Empedocles, vs. 351:

γυῖων πίστιν ἔρυκε, νόει δ' ἥ δῆλον ἕκαστον.

Euripides, in Valckenarii diatr. p. 244:

οὐ γὰρ ὀφθαλμὸς τὸ κρίνόν ἐστιν, ἀλλὰ νοῦς.

Utrumque significatione cognatum quidem, nec tamen plane par; νοῦς significat cogitationem, intelligentiam, universe; λόγος rectam intelligendi rationem vel instrumentum. Hinc utrumque interdum conjungitur a Platone, ut Tim. p. 27 D: τί τὸ ὄν αἰεὶ, γένεσιν δὲ οὐκ ἔχον, καὶ τί τὸ γιγνόμενον μὲν αἰεὶ, ὄν δὲ οὐδέποτε; τὸ μὲν δὴ νοήσει μετὰ λόγου περιληπτόν, τὸ δὲ αὖ δόξῃ μετ' αἰσθήσεως ἀλόγου. quae spectat Proclus in Alcib. I, p. 22 (Creuz.): ὁ Τίμαιος ἀνάλογον τοῖς οὖσι τὰς γνώσεις διελόμενος, νοήσει μὲν ἡμᾶς καὶ λόγῳ παρακελεύεται τὰ ὄντα κρίνειν, δόξῃ δὲ καὶ αἰσθήσει τὰ μὴ ὄντα μὲν, γινόμενα δὲ καὶ ἀπολλύμενα, Phileb. p. 62 A: Φρονῶν (i. q. νοῶν) ἄνθρωπος αὐτῆς περὶ δικαιοσύνης, ὅ τι ἐστι, καὶ λόγον ἔχων ἐπόμενον τῷ νοεῖν. h. e. qui quid sit justitia cum intelligit, tum rationem reddere potest. Ocellus Lucanus librum περὶ τοῦ παντὸς sic orditur: Τάδε συνέγραψεν Ὀκελλος, ... τὰ μὲν τεκμηρίοις σαφέσι παρ' αὐτῆς τῆς φύσεως ἐκμαθών, τὰ δὲ καὶ δόξῃ μετὰ λόγου τὸ εἰκὸς ἀπὸ τῆς νοήσεως στοχαζόμενος. Hic verbis quidem usus est Platonice, sensu vero et significatione ab eo plane distat, siquidem notiones diversas inter se confundit, ut arguit Theaet. p. 201 C.

πολύδηνιν ἔλεγχον ἐξ ἐμ. ῥηθ.) Intelligit eam argumentationem qua refutavit istos, qui aut non esse aut esse simul et non esse ponerent. πολύδηνιν edidi secundum Meibomium apud Diogen. Laërt. ubi alii libri πολύδηνιν, quod probat Ménagius

Observv. p. 401. Utrumque vocabulum non usitatum quidem, tamen antiquae notae. Alterum derivatum a δῆρις, *rixā*, (Homer. II. ρ. 42; Empedocl. vs. 12.) sign. *litigiosus*, sive alios acriter impugnans, sive ab aliis multum impugnatus; alterum ductum a δῆνος, unde plur. δῆνεα apud Homer. II. δ, 361, quod grammatici interpretantur βουλευματα; legitur quoque in Silentiarii versu apud Salmas. Exerc. Plin. p. 851 A, restitutum ab Hermanno in Addendis ad dissert. de aetate scriptt. Argon. p. XXIX; a quo derivata ἀδηνής, ἀδηνείη, caet. Vid. Hesychius v. δῆνεα, ibique intpp. Apollonius Lex. Hom. h. v. Schneider. Lex. Gr. δῆνος. Forma πολύδηνις, pro — ής, respondet Homericis θέσπις, πολύμητις, aliisque similibus, probabiliter ab obsoleto δῆνις repetenda; notat autem *prudens*, *peritus*, *argutus*, quae significatio hîc maxime congrua est. Sextus Empir. vero hîc iterum legit πολύπειρον, quod retinet Brandis; sed ista ejusdem vocabuli repetitio, et quidem contrario plane sensu, vix ferenda est, eaque lectio nihil aliud videtur quam interpretatio verbi πολύδηνις, sicut ἀδηνής, ἀδηνείη, grammatici interpretantur ἄπειρος, ἄπειρία.

Vs. 56. μόνος δ' ἔτι μῦθος ὁδ. λείπ.) Haec postrema sunt apud Sextum; iisdem incipit Simplicius; e quo patet, superiores versus cum his qui jam sequuntur cohaerere. Simplicius uno loco (f. 31 A.) vitiose: μόνος δέ τι μ. ὁδ. λείσεται. Sextus vero: μόνος δέ τι θυμὸς ὁδ. λείπ. ubi Fabricius pro τι correxit γε, reliquit θυμὸς, quod manifesto e v. μῦθος litterarum confusione natum, sicut modo vs. 53 θεὸς vidimus pro ἔθος. Fefellit tamen hoc et frustra exercuit viros doctos, qui non viderunt, haec Sexti verba eadem esse quae apud Simplicium leguntur; mecum consentire video Scaligerum in ms. Leyd. Constructio est: μόνος δ' ἔτι λείπεται ὁ μῦθος τῆς ὁδοῦ ταύτης, ὡς ἔστι. Sic vs. 35: ἡ μὲν (ὁδὸς) ὅπως ἔστι.

Vs. 57 sqq. ταύτη δ' ἐπὶ σήματ') Deinceps notas indicat, quibus entis speciem informat. σήματα, vulgari consuetudine, σημεῖα, τεκμήρια. Multum autem in his variant scriptores:

vs. 58 Simplicius uno loco (f. 17 A.) ὥς . . ἀνώλεθρον ἐν ἐστίν, quod respuit ipsum metrum; maior est discrepantia in vs. 59, ubi Simplicius τε post μουννογενῆς nunc addit, nunc omittit; omittit Philoponus; pro ἀτέλεστον Simplicius semel (f. 17 A.) ἀτέλευτον, quod eodem redit; alibi (f. 26 A.) ἀγέννητον, quo tamen loco Parmenidis verba non accurate refert, sed tantum perstringit, dicens: ἐστὶ γὰρ οὐλον μουννόγ. τε καὶ ἀτρ. ἡ δ' ἀγέννητον καὶ ἀκίνητον καὶ αἰδῖον καὶ ἀδιαίρετον καὶ μυρία ἄλλα. similiter de coelo III, quae emendata dedit Peyronus l. l. p. 55; eodemque modo Philoponus, Clemens, Plutarchus adv. Colot. qui versum sic citat:

ἐστὶ γὰρ οὐλομενές τε καὶ ὑτρεμές ἡ δ' ἀγέννητον.

οὐλομενῆς vel confusis litteris natum ex οὐλον μουννογενῆς, vel mutandum in οὐλομελές, glossema, quod Plutarcho memoriter haec referenti facile subrepere potuit; usurpat hoc vocabulum Simplicius Phys. f. 29 B: τὸ ὄν . . . ὀλομελές εἶναι, παντόθεν εὐκύκλου σφαίρης ἐναλίγκιον ὄγκῳ, μεσσόθεν ἰσοπαλές (vs. 102.), quod idem alibi ὀλοτελές, ὀλόκληρον vocat. Eusebius e Plutarchi Stromatis versum sic refert: εἶναι γὰρ αὐτὸ μόνον μουννογενές τε καὶ . . . ἀγέννητον. Idem alibi e Clemente ita legit: μοῦνον μουννογενῆς δὲ κτλ. Hic utroque loco praebat μοῦνον seu μόνον, quod tamen non illis, quos nominat auctores, sed ipsi Eusebio tribuendum. Similiter Theodoretus: μοῦνον . . . ἀγέννητον, qui tamen ipse fatetur se Parmenidis versum fama tantum referre. Apparet ex his, lectionem μοῦνον pro οὐλον nulla probabili auctoritate niti; de altera autem, utrum ἀτέλεστον an ἀγέννητον sit legendum, dubios esse testes. Videamus singulorum deinceps verborum significationem.

Vs. 58. ἀγέννητον . . ἀνώλεθρον, ut praecipua, primo loco ponit, et ad eadem saepius revertitur, ut vs. 82: ἐστὶν ἀναρχον, ἀπανστον. His caetera subjiciuntur.

Vs. 59. οὐλον, h. e. *integrum*, omnibus numeris completum et absolutum. Notionem hanc vidimus jam apud Xenophanem, fragm. II, p. 35. Hinc quod etiam apud Platonem in

Eleaticis quaestionibus (Soph. Parm. al.), τὸ ὅλον quid sit, disceptatur; eodem fere valet quod statim dicit: νῦν ἔστιν ὁμοῦ πᾶν. et vs. 107: πᾶν ἔστιν ἕσυχον. Simplicius Phys. f. 31 A ὁλόκληρον interpretatur. Eleaticam dictionem imitatur Damascius in Parmen. (cit. a Jo. Camotio in Theophr. Metaph. f. 100 B.): ὁ μὲν νοητὸς κόσμος ἀδιαίρετός ἐστιν (Parmenides vs. 77.), μόνος ὁλοτελής, ἐν τῷ μένειν ἔχον τὸ εἶναι (vs. 84).

μουνογενές, dicitur vulgo de prole. Hesiodus Ἔργ. 376: μουνογενὴς δὲ πᾶσι σώζοι πατρώϊον οἶκον. Orph. hymn. 28, 2, Περσεφόνη dicitur μουνογένεια θεά. A progenie ad stirpem quoque translatus ab Euripide, Helen. 1701: γεγῶτ' ἀδελφῆς μονογενοῦς ἀφ' αἵματος. De mundo dicit Plato Tim. p. 31 B: εἷς ὃδε μονογενὴς οὐρανὸς γεγονῶς ἐστι τε καὶ ἔσεται. quod cum Parmenidis dicto solet comparari. Sed Plato vocabulum proprio sensu posuit, siquidem mundum generatum facit a Deo, quemadmodum etiam Cicero Univ. c. 4, expressit: *mundum singularem et unigenam procreavit*. Parmenides ab usitata significatione recessit, siquidem in ens nulla cadit generatio; sed significat esse illud *unum et simplex* (μόνον), sicut de mente dicit Anaxagoras: ὁ νοῦς μόνος αὐτὸς ἐφ' ἑωυτοῦ ἐστιν. (fragm. ed. Schaubach. p. 110.) Plato de idea, Symp. p. 211 B: αὐτὸ καθ' αὐτὸ μεθ' αὐτοῦ μονοειδὲς ἀεὶ ὄν. Quod idem usurpat Proclus in Alcibiad. I. p. 21, 103. Creuz. Eandem fere notionem Parmenides vs. 84 exprimit his verbis:

τῷτόν τ' ἐν τῷτῷ τε μένον καθ' ἑωυτό τε κεῖται.

Proclus, ut solet, Platonem, Parmenidem, Orpheum in interpretando confundit, et omnes in suam torquet sententiam, in Parm. T. IV, p. 120. et in Tim. p. 139. Priore loco haec dicit: ὥσπερ αὐτὸς ὁ θειότατος Πλάτων οἶδε μὲν πολλὰ ζῶα νοητὰ, πάντων δὲ ἔνωσιν καὶ περιοχὴν ἄληπτόν πᾶσι περὶ τὸ αὐτοζῶν ὑποτίθεται καὶ μοναδικὸν ἐκείνο καὶ μονογενὲς ὄν,.... οὕτω δὲ καὶ ὁ Παρμενίδης ἐκ τε τοῦ ἐνὸς ὄντος οἶδε τὸ πλῆθος τὸ νοητὸν προῖόν καὶ πρὸ τῶν πολλῶν ὄντων τὸ ὄν ἐν ἰδρύμενον, περὶ ὃ τὸ τῶν νοητῶν πλῆθος τὴν ἔνωσιν ἔχειν. Altero loco: τὸ

μὲν μονογενὲς τὴν μοναδικὴν αἰτίαν ἀπεικονίζεται καὶ τὴν πάντων περιεκτικὴν τῶν δευτέρων καὶ τῶν ὅλων ἐπικρατοῦσαν οὐσίαν ἐνδείκνυται. καὶ γὰρ ὁ θεόλογος τὴν Κόρην μονογένειαν εἶωθε προσαγορεύειν, ὡς τῶν ἐγκοσμίων ἀπάντων ἡγεμονικῶς προϊσταμένην. Brandisius, a quo nonnulla hic mutuatus sum, affert etiam Suidam, qui μονογενῆ interpretatur τὴν μονότητα (*solitatem*), citans Davidem Psalm. XXI, 21: ἐκ χειρὸς κυνὸς τὴν μονογενῆ μου. Sed haec interpretatio parum luculenta est; certe ad Parmenidem illustrandum nihil facit. Bessarion οὐλον μόννογενές τε reddens uno verbo *unigenum*, legisse videtur μῶνον μοννογενές τε.

ἀτρεμές, i. q. ἀκίνητον, vss. 81, 97. Simonides in carm. περὶ γυναικῶν vs. 37: ὥσπερ θάλασσα πολλάκις μὲν ἀτρεμῆς ἔστηκ' ἀπήμων. Plato, de coelesti beatorum spectaculo loquens, Phaedr. p. 250 C: εἰδόν τε καὶ ἐτελετοῦντο τελετῶν ἣν θέμις λέγειν μακαριωτάτην, ... ὁλοκλήροι μὲν αὐτοὶ ὄντες καὶ ἀπαθεῖς κακῶν, ... ὁλόκληρα δὲ καὶ ἀπλᾶ καὶ ἀτρεμῆ καὶ εὐδαίμονα Φάσματα μνούμενοί τε καὶ ἐποπτεύοντες. Male interpretatur Astius ad h. l. Comment. p. 317; recte vero Hermias p. 158: διὰ δὲ τοῦ ἀτρεμῆ τὸ ἐδραῖον καὶ τὸ σταθερὸν τῶν νοητῶν ἐνδείκνυται. Frequentius hoc vocabulo usi sunt Platonici, quo vel tranquillam immotamque animi conditionem, vel immutabilem rerum divinarum statum significarent. Plotinus de Pulcr. p. 54 A: θεάσθηθε μέγεθος ψυχῆς καὶ ἥθος δίκαιον ... καὶ σεμνότητα καὶ αἰδῶ ἐπιθέουσιν ἐν ἀτρεμεῖ καὶ ἀκύμονι καὶ ἀπαθεῖ διαθέσει. Idem de homine ad divinum consortium evecto, p. 770 B: ἡσυχῇ ἐν ἐρήμῳ καταστάσει γεγένηται ἀτρεμεῖ τῇ αὐτοῦ οὐσίᾳ οὐδαμοῦ ἀποκλίνων. Vid. Creuzer. ad Plotin. de pulcr. p. 230; et superius ad vs. 29. Vocabulum hoc, si non origine, certe significatione convenit cum ἡρεμής, Dorice ἄρεμής; et utrumque verbum ἡρεμεῖν et ἀτρεμεῖν promiscue ponitur in Aristotelico libro, de Xen. Zen. Gorg. c. 3, ubi tamen illud, ut usitatus, praeferendum duximus, in Xenoph. p. 105.

ἀτέλεστον. Multi, ut vidimus, ἀγέννητον legunt; sed hoc, quum modo jam habuimus, repetitum friget, ne dicam,

ineptum est. Habet praeterea minus auctoritatis, quia scriptores, qui istud praebent, verba haec seorsim memorant, Simplicius vero, qui cunctos illos versus ordine refert, ἀτέλεστον legit. Atque haec lectio sententiae maxime conveniens est. Nam quod neque natum est neque moriturum (ἀγένητον καὶ ἀνώλεθρον), nullis terminatur finibus, estque adeo *immensum*, *sine fine perenne* (ἀτέλεστον). Hoc sensu Parmenidis sententiam interpretatur Simplicius Phys. f. 7 A, ubi hunc cum Melisso comparans dicit: (Μέλισσος) εἰς τὸ κατὰ χρόνον ἀναρχον καὶ ἀτελεύτητον καὶ ἀεὶ ὄν ἀπιδὼν, ἄπειρον ἀπεφύηνατο. καὶ ὁ Παρμενίδης τοιοῦτον αὐτῷ μαρτυρεῖ (i. e. συμφωνεῖ), λέγων δι' αὐτῶν σχεδὸν τῶν ῥημάτων, ὡς ἀγένητον ἔδν — ἢ δ' ἀτέλεστον κτλ. οὕτω μὲν οὖν καὶ οὗτος ὡς ἀνέκλειπτον καὶ ὡς ἀγένητον καὶ ἄπειρον εἶναί φησι. Ait ergo Parmenidem Melisso consentientem ἀτέλεστον appellare idem, quod alter ἄπειρον vocat. At Brandisio incommodum videtur, ἀτέλεστον sive ἄπειρον dici Parmenidis ens, quod contra ille plerorumque testimonio ens πεπερασμένον seu τετελεσμένον statuit, cui illud est repugnans; quocirca pro ἢ δ' ἀτέλ. potius legendum esse οὐδ' ἀτέλεστον. At particulam οὐδὲ non fert h. l. structurae ratio; legendum esset saltem ἢ δὲ τελεστόν, modo hoc vocabulum veteribus esset usitatum. Verum ambae illae notiones ἀτέλεστον et πεπερασμένον, quae inter se repugnare videntur Brandisio, revera non sunt contrariae; *infinium* appellatur ens, quatenus est aeternum; *finitum* vero, quatenus absolutum et perfectum. Amplius de hoc in dissertat. § 11. Illud potius molestum videatur quod, quum modo jam ἀγένητον et ἀνώλεθρον praedicavit, ἀτέλεστον fere supervacuum sit; quamobrem praefерrem equidem, si legeretur ἀτρεμῆς ἢ δ' ἀμέριστον, quod idem vs. 77, 81, ἀδιάριετον et ἀκίνητον; sed Simplicii auctoritas vix sinit pro arbitrio quid mutare.

Vs. 60. οὐ ποτ' ἔην — νῦν ἔστι) οὐ ποτ' ἔην scripsi pro οὐδέ ποτ' ἔην, ut Simplicius legit. Ammonius versum hunc sic refert:

οὐ γὰρ ἔην οὐδ' ἔσται (φησι) ὁμοῦ πᾶν ἔστι δὲ μῶνον.

Similiter hujus discipulus Jo. Philoponus, qui a magistro depromsit. Ammonium autem, memoriter haec referentem, ultima verba confudisse, ipsa eorum constructio et sensus satis arguit; quare nulla est caussa cur cum Brandisio opinemur, verum quem isti citant non eundem esse atque eum quem vulgo hic legimus, sed ex alia carminis parte excerptum.

Parmenideam hanc notionem ad aeternam essentiam transfert Plato Tim. p. 37 E: τό τε ἦν τό τε ἔσται χρόνου γεγονότα εἶδη ἀναφέροντες λαμβάνομεν ἐπὶ τὴν αἰδίον οὐσίαν, οὐκ ὁρθῶς λέγομεν γὰρ ὡς ἦν, ἔστι τε καὶ ἔσται, τῇ δὲ τὸ ἔστι μόνον κατὰ τὸν ἀληθῆ λόγον προσήκει· τὸ δὲ ἦν καὶ ἔσται περὶ τὴν ἐν χρόνῳ γένεσιν ἰοῦσαν πρέπει λέγεσθαι. quae Platonis dicta cum Parmenidis verbis jam comparavit Simplicius Phys. f. 17 A. Idem Phaedon. p. 75 D de rebus aeternis dicit: ἀπάντων οἷς ἐπισφραγιζόμεθα τοῦτο ὃ ἔστι. p. 92 D: ὥπερ αὐτῆς ἐστὶν ἡ οὐσία ἔχουσα τὴν ἐπωνυμίαν τὴν τοῦ ὃ ἔστιν. Cf. Wytttenb. Annot. in Phaedon. p. 187. Ad Deos transferunt Neo-Platonici, ut Ammonius Herm. in Aristot. de interpret. p. 38; quem citabimus in dissert. de Parm. phil. § 16. Eodem valet quod dicit vs. 75: εἰ γε γένοιτ', οὐκ ἔστ' — ubi cf. annotat.

Vs. 60. sq. ὁμοῦ πᾶν, ἐν ξυνεχές.) Cf. vs. 80: ξυνεχές πᾶν ἐστίν, ἐὼν γὰρ ἐόντι πελάζει. — τῷ ὁμοῦ πᾶν et ξυνεχές oppositum τὸ διαιρετόν, quod tangit vs. 77. Aliter has notiones seu categorias intellexerunt superiores; de quo monebimus in dissert. § 8 sq. — ὁμοῦ πᾶν, quod Parmenides de ente, Anaxagoras de mundo dicit: ὁμοῦ πάντα χρήματα ἦν (fr. 1. Schaub.). ὅπερ περὶ ἀρχὴν, εἶναι καὶ νῦν παντὰ ὁμοῦ (fr. 12.). Parmenidis dicta usurpat Plotinus Enn. VI, 4, 4. p. 648 A: ὁμοῦ γὰρ τὸ ὄν, . . . ἐὼν γὰρ ἐόντι πελάζει καὶ πᾶν ὁμοῦ. Imitatur Jamblichus Myst. Aegypt. sect. 1, c. 9, de Deo loquens: τῶν θεῶν τὸ φῶς ἐκλάμπει χωρίστως ἐν ἑαυτῷ τε μονίμως ἰδρυμένον (vs. 84), προχωρεῖ διὰ τῶν ὄντων ὕλως· καὶ μὴν τό γε φῶς τὸ ὁρώμενον ἐν ἐστὶ συνεχές, πανταχοῦ τὸ αὐτὸ (vs. 77-80.),

ὅλον, ὥστε μὴ οἶόν τ' εἶναι χωρὶς ἀποτέμνεσθαι (vs. 90.)
τι αὐτοῦ μόριον.

Vs. 61 sqq. τίνα γὰρ γέννην κτλ.) His demonstrare incipit, ens esse ingenitum. Simplicius uno loco Phys. f. 31 A, γένναν pro γέννην. similiter de Coelo l. c. ubi quoque vs. 63 sic legitur: φάσθαι ἢ οὐδὲν νοεῖν, οὐδὲ γὰρ φατὸν κτλ. Comparentur quae Empedocles vs. 64 sq. de mundo praedicat:

τοῦτο δ' ἐπαυξήσεις τὸ πᾶν τί κε καὶ πόθεν ἐλθόν;
πῇ δέ κε καὶ ἀπόλοιτο; ἐπεὶ τῶνδ' οὐδὲν ἔρημον,
ἀλλ' αὖτ' ἐστὶ γε ταῦτα.

Similiter plerique deinceps physici statuere, *nihil posse creari de nihilo, neque quod genitum est ad nihilum revocari*; ut ait Lucretius I, 544.

Vs. 64. τί δ' ἔν μιν καὶ χρέος) Simplicius f. 34 B verba sic explicat: τὴν δ' αἰτίαν τοῦ δεῖν πάντως ἐξ ὄντος γίνεσθαι τὸ γιγνόμενον θαυμαστῶς ὁ Παρμενίδης προσέθηκεν ὅλως γὰρ φησιν εἰ ἐκ τοῦ μὴ ὄντος, τίς ἢ ἀποκλήρωσις τοῦ τότε γενέσθαι ὅτε ἐγένετο, ἀλλὰ μὴ πρότερον ἢ ὕστερον; Recte χρέος interpretatur ἀποκλήρωσις et αἰτίαν, *vim fatalem, naturalem causam*. Simili, etsi non eadem prorsus, significatione obvium est in Euripid. Herc. Fur. vs. 529; idemque vocabulum in Andromache vs. 336, jure tuetur Lenting. Parmenides, demonstrato ens non potuisse e non ente tanquam materie procreari, jam ostendit ens non potuisse post non ens aliquando exsistere; quoniam, si prius exstisset non ens, nulla vis neque caussa posset esse vel cogitari, quae ens protulisset.

ἄρξάμενον φῦναι.) Sic constanter Simplicius. Fuellebornius ait versum esse hypercalecticum, istis (ut dicit) poëtis non infrequentem. Brandisius in metrum redigere conatus, rescripsit scilicet μηδὲν pro μηδενός. Fuell. autem vellem indicasset, apud quos tandem epicis poëtas hujusmodi versus hypercatalecticis reperiatur, qui mihi quidem plane ignotus est. Credo eum fortasse hunc versum confudisse cum versu dactylico acatalecto, qualis est hic Sophoclis Electr. 134:

ἀλλ' ὃ παντοίας Φιλότητος ἀμειβόμεναι χάριν,
 cujus ultimus pes est dactylus (de quo genere Hermann. Doctr.
 metr. II, 25. p. 325. Boeckh. de metr. Pindar. I, 11.
 p. 69 sq); vel cum heroïco Archilochio, qui tribus ultimis
 trochaeis clauditur (de quo vid. Liebel. Archilochi rell. § XI,
 n. 21. p. 30 sq.); vel denique cum versibus illis heroicis,
 quorum ultima syllaba cum initiali sequentis versus contrahi-
 tur, cujusmodi est hic Virgilii, Georg. I, 295:

aut dulcis musti Vulcano decoquit humorem
 et foliis undam tepidi despumat aheni.

vid. Herman. l. l. p. 351. Hic autem φῦναι cum sq. οὕτως
 contrahi posse, quis credat? Ipsa quoque locutio ἀρξάμενον
 φῦναι parum mihi placet; miror nī Parmenides pro hoc scripserit
 αὐξηθῆναι, verbum usitatum et metro pariter sensuique con-
 veniens, cujus illud nil nisi glossema videtur. αὐξηθῆναι, op-
 positum τῷ φθαρῆναι, habuimus modo vs. 62: πῇ πόθεν αὐξηθέν;
 Empedocl. 64: τοῦτο δ' ἐπαυξήσεις τὸ πᾶν τί κε καὶ πόθεν ἐλθόν;
 Aristot. Meteor. II, 2. p. 428 A: φάσκουσι τὸ πρῶτον ὑγρῶς οὔσης
 τῆς γῆς . . . ἀέρα γενέσθαι καὶ τὸν ὅλον οὐρανὸν αὐξηθῆναι. — In
 vs. sequenti οὐκί Ionice scripsi pro οὐχί, similiter vs. 99.

Vs. 67. οὐδέ ποτ' ἐκ τοῦ ὄντος) Sic correxi, duce Bran-
 disio, qui legi vult οὐδ. ἐκ γε τοῦ ὄντος; apud Simplicium
 constanter legitur οὐδ. ἐκ γε μὴ ὄντος vel μὴ ἔόντος. At ex non
 ente seu nihilo nihil posse generari, modo jam docuit; nunc
 ostendi debet ex ente non posse aliud quam ens generari.
 In hanc sententiam Parmenidis dictā interpretatur ipse Sim-
 plicius, ita hos versus explanans, Phys. f. 17 A: ταῦτα δὴ
 περὶ τοῦ κυρίως ὄντος λέγων, ἐναργῶς ἀποδείκνυσιν ὅτι ἀγένητον
 τοῦτο τὸ ὄν· οὐτε γὰρ ἐξ ὄντος (γενέσθαι), . . . οὐ γὰρ προὔπῃρχεν
 ἄλλο ὄν· οὐτε ἐκ μὴ ὄντος, . . . οὐ γὰρ ἔστι τὸ μὴ ὄν. item
 f. 34 B: Παρμενίδης ὅτι ἀγένητον τὸ ὄντως ὄν ἔδειξεν ἐκ τοῦ
 μήτε ἐκ τοῦ ὄντος γίνεσθαι, μήτε ἐκ τοῦ μὴ ὄντος. Haec
 diligenter legenti apparebit Simplicii interpretationem lec-
 tioni ejus repugnare. Praeterea quid hoc sibi vellet: non ens

nihil nisi non ens posse generare? quum videlicet non ens plane nihil sit, neque illud generari magis quam generare quid possit. Contra, *ex ente nihil aliud παρ' αὐτό*, i. e. *quam ens, posse procreari, neque adeo in non ens posse converti*, justa argumentatio est; unde sequitur, illud esse semper et immortale. Eadem argumentatione utitur Melissus apud Simplicium Phys. f. 22 B, qua probet ens esse immobile: τὸ ἐὶν οὐτ' εἰς ἐὶν δύναται κινέσθαι, οὐ γὰρ ἔστι τι παρ' αὐτό, ... οὐτε εἰς τὸ μὴ εἶναι, οὐ γὰρ ἔστι τὸ μὴ εἶναι. — vs. 68. γίνεσθαι ... γενέσθαι, sic Simplicius f. 31 A; alibi (f. 17 A) utroque loco γενέσθαι.

Vs. 69. δίκη χαλάσσασα πέδησιν) Eodem sensu, quo hic δίκη, alibi ἀνάγκη, alibi μοῖρα memorantur. Cf. vs. 85: κρατερὴ γὰρ ἀνάγκη πείρατος ἐν δεσμοῖσιν ἔχει. vs. 96: ἐπεὶ τόγε μοῖρ' ἐπέδησεν οἶον ἀκίνητον τελέθειν. Apparet, Parmenidem haec quasi numina non certa ratione distinguere, sed pro lubitu variare. Vincula et compedes sunt firmitatis et necessitatis symbola; Fuelleborn. citat Orph. hymn. 12 (13), 4; 84 (85), 4. Cf. ad vs. 81.

Vs. 70. ἡ δὲ κρίσις — ἐστίν.) Haec verba, quae inserta sunt apud Simplicium f. 31 B, omissa erant ab interpretibus. Fuellebornius ea notavit quidem, putabat vero non esse Parmenidis, sed a Simplicio interposita. Nempe non animadvertit, et metuo congruere haec verba, et Simplicium Parmenidis versus continuo ordine referre, de suo nullum verbum interponere. Brandisius ea plane omisit, et argumentationem abruptit interpositis versibus, quos collocavimus 89-92 (Λεῦσσε δ' συνιστάμενον.) Restitutis suo loco his verbis, lacunam reparavimus, sicut ante nos fecit etiam Scaliger in ms. Leyd. Sensus manifestus est: in hoc dilemmate, est vel non est, iudicii summa de entis aeternitate posita est. κρίσις, i. q. ἔλεγχος. Melissus in Simplicii Phys. I f. 24 (§ 14 Brand.): κρίσιν δὲ ταύτην χρὴ ποιήσασθαι τοῦ πλέω καὶ τοῦ μὴ πλέω. — ἐν τῷδ', ut vs. 109: ἐν τῷ. vs. 110: ἀπὸ τοῦδε.

Vs. 72 sq. τὴν μὲν — τὴν δ' ὥστε π.) h. e. τὴν μὲν ὁδὸν ὡς οὐκ

ἔστι, — τὴν δ' ὥς ἔστι. Notandum hîc τὴν μὲν ad posterius, τὴν δὲ ad superius referri, quod interdum fit; vid. Aristot. Metaph. I, 5. (p. 16 Brand.); Poët. c. 2 fin. c. 5 fin. c. 11 init. Herodot. II, 11. med. Xenoph. Oecon. I, 16. quae exempla citant Petersen Philos. Chrysipp. p. 72, et Prahm. in Annal. philol. ed. Jahn. XII, 3, p. 317. — ἀνόητον non dubitavi scribere pro vulgato ἀνόνητον, quod jam Brandisio corrigendum videbatur; cf. vs. 63: οὐ γὰρ φατὸν οὐδὲ νοητόν ἐστιν ὅπως οὐκ ἔστι. vs. 39: οὔτε γὰρ ἂν γνοίης τό γε μὴ εἶναι, ... οὔτε φράσαις. In verbis τὴν δ' ὥστε πέλειν, nisi quid vitii lateat, certe constructionis anacoluthia inest: nam, quum praecessit τὴν μὲν εἶναι ἀνόητον (εἶναι), sequi oportebat τὴν δὲ φάναι ἐτήτυμον εἶναι; nunc variatur constructio, adhibita particula ὥστε. Quodsi hoc ferri potest, offendit tamen repetitio verborum idem significantium, πέλειν καὶ ἐτήτυμον εἶναι. Quare mihi quidem corrigendum videtur sic: τὴν δ' ὥς πέλειν, πανετήτυμον εἶναι, pro τὴν δ' ὥς πέλει sive ὥς ἔστι, ut supra dicit vs. 35 et 37; hic autem infinitivus πέλειν ponitur, quia cum verbo infinito τὴν δ' ... εἶναι construitur.

Vs. 74. πῶς δ' ἂν ἔπειτα πέλοι τὸ εἶναι) Haec verba mihi quondam depravata erant visa, et unius literulae ε in ο mutatione sic corrigenda: πῶς δ' ἂν ἔπειτ' ἀπόλοιτο εἶναι. Congruum hoc ei quod modo dixit: οὔτε γενέσθαι οὔτ' ὀλλυσθαι ἀνῆκε δίκη. et quod statim sequitur: τῶς γένεσις μὲν ἀπέσβεσται καὶ ἄπιστος ὄλεθρος. Sed denuo consideranti videtur huic versui respondere versus sequens et verba ἔπειτα πέλοι congruere verbis μέλλει ἔσεσθαι. Itaque haec est sententia: » Quomodo fieri possit, ut ens vel postea futurum sit vel olim fuerit? nam neque si fuerit, est, neque si futurum sit." ἔπειτα πέλειν et μέλλειν ἔσεσθαι accipiend. de nascituro, eo quod nondum est; γενέσθαι de mortuo, quod fuit nec amplius est; similiter γενέσθαι et ἔσεσθαι opponuntur in locis Platonis et Archytæ quos statim adscribemus. — τὸ εἶναι, idem hiatus est vs. 87; rem tetigi supra ad vs. 38. — εἰ γε γένοιτ' ... εἰ μέλλει, notetur modorum

variatio ; grammatica ratio postulare sic scribi: εἰ γένοιτο, οὐκ ἂν εἴη, οὐδὲ εἰ μέλλοι ἔσεσθαι. Sed εἴη fuisset obscurius ; et εἰ μέλλοι soloecum, iudice Heindorfio ad Platon. Parm. § 71. Vid. de hujusmodi modorum variatione Bernhardij, Syntax. Ling. Gr. p. 386 sq.

Caeterum cum hac Parmenidis sententia comparandi philosophorum loci, quos citat Brandisius, quibus docetur, id quod revera est nulli temporis vicissitudini esse obnoxium, et contra, id quod tempore labitur non esse revera. Plato Tim. p. 37 E, post ea quae modo ad vs. 60 contuli, haec addit: τὸ δὲ ἀεὶ κατὰ ταῦτὰ ἔχον ἀκινήτως οὔτε πρεσβύτερον οὔτε νεώτερον προσήκει γίγνεσθαι διὰ χρόνον, οὐδὲ γενέσθαι ποτὲ, οὐδὲ γεγονέναι νῦν, οὐδ' εἰς αὖθις ἔσεσθαι. Archytas de Universo, in Simplicii phys. IV, p. 186 B: τῷ δὲ χρόνῳ τὰ μὲν γενόμενα ἔφθαρται, τὰ δὲ γενασόμενα φθαρήσεται, διόπερ ὁ χρόνος ἦτοι τὸ πάραπαν οὐκ ἔντι ἢ ἀμυδρῶς καὶ μόλις ἔντι· ὃ γὰρ τὸ μὲν παρεληλυθὸς οὐκέτι ἔντι, τὸ δὲ μέλλον οὐδέπω ἔντι, τὸ δὲ νῦν ἀμερὲς καὶ ἀδιαίρετον, . . . πῶς ἂν ὑπάρχῃ τοῦτο κατ' ἀλήθειαν ; Ocellus Lucanus de Universo, init. εἰ γὰρ ἔγχρονον, οὐκ ἂν ἔτι ἦν· οὕτως οὖν ἀγέννητον τὸ πᾶν καὶ ἀνώλεθρον.

Vs. 76. ἀπέσβεσται, pro ἀπέσβηται, e Simplicii codice Taur. dedit Peyronus; sed quod in eodem codice legitur ἄπυστος (unus ἄπαυστος), falsum est; ἔπιστος a Parmenide dicitur γένεσις et ὄλεθρος, quia in his non est πίστις ἀληθῆς sed ἀπατή, ut dicit vs. 82, 83. In Ald. ed. de Coelo pro ἔπιστος ὄλεθρος legitur δακνηρ' ἀπωλεία, quod haud dubio ex aliquo poëta ab interprete expressum.

Vs. 77. οὐδὲ διαιρετόν.) Ita bis apud Simplicium (f. 31 A et B.); uno vero loco (f. 19 A.) καὶ ἀδιαίρετον, ubi tamen Parmenidis sententias non nisi summatim refert. Comparandus est Damascii locus quem citavimus ad vs. 59.

ὁμοῖον, uniforme, οὗ ἡ ποιότης μία, ut definit Aristoteles Metaph. IV, 9. p. 681 A. (101. Brand.). Hoc spectat Plutarchus adv. Colot. p. 1114, Parmenideum ens appellans ὁμοῖον ἑαυτῷ. Simili-

ter Melissus apud Simpl. Phys. f. 22 B: τὸ γὰρ ἐν ἑὸν ὅμοιον αἰεὶ ἐωυτῷ· τὸ δὲ ὅμοιον οὐτ' ἂν ἀπόλοιτο, οὐτ' ἂν μείζον γίγνοιτο, οὔτε μετακοσμέοιτο, οὔτε ἀλγέει, οὔτε ἀνιῆται. Simili sensu vs. 108: παντόθεν ἴσιν ὁμῶς ἐν πείρασι κῦρεϊ. Tetigi hoc in Xenophane, p. 101 et 118 sq.

Vs. 78. sq. οὐδέ τι τῇ μᾶλλον — οὐδέ τι χειρότερον.) His vss. entis aequalitatem amplius explicat, docens nullam in eo esse diversitatem naturae, nullum partium discrimen. Verborum constructio non bene cohaeret; vel primum τῇ vitiosum est, vel in sequenti versu pro οὐδὲ postulatur iterum τῇ, quod praecedenti respondeat, quasi hoc modo: οὐδέ τι τῇ μᾶλλον — τῇ δ' αὖ χειρότερον. Sic vs. 104: τῇ ἢ τῇ. vs. 107: τῇ μᾶλλον, τῇ δ' ἥσσον. Mallem tamen, deletο τῇ, sic corrigi: οὐδέ τι μᾶλλον ἐὼν — οὐδέ τι χειρότερον. Nam τῇ prorsus supervacaneum est, quum τὶ — τὶ manifesto sibi sint opposita; μᾶλλον autem, ut adverbium, optime adjunctum habet participium ἐὼν; alioquin adjectivo χειρότερον minus recte opponitur. Comparentur autem vss. 103 sq.

οὔτε τι μείζον,

οὔτε τι βαιότερον πέλεναι χρεών ἐστι τῇ ἢ τῇ.

Empedocles vs. 133, de universo loquens:

οὐδέ τι τοῦ παντὸς κενεὸν πέλει οὐδὲ περισσόν.

Parmenidis hoc dictum spectat Proclus Theol. Plat. V, 33. p. 319, quod ad mentem transfert: εἰ που τινες ἡμῖν τῶν παλαιῶν τὸ αἰεὶ κατὰ τὰ αὐτὰ καὶ ὡσαύτως ἔχον ἐπὶ τοῦ νοῦ θεωροῦσι, τὸ μηδὲν αὐτὸν (τὸν νοῦν) ἀπὸ τῶν καταδεεστέρων εἰς ἑαυτὸν χωρεῖν, μηδὲ ἀναμίγνυσθαι τοῖς χείροσιν, κτλ. Ens, quod semetipso contentum est, nullo alio tangi nec affici, etiam Plato dicit, Parm. p. 148 E: ἥ δὲ αὐτὸ ἐν ἑαυτῷ (ἐστι), τῶν μὲν ἄλλων ἀπείργοιτο ἄπτεσθαι, αὐτὸ δὲ αὐτοῦ ἄπτοιτ' ἂν ἐν ἑαυτῷ ὄν.

Vs. 79. πᾶν δὲ πλέον) Simplicius πλεών. Idem significat quod πᾶν ὁμοῖον et ἐν ξυνεχές. Similiter vs. 106: οὐτ' ἐὼν ἐστίν ὅπως εἶη κενεὸν ἐόντος. Melissus l. l. εἰ οὖν ἔστι μὴ κενεὸν, ἀνάγκη πλήρες εἶναι. Imitatur Simplicius de An. III, f. 72 B:

ὥσπερ τοῖς νοητοῖς οὐδαμῇ φησιν ὁ Παρμενίδης τὸ μὴ ὄν ἐνθεωρεῖσθαι, οὕτω καὶ ἡ οὐσία τῆς ψυχῆς καὶ ἡ κατὰ τὴν οὐσίαν ἰσταμένη ἐνεργεία, πληρῆς οὔσα ἑαυτῆς, τῷ μὴ ὄντι χώραν οὐ δίδωσι.

Vs. 80. *ξυνεχές*. Ita his scribitur apud Simplicium (f. 19 et 31); etsi apud eundem vs. 61 *συνεχές*, et vs. 78 *συνέχεσθαι* scribitur, quae correxi; priores editores ubique vulgarant *συνέχ*. Pro *πελάζει* Proclus vitiose *πελάξει*. Sensus hujus dicti explicatur vss. 90 sq. ubi docet, ens nec secerni posse nec dissipari rursusve in unum congregari, οὔτε σκιδνάμενον . . . οὔτε συνιστάμενον.

Vs. 81 sq. *αὐτὰρ ἀκίνητον*.) Sequitur, ens esse immobile; argumentum hoc cum antecedenti connexum est, quod indicat particula *αὐτὰρ*. Nam quum ens sit unum et se ipso contentum, individuum atque cohaerens, sequitur ut moveri nequeat; quod expresse arguit Melissus apud Simplic. f. 24 A: εἰ διήρηται τὸ ὄν, κινέεται· κινεόμενον δὲ, οὐκ ἂν εἴη ἕμα (i. q. ὁμοῦ sive *ξυνεχές*). Eleaticorum hanc argumentationem sic concludit Alexander Aphrodisius apud Simplic. Phys. f. 17 AB: ἀκίνητον δεικνύουσι τὸ ὄν, διότι τὸ κινούμενον ἐξίστασθαι δοκεῖ τούτου ἐν ᾧ ἔστιν· εἰ οὖν καὶ τὸ ὄν κινεῖτο, ἐκσταίη ἂν τούτου ἐν ᾧ ἔστι, ἔστι δὲ ἐν τῷ εἶναι· τὸ δὲ ἐξιστάμενον τοῦ εἶναι φθείρεται, ἄφθαρτον δὲ τὸ ὄν. Conclusio haec, si non ipsis verbis, sententiae tamen Parmenidis respondet. Multa super hoc placito veteres disceptarunt, de quo monebimus in dissert. § 9; hîc notemus, *ἀκίνητον* a Parmenide appellari praesertim ratione formae et statûs, id. q. *ἀμετάβλητον*, quod est semper idem, constans, aeternum.

μεγάλων ἐν πείρασι δεσμῶν) *πείρατα* et *δεσμά* interdum quidem synonyma sunt, velut in Homer. hymn. Apoll. 129:

οὐδ' ἔτι δεσμά σ' ἔρυκε, λύνοντο δὲ *πείρατα πάντα*.

vid. Apollon. Lex. in v. et ibi Tollius; neque tamen ambo vocabula idem prorsus notant. *πείρατα* sunt *termini*, praesertim fato et natura constituti; saepe vox per circumlocutionem ponitur ad rei fines et ambitum, h. e. rem ipsam, naturalem

rei conditionem, fatalem sortem, significandum. Exempla illustrabunt. Sic Homerus II. η, 102, et ex eo Archilochus:

νίκης πείρατ' ἔχονται ἐν ἀθανάτοισι θεοῖσι.

νίκης πείρατα, victoriae sors. Cf. Heyne ad II. VI, 143; VII, 102; Pindar. Olymp. II, 34: κέκριται πείρας οὔτι θανάτου. Meleager XXI, 8, de Jove loquens: ἐν σοὶ καὶ ζωῆς πείρατα καὶ θανάτου. Itaque hic πείρατα δεσμῶν sunt δεσμὰ ἄλυτα, fatalia vincula; dicuntur μέγала, h. e. κρατερὰ, ob necessitatis potentiam. Significat Parmenides certam necessitatis legem, quae id quod per se est non fluxarum rerum instar mutari et labi sinit, sed constans et immotum manere cogit. Idem vs. 108 simpliciter dicit: ἐν πείρασι κυρεῖ. et clarius, inversis verbis, vs. 86: κρατερὴ γὰρ ἀνάγκη πείρατος ἐν δεσμοῖσιν ἔχει. Perperam nonnulli πεπερασμένον intellexerunt certis spatii finibus circumscriptum. Eleaticam dictionem refert Proclus Theol. Plat. VI, 4, p. 351 sq. de mundo haec dicens: αἰὲν μὲν ὁ κόσμος ἐνίδρυται ταῖς οἰκείαις ἀρχαῖς, μένει δὲ ἄτρεπτος ἢ περιφορὰ, συνέχεται δὲ τοῖς ἀλύτοις δεσμοῖς τὸ πᾶν, ... τοῖς αἰὲν κατὰ τὰ αὐτὰ καὶ ὡσαύτως ἐστῶσι ὁμοιούμενον. Idem in Plat. Tim. p. 96 Bas. laudat Orphicum hunc versum:

αὐτὰρ ἐπεὶ δεσμὸν κρατερὸν ἐπὶ πᾶσι τανύσσης.

addit: δεσμὸς πάντως κρατερὸς καὶ ἀδιάλυτος, ὁ ἀπὸ τῆς φύσεως καὶ τῆς ψυχῆς καὶ τοῦ νοῦ. Cf. Orphic. Herm. fr. X, p. 471; et quae modo annotavi ad vs. 69.

Vs. 82 sq. ἀναρχον ἄπαυστον) Simplicius f. 17: ἀναρχον καὶ ἄπαυστον. — vs. 83. τῇλε μάλ' ἐπλάγχθησαν emendatum dedi pro vulgato τῇδε μάλ' ἐπλάγχθ. quod caret sensu. cf. Homer. II. θ, 14. Consentit Bessarion interpretans: longe ... recedunt. Similiter correxisse video Scaligerum.

Vs. 84. τωῦτόν δ' κτλ.) Ionicam formam, τωῦτόν, ἐαυτό, restitui pro vulgata ταῦτόν, ἐαυτό; cf. vs. 116 sq. Caeterum secutus sum Simplicii lectionem f. 31, nisi quod ibi pro δ' habet τ'; alibi vero sic legit: τ. τε ὃν ἐν τ. τε μένον καθ' ἐαυτὸ κεῖται, repugnante metro. Pro τε μένον Fuell. et Brandis cor-

rexerunt θέμενον; sed verbum μένειν proprium est hoc sensu neque, quamvis in sequenti versu repetatur, mutandum est. Xenophanes fr. IV, p. 38, de Deo dicit:

ἀεὶ δ' ἐν ταύτῳ τε μένει κινούμενον οὐδέν.

Plutarchus adv. Colot. p. 1114, Parmenidem dicit τὸ ὄν statuisse ὁμοῖον ἑαυτῷ καὶ μόνιμον ἐν τῷ εἶναι; deinde: ὅτι τῷ μὲν ὄντως ὄντι προσήκει διαμένειν ἐν τῷ εἶναι. Plotinus Ennead. V, 1, 8: ἀκίνητον δὲ λέγει Παρμενίδης τοῦτο, ... σωματικὴν πᾶσαν κίνησιν ἐξαίρων ἀπ' αὐτοῦ, ἵνα μένῃ ὡσαύτως. Proclus in Parm. T. IV, p. 32: τοιοῦτον γὰρ τὸ κατὰ Παρμενίδην ἐν ὄν, ταύτῳ ἐστ' αὐτὸ μίμνον, ὡς αὐτὸς φησιν. Parmenidis verba vitiose citavit, quae quisque facile ex hoc loco corrigat. Ab Eleaticis hanc dictionem mutuati sunt seriores praesertim Platonici, ut Damascius citatus ad vs. 59; Iamblichus ad vs. 60 sq.; Proclus ad vs. 81. Parmenidis hunc locum spectat Plato Theaet. p. 180 E: Μέλισσοί τε καὶ Παρμενίδαι ... διίσχυρίζονται ὡς ἐν τε πάντα ἐστὶ καὶ ἔστηκεν αὐτὸ ἐν αὐτῷ, οὐχ ἔχον χώραν ἐν ᾗ κινεῖται. — καθ' ἑωυτὸ idem dicitur ἐφ' ἑαυτοῦ; Anaxagoras de mente loquens: μόνος αὐτὸς ἐφ' ἑωυτοῦ ἐστίν. (fr. 8, p. 100 Schaub.) citat. Brandis. Hippocrates, Epidem. I, s. 3: οὐ γὰρ μόνον αὐτὸς ἐφ' ἑωυτοῦ τοιοῦτός ἐστιν. cf. vs. 117.

Vss. 85-88. κρατερὴ γὰρ ἀνάγκη — — ἐδεῖτο.) Ex his versibus Simplicius f. 7 AB efficit, ens Parmenidi esse πεπερασμένον, quod amplius explicatur vss. 101 sqq. Argumenta ejus inverso ordine in hunc syllogismum redigit: εἰ γὰρ ὄν ἐστὶ καὶ οὐχὶ μὴ ὄν, ἀνευδεὲς ἐστίν· ἀνευδεὲς δὲ ὄν, τέλειόν ἐστι· τέλειον δὲ ὄν, ἔχει τέλος, καὶ οὐκ ἐστὶν ἀτελεύτητον· τέλος δὲ ἔχον, πέρας ἔχει καὶ ὄρον. Alio autem loco eandem argumentationem refert non ad τὸ πεπερασμένον, sed ad τὸ ἀκίνητον, dicens, Parmenidem his verbis τὴν αἰτίαν τῆς ἀκινήσεως declarasse, spectans praesertim vss. 87 et 88, e quibus hanc conclusionem efficit: ὡς γὰρ τὸ μὴ ὄν ἐνδεὲς πάντων ἐστίν, οὕτω τὸ ὄν ἀνευδεὲς καὶ τέλειον· τὸ δὲ κινούμενον ἐνδεὲς ἐκείνου δι' ὃ κινεῖται· τὸ ἔρα ὄν οὐ κινεῖται. Apparet, Simplicium in interpretando parum sibi constare; in

altera autem conclusione adsumtio (τὸ δὲ κινούμενον ἐνδεές κτλ) ab ipso addita est. Attendamus ipsa Parmenidis verba.

Vs. 85. κρατερὴ γὰρ ἀνάγκη κτλ.) Subjunguntur haec praecedenti dicto, οὕτως ἔμπεδον αὖθι μένει, quibus affirmat, necesse esse ut ens immotum et stabile sit. Simili modo paullo ante dixit ἀκίνητον μεγάλων ἐν πείρασιν δεσμών; et deinde vs. 96: μοῖρ' ἐπέδυσεν οἶον ἀκίνητον τελέθειν κτλ. — ἀνάγκη infra quoque vs. 137 occurrit, unde effinxerunt placitum, secundum Parmenidem omnia geri κατ' ἀνάγκην; de quo in dissert. § 21.

πείρατος ἐν δεσμοῖσιν illustravi modo ad vs. 81; hinc Simplicius efficit, Parmenidem ens πεπερασμένον statuuisse. Pro ἔχει τέ μιν idem uno loco (f. 9) habet ἔχει τό μιν, vitiose; nec tamen vulgata verborum constructio, ἔχει τέ μιν ἀμφὶς ἐέργει, bene se habet; sed vel, transposita particula τε, legendum: ἔχει ἀμφὶς τέ μιν εἴργει; vel, quod probabilius etiam, corrigendum sic: ἔχει τε καὶ ἀμφὶς ἐέργει. Nam falli videntur qui putant, τε interdum sic ut καὶ vocabulis anteponi; ut Wellauer verba haec in Aeschyli Eumen. vs. 413 (429), σέβουσαι γ' ἀξίαν τ' ἐπ' ἀξίων, dicta putans pro σέβ. ἀξίαν ἐπ' ἀξίων τε sive ἀξίαν καὶ ἐπ' ἀξίων. At hic particula τε non copulat verba ἀξίαν et ἐπ' ἀξίων, sed significat *et quidem*, vimque addit vocabulo cui subjungitur.

Vs. 87. οὐνεκεν οὐκ ἀτελεύτητον) Simplicius ἀτελεύτητον accipit pro ἄπειρον, ἀτελές; inde οὐκ ἀτελεύτητον interpretatur τέλειον sive πεπερασμένον. Probat Brandisius, τῷ ἀτελευτήτῳ eandem tribuens significationem quam Pythagoraei et Plato tribuunt τῷ ἀπείρῳ, hoc est, *quod omni modo et ratione caret* (ἀνόητον, ἄλογον). Attamen ambo ista verba, quamquam cognatae significationis, tamen similia plane non sunt. ἄπειρον notat universe *infinitem*, sine terminis; ἀτελεύτητον, tempore *infinitem* sive aeternum. Ocellus Lucan. p. 506. Gal. ἀναρχον ἄρα καὶ ἀτελεύτητον τὸ πᾶν. Similiter ἀτέλεστον supra vs. 59. Itaque illud latiore, hoc arctiorem habet potestatem; unde intelligitur, posse quidem ἄπειρον, ut latius patens, pro ἀτελεύτητον dici, non autem contra hoc pro

illo. Sic Aristoteles de Coel. I, 5 extr. ὅτι μὲν οὖν τὸ κύκλῳ κινούμενον οὐκ ἐστὶν ἀτελεύτητον οὐδ' ἄπειρον, ἀλλ' ἔχει τέλος, Φανερόν. Ibi ἄπειρον, arctiore sensu positum, voci ἀτελεύτητον tanquam synonymum subjungitur. ἀτελεύτητον igitur *aeternum* notat; si vero haec est ejus verbi significatio, quomodo intelligi potest, ens quod modo ἀγέννητον, ἀνώλεθρον, ἀτέλεστον, praedicavit, nunc οὐκ ἀτελεύτητον, non *aeternum*, non *in-finitum*, appellari. Mihi quidem in eo vitium latere videtur, quod jam veteres fefellerit: pro οὐκ ἀτελεύτ. corrigendum credo οὐδὲ τελευτητὸν, ut sententia sit ea quam latine expressi: Ens necessitatis vinculis constrictum, immotum manet; quocirca interire ac finiri nequit. Huic sententiae plane respondet argumentum vs. 81 sq. ἀκίνητον μεγάλων ἐν πείρασιν δεσμῶν ἐστίν, ἀναρχον, ἄπαυστον. Similem errorem apud Aristotelem de Xen. Zen. Gorg. notavimus in Xenophan. p. 106.

Vs. 88. ἐστὶ γὰρ οὐκ ἐπιδευές.) Ut metrum constet, vel ἐπιδευές per synizesin contrahendum, quo fiat trisyllabum (ἐπιδευές), vel, quod nemini facile probatum iri puto, μὴ ἐὸν seu μὴ ὄν in unam syllabam contrahendum. Similiter fere se res habet in versu illo Homeri, Odyss. ξ, 222:

τοῖος ἔα ἐν πολέμῳ, ἔργον δέ μοι οὐ φίλον ἔσκεν.

in quo aut elisione facta cum Wolfio legendum: τοῖος ἔ' ἐν π. aut τοῖος per synizesin in unam syllabam contrahendum, ut placet Thierschio Gr. Gr. § 149, 5. ed. prim. Similiter χεύας sive χέας monosyllabum notavimus in Xenophan. p. 77.

μὴ ἐὸν δέ κτλ.) Haec apud Simplicium varie leguntur; f. 7 A: μὴ ἐὸν γὰρ ἐν πάντως ἐδ. f. 9: μὴ ἐὸν δ' ἐν παντὸς. f. 31: μὴ ὄν δ' ἐν π. Pro ἐν scripsi Ionice κε. Sensus proprie est hic: Non-ens, si foret, omni parte indigens esset, quippe essentia carens. Pro quo strictius dixisset sic ut latine expressi: τὸ δὲ μὴ ἐὸν παντὸς δέϊται. Est argumentatio e contrario, ut appellant: Ens indigere essentia non potest, quoniam quod essentiâ eget est non ens. Simplicius f. 9 A ita interpre-

tatur: ὥς γὰρ τὸ μὴ ὄν (φησιν) ἐνδεὲς πάντων ἐστίν, οὕτω τὸ ὄν ἀνευδεὲς καὶ τέλειον. Comparanda Eleatae dicta apud Platonem, Soph. p. 245 C: καὶ μὴν εἴαν γε τὸ ὄν ἢ μὴ ὅλον, . . . ἐνδεὲς τὸ ὄν ἐαυτοῦ ξυμβαίνει. . . καὶ κατὰ τοῦτον δὴ τὸν λόγον ἐαυτοῦ στερόμενον οὐκ ὄν ἐσται τὸ ὄν.

Vss. 89—92. Λεῦσσε δ' . . . συνιστάμενον.) Apud Simplicium post versum proximum deinceps continuo ordine sequuntur vss. 93 sqq. τῷτὸν δ' ἐστὶ νοεῖν κτλ. Qui tamen versus quum argumento parum inter se cohaerent, interposuimus hoc fragmentum a Clemente servatum, cui sedem invenire aptiorem non potuimus, quum et argumentum, quod de entis natura immobili et individua agit, cum antecedentibus conveniat, et quod hic praecipitur, νόῳ λεύσσειν, viam quasi aperiat ad sequentia, quibus vis τοῦ νοεῖν declaratur.

Λεῦσσε, dictum e persona Deae quae loquens inducitur (cf. vs. 33): jubet illa, quae de ente praedicantur (aeternum, immotum, individuum, caet.) quamquam oculis absint, tamen animo praesentia cernere, neque e vulgari sensu credere, nunc esse, nunc non esse, modo dissipari, modo congregari, sed unum esse individuum perque omnia patens. Clemens Alex. hanc addit interpretationem: Παρμενίδης ἐν τῷ αὐτοῦ ποιήματι περὶ τῆς ἐλπίδος ἀνισσόμενος τὰ τοιαῦτα λέγει: deinde citt. versibus haec subjicit: ἐπεὶ ὁ ἐλπίζων, καθάπερ ὁ πιστεύων, τῷ νῷ ὁρᾷ τὰ νοητὰ καὶ τὰ μέλλοντα. Interpretatio magis religiosi hominis quam eruditi interpretis; nec mirum Parmenidem, si sic explicetur, ἀνίσσεσθαι videri. Non multo melius explicat Theodoretus: Παρμενίδης ὁ Ελεάτης πίστει τοῖς νοητοῖς προςβάλλειν παρεγγυᾷ. Λεῦσσε δ' ὁμῶς κτλ. νῷ γὰρ μόνῳ πελάζειν τοῖς νοητοῖς δυνατόν· δίχα δὲ πίστεως οὐδὲ ὁ νοῦς ὁρᾷ δύναται τὰ νοούμενα. Agnoscas in his facile hominum studia, ad Christianae religionis doctrinam gentilium philosophorum dicta et placita accommodantium.

Pro λεῦσσε alii Clementis libri λεῦσε; Theodoretus λεύσει; scriptura λεύσσω et λεύσω variat etiam in Homero. — νόῳ

ambiguum utrum cum λεῦσσε an cum παρέοντα potius jungendum sit; neutrum male; posterius tamen suadet verborum constructio. — ἀπέοντα . . . παρέοντα scite conjunguntur, ut in notissima Heracliti sententia apud Clementem Alex. Strom. V, p. 604 A dicitur, ἀπέοντας παρεῖναι. Aristophanes Eqq. vs. 1120: ὁ νοῦς δέ σου παρῶν ἀποδημεῖ. Cicero in Laelio c. 7: amici et absentes adsunt et egentes abundant, caet.

Vs. 90. ἀποτμήξει) Ἀποτμήγειν verbum Homericum; vid. Iliad. λ, 468; π, 390. Brändisius dubitat, num legendum sit potius ἀποτμήξεις. Si quid mutandum, corrigerem sic:

οὐ γὰρ ἀποτμηξεῖται ἐὼν μετ' ἐόντος ἔχεσθαι.

articulum non improbabile ab interprete insertum esse, quem recte abesse apparet e vss. 62, 80 al. ἀποτμηξεῖται pro ἀποτμήξεται, forma non solum Dorica, sed eadem Ionum et Atticorum; vid. Maittaire de dial. p. 359 (470 sq. Sturz.); Brunck. ad Aristoph. Ran. vs. 1221. ἔχεσθαι μετὰ τινος (pro ἔχεσθαί τινος) etsi exemplis probare nequeo, non tamen insolentius dictum videtur quam v. c. ἔχεσθαι ἐπὶ ξυροῦ ἀκμῆς, (Herodot. VI, 11; Brunck. ad Aristoph. Lysistr. vs. 31.) quo sensu ἔχεσθαι idem valet quod εἶναι; alioquin pro μετ' scribatur περ. Sed etsi haec conjectura mihi non improbabilis videtur, nescio tamen an e superioribus, quae interciderunt, intelligendum sit fortasse nomen, verbo ἀποτμήξει subjectum, e. g. τὸ μὴ ὄν, sicut vs. 105: οὔτε γὰρ οὐκ ἐὼν ἐστὶ τό κεν παύη μιν ἱκεῖσθαι εἰς ὁμόν; vel etiam intelligi potest indefinitum pronomen τι, ut sit οὐ τι ἀποτμήξει; quemadmodum latine verti.

Vs. 91 sq. οὔτε σκιδνάμενον — οὔτε συνιστάμενον) Spectat physicorum placitum qui, quod vulgus nasci et occidere, ipsi congregari et dissipari (συμμίσγεσθαι et διακρίνεσθαι) appellabant. Censuit hoc Anaxagoras, ut testatur fragmentum p. 125 (Schaubach.); Empedocles vs. 105 sqq. Parmenidis verbis respondet contrarie dictum Heracliti apud Schleyerm. p. 357, cit. Brand. (ἡ οὐσίη) . . . σκίδνησι καὶ πάλιν συνάγει κτλ. item Empedoclis versus de naturae elementis, 97 sq.

ἄλλοτε μὲν Φιλότητι συνεργόμεν' εἰς ἓνα κόσμον

ἄλλοτε δ' αὖ δίχ' ἕκαστα φορεύμενα νείκεος ἔχθει.

Utrumque hunc spectat et Eleaticis opponit Plato Soph. p. 242 E: Ἰάδες δὲ καὶ Σικελικαί τινες ὕστερον Μοῦσαι ξυννενοήκασιν ὅτι ξυμπλέκειν ἀσφαλέστατον ἀμφοτέρα κτλ. — κατὰ κόσμον, h. e. *figura, compositione, ordine*; nam κόσμος priscorum sensu non tam ipsum mundum, quam mundi ordinem ornatumque significat; sic Etymologus M. v. κοσμήσαι, recte dicit: ἡ τῶν ὅλων τάξις κόσμος ὑπὸ Πυθαγόρου (vulgo legitur Πυθῶνος) εἴρηται. Cf. annot. ad Xenophan. p. 177. Hoc loco entis quasi forma et figura intelligenda est.

Vs. 93-95. τῷτὸν δ' ἐστὶ νοεῖν τε καὶ οὐνεκεν ἔστι νόημα, κτλ.) Placitum his versibus expositum magni est momenti, cujus sensus accuratius nobis explicandus est, ne, ut Platonicis fecisse videntur, Parmenidis sententiam pervertamus. Si verba stricte interpretemur, hoc dicit: idem esse cogitare sive cogitationem atque id cujus causa est cogitatio. Id autem, cujus causa est cogitatio, nihil aliud quam ens est, quod patet cum e sequenti dicto: οὐ γὰρ ἔνευ τοῦ ἐόντος εὐρήσεις τὸ νοεῖν, tum ex eo quod supra docuit, si esse tollatur, nec dici nec cogitari omnino posse; cf. annot. ad vs. 39 sq. Itaque Parmenidis sententia huc redit, τὸ νοεῖν esse idem ac τὸ εἶναι sive τὸ ἐόν; cujus placiti haec vis est: illud quod mente tanquam verum intueamur, idem esse mentis nostrae et cogitationis principium; ens esse fundamentum, quo omnis cogitatio nitatur (τὸ νοεῖν πεφαστισμένον ἐν τῷ εἶναι). Quae sententia congruit vulgato illi veterum placito: similia similibus cognosci. Caeterum Simplicius f. 19 A, τὸ οὐ ἔνεκα interpretatur τὸ τέλος τοῦ νοεῖν. ἔνεκεν γὰρ τοῦ νοήτοῦ, inquit, ταῦτόν δ' εἰπεῖν τοῦ ὄντος, ἐστὶ τὸ νοεῖν, τέλος ὃν αὐτοῦ. Vult ens esse principium finale mentis et cogitationis, quod οὐ ἔνεκα sive τέλος appellant docti. Affinxit Parmenidi notionem ab Aristotele potissimum inductam (Metaph. I, 3. p. 645 A, Casaub. et alibi.), veterioribus autem incognitam;

h. l. οὐνεκεν vulgari sensu interpretandum videtur id *cujus caussa* aliquid est, quo quid pertinet, et quo tanquam fundamento nititur. — πεφαστισμένον. Hesychius φατίζει interpretatur λέγει, χωρίζει; utraque significatione conjuncta, notabitur *ratione aliquid constituere, certo consignare loco*; inde καταφατίζειν, *adfirmare, polliceri*, apud Plutarch. Solon. c. 25.

Vs. 95. οὐδὲν γὰρ ἔστιν ἢ ἔσται.) Sic Simplicius f. 19 A legit et sic vulgarunt interpretes, etsi metrum respuit. Idem f. 31 praebet: οὐδ' εἰ χρόνος ἔστιν; sub quo latere suspicor lectionem, οὐδὲ χρεών ἔστιν. cf. vs. 37, 66, 104. Deinde sequens quoque ἢ ἔσται parum mihi satisfacit, quoniam futurum esse non satis apte dicitur de ente, quod esse tantum dici potest (vs. 60). Nescio an levi mutatione fortasse legendum sit: οὐδὲ χρεών ἐστὶ πη εἶναι — vel οὐδὲ χρεών ἐστὶ νοῆσαι κτλ. Audacior videatur haec conjectura; at, quam multae in talibus sint erroris viae, quis nescit? — μοῖρα ἐπέδησεν, ut infra vs. 137. Homerica locutio; vid. Iliad. δ, 517; χ, 5. Pindar. Pyth. IV, 125 (70).

Vs. 97. οἷον ἀκίνητον τελέθ. κτλ.) Versus hic multum est a viris doctis versatus, nec tamen satis explicitus. Lectio variat. Plato in Theaet. l. l. habet: οἷον ἀκίνητον τελέθει τῷ π. in qua lectione libri editi et manu scripti fere consentiunt; in nonnullis tantum codicibus legitur ἀκίνητα . . . ὄνομα εἶναι; in plerisque editionibus πάντι, mutato accentu. Simplicius f. 7 A, ubi hunc versum separatim memorat, sic legit:

οἷον ἀκίνητον τελέθει, τῷ πᾶν ὄνομ' εἶναι.

similiter ut Plato, nisi quod πᾶν habet pro πάντι. Sed idem f. 19 A:

οἷον ἀκίνητόν τ' ἔμεναι ᾧ πάντ' ὄνομα ἔσται.

codemque modo f. 31 B, extremis tantum verbis ita mutatis, ᾧ πᾶν ὄνομ' ἔστιν. Hinc Buttmannus emendandum censuit: οἷον — ἀκίνητον τελέθειν, ᾧ πάντ'(α) ὄνομ' εἶναι. Quam emendationem etsi probarunt Heindorf. et Brandis, in textum recepit Beckerus, impedita tamen manet sententia, et ineptum est aut saltem supervacaneum vocabulum οἷον. Equidem Platoni-

cam lectionem servavi; tantum pro τελέθει ob verborum nexum edidi τελέθειν, et οἶον mutavi in οἶον. Ostendit hoc et declarat Simplicius, de Parmenidis ente dicens f. 7 A: ἀκίνητον αὐτὸ ἀνυμνεῖ καὶ μόνον, ὡς πάντων ἐξηρημένον; deinde ipsum versiculum citat. Quod ille appellat μόνον, interpretatio est vocabuli οἶον, quod idem Parmenides vs. 59 μονογενὲς vocat; lectio οἶλον ex ejusdem versûs initio temere repetita videtur. παντὶ ὄνομ' synizesin facit, ut ἀστέρι ὀπωρινῶ, Iliad. ε, 5. — Jam verborum constructio haec est: ἡ μοῖρα ἐπέδησεν, τῷ παντὶ τελέθειν ὄνομα οἶον καὶ ἀκίνητον εἶναι, ὅσα βροτοὶ κτλ. — εἶναι oppositum τῷ γίγνεσθαι, ὄλλυσθαι, caet. Parmenides in Universo unum et aeternum vere esse censet, quod contra vulgus varia et fluxa vera esse existimat. Respondent his dictis quae in contrariam partem dicta sunt apud Platon. Theact. p. 152 D: ὡς ἔρα ἐν μὲν αὐτὸ καθ' αὐτὸ οὐδὲν ἐστίν, . . . ξύμπαντά τε οὕτως ὡς μηδενὸς ὄντος ἐνὸς μήτε τινὸς μήτε ὁποιοῦν, ἐκ δὲ δὴ φορᾶς καὶ κινήσεως καὶ κράσεως πρὸς ἄλληλα γίγνεται πάντα ἃ δὴ φάμεν εἶναι, οὐκ ὀρθῶς προσαγορεύοντες. et p. 157 B: τὸ δὲ εἶναι πανταχόθεν ἐξαιρετέον. . . ἀλλὰ κατὰ φύσιν φθέγγεσθαι γιγνώμενα καὶ ποιούμενα καὶ ἀπολλύμενα καὶ ἀλλοιούμενα.

Vs. 98. ὅσα βροτοὶ κατέθεντο κτλ.) Vulgarem perstringit sententiam, quam et alii reprehenderunt, etsi a Parmenide dissentientes, ut Anaxagoras apud Simplic. f. 34 B (fr. 22, p. 135 Schaub.): τὸ δὲ γίνεσθαι καὶ ἀπόλλυσθαι οὐκ ὀρθῶς νομίζουσιν οἱ Ἕλληνες· οὐδὲν γὰρ χρῆμα γίνεται οὐδὲ ἀπόλλυται κτλ. Empedocles vs. 105:

ἄλλο δέ τοι ἔρῃ· φύσις οὐδενός ἐστιν ἀπάντων
θνητῶν, οὐδέ τις οὐλομένου θανάτοιο τελευτή· —
— φύσις δὲ βροτοῖς ὀνομάζεται ἀνθρώποισιν.

cit. Brandis. — εἶναί τε καὶ οὐκί (vulgo οὐχί), h. e. varium et mutabile esse (cf. vs. 50.); idem significat quod sequens γίγνεσθαι τε καὶ ὄλλυσθαι; quo sensu acceperunt quoque veteres interpretes, ut Alexander Aphrod. apud Simplic. Phys. f. 17 A adversus Eleaticos disserens, τοὺς λέγοντας μὴ εἶναι τὰ ἄλλα

τὰ ἐν γενέσει καὶ Φθορᾷ ὥς ποτὲ μὲν ὄντα, ποτὲ δὲ μὴ ὄντα, μόνον δὲ εἶναι τὴν αἰδίον οὐσίαν, διὰ τὸ μηδαμῶς τοῦ μὴ εἶναι μετέχειν, κτλ.

Vs. 100. *τόπον ἀλλάσσειν*) Pro *τόπον* corrigendum puto *τρόπον*, quae vocabula saepe confusa (ut notat praeter alios Creuzer. ad Plotin. de pulcr. p. 392.), non quod *τόπον ἀλλάσσειν* per se vitiosum aut a Parmenidis sententia alienum sit, sed quia hîc minus conveniens. Notat Parmenides rerum e vulgari opinione varietatem et vicissitudinem, alienam illam ab immutabili et constanti entis natura. Ista vero varietas potissimum in duobis his cernitur, in conditione ac figura (*τρόπος*), et in colore sive specie (*χρῶς*). Itaque ut *τόπον ἀλλάσσειν* parum concinit cum *χρῶς ἀμείβειν*, sic aptissime huic jungitur *τρόπον ἀλλ.* sine quo alterum paene mancum est. Similiter fere Lucretius, diligens Graecorum lector, II, 1004:

Mors, inquit, efficit omnes

res ita convortant formas mutantque colores.

cf. id. I, 768 sq. Ut hic *τρόπος* et *χρῶς*, sic alibi alia similia junguntur, ut in Xenophanis versiculo, fragm. V:

τὴν σφετέρην ἐσθῆτα τ' ἔχειν μορφὴν τε δέμας τε.

quemadmodum nos emendandum suasimus p. 39, *μορφὴν* scribentes pro *φωνήν*, quod ibi minus aptum videtur. Reprehendit hanc conjecturam doct. Petersen, in Novis Annal. philol. edd. Jahn et Seebode, a. 1831, fasc. 10, vocabula ista (*μορφὴν* et *δέμας*) ut paene similia minus apte conjungi putans; atqui non magis similia haec sunt, quam quae jungit Homerus Iliad. α, 115: οὐ δέμας οὐδὲ φυήν. β, 58: εἰδός τε μέγεθός τε φυήν τ'. Xenophanes ipse fr. VI, p. 41: ἰδέας ἔγραφον καὶ σώματ' ἐποίουν. Linus apud Stobaeum, Eccl. I, 11, 5. p. 282:

φαντασίαις ἀλληλοτρόποις καὶ σχήμασι μορφῆς
ἀλλάσσει.

quae comparata utramque meam conjecturam, si non certam, tamen admodum probabilem reddunt.

Vss. 101-108. Docetur his versibus, ens esse perfectum,

tali argumentatione: Quum unum est ens, nec quidquam ei contrarium neque diversum (οὔτε γὰρ οὐκ ἔόν ἐστιν... οὔτε ἔόν κτλ.), nihil habere potest dispar aut inaequale (οὔτε τι μείζον οὔτε τι βαιότερον), sed est omnino aequabile, in sphaerae modum aequaliter undique conglobatum summeque perfectum. Haec est summa; videamus singula.

vs. 101. αὐτὰρ ἐπὶ πείρας π.) Vulgo pro ἐπὶ legitur ἐπεὶ, quo turbatur plane verborum constructio. Nam quando sententia incipit per ἐπεὶ, sequi debet apodosis, quae hic plane desideratur. Tentavi num restitui posset sic legendo: αὐτὰρ ἐπεὶ π. π. τετελεσμένον ἐστὶ.... πάντῃ, τῷ γ' (pro τὸ γὰρ) οὔτε τι μ. οὔτε τι β. πέλεναι χρεών ἐστι. *quoniam perfectum est... omnino, nihil in eo praestantius nec deterius esse potest.* Huic lectioni codices quidem nihil fere obstant, ut mox ad vs. 103 videbimus; sed obstat argumentatio, quae contrario potius sic procedere debebat: *Quoniam in ente nihil est praestantius nec deterius, ideo aequale et perfectum est.* Melius fortasse sententia cohaereret, interjecto vs. 108, ita: αὐτὰρ ἐπεὶ π. π. τετελεσμένον ἐστίν, ἧ καὶ παντόθεν ἴσον ὁμῶς ἐν πείρασι κυρεῖ, παντόθεν... ἰσοπαλὲς πάντῃ. Sed hanc versuum dispositionem prohibet librorum auctoritas. Quocirca vel ad anacoluthiam confugiendum et, abrupta periodo, apodosis e vs. 108 (ἧ γὰρ παντόθεν ἴσον... κυρεῖ) supplenda, vel pro ἐπεὶ reponendum erat ἐπὶ, ultima syllaba propter arsin producta; quo lenissimo remedio omnis nobis difficultas sublata videbatur. Placet hoc et propter dictionem, quia Parmenides solet non per periodos sed incise membratimque loqui, et ob sensum, quia ipsum illud τετελεσμένον ἐστὶ praecipuum est, et reliqua ad hoc probandum afferuntur, non contra hoc ad illa. Ne vero quis fortasse ἐπεὶ pro ἔπειτα accipiendum putet, cavit Hermannus ad Viger. n. 241, p. 784.

Vs. 102. παντόθεν εὐκύκλου σφαίρης) σφαίρης Ionice exhibent tres Florentini Platonis libri cum Simplicio; plerique cum Aristotele σφαίρας; Aristoteles uno quoque loco ἐγκύκλου pro

εὐκύκλου; Boëthius ἐν κύκλοισι. — Ductum hinc celebratum Parmenidis placitum, τὸ ὄν sive τὸ πᾶν σφαιροειδὲς καὶ ὁμοῖον, de quo in dissert. § 10 sq. Similiter Xenophanes de Deo dixisse traditur, Fragm. p. 104: πάντα ὁμοῖον ὄντα σφαιροειδῆ εἶναι · οὐ γὰρ τῇ μὲν τῇ δ' οὐ τοιοῦτον εἶναι, ἀλλὰ πάντα. Celebrata quoque Empedoclis sphaera,

σφαῖρος κυκλοτερὴς μονίῃ περιηγεί γαίων.

apud Simplicium de Coelo f. 272 B. Ald. in Peyroni excerpt. p. 47. Ambo Parmenidis et Empedoclis versus confusi leguntur apud Proclum in Tim. l. l. qui sic distinguendi: τὸ νοητὸν πᾶν τοιοῦτόν ἐστι, πανταχόθεν εἰς ἑαυτὸ συννεῦον,

παντόθεν εὐκύκλου σφαίρης ἐναλίγκιον ὄγκῳ,
μέσον (μεσσόθεν) ἰσοπαλές,

καὶ

μόνη (μονίῃ) περιηγεί χαίρων.

Ultimum etiam versum quidam falso Parmenidi tribuerunt. Animadvertendum autem, Parmenidem ens non appellare sphaeram, sed sphaerae simile, quam imaginem fingit summae perfectionis; unde poëtica fictio vocatur a Simplicio Phys. f. 31 B: εἰ δὲ εὐκύκλου σφαίρης ἐναλίγκιον ὄγκῳ τὸ ἐν ὄν φησι, μὴ θαυμάσης · διὰ γὰρ τὴν ποίησιν καὶ μυθολογικοῦ τινος παράπτειται πλάσματος. Simili sensu Xenophanem de Deo usurpasse, docui in hujus philos. p. 119, 120; improbante quidem Cl. Wendt, in Relationibus liter. Gotting., non tamen redarguente. Antiquiores imitatur Plato, eandem imaginem ad mentem transferens, Legg. X, p. 898 B: λέγοντες νοῦν τήν τε ἐν ἐνὶ φερομένην κίνησιν σφαίρας ἐν τὸρνου ἀπεικασμένα φοραῖς, οὐκ ἂν ποτε φανεῖμεν φαῦλοι δημιουργοὶ λόγῳ καλῶν εἰκόνων. Cf. Aristoteles qui appellatur, de Mundo c. 2. p. 465 B.

Vs. 103. μεσσόθεν ἰσοπαλές.) ἰσοπαλὴς a πάλος proprie notat ἴσος ἐν κλήρῳ, deinde universe id. q. ἴσος. Ita veteres grammatici; vid. interpretes ad Hesych. T. II, c. 75, 76. Io. Philoponus Phys. III, lit. M, p. 12, recte sic interpretatur: μεσσόθεν εἶναί φησι ἰσοπαλές, τουτέστιν, ἴσον ἐκ τοῦ μέσου

πανταχόθεν ἀπέχον, ἵνα σφαιρικὸν αὐτὸ δείξῃ. Plato Tim. p. 33 B, formam, quam mundo Deus tribuit, describit talem: σφαιροειδὲς, ἐκ μέσου πάντῃ πρὸς τὰς τελευτὰς ἴσον ἀπέχον, κυκλοτερὲς αὐτὸ ἐτορνεύσατο, πάντων τελεώτατον ὁμοιότατόν τε αὐτὸ ἑαυτῷ σχημάτων. Cf. Timaeus Locr. p. 548 ed. Gal.

Ibid. τὸ γὰρ οὔτε τι μ. κτλ.) Magna in his est lectionis varietas. Platonis Florentini tres: τοῦ γὰρ οὔτε. Simplicius, Platonis verba citans, Phys. f. 19: τῷ γὰρ οὔτε. f. 12: τὸ οὔτε omisso γάρ; sed idem Parmenidis versus ordine referens f. 31 vulgatam lectionem servat. Deinde versu sequente pro βαιότερον veteres Platonis et Aristoteles editiones βεβαιότερον; similiter Proclus l. 1. Stobæus βιαιότερον; quas librariorum sordes abstersit jam Spalding. in Comment. in Aristot. de X. Z. G. p. 50. Pro πέλεναι Simplicius uno loco (f. 12) πέλεμεν; Platonis libri nonnulli et veteres editt. πέλει vel πέλεν; similiter Proclus; Stobaei editio Cant. πέλεν ἀχρεόν (pro πέλεναι χρεών), unde Heerenus effinxerat: πέλεν, ᾧ χρεών ἐστι. Denique in Aristotele ultima verba sic corrupta sunt: βεβαιότερον εἶναι μέχρ' ὅν ἐστι τῇ ἀρχῇ. Omitto leviora.

Cum his autem comparandi sunt vss. 78 sq. et Platonis haec verba in Parmen. p. 150 E: καὶ μὴν καὶ αὐτό γε τὸ ἐν πρὸς ἑαυτὸ οὕτως ἂν ἔχοι· μήτε μέγεθος ἐν ἑαυτῷ μήτε σμικρότητα ἔχον, οὔτ' ἂν ὑπερέχοιτο οὔτ' ἂν ὑπερέχοι ἑαυτοῦ, ἀλλ' ἐξ ἴσοϋ ὃν ἴσον ἂν εἴη ἑαυτῷ.

Vs. 105 sqq. οὔτε γὰρ οὐκ εἶν κτλ.) Efficitur his, ens esse omnino aequale, quippe unum et sui simile. — Dictum τό κεν παύῃ μιν ἰκεῖσθαι εἰς ὁμόν, idem valet quod vs. 78: τό κεν εἴργοι μιν ξυνέχεσθαι. In versu sequente κενεὸν scripsi pro κενὸν, εἶντος praebet Simplicius. Nec tamen lectio placet, non tam quod offendat metro, quam quod sensui parum convenit. Nam κενὸν ὄντος nihil aliud est quam μὴ ὄν, quod jam in priore argumentationis membro (οὔτε γὰρ οὐκ εἶν ἐστι) refutatum est; praeterea in vacuum non cadit τὸ μᾶλλον et ἥττον. Praeferrem pro κενεὸν legi πλέον, hac verborum constructione:

τὸ εἶν οὐκ ἔστι τῇ μὲν μᾶλλον τῇ δὲ ἥττον πλέον εἶντος; sed (ut vs. 79 sq. dixit) πᾶν δὲ πλέον ἐστὶν εἶντος. εἶν γὰρ εἶντι πελάζει. Facillimum vero et optimum videtur sic legere:

οὕτ' εἶν ἐστὶν ὅπως εἴη κεν εἶντος

τῇ μᾶλλον, τῇ δ' ἥσσον.

Ens ente nec praestantius nec deterius potest esse. Hoc et metro et sensui pariter satisfacit. Si vulgata lectio retineatur, κενὸν et εἶντος per synizesin contrahenda in κενὸν ὄντος, sicut scripsit Brandisius, etsi hoc quidem minus recte. Vid. Thiersch. Gr. Gr. § 149, 2, b. Dictio οὐκ ἔστιν ὅπως, ὅστις, caet. usitata Graecis, neque a Brandisio mutanda erat in ὅπως. cf. Aeschyl. Prom. 291; Eurip. Alcest. 52.

Vs. 107. τῇ μᾶλλον τῇ δ' ἥσσον) τῇ — τῇ δὲ, qua — qua, saepe opponuntur; vid. Aristot. Gen. et corr. I, 9 pr. et quae annotavimus in Xenophan. p. 104. μᾶλλον ἥσσον frequens apud philosophos, quo notant id quod *inaequale*, *varium*, *mutabile* est, cui contrarium τὸ ἴσον, τὸ ὅμοιον, τὸ πέρους. vid. Plato Phaedon. p. 109 A: (p. 83 Wytt.): ἰσόρροπον γὰρ πρᾶγμα . . . οὐχ ἔξει μᾶλλον οὐδὲ ἥττον οὐδαμῶσε κλιθῆναι, ὁμοίως δ' ἔχον ἀκλινὲς μενεῖ. Phileb. p. 24 E: ὅποσα ἂν ἡμῖν φαίνεται μᾶλλον τε καὶ ἥττον γιγνόμενα, . . . εἰς τὸ τοῦ ἀπείρου γένος ὡς εἰς ἐν δεῖ πάντα ταῦτα τιθέναι. τὸ ἄπειρον dicit id in quo nullus est modus, nulla constantia. cf. Aristoteles Metaph. III, 4 extr. p. 670 G. Archytas apud Simplic. Categor. f. 73 E. — πᾶν ἐστὶν ἄσυλον, id. q. vs. 79: πᾶν δὲ πλέον ἐστὶν εἶντος. vs. 88: ἐστὶ γὰρ οὐκ ἐπιδενές.

Vs. 108. ἥ γὰρ παντόθεν ἴσον) ἥ γὰρ, nisi corrigendum, certe accipiendum pro καὶ γὰρ. cf. ad vs. 20. — παντόθεν ἴσον, a sphaerae rursus imagine petatum, i. q. μεσσόθεν ἰσοπαλές. ἴσον dicitur in quod non cadit τὸ μᾶλλον τε καὶ ἥττον, *aequale*, *constans*, *perfectum*. Hoc sensu Anaxagoras apud Simplicium Phys. f. 33 B, de universo dicit: ὅτι πάντα οὐδὲν ἐλάσσων ἐστὶν οὐδὲ πλείων, . . . ἀλλὰ πάντα αἰεί. Idem Parmenides vs. 77 sic dicit: πᾶν ἐστὶν ὁμοῖον, οὐδέ τι μᾶλλον . . . οὐδέ τι χει-

ρότερον. Proprie ἴσον et ὁμοῖον ita distinguuntur, ut illud in quantitate (ἐν ποσότητι), hoc in qualitate (ἐν ποιότητι) positum sit; quod tamen discrimen a veteribus non diligenter servatum est. Sic in Platonis loco, quem modo citavimus e Phaedone, ἰσορροπον et ὁμοίως ἔχον permutantur.

Vss. 109-111. ἐν τῷ σοι παύω — — ἀκούων.) His versibus Simplicius f. 31 B priorem hanc carminis partem claudit; iisdem incipit f. 9 A, et sequentem deinceps naturae descriptionem ingreditur. Utramque carminis partem cohaerere expresse docet f. 7 B, citatis illis versibus haec addens: μετελθὼν δὲ ἀπὸ τῶν νοητῶν ἐπὶ τὰ αἰσθητὰ ὁ Παρμενίδης, ἦτοι ἀπὸ ἀληθείας (ὡς αὐτός φησιν) ἐπὶ δόξαν, ... τῶν μὲν γεννητῶν ἀρχὰς ... ἔθετο, ... λέγων ἐφεξῆς τοῖς προτέροις παρακειμένοις ἔπεσι· Μορφὰς γὰρ κατέθεντο κτλ. Et de Coelo III, l. l. συμπλήρως τὸν περὶ τοῦ ὄντος λόγον καὶ μέλλων περὶ τῶν αἰσθητῶν διδάσκειν, ἐπήγαγεν Ἐν τῷ σοι παύω κτλ. E quibus manifesto patet, Parmenidem ea, quae hactenus de ente disseruit et quae deinceps de natura canit, uno ordine contexuisse.

Pro παύω Simplic. de Coel. habet παύσω; idem in Phys. semel ἀμφὶ pro ἀμφίς; variat lectio in βροτείας et βροτείους, quorum hoc magis vulgare, illud exquisitius. — δόξας βροτείας dicit hominum visa de rebus naturalibus, quorum rationem deinceps Dea, quasi e mortalium opinione, exponit; hinc quod tertiam personam usurpat vs. 112, κατέθεντο. Similiter vs. 120 dicitur βρότων γνώμη. vs. 156: οὕτω τοι κατὰ δόξαν ἔφυ τάδε. Cf. annot. ad vs. 30.

Vs. 112. Μορφὰς γὰρ κατέθεντο κτλ.) De rebus naturalibus acturus initium facit ab elementis, quae his versibus describit. μορφὰς appellat *species* seu *genera* (εἶδη), ad quae rerum elementa et semina reducuntur: itaque inest in hoc vocabulo non solum formae sed simul materiei notio, quae ambo natura inter se cohaerentia prisci non disjunxerunt. Idem

vocabulum usurpat Empedocles vs. 69; retinuerunt item superiores, Plato, Aristoteles, Neo-Platonici; sed hi eodem aut simili certe sensu usurpant atque εἶδος et ἰδέα, ut solam formam significet a materie disjunctam. Vid. Wytttenbach. ad Platon. Phaeton. p. 274 sq. Aristoteles Phys. II, 1. p. 263 D, quaerens quid sit ἡ φύσις, dicit: ἓνα μὲν οὖν τρόπον ἡ φύσις οὕτω λέγεται, ἡ πρώτη ἐκάστῳ ὑποκειμένη ὕλη, . . . ἄλλον δὲ τρόπον ἡ μορφή καὶ τὸ εἶδος, τὸ κατὰ τὸν λόγον. Idem Metaph. IV, 8. p. 680 F, ubi docet quid sit ἡ οὐσία, συμβαίνει δὲ, inquit, κατὰ δύο τρόπους τὴν οὐσίαν λέγεσθαι, τό θ' ὑπακείμενον ἔσχατον ὃ μηκέτι κατ' ἄλλου λέγεται, καὶ ὃ ἂν τόδε τι ὄν καὶ χωριστὸν ᾗ τοιοῦτον δὲ ἡ ἐκάστου μορφή καὶ τὸ εἶδος. cf. Phys. I, 7. p. 260 C; Metaph. II, 4. p. 661 F. Aristotelici quidem discrimen faciunt inter μορφήν, εἶδος, σχῆμα; sed hoc nihil ad Parmenidem; vid. de eo Simplic. in Phys. f. 61 A; et praesertim in Categor. f. 67 A sq. — κατέθεντο γνώμης non ea significatione accipiendum qua ἐν φρεσὶ θέσθαι, vel θυμῷ ἐμβάλλεσθαι apud Homerum, e. g. Iliad. κ, 447; ν, 121; aut quem ad modum στέρνοις καταθέσθαι, animo recondere, mandare, apud Orpheum Hymn. 77, vs. 7, quem locum minus apte confert Brandisius; sed κατέθεντο hic notat statuerunt, induxerunt, similiter ut supra vs. 98; additur γνώμης (sic scripsi pro γνώμῃς), mentis prudentiâ, judiciis.

Vs. 113. τῶν μίαν οὐ χρεῶν ἐστίν.) Haec verba, quorum sensum non intellexit Bessarion, nec assequi se fatetur Fuellebornius, Brandis sic interpretatur, ut Parmenides dicat, amborum istorum generum alterum esse ens, alterum non ens, videlicet id quod noctem appellat. At ista significatio, ex Aristotelis interpretatione ducta, etiamsi Parmenidis menti conveniat, in ipsis tamen his verbis non inest; oportuisset saltem dici: τῶν μίαν οὐ χρεῶν εἶναι, concise pro ὧν μίαν οὐκ εἶναι χρεῶν ἐστίν. Nunc verba ex antecedentibus sic supplenda videntur: τῶν (ὧν) μορφῶν μίαν μόνον καταθέσθαι οὐ χρεῶν ἐστίν, quorum amborum generum unum s. alterutrum modo statuere non licet;

quod qui statuunt, falluntur. Ergo duo statuens elementa, reprehendit simul eos qui unum modo ponerent principium, sicut plerique superiorum physicorum. Eodem sensu accepit Simplicius Phys. f. 7 B, hanc addens interpretationem: οὕτω σαφῶς ἀντιθέτως δύο στοιχεῖα ἔλαβε, . . . καὶ πεπλανῆσθαι δέ φησι τοὺς τὴν ἀντίθεσιν (h. e. τὴν ἐναντιότητα) τῶν τὴν γένεσιν συνιστάντων στοιχείων μὴ συνορῶντας, ἢ μὴ σαφῶς ἀποκαλύπτοντας. vs. 114. σήματα, qualitates, quas διαφορὰς appellant philosophi, ut ἀραιόν, πυκνόν, alia. Eodem sensu habuimus vs. 57.

Vs. 115 sq. τῇ μὲν φλογὸς αἰθέριον πῦρ.) Verbis τῇ μὲν φλογὸς respondent verba (vs. 117 sq.) ἀτὰρ . . . ἀντία νύκτ' — utraque pendent ab ἔθεντο. φλογὸς πῦρ dicitur eodem modo ut θαλάσσα πόντου, Iliad. β, 144; νόον φρὴν in Xenoph. fr. III, p. 37; fluminis fluctus apud Lucret. IV, 1030; alia.

Sequens versus in Simplicio varie legitur; f. 7 B sic:

ἥπιον ὅν, μέγ' ἀραιόν, ἐλαφρόν, ἑαυτῷ πάντοσε τωῦτόν.
similiter f. 9. A, nisi quod ibi Ionica dialectus servatur etiam in ἑωυτῷ; f. 39 A ita:

ἥπιόν ἐστιν, ἐλαφρόν, ἑαυτῷ πάντοσε τωῦτόν.

Mirum quod tam constanter scribitur ἥπιον; porro ἐὼν dedi pro ὅν. cf. ad vs. 106. Verborum autem ἀραιόν et ἐλαφρόν quum alterutrum ejiciendum sit, non dubium quin hoc illius sit glossema; quemadmodum grammatici interdum ἀραιὸς interpretantur voce ἐλαφρός, ut Schol. ad Hesiod. Ἔργ. vs. 809 ed. Cler. p. 176 Heins. ἀραιὸν est vox antiqua, usurpata jam ab Anaximene. qui calidum χαλαρὸν καὶ ἀραιὸν dixit, teste Plutarch. de Prim. frig. vol. IX, p. 734 (Reisk.); vulgo opponi solet τῷ πυκνῷ, ut in fragmento, si non ipsius Parmenidis, tamen e Parmenide expresso, supra p. 48, n. 2; et in ejusdem placitis relatis a Stobaeo, Eccl. L. I, c. 26 et 28, p. 532, 574, ubi τὸ ἀραιότερον μίγμα et τὸ πυκνότερον memorantur. Melissus apud Simplic. Phys. f. 22 B: τὸ γὰρ ἀραιὸν ἀδύνατον ὁμοίως εἶναι πλήρες τῷ πυκνῷ, ἀλλ' ἤδη τὸ ἀραιόν γε κενεότερον γίνεται τοῦ πυκνοῦ. cf. Empedocles vs. 191; Anaxagoras apud Simplic.

Phys. f. 38 B: ἀποκρίνεται ἀπὸ τε τοῦ ἀραιοῦ τὸ πυκνὸν, καὶ ἀπὸ τοῦ θερμοῦ τὸ ψυχρόν. Aristoteles de mundo c. 4. p. 467 F: ὁμίχλη . . . ἀέρος μὲν παχυτέρᾳ, νέφους δὲ ἀραιότερα. Grammatici quidem hoc sensu ἀραιὸν spiritu aspero scribi jubent, ut monet Eustathius Odyss. κ, p. 1649, 46; sed librorum scriptura variat.

Vs. 117. τῷ δ' ἑτέρῳ κτλ.) Ex his verbis Simplicius effecisse videtur, ambo haec principia etiam ταῦτ' et ἕτερον a Parmenide appellari; Parmenides tamen vocabula ista vulgari sensu usurpavit, non eo quo philosophi Pythagorei praesertim et Plato usurpant, a quibus absolute poni solent. — κατ' αὐτὸ pro καθ' ἑωυτὸ, qua significatione αὐτὸ frequens est apud Herodotum.

Vs. 118. ἀντία νύκτ' ἀδαῇ) Versus hic in Simplicio corruptus est; f. 7 B sic legitur: τὰναντία νυκτὰδα ἡδὲ πυκινόν. f. 9 A: ἀντία . . . πυκινόν, f. 39: ἀντία ν. ἢ πυκινόν. Omnēs hi loci conspirant in corrupta lectione νυκτὰδα; ultima tamen manifesto veram Parmenidis manum arguit, quam agnovisse videtur etiam Bessarion, et expressit Scaliger in ms. Leyd. ἀδαῆς, de quo dixi ad vs. 3, hic notat *obscurus*, sicut interpretatur Bessarion, a δάω *incendo*; eodem sensu vs. 123 dicit νυκτὸς ἀφάντου.

Post hunc versum Simplicius f. 7 B memorat, μεταξὺ τῶν ἐπῶν interponi ῥησείδιον prosa oratione scriptum, quod retulimus p. 48, n. 2. Brandisius inter medios versus interseruit, parum recte, quum nec fragmentum istud sit ipsius Parmenidis, et duo sequentes versus, τῶν σοι ἐγὼ κτλ. cum proximis arcte cohaereant et ab ipso Simplicio f. 9 A continuo ordine illis jungantur.

Vs. 119 sq. τῶν σοι ἐγὼ διάκοσμον κτλ.) τῶν scripsi pro τὸν. refertur ad ambo elementa, lucem et noctem; deinde φατίσω pro φατίζω, futurum pro praesenti, sicut vs. 132: εἴσῃ. vs. 136: εἰδήσεις. — διάκοσμον, h. e. διακόσμησιν, vocabulum proprium de mundi dispositione et ornatu; hinc Democriti μέγας et μικρὸς διάκοσμος nominati; simili sensu a Pythagoreis ψυχῆς διάκοσμος

appellatus animus variis ex partibus constitutus. Vid. Salmasius in Epictet. p. 168, 177. Vocabulum a Parmenide desumpsit Plutarch. adv. Colot. p. 1114 (Vol. X, p. 583 Reisk.) de illo loquens: ὅς γε καὶ διάκοσμον πεποίηται, καὶ στοιχεῖα μιννὺς τὸ λαμπρὸν καὶ σκοτεινὸν, ἐκ τούτων τὰ φαινόμενα πάντα καὶ διὰ τούτων ἀποτελεῖ. Haec e Brandisii nota ad h. l. εἰκότα appellat, quia haec omnia κατὰ δόξαν referuntur. παρελάσση simili significatione qua παρελεύσεαι, Iliad. α, 132; παρὰμείβεται Pindar. Pyth. II, 50 (93.)

Vs. 121 sq. Αὐτὰρ ἐπειδὴ πάντα κτλ.) Versibus his, quos Simplicius dicit antecedentibus μετ' ὀλίγα subjectos fuisse, docet, ambobus istis elementis universum esse completum, nec praeter illa quidquam haberi. τὰ . . . ἐπὶ τοῖσί τε καὶ τοῖς, constructio verborum durior, ut saepe apud Parmenidem; significatio est: τὰ ἐπὶ τοῖς ἀμφὶ φῶς τε καὶ νύκτα ὠνομασμένα, qualitates utrique generi tributae, ἀραιόν, πυκνόν, cetera.

Vs. 123 sq. πᾶν πλέον ἐστίν.) Idem de rerum natura dicit quod supra de ente dixit, vs. 79: πᾶν δὲ πλέον ἐστὶν ἔόντος. Deinde ἴσων ἀμφοτέρων non tam significat, paria et aequalia esse alterum alteri, sed suo quodque genere et per se consentiens et aequabile, nihil esse in ipsis repugnans, οὔτε μεῖζον οὔτε βαιότερον, οὔτε μᾶλλον οὔτε ἥσσον, quo sensu ipsum quoque ens ὁμοῖον et ἴσον dixit; vid. vss. 77, 108, et ibi annot.

ἐπεὶ οὐδετέρῳ μέτα μηδέν.) μέτα, h. e. μετέστι. Videlicet si elementorum unumquodque per se non sit uniusmodi et consentiens (ἴσον), oporteat esse aliâ parte valentius, aliâ debilius, aliâ plenius; aliâ inanius; sic autem necesse vacuum quid esse, quo intersperso densa materies dissipetur et attenuetur; at vacuum nihil est; nihil autem in neutro elementorum obtinet: ergo utrumque eorum uniusmodi et aequale est. Sic eadem ratione vacuum in natura tollit, qua in veritate non ens sustulit; vid. vs. 44. Simplicius haec verba sic commentatur:

εἰ δὲ μηδετέρῳ κατὰ (l. μέτα) μηδέν, καὶ ὅτι ἀρχαὶ ἄμφω καὶ ὅτι ἐναντίαι δηλοῦνται. quae Philaltheus, a Brandisio citatus, sic reddit: » *Si ergo nihil alterius cum altero esse potest, nec* » *unum est altero posterius*, (amplificavit haec suo arbitrio;) » *profecto indicatur tam ea esse principia quam contraria.*» Simplicius, saltem Philaltheus, verba ἐπεὶ οὐδὲτ. μέτα μηδέν, sic interpretatus videtur: ἐπεὶ οὐδετέρῳ (τῶν στοιχείων) μηδέν τοῦ ἑτέρου (στοιχείου) μετέστω, eodem sensu quo Parmenides paullo ante (vs. 117) utrumque elementorum dixit aequale sibi, alteri dispar, τῷ ἑτέρῳ μὴ τῷτόν.

Vs. 125 sqq. αἱ γὰρ στενότεραι κτλ.) Hos item versus antecedentibus 112-120 parvo intervallo subjectos fuisse; Simplicius notat f. 9 A dicens: μετ' ὀλίγα δὲ πάλιν περὶ τῶν δυοῖν στοιχείων εἰπὼν, ἐπάγει καὶ τὸ ποιητικὸν (αἴτιον), λέγων οὕτως: — Articulus autem αἱ quo referatur non docet, sed ex ipsius verbis intelligitur, spectare ad orbes illos seu coronas (στεφάνας appellavit Parmenides), partim aetheria, partim terrena materie conflatas, aliam supra aliam positas, quibus universum mundi orbem constare dixit; quarum in medio esse Daemonem naturae gubernatricem. Hunc locum spectasse videtur Stobaeus Eccl. Phys. I, 23. p. 482, quem in dissertat. § 23 accuratius explanabimus.

αἱ γὰρ — — αἱ δ', Simplicius αἱ γὰρ — — αἱ δ'. ποίηντο pro ἐπεποίηντο quamquam insolens, analogiae tamen non repugnat; mallet vero πεποίηντο, diphthongo οι ante sequentem vocalem η correpta; posterior syllaba in πυρὸς propter arsin producatur. Sensus autem verborum obscurior est. αἱ στενότεραι quidem sunt coronae *angustiores*; has vero quae sequuntur (αἱ δ' ἐπὶ ταῖς), utrum dicantur *supra* illas an *infra* positae ambiguum. At prius horum repugnare puto Parmenidis sententiae, qui rem ita fingere videtur: Supremum omnium omnia cingentem orbem esse οὐρανὸν (qui ὄλυμπος ἔσχατος vocatur vs. 140); infra hunc angustiores illos orbes, quos hic memorat, primum lucis, deinde noctis; quas inter mediam esse Dae-

monis sedem. Haec descriptio convenit cum reliquorum scriptorum testimoniis quae in dissertatione § 23 exponemus.

πυρὸς ἀκρίτοιο, significare potest ignem multum, immensum. Hesychius: ἀκριτα . . . πολλά, μὴ ἀριθμούμενα. Sic Homerus hymn. Merc. 577:

παῦρα μὲν οὖν ὀνίνησι, τὸ δ' ἀκριτον ἡπεροπεύει.

similiter in compositis, ut ἀκριτόφυλλον, i. e. πολύφυλλον, aliisque. Potius tamen secundum Fuelleb. et Brandis. interpretor ignem non purum, sed caligine mixtum, prouti vicissim nox lucis radiis intermixta est. — φλογὸς αἶσα, i. q. φλογὸς μοῖρα, poëtica circumlocutione pro simplici φλόξ. Homerus Odyss. τ, 84: ἐλπίδος αἶσα. Empedocles, vs. 199: ὕδατός τε καὶ οὐ-
δεὸς αἶσαν.

ἐν δὲ μέσῳ τούτων.) Etiam hîc ambiguum, utrum intelligendus sit locus in centro universi, an medius inter lucis et noctis orbes positus. Posterius magis congruum videtur et menti Parmenidis et ipsis verbis; illud si voluisset, potius, credo, dixisset simpliciter ἐν μέσῳ vel ἐν μέσῳ πάντων seu πασῶν. Cf. dissertat. § 24. Haec autem δαίμων quo nomine vocata sit, non magis liquet, quam illa quae carminis initio praedicatur sapientiae Dea; non eandem esse utramque res ipsa satis indicat. Simplicius ejus nomen silet; Plato γένεσιν, Plutarchus Ἀφροδίτην nominat; utriusque locos ad vs. 131 annotabimus; Stobaeus Ecll. I, 23. p. 482 sq. varia ejus cognomina memorat, illa autem duo omittit. E quo facile colligi licet, etiam hanc Deam a Parmenide non proprio nomine designatam esse, sed κατ' ἐξοχὴν Δαίμονα vocatam.

Vs. 128 sqq. πάντα γ' ἄρα στυγεροῖο κτλ.) γ' ἄρα scripsi pro γὰρ, postulante metro; si quis malit post γὰρ inseri articulum ἢ, qui referatur ad ἀρχή, de more epico, non obsto. Ut haec daemon ἀρχή, sic ἔρως apud Orpheum μέγας ἀρχὸς ἀπάντων dicitur fragm. 15. p. 508 Herm. Sententia autem, si non turbata, tamen parum explicata est. Simplicissima verborum constructio videtur haecce: τόκου καὶ μίξις ἀρχή.

πέμπουσα πάντα ἔμιγε θῆλυ ἄρσενι, ἄρσεν θηλυτέρῳ, — in quibus πέμπουσα vix satis commodum praebet sensum; tum μίγεν accipiendum erit activa potestate, quum usitata sit solum passiva forma (ἐμίγην). Brandisius rescripsit μίσγειν, quod metro repugnat, nec sententiae satisfacit; in Simplicio legitur μιγέν, participium. Mihi olim Parmenidis manum restituisse videbar levi mutatione, corrigendo πέμπε σὺν pro πέμπουσ', et μιγῆναι pro μιγέν, hoc modo:

πάντα γ' ἄρα στυγεροῖο τόκου καὶ μίξις ἀρχῇ

πέμπε σὺν ἄρσενι θῆλυ μιγῆναι, ἐναντία τ' αὖθις κτλ.

πέμπε συμμιγῆναι s. συνέπεμπε μιγῆναι, instar Homericī Il. α, 8: ξυνέηκε μάχεσθαι. Hujus conjecturae etsi me nondum poenitet, post tamen reputavi num sententia sic expediri possit, si ἀρχῇ πέμπουσα habeatur pro nominativo absoluto, tanquam legatur: πάντα .. τῆς ἀρχῆς πεμπούσης (ἀναπεμπούσης), ἐμίγεν (ἐμίγησαν) ἄρσενι θῆλυ, ἄρσεν θηλυτέρῳ. Constructio haec non aliena a Graecorum consuetudine; conf. Euripides Phoen. 290—292:

μέλλων δὲ πέμπειν μ' Οἰδίου κλεινὸς γόνος, —

ἐν τῷδ' ἐπεστράτευσαν Ἀργεῖοι πόλιν.

Aristophanes Ran. 1437:

εἴτις πτερώσας Κλεόκριτον Κινησίῳ,

αἴροισεν αὖρας πελαγίαν ὑπὲρ πλάκα.

Accuratius explicunt Valckenaer. ad Euripid. l. l. et nuper Bernhardy, Ling. Gr. Synt. p. 479 sq. Ad hunc modum latine interpretatus sum. πέμπειν pro ἀναπέμπειν, quod simili sensu usurpat Empedocles vs. 200:

τοὺς μὲν πῦρ ἀνέπεμπε, θέλον πρὸς ὅμοιον ἰκέσθαι.

στυγερὸς vocatur τόκος καὶ μίξις, propter ardoris vehementiam, ut labor improbus, amor insanus, dira libido, aliaque usurpantur a poëtis.

Vs. 131. πρώτιστον μὲν Ἔρωτα κτλ.) Amori Parmenidem exemplo Hesiodi praecipuas in natura fingenda tribuisse partes, jam Plato et Aristoteles ll. ll. animadverterunt. Ille

quidem in Symposio sic loquitur: Ἡσίοδος πρῶτον μὲν χάος γενέσθαι φησί, αὐτὰρ ἔπειτα γαῖ' εὐρύστερνος — ἡ δ' ἔρος ... Παρμενίδης δὲ τὴν γένεσιν λέγει, πρῶτιστον μὲν Ἔρωτα θεῶν μητίσατο πάντων. Quaeritur hīc, ad quod subjectum referendum sit verbum *μητίσατο*. Mihi non dubium videtur quin pertineat ad *γένεσιν*, quae est eadem atque *φύσις*, vis genitalis, naturae et generationis tanquam parens. Hesychius: *γένεσιν* πατέρα ἢ μητέρα, quo fere sensu Homerus usurpat Iliad. ξ, 201, 302:

Ὠκεανόν τε θεῶν γένεσιν καὶ μητέρα Τηθύν.
item Iliad. ξ, 246, quem versum alii Orpheo tribuerunt, et memoratur in Orphic. fragm. p. 478 Herm. cf. Orph. hymn. VI, 3. Simili quamquam non eadem plane potestate *γένεσις* ut subjectum ponitur in Platon. Phileb. p. 54 E: *πείνην ἢ δίψαν ἢ τι τῶν τοιούτων ὅσα γένεσις ἐξιάται*. Aristot. Coel. I, 10. p. 349 F: *ἅμα δὲ τὸ αὐτὸ τεταγμένον εἶναι καὶ ἄτακτον ἀδύνατον, ἀλλ' ἀνάγκη γένεσιν εἶναι τὴν χωρίζουσαν καὶ χρόνον*. Cf. Interpp. ad Hesych. T. I, c. 815. Secundum Platonem igitur e Parmenidis mente *γένεσις* habenda videtur Amoris parens; apud Plutarchum vero l. l. legimus: Παρμενίδης μὲν ἀποφαίνει τὸν Ἔρωτα τῶν Ἀφροδίτης ἔργων πρεσβύτατον, ἐν τῇ κοσμογονίᾳ γράφων· Πρῶτιστον μὲν Ἔ. κτλ. Hic Amoris parentem Ἀφροδίτην vocat. Denique Simplicius nos docet, eandem, quam modo dixit naturae gubernatricem, Amoris quoque causam esse: *ταύτην καὶ θεῶν αἰτίαν εἶναί φησι λέγων, κτλ.* ipsius vero nomen non addidit. Ex his satis, nī fallor, patet, cognomina, quibus Plato et Plutarchus hanc Daemonem appellant, magis naturam et vim ejus significare, quam proprium nomen, quo Parmenides usus sit, referre.

Vs. 132-138. *εἶσῃ δ' αἰθερίαν κτλ.*) Magnifice his versibus proponit rerum argumentum, de quibus in exponenda natura sit acturus. Itaque, explicatis rerum elementis caussisque, explicuit deinde praecipuas mundi partes et corpora, quae hic summatim memorantur: primum *terrena*; horum autem

mentio una cum antecedentibus versibus intercidissee videtur; deinde aetheria, quibus sidera solis, lunae, ceteraque continentur; tum coelestia, quibus stellae fixae comprehenduntur. Quorum omnium et originem (φύσιν) et vim (έργα), unde nata sint et quae efficiant, se expositurum pollicetur. Cum his concinunt fere Plutarchi dicta de Parmenidis cosmogonia, adv. Colot. p. 1114: *διάκοσμον πεποίηται καὶ στοιχεῖα μινυδς τὸ λαμπρὸν καὶ σκοτεινὸν, ἐκ τούτων τὰ φαινομένα πάντα καὶ διὰ τούτων ἀποτελεῖ· καὶ γὰρ περὶ γῆς εἴρηκε πολλὰ καὶ περὶ οὐρανοῦ καὶ ἡλίου καὶ σελήνης καὶ ἄστρον.* Parmenides autem aperte (vss. 132 et 136) distinguit αἰθέρα et οὐρανόν; illum appellat eam coeli regionem, in qua sol et luna versantur; hunc autem superiorem et quasi extremum mundi ambitum, cuncta cingentem (ἀμφὶς ἔχοντα), in quo astra seu stellae fixae sunt collocatae. Haec distinctio vulgari opinioni conveniens est, quamquam a doctis non semper observata, qui nomina αἰθήρ et οὐρανός, similiter οὐρανός et κόσμος, saepius confuderunt aut varia ratione definiverunt, ut animadvertit jam Proclus in Timaeum p. 83, quamquam non satis accurate, dicens: *τὰ ὀνόματα ταῦτα πολλὴν ἔσχε παρὰ τοῖς παλαιοῖς ἀμφιβολίαν, τῶν μὲν τὸ ὑπὸ σελήνην μόνον κόσμον καλούντων, τὸ δὲ ὑπὲρ αὐτὴν οὐρανόν, τῶν δὲ τὸν οὐρανὸν μέρος τοῦ κόσμου λεγόντων· καὶ τῶν μὲν ἄχρι σελήνης αὐτὸν ὀρίζοντων, τῶν δὲ καὶ τὰ ἄκρα τῆς γενέσεως οὐρανὸν προσκαλούντων.* Itaque non miremur si nec ipse Parmenides hoc discrimen ubique diligenter observaverit, quo facile factum, ut a serioribus perturbatum sit, sicut fecisse videtur Stobaeus Eccl. p. 484. cf. dissertat. § 23.

Vs. 132. sq. αἰθερίαν φύσιν, h. e. τὴν τοῦ αἰθέρος γένεσιν, ὁπόθεν ἐξεγένετο. σήματα vocantur sidera et stellae, τείρεα apud Homerum Iliad. σ, 485, unde et Latinis signa; sive e veteri superstitione sic appellata παρὰ τὸ τερατώδη καὶ σημειώδη ταῦτα εἶναι, ut vulgo putant; sive, quod mihi probabilius videtur, ex oculorum adspectu, quod sidera quasi lu-

cidis signis distinguunt coelum et tempora dividunt. cf. Intpp. ad Hesych. v. *τείρεα*; Davis. ad Cicer. N. D. 1, 9.

Vs. 133. sq. *καθαῖρας — αἰδήλα*) Verba sic cohaerent: *ἔργα καθαῖρας λαμπάδος εὐαγ. ἥελ.* In interpretando autem constructionem paululum mutavi perspicuitatis gratia. *ἡελίοιο λάμπας* non insolitum poetis: cf. Eurip. Med. 353; Lucret. V, 609. — *ἔργα ἡλίου, σελήνης*, sunt siderum illorum tam actiones quam affectiones, cursus, defectio, vis in rerum naturam. Sic Aristoteles Metaph. I, 7. p. 652 A: *τὰ τῶν φερομένων ἔργα κατὰ τὸν οὐρανόν*, pro quo paullo ante distinctius dicit *ἔργα καὶ πάθη*. Proclus in Parm. T. IV, p. 55: *τὴν φύσιν καὶ τὰ ἔργα τῆς φύσεως*. Sic Virgilius quoque, Graecos forsitan imitatus, *solis et lunae labores* dicit, Georg. II, 478; Aen. 1, 742; qui tamen praesertim defectiones spectat. — Appellantur *αἰδήλα*, ut quorum causae vulgus latent; vocabulum hoc, frequens epicis, egregie explicat Buttman. Lexilog. I, p. 247 sqq. cf. Hesiod. Ἔργ. 754 (756); fragm. ex Ἠοίαις apud Scholiast. Pindar. Pyth. III, 14.

εὐαγέος, vocabulum ambiguae originis et potestatis. Ductum ab *ἄγος* significat *piaculi expers, purus, insons*; ductum ab *ἄγω* notat *agilis*, tum etiam, auctore Suida, *εὐαγῆς* sign. *καλῶς περιηγμένος* et *μεταφορικῶς κύκλος* ita appellatur. Quae significatio huic loco congruere visa est Heinrichio, qui interpretatur eodem sensu quo mox *κύκλωψ* appellatur luna, et laudat Toupium Emendatt. in Suidam, P. III, p. 559 Lips. (P. II, p. 366.) Eadem significatione simplex vocabulum *ἀγῆς*, quamquam insolens, usurpasse videtur Empedocles de sole dicens:

ἄθρει μὲν γὰρ ἄνακτος ἐναντίον ἀγέα κύκλον.

qui versus jam a Ruhnkenio editus et relatus in Beckeri Anecdotis p. 337, Sturzium in Empedocleis fugit. Probabilior tamen et aptior h. l. mihi videtur alia vocis significatio, notata item a grammaticis multisque veterum testimoniis firmata, qua *εὐαγῆς* valeat idem quod *εὖοπτος*, *ἀγλαός*, *λαμπρός*, quae sunt nota Solis epitheta. Sic usurpatur in Aeschyli Pers.

458 (466); Euripid. Suppl. 654; Bacch. 662; apud Platonem Tim. p. 58 D: ἄερος τὸ μὲν εὐαγέστατον ἐπικλὴν αἰθὴρ καλούμενος, ὃ δὲ θολερώτατος ὁμίχλη τε καὶ σκότος. Legg. XII, p. 952 A: ἔμαιοῦσι μὲν εὐαγέστερον γίνεσθαι, μὴ μαθοῦσι δὲ σκοτωδέστερα... καὶ ἁσαφῆ. et alibi. Eadem notio placebat quidem Hemsterhusio, hoc vocabulum explicanti ad Eurip. Suppl. l. l. (Vol. II, p. 361 Musgr.); istam tamen significationem in hoc vocabulo inesse non censebat, sed eo sensu et in Parmenide et in ceteris quos citavimus locis pro εὐαγῆς reponi volebat εὐανγῆς. Huic multi sunt adsensi: quorum quamvis me moveat auctoritas, tutius tamen arbitror eos sequi, qui vocabuli formam constanti librorum scriptura et grammaticorum testimoniis munitam non sollicitandam putant, praesertim quum analogiae non repugnet. Arnaldus ad Hesychium ducit ab αἰγῇ (pro αὐγῇ); potius repetendum puto a stirpe γάω, γαίω, γαύω, quae verba conversis literis multa et varia pepererunt vocabula, ut αἰγῇ, αὐγῇ, ἀγανός. Quidni igitur eadem ratione a γάω factum sit εὐαγῆς et εὐάγητος, mutata forma pro εὐγαῆς, εὐγάητος (sicut a cognato verbo γάθω sive γήθω derivantur εὐγαθῆς, εὐγήθητος)? Itaque formae εὐαγῆς et εὐανγῆς non magis inter se differunt quam utriusque vocabuli stirpes γάω et γαύω; simili modo variata quoque sunt verba ἄω αὖω, αἶρ αῖρα, αἶτμη αὖτμή, ἄλοξ αῖλαξ. Caeterum εὐαγῆς vulgo habet penultimam brevem, hic productam vi rhythmici; similiter in Empedoclis vs. cit. et in Leonidae epigr. Anthol. Gr. VI, 27, 6.

Vs. 135 sqq. ἔργα.... περίφοιτα, ex emendatione Scaligeri; vulgo περὶ φοιτά. οὐρανὸν ἀμφὶς ἔχοντα, simili notione coelum informat Homerus, Il. σ, 485: πάντα τά τ' οὐρανὸς ἔσπεφάνωται. Reliqua in Clementis ms. Par. et edit. Flor. sic leguntur, ut in Poës. phil. edidit Stephanus:

ἔνθεν μὲν γὰρ ἔφυγε καὶ ὥς μιν ἄγουσ' ἐπέδησεν

ἀνάγκη πείρατ' ἔχειν ἄστρων.

Scaliger, ejectis particulis μὲν γὰρ, versus in ordinem restituit.

ἐπέδησεν ἀνάγκη.) Locutionem hanc notavimus vs. 96; hinc etiam, ut Heinrichius annotat, ἀνάγκης ζεύγματα dicuntur, explicata a Jacobsio Exercitt. in Scriptt. Vett. T. I, p. 97 sq. — Coelum autem dicitur πείρατα ἔχειν ἄστρον, quod duplici modo videtur posse intelligi, ob duplicem significationem verbi πείρατα, quod et *vincula* et *fines* notat. Priore sensu erit: *Coelum tenet astrorum vincula*, h. e. astra habet illigata; quod optime convenit in stellas fixas, τὰ ἀπλανῆ, quae, ut antiqui scriptoris verbis utar, τῷ σύμπαντι οὐρανῷ συμπεριστρέφονται τὰς αὐτὰς ἔχοντα ἑδρας. (Aristot. de mund. c. 2, p. 465 D.) Has stellas coelo illigatas esse vulgaris erat priscorum physicorum opinio, ut Empedoclis, et jam ante Anaximenis. Vid. Plutarch. plac. phil. II, 13, 14; Stobaeus Eccl. phys. I, 25. p. 506, 510. Vel ἄστρον πείρατα interpret. *astrorum fines*, h. e. astra coelum terminantia, quippe quae ultimam ejus oram obtineant. Eudemus Phys. III: τὰ δὲ ἄστρα, καὶ ὅσα ἐντὸς τοῦ ἐξωτάτου σώματος (vide licet τοῦ κόσμου), ἐν τῷ ἐκείνου πέρατι ἐστὶν ἢ περικύχον ἐστίν. (apud Themist. Phys. IV, f. 40 A. Ald.) Dictionis formam similem vidimus vs. 81.

Vs. 139. sqq. πῶς γαῖα καὶ ἥλιος κτλ.) His versibus, qui argumento cum antecedentibus conveniunt, Parmenides orsus videtur rerum originem describere, sicut Simplicii verba l. l. indicant: Παρμ. . . . (μέλλων) περὶ τῶν αἰσθητῶν ἄρξασθαι, Φησὶ λέγειν, πῶς γαῖα κτλ. Notat autem praecipuas naturae res de quibus in carmine expositurus sit, tum etiam, quantum patitur metrum, ordinem indicat quo coelestia corpora sibi succedant. Incipit a terra, quam in medio mundo collocavit, deinde memorat aetherem et aetherea corpora, solem atque lunam; tum viam lacteam; postremo olympum (sive coelum) et astra.

Vs. 140 sq. αἰθὴρ ξυνός (κοινός), aether communis, sive naturâ cognatus scil. soli et lunae, aethereis corporibus, quae modo memoravit. γάλα οὐράνιον, i. e. ὁ γαλαξίας κύκλος, etiam

simpliciter γάλα appellatum, ut Aristot. Meteor. I, 8. p. 417. Ὀλυμπος ἔσχατος idem qui modo οὐρανὸς appellatus; poëti- cum hoc nomen usurpant etiam Empedocles vs. 170, apud Galen. de esu partium III, 3; et Philolaus, teste Stobaeo Ecll. Phys. I, 23. p. 488: τὸ μὲν οὖν ἀνωτάτῳ μέρος τοῦ περιέχοντος, ἐν ᾧ τὴν εἰλικρινεῖαν εἶναι τῶν στοιχείων, Ὀλυμπον καλεῖ. Utriusque vocabuli rationem interpretatur Aristotelicus auctor libri de mundo cap. 6. p. 474 C, dicens summam mundi regionem vocari οὐρανὸν μὲν ἀπὸ τοῦ ὅρον εἶναι τῶν ἄνω, Ὀλυμπον δὲ οἷον ὁλοαμπῇ καὶ παντὸς ζόφου καὶ ἀτάκτου κινήματος κεχωρισμένον. — ἄστρων θερμὸν μένος; haec enim e Parmenidis mente e calidâ materie, purâ luce sunt concreta. Simili modo Empedocles dicit vs. 356: αἰθέριον μένος. vs. 401: ἀνέμων μένος. cit. Peyron.

Vs. 143. νυκτιφάες περὶ κτλ.) Hic et proximus versus ad lunam pertinent, quam, sicut plerique physici, secundariam esse et a sole illustrari docet. Cf. Stobaeus Ecll. Phys. I, 27. p. 556 sq. νυπτιφάες pro vulg. νυκτὶ φάος restituit Scaliger; similiter legit Is. Casaubonus ad Diogen. Laërt. II, 1, atque edidit Fuelleborn. qui citat Orph. hymn. LIV (53), 10: ὄργια νυκτιφάῃ. — ἀλώμενον, sicut Virgilius errantem lunam dicit, Aen. I, 742. — Cum Parmenide Casaubonus comparat Anaximandri sententiam, qui lunam vocasse dicitur ψευδοφάῃ, teste Diogene l. l. quamquam de hoc non satis constat. Manifesto illius sententiam expressit Empedocles, vs. 173, de luna canens:

κυκλοτερὲς περὶ γαῖαν ἐλίσσεται ἀλλότριον φῶς.

Vs. 144. αἰεὶ παπταίνουσα) Simili tropo Empedocles utitur de sole, quem dicit coelestis fulgore lucis accendi, vs. 170:

αὐταυγεῖν πρὸς Ὀλυμπον ἀταρβήτοισι προσώποις.

Vs. 145-148. Spectant hi versus ad humanam naturam et ingenium: ut totius mundi sic hominum quoque naturam Parmenides conflari docet ambobus elementis, quorum vi intellectum sensumque contineri, et diversâ eorumdem temperie inge-

niorum diversitatem exsistere censet. Caeterum secutus sum in his, auctore Stephano Poës. phil., lectionem Theophrasti, quae Aristotelis lectioni anteponenda mihi videtur.

Vs. 145 sq. ὥς γὰρ ἐκάστω ἔχει κρᾶσις.) Pro hoc Aristoteles: ὥς γὰρ ἕκαστος ἔχει κρᾶσιν; ad sensum nullum est discrimen; sed ὥς ἐκάστω ἔχει κρ. concinnius, quia congruit sequenti τῷ νόος ἀνθρώποισι παρέστηκεν. Pro πολυπλάγκτων Aristoteles πολυκάμπτων; sed illud aptius indicat membrorum naturam fluxam et inconstantem. πλαγκτός, πλάζεσθαι, supra vs. 47 sq. de fluxa et incerta mente vidimus. — Pro παρέστηκεν idem παρίσταται, quod repugnat metro. νόος hic non sublimiorem mentis vim, sed communem sensum et intelligentiam notat.

Vs. 146 sq. τὸ γὰρ αὐτό ἐστὶν ὑπὲρ κτλ.) h. e. membrorum complexio est id ipsum quod sapit sive ipse νοῦς. Hinc quod Aristoteles et Theophrastus aiunt, Parmenidem αἰσθάνεσθαι et Φρονεῖν, αἰσθήσιν et Φρόνησιν idem intellexisse. μελέων φύσις dicitur quoque ab Empedocle vs. 244.

καὶ πᾶσιν καὶ παντί.) Ambo haec vocabula idem, credo, significant quod simplex πᾶσι, simili fere pleonasmo quo dici solet ὅλῳ καὶ παντί, πᾶν διὰ παντός, al. cf. not. ad vs. 32; nisi tamen hoc intersit, ut πάντες sint omnes homines, πᾶς autem homo omnis, omni vita, omnibus vitae actionibus corporisque vicissitudinibus.

Vs. 148. τὸ γὰρ πλεόν ἐστὶ νόημα.) Hoc Theophrastus ita interpretatur: δυοῖν ὄντων στοιχείοι, κατὰ τὸ ὑπερβάλλον ἐστὶν ἡ γνῶσις. εἰ γὰρ ὑπεραίρη τὸ θερμὸν ἢ τὸ ψυχρὸν, ἄλλην γίνεσθαι τὴν διάνοιαν. Aristoteles l. l. cum Parmenide comparat Empedoclis placitum (vs. 321 sqq.): Ἐμπεδοκλῆς μεταβάλλοντας τὴν ἔξιν (μελέων κρᾶσιν vocat Parmenides) μεταβάλλειν φησὶ τὴν Φρόνησιν· πρὸς παρεὸν γὰρ μῆτις ἀέξεται ἀνθρώποισιν.

Vs. 149. δεξιτεροῖσιν μὲν κτλ.) Eandem opinionem comprobasse videtur medicorum parens, qui, interprete Galeno,

observavit : ἔμβρυα τὰ μὲν ἄρρενα ἐν τοῖσι δεξίοισι μέρεσι τῆς μήτρας μᾶλλον εὐρίσκεται συνιστάμενα, τὰ δὲ θήλεα κατὰ τὸν ἕτερον κόλπον αὐτῆς τὸν ἀρίστερον. Idem Anaxagorae quoque et aliis philosophis placuit. Cf. Menagius ad Diogen. L. II, 9. Obs. p. 75.

Vss. 150-155. Coelius Aurelianus hos versus citans, haec addit: » Parmenides in libris, quos de natura scripsit, eventu » inquit conceptionis molles aliquando seu subactos homines » generari; cujus quia Graecum est epigramma, et hoc ver- » sibus intimabo; latinos enim, ut potui, simili modo com- » posui, ne linguarum ratio misceretur.” Sequuntur deinceps versus, quibus hanc subjungit explicationem: » Vult » enim seminum praeter materias esse virtutes, quae, si se » ita miscuerint ut (scr. pro et) ejusdem corporis faciant (sc. vim) » unam, congruam sexui generent voluntatem; si autem » permixto semine corporeo, virtutes separatae permanserint, » utriusque veneris natos appetentia sequatur.” Intelligitur ex his Parmenidem censuisse, utriusque seminis (maris et feminae) temperie natos concipi et natorum tam ingenia quam corpora generari. Inesse enim semini praeter materiam etiam vires seu virtutes, quibus hominum indoles formetur. Si congruant utriusque seminis vires, bene condita corpora et naturas existere; si inter se pugnent, nasci homines fractos et perversa natura. Caeterum Coelium non ipsius Parmenidis carmen, sed fragmenta tantum vidisse, patet ex ejus dictis; alioquin non loqueretur de libris quos ille de natura scripsit, quum unus modo Parmenidis liber exstiterit; nec epigramma vocaret versus e continuo carmine excerptos. Cf. Brandis. p. 131. De ejus autem interpretatione, quum Graeca desint, juste aestimare nobis non licet; inest tamen Graecae orationis color, et versuum argumentum cum Parmenidis aliorumque istius aetatis placitis congruit.

Vs. 150 sqq. *Veneris germina miscent*, h. e. miscendo serunt, quo liberorum generatio et conceptio significatur; usi-

tata metaphora. — *Venis* jung. cum. *miscent*; *venae*, *nervi*, *membra*, Graecis φλέβες, νεῦρα, genitales praecipue partes vocantur; minus apte igitur Brandis hoc vocabulum junxit cum proximo *informans*. — *informans*... *virtus* est ea, quam philosophi appellant δύναμιν εἰδοποιόν; vis quae diversa in unum conciliat, posita illa in variorum elementorum consensione. — *temperiem servans*, h. e. justam temperiem sive modum tenens. Graece sic fere interpretari liceat: μορφώσασα φύσιν ἐξ ἐναντίου αἵματος, κρᾶσιν ποιήσασα, εὐάρμοστα σώματα πλάττει.

Vs. 154 sq. *nec faciant unam*, nempe *virtutem* vel *temperiem*, qua inter se concordent. — *nascentem gemino semine*, i. e. *ambigenum*, ut appellat Evanthius, (Epigr. Pithoei, IV, p. 129) non tamen sicut ille intelligit, *dispari nuptu constantem*, tanquam mulum et lyciscam, sed dispari seminis natura et virtute conflatum. Parmenides usus est fortasse verbo διφυής; non dissimili significatione Empedocles νεῖκεογεννήστης dicit, cujus vs. statim laudabitur. Coelius autem intelligere videtur ἀνδρόγυνον, quum molles seu subactos homines significari dicat; prouti mox etiam *diras* vs. 154 interpretatur nefarium amorem, seu utriusque veneris appetentiam. Et sane furias, furorem de vehementi ac dira libidine dici non insolitum; probabilius tamen, Parmenidem universe significasse homines indole et temperie inaequales, contrariis libidinibus actos et corporis morbis vexatos. Itaque *dirae* intell. contraria studia et vires; quo sensu ἐριδες appellantur ab Empedocle, vss 223, 353. Si Parmenidis sententiam universe quaeramus, voluit, inesse in corporibus naturae quandam viriumque vel consensionem vel discrepantiam, quae diversam efficiant et membrorum complexionem et ingenii indolem. Sic obscurius praecepit idem, quod clarius Empedocles exposuit, docens, duas esse rerum efficientes causas, Concordiam et Discordiam, quarum vim tam in universo mundo quam in singulis rebus dominari. De utriusque viribus ille vs. 130 sqq. ita canit:

ὅσα κρᾶσιν ἐπαρκέα μᾶλλον ἔασιν,
ἀλλήλοισ ἔστερκται, ὁμοιωθέντ' Ἀφροδίτῃ.

contra

Ἐχθροὶ πλεῖστον ἀπ' ἀλλήλων διέχουσι, μάλιστα
γέννη τε κράσει τε καὶ εἴδεσιν ἐκμακτοῖσι,
πάντῃ συγγίνεσθαι ἀήθεα καὶ μάλα λυγρά,
νεικεογεννέστησιν ὅτι σφίσι πᾶν γένος ὀργᾶ.

Hic alia dicit κρᾶσιν ἐπαρκέα, ad mutuam temperiem idonea, alia his opposita, συγγίνεσθαι ἀήθεα, dissociabilia; illa Venere conciliantur, haec Discordia dirimuntur irâ concitata. Quae Parmenideis perquam sunt similia.

Vs. 156 sqq. Οὕτω τοι κατὰ δόξαν κτλ.) Hos versus post expositionem rerum naturae collocatos fuisse, cum ipsa indicant verba, tum Simplicius animadvertit, addens: παραδοῦς δὲ τὴν τῶν αἰσθητῶν διακόσμησιν, ἐπήγαγεν· Οὕτω τοι κτλ. Post haec deinceps varia rerum nomina, quae ad mundi partes et descriptionem, ad naturae ortum et interitum pertinerent, explicuisse videtur, quod ultimus versus significat.

Vs. 156, pro ἔφυ Moërbeka oculis male lippus legit ἔφη, vertit enim *inquit*; et vs. sq. pro τραφέντα denuo γράφοντα, *scribentem* interpretans. Illius errores propagavit editionis Aldinae interpres. Pro νῦν τε ἔασι, vulgo νῦν ἔασι. Copulam inseruit Peyronus, quam retinuit etiam Moërbeka, interpretatus: »et nunc sunt et postea." Hiatus si quem offendat, consulat annot. vs. 38. — τραφέντα completa, ad maturitatem perducta. Homerus II α, 251: τράφεν ἡδ' ἐγένοντο, nati erant et floruerant. Empedocles 151: ἀλλ' ὅτε δὴ μέγα Νεῖκος ἐνὶ μελέεσσιν ἐθρέφθη. — Duo ultima verba, ἐπίσημον ἐκάστω, transposui; vulgo ἐκάστω ἐπίσημον, refragante metro.

Pag. 48. 1. Verba a Platone hoc loco memorata, οὐ γὰρ μή π. εἶναι μὴ ὄντα, plerique pro Parmenidis dictis habuerunt, sicut versus qui subjungitur petitus est ex ipsius carmine, vs. 52. Hinc in numeros quoque redigere studuit Heindorfius, sic legendo:

οὐ γὰρ μή ποτε τοῦτο δαῖς, εἶναι μὴ ἔόντα.

Heindorfium auctorem secutus Stallbaumius ita edidit. Retinere tamen eos ab hoc incepto debuerant ipsa Platonis verba quae praecedunt, πεζῇ τε καὶ μετὰ μέτρων, quae certo non temere ab illo addita sunt; tum etiam Aristotelis et Simplicii consentiens auctoritas, a quibus idem dictum iisdem verbis laudatur. In Simplicio quidem variat lectio; loco, quem primum citavimus, Platonis verba referens sic legit: οὐ γὰρ μή ποτε τόγε μὴ ὄν οἶόν τε εἶναι, ἀλλὰ σὺ τῆς δ' ἀφ' ὁδοῦ κτλ. — altero loco vulgatam tenet, tantum quod vitiose τοῦτου habet pro τοῦτ'; tertio denique sic: οὐ γὰρ μήποτε τόγε μηδαμῇ εἶναι μὴ ὄντι. Nusquam vero apparet ullum metri vestigium. Quid igitur? Num credendum, Parmenidem etiam prosa oratione scripsisse, et ex huiusmodi scripturae genere haec verba esse deprompta, sicut nonnulli e Platonis verbis collegerunt? (vid. p. 17 sq.) Atqui pedestri sermone Parmenidem scripsisse, nullum probabile exstat indicium, nec Plato dicit; memorat vero sermones a Parmenide habitos, quibus Socrates interfuerit, quos vocabulo πεζῇ significat: itaque non mirandum si Parmenidem hîc pedestri oratione utentem fecit. Habemus igitur Parmenideam sententiam Platonice verbis expressam, quod indicat ipse orationis color, iteratis negandi particulis, οὐ μήποτε οὐδαμῇ, quibus Plato maxime delectatur: e. g. Legg. XII, 684 A: οὐ πρέπον... γίγνεσθαι τοιοῦτον οὐδὲν οὐδαμῇ οὐδαμῶς. Multa huiusmodi exempla collegit Wyttenbachius, Annot. ad Phaedon. p. 199. Porro etiam ὄντα non videtur esse a Parmenide, qui singulare ἐὼν usurpare solet, quod ipsum nonnulli hîc reponendum censuerunt; sed profectum est illud a Platone, ideoque scripsi sic ut in plerisque

Platonis et Simplicii editt. legitur, ὄντα, non ἐόντα, quae est lectio Aristotelis l. l. Aristoteles autem videtur hoc dictum a Platone mutuatus esse; Simplicium certe fecisse liquet. — Caeterum Parmenidis sententiam vidimus supra vss. 39, 44.

Ibid. 2. Qui Parmenidem prosa oratione scripsisse crederent, haec dicta, quae Simplicius memorat, pro veris habuisse non mirum; etsi plura in his insunt indicia quae fidem hujus loci labefactant. Interjectum ferebatur hoc fragmentum inter medios Parmenidis versus (μεταξὺ τῶν ἐπῶν); ergo ab aliena saltem manu interpositum. Unde autem depromptum? Simplicius ignorat, imo fidem ejus addubitatur, ut significat verbis ὡς αὐτοῦ Παρμενίδου. Denique, ut pridem diximus, Parmenidis scriptum pedestri sermone nullum memoratur. Quamquam vero non ab ipso auctore sit profectum, congruit tamen cum ejus doctrina, et continet praecipuas notas quibus duo rerum elementa ab ipso in carmine, vss. 115-120, distinguuntur, nisi quod hîc clarius notatae et aptius distributae sunt quam in ipsius versibus. Itaque probabile est, profectum esse ab aliquo interpretum, qui philosophi placita in compendium redigeret et ordine disponderet, deinde autem, explicandi gratia, Parmenidis versibus adsutum fuisse.

ἐπὶ τῷδε ἐστὶ τὸ ἄραιον καὶ τὸ θερμὸν — — ἐπὶ δὲ τῷ πυκνῷ κτλ.) Haec non satis distincte sibi opposita sunt; melius responderent vel hoc modo: ἐπὶ τῷδε ἐστὶ — — ἐπὶ δὲ τῷδε τὸ πυκνόν. vel ita: ἐπὶ τῷ ἄραιῳ ἐστὶ τὸ θερμὸν — — ἐπὶ δὲ τῷ πυκνῷ κτλ. Caetera bene sibi respondent. Ut θερμὸν et ψυχρόν, sic φάος et ζόφος opposita sunt; Plutarch. de pr. frig. vol. IX, p. 736 (Reisk.): ἀντίκειται γὰρ ὡς τῷ λαμπρῷ τὸ ζοφερόν, οὕτω τῷ θερμῷ τὸ ψυχρόν. Ultima verba, ταῦτα γὰρ ἀπεκρίθη, respondent vs. 114: ἐντία δ' ἐκρίναντο.

Ibid. 3. Verba haec, quae Suidas, eoque auctore ceteri Parmenidi tribuunt, mihi non dubium est quin petita sint e Platone Parmenide, qui dialogus fere Parmenidis nomine significari solet a veteribus; in quo haec verba leguntur p. 135 A:

ὁ ἄρτι ἐλέγομεν, θαυμαστῶς ὡς δυσανάπειστον εἶναι. Dictio θαυμαστῶς s. θαυμασίως ὡς Platonicae consuetudini congruit; quod exemplis ostendit Wyttenbach. Phaedon. Annot. p. 251. Veteres grammatici ὡς hac constructione interpretantur λίαν. Eusthath. ad Iliad. α, p. 79. l. 36; Thomas Mag. in v. p. 933. Respondet autem Latinorum particulae *quam*, in *perquam*, *sanequam*, al. cf. Astius in Platon. Phaedr. additam. ad calcem Politiae, p. 639 sq.

Ibid. 4. Cum Suida et Photio concinit Hesychius, v. μακάρων νῆσος, qui tamen Parmenidis nomen omittit. Fuelleborn. dubitat, num significetur alius Parmenides, ῥήτωρ τεχνογράφος, cujus meminit Diogenes L. IX, 23 extr. Non liquet; etsi facile credo potius a seniorum quovis quam a Parmenide hanc appellationem profectam esse. Praecipuus hac in re testis est Scholiastes Lycophronis, ad Cass. vss. 1194-1204: κατὰ τινὰς ὁ Ζεὺς ἐν Θήβαις ἐτέχθη καὶ τὰς μακάρων νήσους ἐν Θήβαις Φασὶν εἶναι, . . . ἔνθα καὶ ἐπιγέγραπται τὰδε:

αἶδ' εἰσὶ μακάρων νῆσοι, τόθι περ τὸν ἄριστον

Ζῆνα θεῶν βασιλῆα 'Ρέη τέκε τῷδ' ἐνὶ χώρῳ.

. . . . Μακάρων δὲ νήσους τὰς Θήβας ὁ ἐπιγραμματογράφος ἐκάλεσε, κολακικῶς εἰκάζων τὰς Θήβας νήσοις μακάρων. Tum eodem cognomine apud Lycophronem Thebas significari dicit, ubi ille in Hectorem ita canit:

ἄλλ' ἄξεταί σε πρὸς γενεθλίαν πλάκα, —

νήσοις μακάρων δ' ἐγκατοικήσεις μέγας.

Spectat haec Eustathius Od. δ, p. 1509: ὅτι δὲ καὶ περὶ Θήβας τὰς ἐπταπύλους ἐφιλοτιμήσαντό τινες νήσους μακάρων εἰπεῖν, διὰ τὸ κατὰ τὴν χώραν εὐδαῖμον, οἱ τοῦ Λυκόφρονος δηλοῦσιν ὑπομνηματισταί. Compilavit Natalis Comes, Myth. III, 19. In his autem nihil est quod philosophum Parmenidem hujus cognominis auctorem prodat. Caeterum nota Thebarum amoenitas; vid. Spanhemius in Callimach. h. Del. vs. 87. Simili cognomine locus ibi erat Διὸς γοναὶ vocatus, ut notat Meurs. ad Lycophr. l. l.

DE

PARMENIDIS

PHILOSOPHIA ET PLACITIS.

DE PARMENIDIS PHILOSOPHIA.

§ 1.

PROOEMIUM.

Hactenus in interpretando Parmenidis carmine operam dedimus, ut singula ejus dicta singulasque sententias accurate explicaremus; jam deinceps Parmenideam philosophiam enarrare nobis propositum est, ita, ut ipsius rationes et placita ordine exponamus, eaque comparandis et aequalium philosophorum placitis, et seriorum scriptorum et interpretum testimoniis ac judiciis, quantum fieri possit, illustremus.

Ordiamur a prooemio, quo tanquam aditu ipse in interiorem nos philosophiam ducit. Cujus dispositio et sensus quum nonnullis partibus sit obscurior, non alienum erit summam paucis adumbrare.

Poëta generosis se vectum equis sublime efferri fingit ad templum Deae quae rerum arcana tenet. Iter ingredienti duces se praebent Heliades nymphae, quae, relictæ tenebrarum regione, mox eum in lucis viam educunt cursumque dirigunt. Sic volante curru in locum devenere, *partes ubi se via findit in ambas* ¹, quarum una lucis, altera noctis via est;

(1) Virgilius.

ante earum aditum est porta quam custodit Justitia claves tenens, quae nympharum exorata precibus januas benigne recludit. Tum passis foribus intrat et pervenit in adytum Deae; quae comiter exceptum salutat, ad sapientiae studium hortatur, et deinde omnia ei tam veritatis placita quam opinionum commenta explanat. Itaque illius Deae ore totum deinceps carminis argumentum exponitur ².

Imago haec sive allegoria, quam Parmenides carmini praeposuit, inter praeclarissima philosophicae poëseos exempla merito est habenda. Non tantum eo valet, ut per hoc tanquam illustre vestibulum legentes ad doctrinae penetralia ducat, sed simul fictâ imagine interiorem rationis suae sensum mentemque philosophus expressit. Hoc etiam veteres animadverterunt; Sextus Empiricus, qui prooemium illud servavit, hanc addit interpretationem ³: Ἐν τούτοις Παρμενίδης ἵππους μὲν φησιν αὐτὸν φέρειν τὰς ἀλόγους τῆς ψυχῆς ὀρμάς τε καὶ ὀρέξεις· κατὰ δὲ τὴν πολύφημον ὁδὸν τοῦ Δαίμονος πορεύεσθαι, τὴν κατὰ τὸν Φιλόσοφον λόγον θεωρίαν, ὡς λόγος προπόμπου δαίμονος τρόπον ἐπὶ τὴν ἀπάντων ὁδηγεῖ γυνῶσιν· κούρας δὲ αὐτοῦ προάγειν τὰς αἰσθήσεις, ὧν τὰς μὲν ἀκοὰς αἰνίττεται ἐν τῷ λέγειν,

δοιοῖς γὰρ ἐπείγετο δινωτοῖσι

κύκλοις,

τουτέστι, τοῖς τῶν ὥτων, τὴν φωνὴν δι' ὧν καταδέχονται τὰς δὲ ὁράσεις Ἡλιάδας κούρας κέκληκε, δώματα

(2) Vid. vss. 1—28.

(3) Sextus Empiric. VII, s. 112 sqq.

μὲν νυκτὸς ἀπολιπούσας, ἐς Φάος ὠσαμένας, διὰ τὸ μὴ χωρὶς Φωτὸς γίνεσθαι τὴν χρῆσιν αὐτῶν· ἐπὶ δὲ τὴν πολύποινον ἐλθεῖν Δίκην καὶ ἔχούσαν κληΐδας ἀμοιβούς, τὴν διάνοιαν ἀσφαλεῖς ἔχουσαν τὰς τῶν πραγμάτων καταλήψεις· ἥτις αὐτὸν ὑποδεξαμένη ἐπαγγέλλεται δύο ταῦτα διδάξειν κτλ. Haec quidem Sextus; quae legenti statim apparet, plura ab illo esse parum accurate enarrata; veluti quum Deam sapientiae appellat πρόπομπον δαίμονα, quo munere Heliades funguntur; quum has nymphas currum anteire (προάγειν αὐτοῦ) dicit, quae ipsum tanquam aurigae vehunt; quum Justitiam templi custodem cum ipsâ sapientiae Deâ confundit. In sensu autem interpretando, peccat vulgari grammaticorum vitio fabulas explicantium: haeret in singulis verbis et imaginibus, summam totius allegoriae et significationem non videt; argute indagat ea in quibus nihil est reconditi, quae vero philosophi mentem dilucide ostendunt, non cernit. Attendamus singula.

Parmenides philosophiae iter ingrediens equos sibi fingit: hos Sextus interpretatur immoderatas animi cupiditates, ductus, credo, similitudine Platonicae illius imaginis in Phaedro, ubi equorum, qui animum vehunt, alter fingitur indomita libidine ad prava propellens; sed istam significationem ab hoc loco alienam esse, quis non videt? quomodo enim immoderatae cupiditates possent duces fingi ad sapientiam? Porro itineris comites se praebent Heliades: has puellas Sextus interpretatur oculos, (ductus fortasse vocabulo κόρη, quae et *puellam* et oculi *pupillam* notat): nam

ut Heliades sole natae in lucem tendant, sic oculos lucem requirere ad cernendum, eosque mentis ministros esse. At quomodo consentaneum, Parmenidi oculos duces ad sapientiam haberi, qui sensus ut fallaces spernat, oculis auribusque confidere vetet, solâ mente cognoscere jubeat? non oculorum ille lumen requirit ad cognoscendum, sed mentis lucem divinitus datam. Ad idem sensuum ministerium Sextus currum quoque refert, rotarum orbes interpretans aures, et faceta *δινωτοῖσι* (*κύκλοις*) quasi *δι' ὧτων* accipiens. Mirum quod non pari modo nobis explicuerit, quid axes, quid portarum claustra, quid clavi significant. Grammatico placeant istiusmodi argutiae, poëta non magis quam philosopho indignae sunt; ac profecto nisi Sextum nimium interpretandi acumen fefellisset, sensisset ipse, istam singularum partium descriptionem valere tantum ad illustrandam imaginem, reconditam vero significationem non habere. Sensus allegoriae non tam abstrusus est, ut operosam istiusmodi interpretationem requirat, sed in aperto positus est sponteque elucet.

Equi, quibus poëta ad coelestia evehitur, quid aliud significant quam philosophiae ardorem, quo excitatur non ad humilia et terrena, sed ad alta et divina spectandum? Dea autem in aethere habitans significat, scientiam et veritatem non in terrena sede, sed in coelesti regione posita esse, nec humanâ doctrinâ, sed divinâ ratione et instinctu posse agnosci, ac tum maxime, quum animus e terris quasi in coelum evolaverit. Viam autem illuc monstrant Heliades,

quippe quod nemini nisi Deorum ductu eo liceat pervenire. Templi custos est Justitia, quam nisi placaveris, ad divinum consortium admitti nequeas: ergo philosophum oportet esse sanctum et justum, nec sine religione et fide ulla est sapientia. Sic etiam Empedocles, Musam invocans, pietatem ab ea precatur dicens vs. 343:

Πέμπε παρ' εὐσεβείης ἐλάουσ' εὐήνιον ἄρμα.

Denique geminae viae, altera lucis, altera noctis, significant duo cognitionis genera, veritatem et opinionem, quarum illa aeterna, haec mortalia complectitur. Quarum rationum utramque Parmenides in carmine separatim persequitur.

Hic est sensus hujus allegoriae, quae quamquam parum limata verbis, tamen imaginis elegantia et dignitate excellit, atque egregie ostendit indolem veteris philosophiae, quae non minus quam poësis cum ἐν-θουσιασμῷ erat conjuncta. Docet hoc et illustri exemplo ostendit Plato in Phaedro⁴, ubi philosophiae originem indagans, fingit hominum animos, prius quam in terras delapsi et in hunc veluti carcerem detrusi essent, in coelo degisse, et ibi beatos in beatorum choro verae spectasse pulcritudinis exempla, quorum in terris non nisi umbras cernamus; ex cujus vitae recordatione remansisse in animis quasdam divinarum rerum quasi scintillas, quae sapientiae ardorem excitent, hominesque illuc, unde orti sint, evehi impellant. Platonica haec imago si cum Parmenidea comparetur, quamquam dissimili est argumento et

(4) Plato Phaedr. p. 246 sqq.

ornatu, simili tamen est ingenio et sensu; ut non immerito Plato in hac exprimenda illum videatur imitatus: utrâque imagine veteris philosophiae vis et elegantia tanquam clarâ effigie est expressa.

§ 2.

ARGUMENTI DISTRIBUTIO.

Jam templi limen ingressi, ipsam Deam audiamus loquentem. Priusquam rationes suas explicare aggreditur, paucis proponit summam rerum quas philosophia tractat ⁵, omnem cognitionem distribuens in duo genera, quorum alterum veritatem, alterum opiniones seu mortalium visa comprehendit. Utriusque quae ratio sit et materies, attendamus. Veritatem appellat, in qua est certa fides et persuadendi vis (*πίστις ἀληθής*); opiniones, in quibus fallacia inest (*ἀπατή*): illam ponit in eo quod est, sive quod constans est et aeternum; has in rebus quae videntur, mutantur et fluunt. Ut autem visa in rebus externis et externarum rerum notionibus posita, sensu, auditu, visu percipiuntur, sic veritas a conspectu remota animo tantum comprehenditur. Postremum hoc discrimen quamquam in definiendis his generibus Parmenides non expresse notavit, significat tamen in carmine, quum oculos, aures, linguam, ut hebetes et ambiguos spernit, verum intelligentia et ratione cognosci jubet (*κρίναι λόγῳ*,

(5) Vid. vss. 29—31.

λεύσσει νόῳ.)⁶. Sic igitur res fluxas ab aeternis, opinionem a veritate, sensum a ratione distinxit.

Hoc discrimen, quod gravissimum est ad rerum cognitionem, princeps in philosophiam induxit Parmenides, antiquiores aut neglexerant prorsus aut non nisi obscure erant suspicati. Sic fuerant jam plures qui, in indagando veritatem, animadvertentes et rerum naturas et hominum sensus perpetuo quasi fluxu agitari, ad fallacem speciem et opinionis conjecturam cuncta reducerent, certum esse certoque percipi posse nihil dicerent: veluti Alcmaeon Crotoniates initio libri scripsisse fertur⁷: *De rebus tam divinis quam humanis certa quidem sciunt Dii, homines vero tantum opinantur*. Similiter aequalis ejus Xenophanes, cujus celebrata vox: δόκος δ' ἐπὶ πᾶσι τέτυκται⁸. Hic tamen, etsi pleraque incerta duce- ret, mente supra humana se extollens praeclariorem jam sibi informaverat naturam, immutabilem illam et aeternam, Deum, qui non oculis posset sed mente tantum comprehendere. Sic viam monstraverat Xenophanes, quam discipulus ejus Parmenides est ingressus. Tenuit hic τὸ δοκεῖν, sed coarctavit et reduxit ad res fluxas; adjunxit τὴν ἀλήθειαν, quam posuit in eo quod vacuum est omni vicissitudine, quodque

(6) Vss. 53—55, 89.

(7) Vid. Diogenes L. VIII, s. 83; Περὶ τῶν ἀφανέων, περὶ τῶν θνητῶν σαφήνειαν μὲν θεοὶ ἔχοντι, ὥς δὲ ἀνθρώποις, τεκμαίρεσθαι. Si Alcmaeon haec scripsit, ut equidem credo, usus est certe Dorica dialecto, quae a senioribus saepe oblitterata est. τὰ ἀφανῆ opposita τοῖς θνητοῖς, ut divina humanis.

(8) Xenophanes fragm. XIV, p. 51; cf. ibid. p. 185—191.

unum comprehendi posse, unum philosophi contemplatione maxime dignum esse censuit.

Haec sententia quanti fuerit momenti ad promovendum philosophiam, et quantam vim habuerit in sequentium philosophorum doctrinam, neminem latet. Antea enim unice fere intenti fuerant in contemplatione rerum externarum, ut anquirerent mundi originem, coeli, maris, terrae naturam, motus, mutationes; in his veritatis scientiam ponebant. Ille vero, relictæ vulgari semita, a naturæ contemplatione deflexit ad rerum divinarum indagationem, aciem intendens in ea quæ rationis iudicio probarentur, h. e. notiones in mente repositas et sola mente comprehendendas; in his demum, non in externis rebus, veritatem positam existimavit. Hoc in Parmenide admiratus est Plato, ut in cognomine dialogo significat, ubi illum inducit Socrati hæc dicentem⁹: τοῦτό γε σου . . . ἡγάσθην εἰπόντος ὅτι οὐκ εἶας ἐν τοῖς ὀρωμένοις οὔδ' ἐπεὶ ταῦτα τὴν πλάνην ἐπισκοπεῖν, ἀλλὰ περὶ ἐκεῖνα ἃ μάλιστα τις ἂν λόγῳ λάβοι καὶ ἤδη ἂν ἡγήσαιο εἶναι. Quæ hic Parmenidem in puero Socrate admirantem fingit Plato, tam quid ille senserit, quam quid ipse maxime probaverit, declarant.

Ex illa divisione Parmenidis philosophia continet duo argumenta, in quæ tanquam capita totum ejus carmen dividitur: alterum quod versatur circa ens, hoc est, eam naturam in qua veritas inest; alterum quod complectitur visa, sive fluxarum rerum notiones et species communi intelligentia effictas. Utriusque

(9) Plato Parm. p. 135 D.

diversam esse vim et rationem, re ipsa intelligitur et notatum est a veteribus. Sic Aristoteles ¹⁰: οἱ μὲν οὖν πρότεροι φιλοσοφήσαντες περὶ τῆς ἀλήθειας... ἀνεῖλον γένεσιν καὶ φθοράν· οὐδὲν γὰρ οὔτε γίγνεσθαι φασιν οὔτε φθείρεσθαι τῶν ὄντων, ἀλλὰ μόνον δοκεῖν ἡμῖν· οἷον οἱ περὶ Μέλισσόν τε καὶ Παρμενίδην. Quaecumque oriantur et intereant, e Parmenidis sententia videri tantum, non autem esse, quod est proprium veritatis. Theophrastus ex interpretatione Sepulvedae ¹¹: »*Parmenides Eleata, qui huic (Xenophani) successit, utraque via ingressus est. Statuit enim universum esse sempiternum, et generationem rerum tueri conatur; non quod similem de utroque sententiam habeat, sed revera universum unum esse ratus idemque inginitum et globosum, ad tuendam generationem, ex opinione vulgi, rerum apparentium duo principia facit, ignem et terram. Hic manifesto duplicem Parmenidis rationem discernit, quarum altera id quod aeternum est, altera res generatas tractat; illa est vera, haec vulgari opinioni congrua.*

§ 3.

Hinc autem exorta quaestio est, num Parmenides ea, quae mortalium visa appellat, ad inanem prorsus speciem et vulgi commenta rejiciat, ipse aeterna

(10) Aristoteles de Coelo III, 1. p. 368 G.

(11) In Alexandri Aphrod. Comment. XII libr. de Metaph. f. 7 A. (Venet. 1544).

tantum et divina agnoscat, an illa si non certa, haud tamen vana, sed probabilia existimet. Alexander quidem ex Aristotelis et Theophrasti testimoniis collegisse videtur, Parmenidem τὰς δόξας tanquam commentitia et falsa tradidisse; cujus meminit Simplicius, dicens ¹²: ὁμολογεῖ δὲ ὁ Ἀλέξανδρος, ἐν μὲν τοῖς πρὸς ἀλήθειαν, ἅπερ ἔστι περὶ τοῦ νοητοῦ ὄντος, τὸν Παρμενίδην ἐν τὸ ὄν καὶ ἀκίνητον λέγειν, κατὰ δὲ τὴν τῶν πολλῶν δόξαν καὶ τὰ φαινόμενα φυσιολογῶν οὔτε ἐν λέγων εἶναι τὸ ὄν οὔτε ἀγέννητον, ἀρχὰς τῶν γινομένων ὑπέθετο πῦρ καὶ γῆν, τὴν μὲν γῆν ὡς ὕλην ὑποτιθεῖς, τὸ δὲ πῦρ ὡς ποιητικὸν αἷτιον· καὶ ὀνομάζει, φησι, τὸ μὲν πῦρ φῶς, τὴν δὲ γῆν σκότος. Καὶ εἰ μὲν κατὰ τὴν τῶν πολλῶν δόξαν καὶ τὰ φαινόμενα οὕτως ὁ Ἀλέξανδρος ἐξεδέξατο, ὡς ὁ Παρμενίδης βούλεται, δοξαστὸν τὸ αἰσθητὸν καλῶν, εὖ ἂν ἔχοι· εἰ δὲ ψευδεῖς πάντῃ τοὺς λόγους οἶεται ἐκείνους, ... οὐ καλῶς οἶεται. Alexander igitur, etsi non manifesto, videtur tamen Parmenidis rationem sic interpretatus esse, quasi τὰς δόξας non e sua ipsius sententia, sed ex vulgi opinione, ut mendaces et falsas, prodidisset. Redarguit Simplicius. Alii probarunt, ut Colotes, (contra quem scripsit Plutarchus ¹³), Parmenidem reprehendens, quod nil nisi unum aeternumque, id quod verum appellaret, reliquisset, quaecumque autem ad naturam pertinerent, generationem omnem et interitum, funditus sustulis-

(12) Simplic. Phys. I, f. 9 A. A verbis κατὰ δὲ τὴν τῶν π. . . . φυσιολογῶν, invertit, ut solet, orationem, quasi ipsa Alexandri verba referens, quod paullo inferius indicat verbo φησί. Alexandri dicta e Theophrasti loco, quem modo descripsi, fluxisse facile apparet.

(13) Vid. inferius not. 15.

set. At si Parmenidis versus legamus, statim apparet, ita eum de natura canere, ut non aliorum sed sua placita exponat: quod sane non fecisset, si ista omnia ut vana repudiasset et pro falsis fictisque putasset. Ille nec unam amplexus est veritatem, nec sprexit omnino opiniones; neutrum exclusit, utrique suum tribuit locum. Veritatem dicit, quae certâ ratione cognoscitur, quae cernitur in eo quod immutabile et aeternum est; visa appellat, quae ratione quidem probari non possunt, sed sensu percipiuntur, et externarum rerum, e quibus effectae sunt, vicissitudine variantur. Agnoscunt hoc veteres, qui Parmenidis rationes diligentius explicant. Aristoteles, ceteros Eleaticos reprehendens, illum hanc ob rem laudat ¹⁴: Παρμενίδης δὲ μᾶλλον βλέπων ἔοικε που λέγειν... ἐξ ἀνάγκης ἐν οἵεται εἶναι τὸ ὄν καὶ ἄλλο οὐδέν... ἀναγκασζόμενος δ' ἀκολουθεῖν τοῖς φαινομένοις, καὶ ἐν μὲν κατὰ λόγον, πλείω δὲ κατ' αἴσθησιν ὑπολαμβάνων εἶναι, δύο τὰς αἰτίας καὶ δύο τὰς ἀρχὰς τίθησι πάλιν, θερμὸν καὶ ψυχρόν. Hoc igitur auctore unum esse statuit, ratione et necessitate coactus, duo rursus principia, naturae et sensibus accommodata ¹⁵. Hinc autem a plerisque senioribus Parmenides praedicatur princeps fuisse, qui rerum cognitionem in duo

(14) Metaph. I, 5. p. 648 F.

(15) Idem tamen alibi, ubi de Eleaticorum doctrina generatim loquitur, hanc exceptionem non facit, ut de Gener. et Corr. I, 8. p. 395: ἐνίοις γὰρ ἔδοξε τῶν ἀρχαίων τὸ ὄν ἐξ ἀνάγκης ἐν εἶναι καὶ ἀκίνητον.... ἐκ μὲν οὖν τούτων τῶν λόγων ὑπερβάντες τὴν αἴσθησιν καὶ παριδόντες αὐτήν, ὡς τῷ λόγῳ δεῖον ἀκολουθεῖν, εἶναι φασὶ τὸ πᾶν ἐν καὶ ἀκίνητον. Quem locum infra etiam tangemus.

haec genera distribuerit, τὸ δοξαστόν et τὸ νοητόν, alterum aeterna, alterum mortalia complectens. Sic Plutarchus Coloten refellens ¹⁶: πάντων καὶ Σωκράτους ἔτι πρότερος (ὁ Παρμενίδης) συνείδεν, ὡς ἔχει τι δοξαστόν ἢ φύσις, ἔχει δὲ καὶ νοητόν. Deinceps utriusque formam sic describit: ἐστὶ δὲ τὸ μὲν δοξαστόν ἀβέβαιον καὶ πλανητόν ἐν πάθεσι πολλοῖς καὶ μεταβολαῖς, τῷ φθίνειν καὶ αὔξεσθαι καὶ πρὸς ἄλλον ἄλλως ἔχειν καὶ μήδε αἰεὶ πρὸς τὸν αὐτὸν ὡσαύτως τῇ αἰσθήσει. τοῦ νοητοῦ δὲ ἕτερον εἶδος· ἐστὶ γὰρ

οὐλον μounoγενές τε καὶ ἀτρεμές ἢδ' ἀγένητον, ὡς αὐτὸς εἶρηκε, καὶ ὅμοιον ἑαυτῷ καὶ μόνιμον ἐν τῷ εἶναι. Itaque, pergit, ἀναιρεῖ μὲν (ὁ Παρμ.) οὐδετέραν φύσιν, ἑκατέρᾳ δὲ τὸ προσῆκον ἀποδιδούς, εἰς μὲν τὴν τοῦ ἐνός τε καὶ ὄντος ἰδέαν τίθεται τὸ νοητόν· ὃν μὲν ὡς αἰδίου καὶ ἀφθαρτον, ἐν δὲ ὁμοιότητι πρὸς αὐτὸ καὶ τῷ μὴ δέχεσθαι διαφορὰν προσαγορεύσας· εἰς δὲ τὴν ἄτακτον καὶ φερομένην τὸ αἰσθητόν. quibus probandis affert ipsius versus 29 et 30. Hujus igitur judicio, Parmenides Socrate prior ambo illa genera sejunxit, τὸ δοξαστόν et τὸ νοητόν, neutrum sustulit, utrumque suis regionibus circumscripsit notisque designavit. Idem arbitratur Simplicius, improbans eos qui Parmenidem τὰς δόξας tanquam falsas prodidisse putarent ¹⁷:

(16) Plutarch. adv. Colot. p. 1114. Vol. X, p. 584 Reisk. Versus qui laudatur est 59; de cujus lectione monuimus in commentario p. 86. Idem in Stromat. apud Eusebium, Praep. Ev. I, 8. p. 23 C: αἰδίου μὲν γὰρ τὸ πᾶν καὶ ἀκίνητον ἀποφαίνεται κατὰ τὴν τῶν πραγμάτων ἀλήθειαν. — γένεσιν δὲ τῶν καθ' ὑπόληψιν ψευδῇ δοκούντων εἶναι. — καθ' ὑπόληψιν ψευδῇ hīc non urgendum; significat id. q. κατὰ δόξαν.

(17) Simplicius Phys. I, f. 9 A. Idem tamen f. 5 B, fatetur, Parmenidem aliosque ejus aetatis hoc discrimen obscurius significasse.

δοξαστὸν δὲ καὶ ἀπατηλὸν τοῦτον καλεῖ τὸν λόγον, οὐχ ὡς ψευδῇ ἀπλῶς, ἀλλ' ὡς ἀπὸ τῆς νοητῆς ἀληθείας εἰς τὸ φαινόμενόν τε καὶ δοκοῦν αἰσθητὸν ἐκπεπτωκότα. Idem scriptor multis locis ostendit, ambo haec rerum genera ab illo plane discerni. Sic in commentario de Coelo ¹⁸: οἱ δὲ ἄνδρες ἐκεῖνοι (οἱ ἀμφὶ Μέλισσόν τε καὶ Παρμενίδην) διπλῆν ὑπόθεσιν ἔθεντο, τὴν μὲν τοῦ ὄντως ὄντος, δηλονότι τοῦ νοητοῦ, τὴν δὲ τοῦ γεννητοῦ, δηλονότι αἰσθητοῦ, ὅπερ οὐκ ἠξίωσαν καλεῖν ὃν ἀπλῶς, ἀλλὰ δοξαστὸν ὄν· διὸ περὶ μὲν τὸ ὄν τὴν ἀλήθειαν εἶναι φησι, περὶ δὲ τὸ γεννητὸν τὴν δόξαν. Quibuscum concinunt quae Jo. Philoponus de Parmenide disserit, digna quae annotentur ¹⁹: καὶ αὐτὸς ὁ Ἀριστοτέλης ἐν τῇ περὶ γενέσεώς φησι καὶ οἱ αὐτοῦ ὑπομνηματισταί, ὅτι ὁ Παρμενίδης, ἐν τοῖς πρὸς δόξαν, πῦρ καὶ γῆν ἔλεγεν εἶναι τὴν ἀρχὴν τῶν πάντων, ἐν δὲ τοῖς πρὸς ἀλήθειαν, ἐν εἶναι τὸ πᾶν καὶ πεπερασμένον καὶ ἀκίνητον. Οὐ νομιστέον δὲ, ὅτι ἐν τοῖς πρὸς δόξαν οὐ τὰ αὐτῷ δοκοῦντα ἔλεγεν ἀλλὰ τοῖς πολλοῖς, ἐν δὲ τοῖς πρὸς ἀλήθειαν τὰ αὐτῷ δοκοῦντα καὶ γὰρ καὶ ἐν τοῖς πρὸς δόξαν τὰ αὐτῷ δοκοῦντα ἔγραψεν. ἀλλ' ἐπειδὴ περὶ τῶν νοητῶν ἦν αὐτῷ ἐν τοῖς πρὸς ἀλήθειαν ὁ λόγος, τοῦτο

(18) Simplic. de Coelo III, f. 138 A. Quum ipsius Simplicii textu adhuc caremus, Aldina interpretatione debemus esse contenti. Cf. idem Phys. I, f. 17 B, alibi; Brandis. Comment. Eleat. p. 151, not. g.

(19) Philopon. Phys. I. lit. A, p. 9; cf. lit. B, p. 6, ubi pro *Melissi* nomine legendum esse *Parmenidem*, ipsa loci ratio arguit. Aristoteles, quem hic citat, in libro de Generatione Parmenidis placita memorat, L. I. c. 3, p. 389 A; c. 8, princ. p. 395; clarius autem in Metaph. quem locum modo citavimus, n. 14. — Cf. Proclus in Parm. T. IV. p. 141. (cit. § 16.)

περὶ ὄντος (vulgo ταῦτα δὲ ὄντως, nullo sensu.) ἐπέ-
 γραψε τὸ βίβλιον· ἐν δὲ τοῖς πρὸς δόξαν περὶ αἰσθητῶν
 ὁ λόγος, ἅπερ καὶ ὁ Τίμαιος δοξαστὰ προσηγόρευσεν.

§ 4.

Sic quidem consentiens est plurimorum judicium, Parmenidem Socrati et Platoni praeivisse, res aeternas a fluxis separantem, easque in duos quasi orbes, intelligibilem et opinabilem, distribuisse. Haec autem distributio licet cum argumento ejus carminis conveniat, videndum tamen, num ab ipso Parmenide sit profecta ejusque sententiae plane respondeat; ne fortasse plus ei tribuamus, quam ratio ejus postulet. Primum si verba *δοξαστόν* et *νοητόν* spectemus, multi putant, ipsum has appellationes usurpasse, et his titulis ambas carminis partes inscripsisse; quod falsum est ²⁰. Vocabula ista, si non incognita Parmenidi, hoc saltem sensu usurpata ab eo non sunt ²¹. Ipsi veteres interpretes significant, ea e communi doctorum usu in Parmenidis philosophiam esse translata; *νοητόν* appellatum esse quod ille ὄν et ἀλήθειαν, *δοξαστόν*, quas illa δόξας appellavit ²². Videamus vero, num significatio ejus menti conveniat. *δοξαστόν* et *νοητόν* vocantur duo genera inter se diversa, quorum alte-

(20) Vid. supra p. 20.

(21) *νοητόν* quidem usurpat Parmenides, vulgari sensu, vss. 63, 72, non autem propria significatione, neque illâ generis notione, qua τὸ *νοητόν* usurpari solet.

(22) Joannes Philop. Phys. I. lit. B p. 6: ἰστέον οὖν, ὅτι τὸ μὲν νοητόν πᾶν ὄν ἐκάλουν, τὸ δὲ αἰσθητόν γινόμενον.

rum complectitur res externas et fluxas, notionesque quae ex his ducuntur; alterum res aeternas et a conspectu remotas: alterum sensibus, alterum mente comprehenditur et quasi effingitur: unde etiam nominata sunt, νοητόν a νοεῖν, quae est mentis (τοῦ νοῦ) agitatio, corporeâ contagione libera; δοξαστόν a δοξάζειν, quae opinionis facultas est, fluxarum rerum particeps. Sic in utriusque vocabuli notione duplex cernitur discrimen, tam objectarum rerum, quam ingenii virium quibus illae percipiuntur. Ergo utraque haec, et res aeternas a rebus fluxis, et mentem a sensu, prius oportuit accurate discerni, mutuamque eorum necessitudinem agnoscere, quam genera illa certis notionibus comprehendere et vocabulis designari possent. Quid autem Parmenides? Distinxit quidem res aeternas a rebus fluxis; illis veritatem, his incertam opinionem tribuit; vidit ad veri cognitionem imbecillos esse sensus, ratione utendum; praeclare haec: attamen, si diligentius quaerimus, utriusque generis vim et naturam parum perspicue definivit. Nam veritatem ratione, visa sensibus percipi, significavit quidem, ut modo diximus, non vero clare expressit. Utrumque ita describit, ut in altero ponat πίστιν ἀληθῆ, certam persuasionem, quae ratiocinando (κρίναι λόγῳ) verum demonstrat; in altero ἀπατήν, errorem et inconstantiam. Porro rationem sive intellectum dirimit quidem a sensu, non autem utriusque naturam explicat, nec certis vocabulis designat. Quum de sensibus loquitur, oculos, aures, linguam usurpat, generis vocabulo αἴσθησις non utitur ²³; nec contrarium huic νοῦν et νοεῖν de propria mentis actione,

(23) Vss. 54 sq.

sed de communi intelligentia accipit ²⁴. Unde intelligitur, vocabula ista *δοξαπτόν* et *νοητόν* posse quidem, si non subtili ratione, attamen pingui Minerva, ut aiunt, in Parmenidem accommodari, modo caveamus, ne notiones a Socraticis demum accuratius explicitas illi attribuamus.

Reprehendendus hic est quorundam error interpretum, praesertim Neoplatonicorum, qui omnem paene Platonis doctrinam ad Parmenidem retulerunt, eoque hujus mentem saepius perverterunt. Sic, exempli gratia, Parmenides, ut modo diximus, in veritate ponit *τὴν πίστιν*, unde *ἀλήθειαν* appellat *εὐπειθῆ*; contra Plato *πίστιν* ad opinionis conjecturam refert, qua esse aliquid credimus, etiamsi ratione non habeamus perspectum ²⁵. Ecce vero Proclus, dum Parmenidem suum cum Platone conciliet, illius sententiam ad hujus rationem plane detorquet ²⁶: λέγει δ' οὖν καὶ ὁ φιλόσοφος (Παρμενίδης), ἐπὶ διττοῖς πράγμασι, οὓσι καὶ μὴ οὓσι, διττὰς εἶναι τὰς γνώσεις, ἀλήθειαν... καὶ πίστιν, ἣν ἀπὸ τῆς μονίμου γνώσεως ἀφεῖλεν. *Parmenides quoque duobus rerum generibus, iis quae sunt et quae non sunt, duas adsignat cognoscendi artes, veritatem... et fidem, quam a certa scientia dirimit.* Parmenides contrario ea quae Proclus ut diversa distinguit, veritatem et fidem, tanquam cognata inter se conjunxit. Tantum valuit praejudicata opinio existimantium, totam Platonis dialecticam a Parmenide fluxisse.

(24) Vss. 43, 146. Cf. not. 21.

(25) Cf. Comment. ad vs. 30. p. 68 sq.

(26) Proclus in Tim. p. 105.

Praeclare profecto ille de philosophia meritus est, quod eam a rebus externis avocavit et ad ipsa rerum genera et formas contemplandas traduxit. Qua quidem re ut multum promovit philosophiam, sic ipsi quoque Platoni magnum attulit emolumentum; nec tamen amborum ratio plane par atque similis est habenda. Ille inchoavit, quod hic paene perfecit. Parmenides quasi templi atrium nobis ostendit, Plato ipsam aedem intravit, omnemque ejus amplitudinem et magnificentiam exponit. Statuit hic quoque duo genera inter se opposita, τὸ ὄν et τὰ δοξαζόμενα; haec vulgo reliquit, illud philosophi studio unice dignum aestimavit, ὅτι πρὸς τὸ ὄν πεφυκὼς ἂν εἴη ἀμιλλᾶσθαι ὁ γε ὄντως φιλομαθής, καὶ οὐκ ἐπιμένοι ἐπὶ τοῖς δοξαζομένοις εἶναι πολλοῖς ἐκάστοις ²⁷. Utriusque autem argumentum defini- vit suisque circumscripsit regionibus; tum introspectit in animum, ut principium omnis scientiae, ejusque varias distinxit cognoscendi vires, variosque constituit tan- quam cognitionis gradus: ἐπιστήμην, mentis vim quae cogitando vera investigat, δόξαν, sensuum judicium quod opinando probabilia sectatur; illa intuetur τὸ ὄν, quod inde νοητόν sive ἐπιστητόν cognominatum; haec res fluxas, quas τὸ αἰσθητόν seu δοξαστόν comprehendit. Singula haec Plato subtiliter exploravit, quae nobis hinc summatim perstrinxisse sufficiat, quo intelligatur, quantum Parmenides distet ab illa doctrinae copia et subtilitate, quae in Platonica philosophia cernitur ²⁸.

(27) Plato Soph. p. 254 A; ibidem p. 240, alterum ἀληθινόν, alterum εἰδωλόν vocat.

(28) Vid. Plato in Politia, L. V et VI; in Menone et alibi. cf. Tenne-

§ 5.

DE VERITATE.

Jam duobus propositis ad cognoscendum argumentis, primo loco tractatur illud quod primarium est, de veritate. Versatur omnis haec argumentatio in explicando τὸ ὄν sive τὸ εἶναι, id quod per se est; quod et esse probat, et quale sit rationibus demonstrat. Argumenta ejus singula deinceps explicare instituemus.

Principium argumentationis hoc est: »Est vel non est; alterutrum horum statuatur necesse est.” Deinde alterum evertendo alterum confirmat. »Namque non ens, inquit, nec mente concipi nec verbis exprimi potest; quodcumque enim aut cogitatione effingas aut verbis pronunties, esse cogitatur et dicitur; si esse negetur, nihil omnino, quod dici cogitarive possit, remanet: ergo non-ens plane nullum est, unum relinquitur ens.” Deinceps alteram redarguit rationem, qua esse simul et non esse ponitur. »Ambiguam hanc rationem et absurdam dicit, quoniam quum non-ens esse dicunt, negant esse et simul

mann. System. Philos. Platon. T. II, p. 7-78. Apponam quae dicit Cl. Heusdius, Init. Philos. Plat. Vol. II, P. III, p. 161 sq. de Eleaticis loquens: »Praeclaras quidem pronuntiaverant de veritate sententias; . . . sed quid »sensibus tribuendum esset, quid non tribuendum, quid opinio, quid »scientia, quid τοῦ ὄντος scientia esset, nec Parmenides, ut videtur, »nec ullus Eleaticorum data opera et dialectica ratione exposuerat. Id »fecit Plato”, caet.

esse asseverant. Sic diversas notiones confundunt, duo illa et contraria inter se et idem statuentes." His igitur argumentis efficit, unum τὸ ὄν verum esse nec praeterea quidquam ²⁹.

Haec argumentatio caput est, e quo omnes Parmenidis rationes pendent, quoque omnes referuntur. Ita deinceps in explicando, quale sit ens, eo semper reducitur, unum ens esse, contrarium vero nihil esse; ut ambabus his notionibus omnis ejus doctrina tanquam fundamento nitatur ³⁰. Quo melius autem Parmenidis sententiam intelligamus, quaerendum nobis est, unde ductae sint hae notiones et quo spectent: nam quamquam ipsâ disserendi viâ videantur repertae, pleraeque tamen dialecticorum rationes e philosophantium controversiis natae sunt.

Entis notio ducta est a Xenophane, qui naturam anquirens humanâ vicissitudine vacantem praeque omnibus excellentem, talem informavit Deum, qui per se esset et semper idem; sic ille divinam praesertim vim essentiae notione comprehenderat ³¹. Hunc secutus Parmenides, Dei notionem segregavit, tenuit ipsum illud ens per se comprehensum suaeque specie expressum, cujus veritatem demonstrare et naturam explicare sibi proposuit.

Enti opponit non ens, quo posito, ens omne omnino negari, nec quidquam relinqui quod dici cogitarive possit, sedulo arguit. Haec quorsum spectant? Sextus

(29) Vid. vss. 35-45, et 46-51.

(30) Vid. vss. 66, 71, 88, 95 sq. 105.

(31) Vid. Aristotelis et Simplicii testimonia, in Xenophanis fragm. p. 100, 107, a me relata.

Empiricus quidem narrat, fuisse Xeniadem quemdam Corinthium (cujus mentionem facere Democritum), qui statueret fluxa omnia et incerta, nihil revera esse; sic e non-ente fieri omnia et in non-ens resolvi: *ἐκ τοῦ μὴ ὄντος πᾶν τὸ γινόμενον γίνεσθαι, καὶ εἰς τὸ μὴ ὄν πᾶν τὸ φθειρόμενον φθείρεσθαι* ³². Hoc quidem decretum oppositum plane Parmenidi. Sed illius aetas non satis definita est. Licet aequalis fuerit Democrito, Parmenide tamen inferiorem fuisse, ex ipsius placito, si accurate a Sexto relatum sit, colligi potest. Primus enim Parmenides τὸ εἶναι generatim et absolute statuit; quum autem antithesis (μὴ εἶναι) e thesi (εἶναι) nata, atque adeo posterius demum orta sit, inde colligi potest eum, qui non esse generatim poneret vel certe pronuntiaret, post Parmenidem demum exstitisse; quo tempore plures quoque exstiterunt sophistae et physici, quorum sententia ad hoc decretum possit referri, in quibus Xeniades ille facile putandus est. Parmenides autem spectare potius videtur ad communem illam et sua aetate pervagatam philosophorum rationem, qui in coelo contemplando versati, ea tantum animadverterent, quae sensibus perciperentur, quaeque perpetuo quasi fluxu agitata semper mutarentur: qualis fuit Ionicorum, qui tum dominabantur, ratio, vulgari opinione et communi sensu comprobata. Horum igitur opinionem spectare videtur, quam eandem saepius in carmine tangit, veluti quum sensuum, oculorum auriumque, fallaciam

(32) Sextus Empir. adv. Math. VII, 53. ibid. 388, 399. Pyrrhon. Hypot. II, 18. cit. Brandis. l. l. p. 135.

increpat, verum iudicio cognosci iubet; quum ista, quae vulgus vera arbitratur, oriri, crescere, labi, interire, ad opinionis species rejicit³³. Parmenides, his relictis, veritatis quaestionem a sensu revocat ad rationis iudicium, quo cogit alterutrum fateri, esse vel non esse, quorum aut illud probari necesse sit, aut nihil omnino, quod dici vel percipi possit, relinquatur.

Porro quinam sunt isti, quos deinde redarguit, qui esse simul et non esse ponunt? Quadrat hoc placitum in multos physicorum, quorum non una erat sententia³⁴. Alii in naturae elementa inquirentes, aiebant duo inter se conjuncta esse rerum principia, atomos et inane, quorum alterum esse, alterum non esse ponebant. Alii ad naturae vim et motûs vicissitudinem attendentes, censebant fluere omnia, ac modo esse, modo non esse; eâque inconstantia naturam omnem contineri. Prioris sententiae auctor praecipuus fuit Leucippus, Democriti magister, quem ipsum a Parmenide tangi arbitratur Simplicius, Theophrastum, ut videtur, auctorem secutus³⁵:
Λεύκιππος δὲ ὁ Ἐλεάτης ἢ Μιλήσιος (ἀμφοτέρως γὰρ λέγεται περὶ αὐτοῦ), κοινωνήσας Παρμενίδῃ τῆς Φιλοσοφίας, οὐ τὴν αὐτὴν ἐβάδισε Παρμενίδῃ καὶ Ξενοφάνει περὶ τῶν ὄντων ὁδὸν, ἀλλ', ὡς δοκεῖ, τὴν ἐναντίαν. ἐκείνων γὰρ ἐν ποιοῦντων τὸ πᾶν, καὶ τὸ μὴ ὄν μὴδε ζητεῖν συγ-

(33) Vid. vss. 53-55; 98-100.

(34) Aristot. Metaph. III, 4. p. 668 A: εἰσὶ δὲ τινες, οἳ . . . αὐτοὶ τε ἐνδέχασθαι φασὶ τὸ αὐτὸ εἶναι τε καὶ μὴ εἶναι, καὶ ὑπολαμβάνειν οὕτως. χρῶνται δὲ τῷ λόγῳ τούτῳ πολλοὶ καὶ τῶν περὶ φύσεως.

(35) Simplicius in Phys. I, f. 7 A.

χωρούντων, οὗτος ἄπειρα καὶ ἀεὶ κινούμενα ὑπέθετο τὰ στοιχεῖα, τὰς ἀτόμους· ἔτι δὲ οὐ μᾶλλον τὸ ὄν ἢ τὸ μὴ ὄν ὑπάρχειν καὶ αἴτια ὁμοίως εἶναι τοῖς γιγνομένοις ἄμφω· τὴν γὰρ τῶν ἀτόμων οὐσίαν, ναστὴν καὶ πλήρη ὑποτιθέμενος, ὄν ἔλεγεν εἶναι, καὶ ἐν τῷ κενῷ φέρεσθαι ὅπερ μὴ ὄν ἐκάλει, καὶ οὐκ ἔλαττον τοῦ ὄντος εἶναι Φησί ³⁶. Hic igitur, ut post eum Democritus, duo naturae principia, atomos et inane, induxit, quorum alterum esse, alterum non esse dixit aut certe significavit. Posterior sententia fuit praesertim Heracliti, qui naturae varietatem et vicissitudinem animadvertens moveri semper omnia et fluere aiebat, ut ea non magis esse quam non esse dici possent ³⁷. Utramvis harum sententiarum spectaverit Parmenides, earum auctores non mirum acriter ab eo redargui, qui videlicet res sensuum amplectentes, ea, quae rationi consentanea essent, repudiarent. Hinc tam graviter in illos invehitur, ut ambiguos homines et rationis expertes (δίκρανοι, ἄκριτα Φῦλα), quos dialecticis urgens rationibus, ipsos sibi repugnare ostendit. Sic

(36) De Leucippo dubitatur, utrum Milesius fuerit an Eleates. Dubitatio ex ipsius fortasse ratione nata. Miletus Ionicae, Elea Italicae disciplinae sedes; Leucippus inter utramque rationem ambiguus et utriusque quodammodo particeps fuit, ut cognomen δίκρανος, quo utitur Parmenides, in hunc non male convenire videatur. Cum Leucippo concinit Democritus. Aristoteles Metaph. I, 4: Λεύκιππος δὲ καὶ ὁ ἑταῖρος αὐτοῦ Δημόκριτος στοιχεῖα μὲν τὸ πλήρες καὶ τὸ κενὸν εἶναι φασιν, λέγοντες δὲ τὸ μὲν ὄν, τὸ δὲ μὴ ὄν διὸ καὶ οὐθὲν μᾶλλον τοῦ μὴ ὄντος εἶναι φασιν, ὅτι οὐδὲ τὸ κενὸν τοῦ σώματος.

(37) Huc spectat celebratissimum illud Heracliti dictum: ποταμοὺς τοῖς αὐτοῖς ἐμβαίνομέν τε καὶ οὐκ ἐμβαίνομεν, εἰμέν τε καὶ οὐκ εἶμεν. Heraclid. allegor. Homer. p. 443 Gale. Cf. Ritter Gesch. d. Philos. I. p. 243.

igitur Parmenidis ratio communi tam vulgi quam doctorum sententiae erat opposita. Hi ferri omnia, et universum Euripi instar perpetuo fluxu agitari censebant, ut nihil stabile esset nec certo posset comprehendi, quod placitum postea a Protagora maxime celebratum est; ille contra arguit, si constare aut esse negetur, omnem omnino mundum tolli, nihil, quod dici cogitarive possit, remanere ³⁸.

§ 6.

Parmenidis autem argumentatio magis ἐλεγκτικὴ quam πειστικὴ videtur, ad refellendum quam ad docendum accommodatior. Quamvis enim urgeat et fateri cogat, ente sublato, nihil relinqui; non tamen dedocebit, quominus fluere, labi, variari omnia putes, neque efficiet, ut solum esse verum existimes. Videlicet adversarios redarguens ipse in contrarium incidit errorem, quo necesse sit, ut omnia ista, fieri, crescere, labi, interire plane tollantur, ad unum esse cuncta reducantur. Itaque e Parmenidis argumentatione natum est placitum illud, ἐν τὸ ὄν, ἐν τὰ πάντα, unum esse, unum omnia; quod ab antiquissimis inde auctoribus, Democrito, Platone, Aristotele, per omnes deinceps philosophorum scholas tanquam summa Eleaticae disciplinae decantatum, tantamque nactum est celebritatem, ut in ipsis rhetorum scholis quaestio haec ad disceptan-

(38) Vid. Platon. Theaet. p. 152 D; 157 AB.

dum proponeretur ³⁹. Etsi haec formula non ipsis Parmenidis verbis expressa sit, tamen ex ejus argumentatione effecta est, ut significat Aristoteles dicens: Παρμενίδης παρὰ τὸ ὄν τὸ μὴ ὄν οὐθέν ἀξιάν εἶναι, ἐξ ἀνάγκης ἐν οἴεται εἶναι τὸ ὄν, καὶ ἄλλο οὐθέν ⁴⁰. Similiter ejus rationem concludit Theophrastus: τὸ παρὰ τὸ ὄν οὐκ ὄν, τὸ οὐκ ὄν οὐδέν, ἐν ἄρα τὸ ὄν. Eodemque modo ceteri, Aristotelem fere secuti ⁴¹. Et profecto haec conclusio licet non diserte a Parmenide effecta sit, sequitur tamen e praemissis, et congruit ipsius verbis, quibus ens unum et unigenam appellat ⁴².

Decretum hoc, ut communi intelligentiae repugnans, multas peperit controversias, et a multis, praesertim sophistis, cupide arreptum est ad absurdissima

(39) Plato Parm. p. 128 A: σὺ μὲν γὰρ ἐν τοῖς ποιήμασιν ἐν φῆς εἶναι τὸ πᾶν, καὶ τούτων τεκμήρια παρέχει. Sophist. p. 242 D: τὸ δὲ . . . Ἑλεατικὸν ἔθνος . . . ὥς ἐνός ὄντος τῶν πάντων καλούμενων, οὕτω διεξέρχεται τοῖς μύθοις. Thaet. p. 180 E: Μέλισσοί τε καὶ Παρμενίδαι . . . διῶσχυρίζονται, ὥς ἐν τε πάντα ἐστὶ καὶ ἔστηκεν αὐτὸ ἐν αὐτῷ. Aristoteles Metaph. III, 4. p. 663 C: (εἰ γ' ἔσται τι αὐτὸ ὄν καὶ αὐτὸ ἐν . . .) κατὰ τὸν Παρμενίδου συμβαίνειν ἀνάγκη λόγον, ἐν ἅπαντα εἶναι τὰ ὄντα, καὶ τοῦτο εἶναι τὸ ὄν. Phys. I, 2. p. 254. F: σκεπτέον, τίνα τρόπον λέγουσιν ἐν εἶναι τὸ πᾶν. Hinc Aristotelis interpretes, Alexander Aphrod. in XII libros de prima philos. s. Metaph. f. 48 A, intp. Sepulveda; Jo. Philoponus, alii passim, in commentariis ad haec loca; Ammonius Herm. περὶ ἑρμην. lit. A f. 3 (Ald. 1503); Origenes; Eusebius (e Platon. Theaet.), Hermias, citati infra § 7, n. 67.

(40) Aristoteles Metaph. I, 5. p. 648 F.

(41) Vid. Simplicius Phys. I, f. 25 A. Aristocles apud Euseb. Praep. Eu. XIV, 17. p. 756 C, ubi legendum: ἡξιοῦν οὕτοί γε τὸ ὄν ἐν εἶναι, καὶ τὸ ἕτερον μὴ ὄν εἶναι. pro vulgato τὸ μὴ ὄν ἕτερον εἶναι.

(42) Vid. vss. 59-61.

quaevis probanda. Hinc diligentius exploratum et refutatum est a Platone et Aristotele, quorum tamen rationes quum non solum Parmenidem sed ceteros quoque Eleaticos spectent, exponere longum foret; paucis defungamur, quibus Parmenidis argumentatio diligentius exploretur. Aristoteles non dubitat appellare ἐριστικὸν λόγον ⁴³, cuius enuntiata pariter et conclusionem falsa esse arguit. Attendamus singula.

Primum enuntiatum hoc est: est vel non est; quod hanc habet vim, esse aut affirmari oportere aut negari. Recte hoc quidem: est enim axioma, τὴν ἀντίφασιν οὐ συναληθεύειν, contraria simul de eodem praedicari non posse; quod ipsum philosophiae cognitionis principium statuitur ab Aristotele ⁴⁴: ἐπεὶ δὲ ἀδύνατον τὴν ἀντίφασιν ἅμα ἀληθεύεσθαι κατὰ τοῦ αὐτοῦ, φανερόν ὅτι οὐδὲ τὰναντία ἅμα ὑπάρχειν ἐνδέχεται τῷ αὐτῷ οὐδὲ μεταξὺ ἀντιφάσεως ἐνδέχεται εἶναι οὐθέν, ἀλλ' ἀνάγκη ἢ φάναι ἢ ἀποφάναι καθ' ἑνὸς ὅτιοῦν. δῆλον δὲ πρῶτον μὲν ὀρισαμένοις τί τὸ ἀληθὲς καὶ ψεῦδος. τὸ μὲν γὰρ λέγειν, τὸ ὄν μὴ εἶναι ἢ τὸ μὴ ὄν εἶναι, ψεῦδος· τὸ δὲ, τὸ ὄν εἶναι καὶ τὸ μὴ ὄν μὴ εἶναι, ἀληθές. ὥστε ἐκεῖνο λέγων εἶναι ἢ μὴ, ἀληθεύσει ἢ ψεύσεται. ἀλλ' οὔτε τὸ ὄν λέγεται μὴ εἶναι ἢ εἶναι, οὔτε τὸ μὴ ὄν. Haec argumenta, quibus Aristoteles contraria de eodem dici posse redarguit, Parmenideis plane respondent.

Deinde sequitur, si esse negetur, sive non ens statuatur, nihil prorsus relinqui, neque omnino dici quid cogitarive posse. Etiam hoc concedendum, ut secun-

(43) Aristot. Phys. I, 2. p. 254 A.

(44) Aristot. Metaph. III, c. 6-7. p. 673 F.

dum Parmenidem affirmat Plato, apud quem Eleates hospes haec dicit ⁴⁵: Παρμενίδης δὲ ὁ μέγας, ὦ παῖ, παισὶν ἡμῖν οὕσιν ἀρχόμενός τε καὶ διὰ τέλους τοῦτο ἀπεμαρτύρατο, πεζῇ τε ὧδε ἐκάστοτε λέγων καὶ μετὰ μέτρων· οὐ γὰρ μήποτε τοῦτ' οὐδαμῇ φησὶν εἶναι μὴ ὄν, ἀλλὰ σὺ τῆςδ' ἀφ' ὁδοῦ διζήσιος εἶργε νόημα.

Quibus explicitis, deinceps interrogat ⁴⁶: συννοεῖς οὖν, ὥς οὔτε φθέγγασθαι δυνατόν ὀρθῶς οὔτ' εἰπεῖν οὔτε διανοηθῆναι τὸ μὴ ὄν αὐτὸ καθ' αὐτὸ, ἀλλ' ἔστιν ἀδιανόητόν τε καὶ ἄρρήτον καὶ ἀφθεγκτον καὶ ἄλογον; Idemque argumentum et Plato ipse et seriores Platonici saepius usurpant ⁴⁷. Quid igitur in his reprehendendum? Hoc nimirum, quod Parmenides eadem ratione, qua esse probavit, simul omnia praeter hoc unum sustulerit. Nam cum ens et non ens tanquam contraria et sibi repugnantia opponat, utriusque species informat simplices et uniusmodi, quae contra sunt variae et multiformes. Namque et entis plura sunt genera et ipsum non-ens quodammodo est essentiae particeps, ut Plato et Aristoteles ostenderunt. Non-ens per se quidem (τὸ ἀπλῶς μὴ ὄν) nec dici nec cogitari posse, vere Parmenides docuit; attamen dicimus hoc et cogitamus; quid igitur? intelligimus videlicet non-ens id, quod non simplici quidem essentia contineatur, nec tamen ea prorsus careat; non simpliciter non

(45) Plato Sophist. p. 237 A. cf. Parmen. fragm. supra p. 48.

(46) Ibidem p. 238 C.

(47) Cf. Theaet. p. 189; Rep. V, p. 478; Proclus in Parm. T. V, p. 280, memoratus supra ad vs. 43, p. 77 Plutarchus Strom. apud Euseb. Praep. Eu. I, 8. p. 23 D: φησὶ δὲ ὁ Παρμενίδης, ὅτι εἴτι παρὰ τὸ ὄν ὑπάρχει, τοῦτο οὐκ ἔστιν ὄν · τὸ δὲ μὴ ὄν ἐν τοῖς ὅλοις οὐκ ἔστιν.

ens (τὸ ἀπλῶς μὴ ὄν), sed quodammodo non ens (τὸ πᾶ μὴ ὄν); non quod enti contrarium (ἐναντίον), sed quod ab eo diversum et alterum (ἕτερον)⁴⁸. Ergo non amplius statuendum: est vel non est; sed ambo conjungenda, alterum simplici specie, alterum variatâ; alioquin omnis naturae diversitas, omne rerum notionumque discrimen tollatur, et ad unum ens reducantur omnia. Summa igitur reprehensionis in eo posita, quod Parmenides τὸ ὄν ἀπλῶς intellexerit, cum sit πολλαχῶς intelligendum⁴⁹.

Porro etiam male conclusa (ἀσυμπέραστος) ab Aristotele dicitur Parmenidis argumentatio⁵⁰. Nam etiamsi propositis rationibus concedatur, praeter ens nihil esse, non tamen sequi, ut ens sit uniforme et cohaerens (ἐν, συνεχές), sicut ille statuit⁵¹. Quid enim impediât quominus naturam suam aliis rebus imperiât, et ens aliud sit per se positum, aliud rebus adjunctum et accidens? Veluti, e. g. pulcrum modo per se statuo, modo aliis rebus adjungo, ut pulcram faciem, pulcrum facinus, quorum illud substantiae, hoc accidentis locum obtinet; si-

(48) Plato Soph. p. 258 sq. Aristoteles Metaph. III, 6 extr. p. 673 G: ἀδύνατον τὰναντία ὑπάρχειν ἑμα, ἀλλ' ἢ πᾶ ἄμφω, ἢ θάτερον μὲν πᾶ, θάτερον δὲ ἀπλῶς.

(49) Aristoteles Phys. I, 3. p. 255 F. Cf. ibid. c. 8. p. 261.

(50) Aristot. Phys. I, 3. p. 255 F, et interpretes ad h. l. ut Jo. Grammaticus in Phys. lit. B, p. 7 et 8; Alexander Aphrodis. in Analyt. pr. (cap. 32, s. 5.) p. 204, interpr. Feliciano, et saepe alibi; Themist. in paraphr. Phys. alique; imprimis vero Simplicius et quem hic citat, Eudemus, Phys. I, f. 25 sq. Cf. Brandis. Comment. p. 136, not. f.

(51) Vid. vss. 61, 97.

militer ens vel generatim per se statui potest, vel aliis rebus adjunctum. Sed hoc formarum discrimen, ut Aristoteles ipse fatetur, Parmenides nondum perspexit, ne attigit quidem.

Ut juste Parmenidis argumentatio judicetur, ex ipsius sensu et ratione interpretanda est. Propositum illi erat ut esse probaret, refelleret eos qui fieri et labi cuncta dicerent. Huc tota ejus spectat argumentatio. Utrum vero ens simplex sit an varium, (ἀπλῶς ἢ πολλαχῶς), unum an multa (ἐν ἢ πολλά), non quaesivit, sed hae quaestiones e sequentium demum philosophorum controversiis natae sunt. Nam quum ille dialectico acumine adversarios fateri cogeret, aut esse aut nihil relinqui, hi contra contenderunt, si esse solum verum sit, ad unum cuncta reduci, omne rerum discrimen omneque vinculum tolli. Sic disceptatio orta, utrum esset ἐν an πολλά, quae ducta quidem e Parmenidis argumentatione, ab ipso tamen non tacta videtur, sed commota et agitata praesertim est a Zenone ceterisque Eleaticis, qui ad tuenda magistri placita mordicus hoc tenuerunt: unum omnia ⁵². Hinc magna contentio, qua Parmenidis philosophia a placida veritatis contemplatione in certaminis campum traducta de pristina simplicitate degene-

(52) Plato Parm. p. 128, de Zenonis scripto loquens, ἔστι δὲ, inquit, βοήθειά τις ταῦτα τὰ γράμματα τῷ Παρμενίδου λόγῳ πρὸς τοὺς ἐπιχειροῦντας αὐτὸν κωμῶδεῖν, ὥς, εἰ ἐν ἔστι, πολλά καὶ γελοῖα συμβαίνει τῷ λόγῳ καὶ ἐναντία αὐτῷ. ἀντιλέγει δὴ οὖν τοῦτο τὸ γράμμα πρὸς τοὺς τὰ πολλά λέγοντας . . . τοῦτο βουλόμενον δηλοῦν, ὥς ἔτι γελοιότερα πάσχοι ἂν αὐτῶν ἢ ὑπόθεσις ἢ εἰ πολλά ἔστιν ἢ ἡ τοῦ ἐν εἶναι. Aristoteles Elench. Soph.

ravit, et tandem in inanes Eristicorum captiones obsolevit. Quibus commotus Plato, dialectica arte instructus, discernendo contraria jungendoque similia, varias entium species (τῶν ὄντων εἶδη) inter se distinxit et copulavit; Aristoteles denique accuratius circumscripsit et in certos locos distribuit, quae vulgo decem categoriae appellantur. Unde profecto intelligitur Parmenidis rationem nequaquam ad seriorum notiones exigendam esse ⁵³.

Idem judicandum de quibusdam sophismatis, quae ex eadem argumentatione fluxerunt; quorum unum est a sophistis maximopere jactatum, quo contendebant, quodcumque quis enuntiet vel cogitet, verum esse, falsum vero ac mendax esse nihil. Quod tali fere ratione probabant: si non ens plane nihil est, neque adeo enuntiari illud potest, quodcumque autem enuntietur ens est, idque unum est verum, — sequitur, ut quodcumque dicas vel cogites verum sit, mendacium vero nullum ⁵⁴. Hanc rationem multi Socratis aetate usurparunt, ut Protagoras, item antiquiores, sicut Plato significat verbis οἱ ἀμφὶ Πρωταγόραν καὶ οἱ ἔτι παλαιότεροι, quibus ipsum Parmenidem ab eo notari putant ⁵⁵. At Parmenidis sententia cum ex ipsius

(53) Monuit hoc jam Eudemus apud Simplicium l. l. Παρμενίδου μὲν οὖν ἀγασθείη τις ἂν ἀναξιοπίστοις ἀκολουθήσαντος λόγους, καὶ ὑπὸ τοιούτων ἀπατηθέντος ἀοὔπω τότε διεσαφεῖτο; οὔτε γὰρ τὸ πολλαχῶς (ὄν) ἔλεγεν οὐδεὶς, ἀλλὰ Πλάτων πρῶτος τὸ δισσὸν εἰσέγαγεν, οὔτε τὸ καθ' αὐτὸ καὶ κατὰ συμβεβηκός (ὄν).

(54) Plato Euthyd. p. 284-286; idem tangit in Cratyl. p. 385 B, 429 C; explorat in Sophist. p. 237, 260 D; Theaetet. p. 188 sq.

(55) Euthyd. p. 286 C. Heindorf. ad Cratyl. § 5.

versibus tum ex aliorum testimoniis manifesta est; quibus comparatis facillime apparebit, quantum sophistarum cavillatio ab illius severitate absit. Quamobrem si Plato *antiquiorum* nomine Parmenidem, ut equidem credo, obscure significaverit, non ideo hoc sophisma ab ipso Parmenide, quem ut modestum et gravem philosophum laudat, editum esse, sed ex ejus argumentatione fluxisse censuit.

§ 7.

Ente constituto, deinceps hoc, quale sit, describit, notasque, quibus species ipsius cernatur, exponit, informans illud immortale, immobile, uniforme, integrum, omnibus denique numeris perfectum⁵⁶. In his notandis Parmenides a veteribus primum in eo reprehenditur, quod sibi ipse repugnet. Negant enim, si ens unum per se esse affirmetur, quidquam posse ad hoc unum adjungi: nam simulac qualitates adjungantur, exempli gratia, si dicas: ens est aeternum, – statim duos pluresve notiones copulari, quarum alia rem subjectam (τὴν οὐσίαν), alia accidens quid (συμβεβηκός) notet: ergo aut omnia ista nihili esse, aut plura statuenda τῶν ὄντων genera, veluti subjectum et praedicatum quae appellantur⁵⁷. Atqui haec ipsa Parmenidis ratio arguere videtur, non hoc eum voluisse, ut ad unum ens omnia reduceret, sed

(56) Vid. vss. 58 sqq.

(57) Vid. imprimis Plato Sophist. et Aristoteles Phys. L. 1.

etiamsi varias τῶν ὄντων species non definite distinxit, tamen rerum notionumque discrimen non sustulisse, sed tacite agnovisse. — Attendamus vero singula ejus argumenta.

Primum demonstrat, ens esse aeternum, neque natum neque interitum, quod hac ratione concludit: » Quodcumque natum est, ab aliqua origine ortum et aliqua vi procreatum sit, necesse est; atqui ens aliunde ortum esse nequit, nec ex non-ente, quippe quod nihil est, ex nihilo autem nihil; neque ex ente; ens enim enti simile, atque unum et idem est. Ergo ens ingenum sit necesse est. Si autem ingenum est, immortale quoque esse, eâdem ratione efficitur: si enim ens interiret, reverti illud oporteret in non ens quod omnino nullum est⁵⁸. Aeternum igitur est ens.”

Argumentatio haec opposita rursus communi tam vulgi quam doctorum opinioni, quorum plerique tale fingeant naturae principium, quod ipsum aliunde exstitisset; veluti, ut exemplum afferam, Hesiodus canens: ἦτοι μὲν πρῶτιστα χάος γένητ’⁵⁹, *Chaos*, omnis naturae primordium, aliquando *exstitisse* (γενέσθαι) dicit; si exstiterit, ex aliquo principio exstitit: ergo non potest principium appellari. Eleatici rerum notiones subtilius pervestigantes, intellexerunt et demonstrarunt, esse et nasci ita a se invicem distare ut alterum altero tollatur nec ambo conjungi ullo modo possint. Primus hoc explicuisse dicitur Parme-

(58) Cf. commentar. ad vs. 67. Si vulgatam lectionem sequare, posterior conclusionis pars tacite supplenda est.

(59) Theogon. vs. 116.

nides ⁶⁰, tametsi hic argumentum duxisse videtur a Xenophane, qui simili ratione Deum aeternum esse probavit, quod neque e diversa neque e simili natura potuisset exsistere. Idem autem plenius expositum est a Melisso, cujus haec sunt verba ⁶¹: εἰ δέ τι ἔστιν, ἦτοι γενόμενόν ἐστιν ἢ ἀεὶ ἐόν. ἀλλ' εἰ γενόμενον, ἦτοι ἐξ ἐόντος ἢ ἐκ μὴ ἐόντος· ἀλλ' οὔτε ἐκ μὴ ἐόντος οἶόν τε γίνεσθαι τι, οὔτε ἄλλο μὲν οὐδὲν ἐόν, πολλῶ δὲ μᾶλλον τὸ ἀπλῶς ἐόν· οὔτε ἐκ τοῦ ἐόντος· εἴη γὰρ ἂν οὕτως καὶ οὐ γίνοιτο. οὐκ ἄρα γινόμενόν ἐστι τὸ ἐόν· ἀεὶ ἐόν ἄρα ἐστίν. οὔτε φθαρήσεται τὸ ἐόν· οὔτε γὰρ εἰς τὸ μὴ ἐόν οἶόν τε τὸ ἐόν μεταβάλλειν, ... οὔτε εἰς ἐόν. κτλ. Haec ratio ut semel monstrata est, deinde a plerisque philosophis probata est et adscita. Alii ad mundi principia transtulerunt, ut Empedocles, quatuor elementa statuens, ea ab aeternitate fuisse et aeterna manere docet; stultos vocat,

οἱ δὲ γίγνεσθαι πάρος οὐκ ἐόν ἐλπίζουσιν,
ἢ καταθνήσκειν τε καὶ ἐξόλλυσθαι ἀπάντη. ⁶²

Mutari quidem ea et formis variari censet, non autem aliunde exstitisse aut aliquando interitura. Eodem argumento Ocellus Lucanus universum hoc aeternum esse probat ⁶³: δοκεῖ γάρ μοι τὸ πᾶν ἀνώλεθρον εἶναι καὶ ἀγένητον. . . . οὔτε γὰρ εἰ γενόμενόν τις αὐτὸ δοξάζει,

(60) Apud Simplicium de Coel. f. 138 Ald.

(61) Vid. Simplic. Phys. f. 22 B. Similis locus est ibid. f. 34 B. cf. Brandis Comment. p. 186 et 190.

(62) Empedocles vs. 109 Sturz. cf. annot. ad Parmen. vs. 59.

(63) Ocellus Luc. in Opusc. Myth. Gale, p. 506, 510 sq. Verba uncis inclusa addidi, quibus mutilam sententiam explerem.

εὐροίτο ἂν (ἐξ οὗ ἐγένετο, οὔτε εἰ φθειρόμενον,) εἰς δὲ φθαρεῖν καὶ διαλυθεῖν. ἐξ οὗ γὰρ γέγονε, ἐκεῖνο πρῶτον τοῦ παντός ἐστιν· εἰς ὃ τε πάλιν φθαρήσεται, ἐκεῖνο ἔσχατον τοῦ παντός ἐσται. Denique pervagatum est physicorum axioma:

gigni de nihilo nihil, in nihilum nil posse reverti. ⁶⁴

Sic hi omnes tenuerunt, naturae materiem non existisse aliquando, sed ab omni aeternitate per se fuisse. Alii eandem argumentationem traduxerunt ad animi naturam, ut Pythagorei ac praesertim Plato, qui, demonstrans animi naturam ab aeternitate fuisse, eadem utitur ratione: ἀρχὴ δὲ ἀγέννητον· ἐξ ἀρχῆς γὰρ ἀναγκὴ πᾶν τὸ γιγνόμενον γίγνεσθαι, αὐτὴν δὲ μηδ' ἐξ ἐνός· εἰ γὰρ ἐκ τοῦ ἀρχῇ γίγνοιτο, οὐκ ἂν ἐξ ἀρχῆς γίγνοιτο. ἐπειδὴ ἀγέννητόν ἐστι, καὶ ἀδιάφθορον αὐτὸ ἀναγκὴ εἶναι· ἀρχῆς γὰρ δὴ (f. ἤδη) ἀπολομένης, οὔτε αὐτὴ ποτ' ἐκ τοῦ οὔτε ἄλλη ἐξ ἐκείνης γενήσεται, εἴπερ ἐξ ἀρχῆς δεῖ τὰ πάντα γίγνεσθαι ⁶⁵. Quibus cum Parmenidis argumentatione comparatis, apparet, quam late haec per philosophorum disputationes pateat: nec tamen ista omnia inter se sunt similia. Parmenides aeternum esse censet ipsum ens, quoniam nascendi et intereundi notio ab ipso esse aliena sit; physici idem placitum

(64) Versus Persii Sat. III, 84. Ita Democritus apud Diogen. Laërt. IX, 44; Diogenes Apollon. ibid. IX, 57; Lucretius I, 541. Simplicius Phys. VIII, f. 262 A: τὸ πολυθρόύλλητον τῶν φυσικῶν, ὡς αὐτοὶ φασιν, ἀξίωμα, τὸ μηδὲν ἐκ τοῦ μηδαμῇ μηδαμῶς ὄντος γίγνεσθαι, ἀλλὰ πᾶν ἐκ προϋπάρχοντος ἔχειν τὴν γένεσιν.

(65) Plato Phaedr. p. 245. Verba, εἰ γὰρ ἐκ τοῦ ἀρχῇ γίγνοιτο, οὐκ ἂν ἐξ ἀρχῆς γίγνοιτο, Cicero Tusc. I, 23, sic reddidit: *Nec enim esset principium quod gigneretur aliunde*. Qua interpretatione ambiguitatem, quae est in duplici verbo γίγνοιτο, sustulit.

a re abstracta ad mundum adspectabilem, naturae elementa, transtulerunt; Plato denique ad animi naturam, ut movendi principium, traduxit.

Illa autem argumentatio ut valuit ad probandam entis aeternitatem, sic eadem tendit quoque ad tollendam funditus rerum naturam. Namque si solum ens verum sit, idque ingenitum et immortale, sequatur ut revera nulla sit generatio, nullus interitus. Et profecto ipse Parmenides fatetur, ista plane a se tolli ⁶⁶:

τῶς γενεσις μὲν ἀπέσβεσται καὶ ἀπιστος ὄλεθρος.

Si nulla est generatio nec interitus, universum est ingenitum, immortale, aeternum: ἀγέννητον, ἀφθαρτον, αἰδιδιον τὸ πᾶν. Hoc ut Parmenidis et Eleaticorum decretum a plerisque divulgatum est ⁶⁷. Illorum argumentationem reprehendit Aristoteles dicens: ζητοῦντες γὰρ οἱ κατὰ φιλοσοφίαν πρῶτοι τὴν ἀλήθειαν καὶ τὴν φύσιν

(66) Vid. vs. 76.

(67) Vid. placitorum scriptores, quorum testimonia, ne saepius citare cogar, hic integra apponam: Plutarch. Plac. phil. I, 24: Παρμενίδης, Μέλισσος, Ζήνων ἀνήρουν γενεσιν καὶ φθοράν, διὰ τὸ νομίζειν τὸ πᾶν ἀκίνητον. Eadem vel gemina his leguntur apud Galenum, de Philos. hist. X, 8, p. 32 E, et Stobaeum Ecll. I, 21, p. 412. Stobaeus ibid. p. 416: Ξενοφ. Παρμεν. Μέλισσ. ἀγέννητον εἶναι, αἰδιδιον καὶ ἀφθαρτον τὸν κόσμον. Origenes Philos. XI, p. 890: Π. ἐν μὲν τὸ πᾶν ὑποτίθεται (καὶ ἀγέννητον) καὶ σφαιροειδές... καὶ ὁμοιον... καὶ ἀκίνητον καὶ πεπερασμένον. Cf. Eusebius Praep. Eu. XIV, 3, p. 720 D: ὁ δὲ Παρμενίδης, τὸ γένος Ἑλεάτης ὢν, ἐν μὲν εἶναι τὸ πᾶν, ἀγέννητον δὲ καὶ ἀκίνητον καὶ κατὰ σχῆμα σφαιροειδές ὑπάρχειν ἐδογματίζεν. Hermias, Gentil. philos. irris. s. 3, p. 403 (in Justini phil. Opp. Paris. 1742.): ὁ γε μὴν Παρμενίδης καὶ ποιητικοῖς ἔπεσιν ἀνακηρύσσει, τὴν οὐσίαν ἐν εἶναι καὶ αἰδιδιον καὶ ἀπειρον καὶ ἀκίνητον καὶ πάντῃ ὁμοιον. Quod isti πᾶν et κόσμον vocant, nihil aliud est quam interpretatio τοῦ ὄντος Parmenidis, ut docebinus infra § 11 extr. et § 15.

τὴν τῶν ὄντων, ἐξετράπησαν οἷον ὁδὸν τινα ἄλλην ὑπὸ ἀπειρίας · καὶ φασὶν οὔτε γίγνεσθαι τῶν ὄντων οὐδὲν οὔτε φθείρεσθαι, διὰ τὸ ἀναγκαῖον μὲν εἶναι γίγνεσθαι τὸ γιγνόμενον ἢ ἐξ ὄντος ἢ ἐκ μὴ ὄντος · ἐκ δὲ τούτων ἀμφοτέρων ἀδύνατον εἶναι. οὔτε γὰρ τὸ ὄν γίγνεσθαι· εἶναι γὰρ ἤδη. ἐκ τε μὴ ὄντος οὐδὲν ἂν γενέσθαι · ὑποκεῖσθαι γὰρ τι δεῖ. καὶ οὕτω δὴ τὸ ἐφεξῆς συμβαῖνον αὖξοντες, οὐδ' εἶναι πολλά φασιν, ἀλλὰ μόνον αὐτὸ τὸ ὄν⁶⁸. Reprehendit Eleaticos, quod certum et stabile anquirentes principium, adeo de via deflexerint, ut generari aut interire nihil contenderent: in quem eos errorem incidisse docet eo, quod *unum ens per se* ponerent, nec discernent τὸ ἀπλῶς ὄν et τὸ κατὰ δύναμιν, porro τὸ δυνάμει ὄν et τὸ ἐνεργείᾳ, quibus inter se distinguen-

(68) Aristot. Phys. I, 8. p. 261 B. cf. de Coelo III, 1, quem locum notavimus supra § 2, not. 10. Chalcidius in Timaeum p. 283, eundem syllogismum refert: » si quid fit, id necesse est vel ex eo fieri quod jam » erat, vel ex eo quod non est; utrumque autem impossibile;” — quod deinceps solita ratione demonstrat, addens, hac argumentatione veteres physicos usos esse, ut omnem rerum genituram et interitum tollerent. Cf. Brandis. p. 139, not. d.

Aristoteles autem deinceps Phys. I, c. 9, p. 263 H, haec dicit: ἡμῶν μὲν οὖν καὶ ἕτεροί τινες εἰσὶν αὐτῆς, ἀλλ' οὐχ ἰκανῶς. πρῶτον μὲν γὰρ ὁμολογοῦσιν ἀπλῶς γίγνεσθαι τι ἐκ μὴ ὄντος, ἢ Παρμενίδην ὁρθῶς λέγειν· εἴτα φαίνεται αὐτοῖς, εἴπερ ἐστὶν ἀριθμῶ μία, καὶ δυνάμει μόνον μίαν εἶναι. Ex his verbis videatur effici posse, Parmenidem statuisse γίγνεσθαι ἐκ μὴ ὄντος; quod tamen non minus ipsi Parmenidis rationi, quam Aristotelis de eo testimoniis repugnat. Sed spectat Aristoteles eos, qui Parmenidis propositionem, est vel non est, comprobantes, deinde non, ut ille, non-ens plane tollerent, sed hoc naturam sive γενέσεως principium facerent. Hi quinam intelligendi sint, certant interpretes. Plerique putant Platonem ab Aristotele tangi: perperam; spectavit fortasse aliquem sophistarum, ex quo genere fuit Xenocrates ille, quem modo vidimus p. 154.

dis ipse et entis aeternitatem conservare et naturae vicissitudinem tueri est conatus. Atqui animadvertendum rursus, istam conclusionem, nihil fluxum esse, aeternum esse universum, quamvis e Parmenidis argumentatione ductam, non tamen ex ipsius mente expressam esse. Ille, in considerata entis natura, non quaesivit de mundi principiis; utrumque argumentum non copulavit, sed disjunxit; in altero solam veritatem spectavit, alterum ad opinionis visa rejecit. Seriores vero, praesertim sceptici, in multis Eleaticos aemulati, illorum rationes usurparunt ad physicorum placita refutanda et omnem rerum naturam labefactandam, quorum sententiam multi perperam cum veteribus illis fecerunt communem ⁶⁹.

§ 8.

Parmenides igitur ex ipsa entis notione demonstrare studuit, illud aeternum esse: quum enim sit simplex et uniusmodi, non posse ulli naturae varietati nec temporis vicissitudini esse obnoxium. Quam aeternitatis notionem egregie expressit uno vocabulo ἔστι. Vulgo quidem aeternum definiri solet, id quod est semperque fuit semperque futurum est; sicut Melissus dicit: ὅτε τοίνυν οὐκ ἐγένετο, ἔστι τε καὶ ἀεὶ ἦν καὶ ἀεὶ ἔσται ⁷⁰. Praeclarius vero Parmenides omne tempo-

(69) De Scepticis vid. Sextus Empir. adv. Mathem. X, s. 331; ubi cf. Fabricius, idemque ad Chalcid. l. l.

(70) Apud Simplic. Phys. f. 23 B.

ris discrimen ab aeterno segregat, dicens: » Ens nec fuit unquam, nec erit, sed est tantum, eoque totum continetur: νῦν ἔστιν ὁμοῦ πάν.” Quod dictum imitatus Plato in Timaeo, eodem hoc vocabulo aeternam naturam appellandam censet ⁷¹.

Ex his facile intelligitur, quid valeat, cum Parmenides ens dicit οὔλον, μουνογενές, ἓν, ξυνέχες. Significat nimirum, ens esse simplex et uniusmodi, vacans omni partium discrimine omnique vicissitudine, una temporis continuitate, uno et singulari naturae statu contentum. Quae tamen verba mirum quam varie a veteribus accepta sint, ab aliis reprehensa, ab aliis explanata. Notanda sunt ea, quo clarius Parmenidis mentem ab aliorum notionibus discernamus.

Plato in explorando nobili illo Eleaticorum decreto, unum esse omnia, reprehendit Parmenidem, quod unum ὅλον, totum, appellet. Totum enim ejusmodi esse, quod suis partibus completum sit; quod autem partibus constet, non esse unum, sed multum ⁷². Similiter τὸ συνεχές, continuum, ab Aristotele notatur: συνεχές appellari id quod continuatâ partium serie cohaereat, atque adeo in infinitum numerum dividi possit ⁷³; Parmenidem igitur sibimet repugnare,

(71) Vid. Parmen. vs. 60, et commentar. p. 90.

(72) Cf. inferius § 10, n. 96.

(73) Phys. I, 2. p. 254 F: λέγεται δὲ ἓν ἢ τὸ συνεχές ἢ τὸ ἀδιαίρετον εἰ μὲν τοίνυν συνεχές, πολλὰ τὸ ἓν· εἰς ἄπειρον γὰρ διαίρετον τὸ συνεχές. ἔχει δὲ ἀπορίαν περὶ τοῦ μέρους καὶ τοῦ ὅλου, . . . πότερον ἓν ἢ πλείω τὸ μέρος καὶ τὸ ὅλον. Similiter de Coelo I, 1, συνεχές definit τὸ διαίρετον εἰς ἀεὶ διαίρετά. Cf. idem in Categor. VI; Simplicii commentar. in Categor. f. 31 E, 32 A. ed. Velsii.

quum et unum esse statuatur, idemque totum et continuum appellet. Fateamur, Parmenidem has notiones *έν*, *όλον*, *συνεχές*, minus clare definivisse, minusque proprie usurpasse: verborum enim interpretatio et notionum definitio tum nondum tractata erat. Si tamen ex ipsius sensu verba interpretemur, facile ista inter se conciliari possunt. Nam nec unum ita stricte definivit, ut Plato et Aristoteles faciunt, neque totum et continuum eo sensu accepit, quo illi interpretantur: significat id quod simplex et uniusmodi et sui simile sit semper. Quocirca ista repugnantia magis in verbis quam in sententia posita est.

Aliter vero multi interpretes, praesertim seriores Platonici et Aristotelici, illius sententiam interpretari ac tueri sunt conati. Fatentur, quod Plato et Aristoteles ajunt, *όλον* et *συνεχές* partium multitudinem significare; eodem vero sensu ipsum Parmenidem ista vocabula usurpasse volunt, hoc videlicet significantem: ens esse supremam omnium naturam, in qua contraria rerum genera unâ sint complexione constricta, uno vinculo comprehensa: hinc unum ens idemque multum recte ab eo praedicari. Audiamus ipsos. Proclus: *ό Παρμενίδης*, inquit, *ἐκ τε τοῦ ἐνός ὄντος οἶδε τὸ πλῆθος τὸ νοητὸν προῖον, καὶ πρὸ τῶν πολλῶν ὄντων τὸ ὄν ἐν ἰδρύμενον. πολλοῦ ἄρα δεῖ (αὐτὸν) τὸ πανταχοῦ πλῆθος ἀνατρέπειν διὰ τὴν τοῦ ἐνός ὄντος θέσιν κτλ.* ⁷⁴ Itaque eodem, quod ille unum appellat, simul generum varietatem contineri censet. Jo. Philo-

(74) Proclus in Parm. T. IV, p. 121 Cousin. cf. commentar. ad vs. 41.

ponus, Aristotelis verba interpretans, haec animadvertit: δεῖ δὲ εὐγνωμόνως ἡμᾶς καὶ τῶν Παρμενίδου λόγων ἀκούοντας, ἐκ τῶν παρ' αὐτοῦ τοῦ Παρμενίδου τὴν διάνοιαν αὐτοῦ ἐλεῖν. τί οὖν Φησιν ἐν τοῖς ἔπεσιν αὐτὸς περὶ τοῦ ὄντος; οὐλον μουννογενὲς καὶ ἀτρεμεῖς ἢ δ' ἀγέννητον. καὶ πάλιν·

οὐκ ἦν οὐκ ἔσται, ὁμοῦ πᾶν ἔστι δὲ μουννον. καὶ πάλιν·

ἐὸν γὰρ ἐόντι πελάζει.

εἰ δὲ Φησὶν πᾶν ὁμοῦ, καὶ ἐὸν ἐόντι πελάζει, ἤδει ἄρα τὸ πλῆθος ἐν τοῖς οὖσιν ὑπάρχειν. ἀλλ' ἐπεὶ μὴ περὶ Φυσικῶν ἦν αὐτοῖς (τοῖς ἀμφὶ Παρμενίδην) ὁ λόγος, ἀλλὰ περὶ τῶν νοητῶν, διὰ τοῦτο τὴν ἐν ἐκείνοις ἔνωσιν θεωροῦντες καὶ τὸ ἀμετάβλητον, οὕτως αὐτὰ ἐκαλοῦν ⁷⁵. Hic similiter arbitratur, Parmenidem in uno simul agnoscere multitudinem; vocabula autem, quibus ens describit, ὄλον, συνεχές, non physicorum sensu ab eo usurpata esse, sed ad intelligibilem naturam accommodata. Idem clarius etiam exponit Simplicius, Aristotelem redarguens: θαυμάζω δ' ἔγωγε τοῦ Ἀριστοτέλους πρὸς ἐκεῖνα τοῦ ἐνὸς τὰ σημανόμενα ἀντειρηκότος, ἃ καὶ ὁ Παρμενίδης Φησὶ τῷ ἐνὶ ὄντι προσεῖναι· καὶ γὰρ συνεχές αὐτὸ ἀνυμνεῖ κτλ. . . . ἀλλὰ καὶ τὸ ὄλον καὶ μέρη καὶ συνεχές ὡς ἐπὶ σώματος λαμβάνων Ἀριστοτέλης, τὰ ἄτοπα ἐπήγαγεν. Deinde Parmenidis ens intelligendum esse docet principium omnium, quo comprehensa sint τὰ πάντα, κατὰ μίαν ἔνωσιν περιεχόμενα τὴν τοῦ ἐνὸς ὄντος, δι' ἣν ἀμερίστως διακριθέντα ἕκαστον τὰ πάντα ἐστί. Cujusmodi ἔνωσιν

(75) Philopon. in Phys. I. lit. B, p. 9. Versus citati sunt 59 et 60, de quorum lectione diximus in commentar. p. 86, 89 sq.

non cadere in mundum spectabilem, sed intelligibilem; neque adeo vocabula ista unum et continuum, eo sensu quo de rebus naturalibus usurpantur, ad mundum intelligibilem traduci oportere: οὐκ ἐπιδέχεται τὴν νοητὴν ἔνωσιν ὁ αἰσθητὸς διασπασμός τὸ οὖν ἑνταῦθα (ἐν τοῖς αἰσθητοῖς) ἀδιαίρετον καὶ τὸ συνεχές καὶ ἡ κατὰ τὸν ἕνα λόγον κοινωνία (ἐν τοῖς αἰσθητοῖς) οὐκ ἐφαρμόττει τῷ ἐνὶ (τῷ νοητῷ) ⁷⁶. Sic hi omnes judicant, quas Parmenides enti attribuit notas, non explicandas esse physicorum ratione, ut Aristoteles facit, sed magis reconditam habere significationem, rebus νοηταῖς accommodatam: significari enim, in ente inesse quidem multitudinem et varietatem, nullum tamen in eo esse partium discrimen aut diversitatem. Quodsi Aristotelis interpretatio cum Parmenidis mente parum congruat, altera profecto illa, e Neo-platoniorum rivulis ducta, multo etiam minus cum ejus verbis et sententia quadrat. Quis enim, quum Parmenides ens dicat ὅλον, μονογενές, νῦν ὁμοῦ πᾶν, ἕν, συνεχές, his vocabulis varium et multiplex ab eo significari existimet? Missâ igitur illorum interpretatione, teneamus id quod ipsius verba indicant, ens esse uniforme, omni partium diversitate omnique temporis vicissitudine vacans, unâ et simplici naturae specie contentum.

§ 9.

Ut ens omni temporis discrimine vacat et aeternum

(76) Simplic. Phys. . f. 19 B.

est, sic idem nullis locorum terminis continetur, nec regionum intervallis separatur. Quod probat demonstrando ens esse ἀδιαίρετον et ἀκίνητον, individuum et immobile. Utrumque e simplici entis notione ductum hac fere ratione concludit:

»Quum ens unum sit ac totum sui simile, nihil est prorsus quo illud dirimatur, nihil in eo vacuum, nihil discretum, sed natura sua completum est, integrum et cohaerens: ergo dividi nullo modo potest. Porro quum nulla ei sit generatio nec interitus, omni fluxu et vicissitudine vacat; quumque sit solum per se et simplex, nullus est locus in quo consistat aut moveatur; et quum in eo nihil sit inane, nihil magis minusve plenum et perfectum, diminui aut evanescere nequit. Ergo ens moveri et mutari omnino nullo modo potest.” 77

His quidem argumentis Parmenides ens individuum et immobile esse demonstravit. Tetigerat haec jam Xenophanes, Deum unum suique similem et motûs expertem censens 78. A quo duxisse Parmenidem probabile est, quamquam suis utentem rationibus; similiter ut post Parmenidem fecit Melissus, notiones illas, ἀκίνητον, ὅμοιον, πλεών, copiosius explicans 79.

Utriusque autem et Parmenidis et Melissi rationibus obloquitur Aristoteles, negans, necesse esse ut,

(77) Vid. vss. 77-88.

(78) Vid. Aristotelis et Simplicii testimonia in Xenoph. edit. p. 103 et 108, coll. p. 118 sq.

(79) In fragm. citt. a Simplicio Phys. f. 22-24.

quod unum et simplex, idem sit immutabile et immobile. Quidni enim, inquit, et unum esse potest, et tamen moveri in se suoapte motu, ac similiter mutari? ⁸⁰ Atqui omnis motus omnisque mutatio est affectio quaedam (πάθος), quam necesse est ab aliqua caussa oriri; unde duo existunt inter se diversa, alterum caussa efficiens, alterum id quod efficitur, et sic inducitur rerum discrimen, quod non cadit in id quod unum et simplex est. Reprehendit quoque Parmenidem, quod ens individuum facit, dicens hoc repugnare ei quod idem συνεχές et πεπερασμένον, continuum et finibus terminatum, dicit. Namque individuum esse quidem punctum sive extremum quid, non autem id quod habeat ambitum aliquem et magnitudinem ⁸¹. Simplicius, ut Parmenidem tueatur, ait hoc ipsum ab eo significari, ens summum esse omnium rerum finem sive πέρας, a quo ducantur et quo referantur omnia ⁸². Quod parum congruit illius verbis et sententiae. Sed animadvertendum, Parmenidem ἀδιαίρετον non eodem sensu intellexisse quo Aristoteles interpretatur; individuum enim appellat id in quo nulla est diversitas, quod uniforme et sim-

(80) Aristot. Phys. I, 3. p. 255 D: διὰ τί ἀκίνητον, εἰ ἓν; ὥσπερ γὰρ καὶ τὸ μέρος ἓν ὄν, τοδί τὸ ὕδωρ, κινεῖται, διὰ τί οὐ καὶ τὸ πᾶν;

(81) Ibid. I, p. 254 F: λέγεται δὲ ἓν ἢ τὸ συνεχές ἢ τὸ ἀδιαίρετον. . . . εἰ μὲν τοίνυν συνεχές, πολλὰ τὸ ἓν· εἰς ἄπειρον γὰρ διαιρετὸν τὸ συνεχές. . . . ἀλλὰ μὴν εἰ ὥς ἀδιαίρετον, . . . οὐδὲ δὴ ἄπειρον τὸ ὄν, ὥσπερ Μέλισσός φησιν, οὐδὲ πεπερασμένον, ὥσπερ Παρμενίδης· τὸ γὰρ πέρας ἀδιαίρετον, οὐ τὸ πεπερασμένον.

(82) Simplicius Phys. I, f. 19 A: τὸ ἀδιαίρετον οὖν ὥς πέρας, οὐχ ὥς πέρας ἔξει σώματος, ἀλλ' ὥς τέλος πάντων καὶ ἀρχὴ τῶν ὄντων.

plex est; quocirca ἀδιαίρετον et συνεχές, individuum et continuum, quae Aristoteli contraria sunt, e Parmenidis mente optime conveniunt.

Quo melius vero Parmenidis rationes perspiciantur et judicentur, contendendae sunt cum physicorum placitis, quibus erant oppositae. Physici adspectabilem considerantes naturam, quae semper mutatur et variatur, ad hanc placita sua accommodarunt; Parmenides solum ens, quod sempiternum est, verum existimans idque unum intuens, ad hoc argumenta sua omnia retulit. Itaque illi fluxu motuque cuncta agitari censebant, quod cum alii veteres tum praesertim Heraclitus et Empedocles docuerunt, alter statuens τὸ ὄν διαφερόμενον ἀεὶ ξυμφέρεσθαι, *ens dissipari semper semperque conciliari*⁸³; alter ita canens:

τότε μὲν γὰρ ἐν ἡυξήθῃ μόνον εἶναι,

ἐκ πλεόνων, τότε δ' αὖ διέφυ πλέον' ἐξ ἑνὸς εἶναι⁸⁴.

Parmenides contra nec dissipari illud nec rursus conjungi posse demonstrat, sed ens cum ente cohaerere. Porro physici aliud statuebant esse densum, aliud rarum, aliud plenum, aliud vacuum (ut Leucippus et Democritus), quorum contraria actione perpetuam rerum vicissitudinem et mutationem effici. Ille contra ens docet esse simplex et uniusmodi, naturaque sua integrum et completum. Sic utrorumque, physicorum et Eleaticorum, sententiae prorsus erant inter se oppositae. Quod discrimen non semel notat Plato, ut in Theaeteto, quum dicit, alios contendere, ἐκ

(83) Apud Platon. Sophist. p. 242 E.

(84) Empedocles vs. 34 Sturz. cf. Plato l. l.

Φυρᾶς τε καὶ κινήσεως καὶ κράσεως πρὸς ἄλληλα γίγνεται πάντα ἃ δὴ Φαμεν εἶναι, οὐκ ὀρθῶς προσαγορεύοντες · ἔστι μὲν γὰρ οὐδέποτ' οὐδέν, αἰεὶ δὲ γίγνεται. in qua sententia convenire ait, excepto Parmenide, omnes: Protagoram, Heraclitum, Empedoclem, poëtas item, Epicharmum, Homerum; hos quidem obscurius et poëtice, illos vero manifesto praedicantes, ὅτι οὐδέν ἔστηκε, πάντα κινεῖται. Quibus deinde opponit Eleaticos: ἄλλοι αὖ τᾶναντία τούτοις ἀπεφώνησαντο,

οἷον ἀκίνητον τελέθειν τῷ παντί ὄνομ' εἶναι, καὶ ἄλλα ὅσα Μέλισσοι τε καὶ Παρμενίδαι ἐναντιούμενοι πᾶσι τούτοις διίσχυρίζονται, ὡς ἓν τε πάντα ἐστὶ καὶ ἔστηκεν αὐτὸ ἐν αὐτῷ, οὐκ ἔχον χώραν ἐν ᾗ κινεῖται ⁸⁵. E qua sententiarum diversitate factum ut ingens inter utrosque exsisteret contentio ⁸⁶. Eandem controversiam notat Aristoteles ubi Eleaticis opponens Leucippum et Democritum, illorum quidem argumentationem sic exponit ⁸⁷: ἐνίοις γὰρ ἔδοξε τῶν ἀρχαίων τὸ ὄν ἐξ ἀνάγκης ἓν εἶναι καὶ ἀκίνητον. τὸ μὲν γὰρ κενὸν οὐκ ὄν · κινήθῃναι δ' οὐκ ἂν δύνασθαι, μὴ ὄντος κενοῦ κεχωρισμένου · οὐδ' αὖ πολλά εἶναι, μὴ ὄντος τοῦ διείργοντος. τοῦτο δὲ οὐδέν διαφέρειν, εἴτις οἶεται μὴ συνεχὲς εἶναι τὸ πᾶν, ἀλλ' ἀπτεσθαι διηρημένως, τοῦ φάναι πολλά καὶ μὴ ἓν εἶναι καὶ κενόν. εἰ μὲν γὰρ πάντῃ διαιρετόν, οὐδέν εἶναι ἓν · ὥστε οὐδὲ πολλά, ἀλλὰ κενόν

(85) Theaetet. p. 152 D; 180 DE. Hinc apud Origenem Phil. XI, ubi de Parmenidis ente agitur, pro οὐκ ἔχον δὲ τόπον ἐν ἑαυτῷ, corrigendum τόπον; ut jam suspicabatur Brandis. p. 146 d.

(86) Cf. Plato Sophist. p. 246.

(87) Aristot. de Gener. et Corrupt. 1, 8.

τὸ ὅλον . εἰ δὲ τῇ μὲν, τῇ δὲ μή, πεπλασμένῳ τινὶ τοῦτο ἂν εἰκέναι · μέχρι πόσου γὰρ καὶ διὰ τί τὸ μὲν οὕτως ἔχοι τοῦ ὅλου καὶ πλήρες ἔστι, τὸ δὲ διηρημένον; ἔτι δὲ ὁμοίως φάναι μὴ εἶναι κίνησιν. Parmenidis et Melissi placita his dictis notari, jam veteres interpretes viderunt, et ipsa arguunt verba quae notavimus, ab Eleaticis petita. Summa sententiae haec est: »Illos censuisse ens esse unum individuum et immobile; nam quum vacuum prorsus nihil sit, ens nec moveri ullam in partem nec dividi ullo modo posse. Contra si quis statuatur, universum non unum et continuum esse, sed dividi posse, hunc vacuum inducere et infinitam facere partium multitudinem, unum vero tollere, atque reapse nihil plane relinquere.” Ad quae Aristoteles deinceps animadvertit, Eleaticos ratione ductos ea, quae sensibus apparent, transsiliisse, Leucippum contra, quem illis opponit, multitudinem et vacuum inducentem, principia constituisse rerum naturae accommodata.

Aristotelis vestigiis ingressus Philoponus, Parmenidis argumenta ad has ratiunculas reducit: εἰ μή ἔστι κενόν, οὐκ ἔστι κίνησις · ἀλλὰ μὴν οὐκ ἔστι κενόν · οὐκ ἄρα ἔστι κίνησις. Porro, εἰ ἔστιν ἐν τοῖς πράγμασι διαίρεσις, ἔστι κενόν · ἀλλὰ μὴν οὐκ ἔστι κενόν · οὐκ ἔστιν ἄρα διαίρεσις · συνεχὲς ἄρα τὸ πᾶν καὶ ἓν. Quae conclusiones non ex ipsis quidem Parmenidis verbis expressae, sed tamen ex ejus argumentatione collectae sunt. Tum reprehendit eum, quod principia statuens obscura nec probata, his ea quae manifesta sint tollat; quo significat praesertim illud, non esse

vacuum⁸⁸. Sed de eo animadvertendum, Parmenidem, ipsum quidem vacuum utrum sit in natura necne, parum quaesivisse; studiosius hoc fecit Melissus; ille statuit tantum: ens ente nullo modo vacuum esse posse; quod nititur decreto illo, unde tota ejus argumentatio ducitur, aut esse aut non esse; quorum altero sublato, etiam vacuum, quod nihil est, sponte corrui.

Ut autem Eleatici adversarios reprehenderunt, quod, ente sublato, nihil certum ac stabile relinquerent, sic ipsi reprehensi sunt, quod unum ens verum aestimantes, omnem rerum naturam, omnem motum et vicissitudinem, tollerent. Quo spectans Plato illos ridens appellat *στασιώτας τοῦ ὅλου*, *universi statores*; eandemque ob causam Aristoteles e physicorum numero eos eximendos censet, quod eorum ratio naturae plane repugnet⁸⁹. Hinc vulgo invaluit opinio, Parmenidem motum omnem mutationemque e mundo sustulisse, et rerum naturam finxisse immobi-

(88) Philopon. in Aristot. de Gener. et interitu (Ald. 1527) f. 35 B: οἱ μὲν ἀμφὶ Παρμενίδην ἀρχὰς ἀφανεῖς καὶ ἀναποδείκτους λαβόντες, δι' αὐτῶν τὰ ἐναργῆ καὶ ὁμολογούμενα ἀνελεῖν ἐπεχειρήσαν· οἱ δὲ περὶ Δημόκριτον ἀρχὰς ὁμολογούμενας τῇ αἰσθήσει λαβόντες, δι' αὐτῶν τὰ ἄδηλα κατεσκεύασαν.

(89) Plato Theaet. p. 181 A. Aristot. Phys. I, 2. p. 253 extr. τὸ μὲν οὖν εἰ ἐν καὶ ἀκίνητον τὸ ὄν σκοπεῖν, οὐ περὶ φύσεως ἐστι σκοπεῖν. Id. de Coelo III, 1. pr. de Melisso et Parmenide, εἰ καὶ τὰλλα λέγουσι καλῶς, ἀλλ' οὐ φυσικῶς γε δεῖ νομίσαι λέγειν. Sextus Empir. adv. Math. X, 46: μὴ εἶναι δὲ κίνησιν οἱ περὶ Παρμενίδην καὶ Μέλισσον ἔλεγον, οὓς ὁ Ἀριστοτέλης στασιώτας τε τῆς φύσεως καὶ ἀφυσικούς κέκληκεν· στασιώτας μὲν ἀπὸ τῆς στάσεως (h. e. τῆς ἡρεμίας), ἀφυσικούς δὲ, ὅτι ἀρχὴ κινήσεως ἐστὶν ἡ φύσις, ἣν ἀνεῖλον φάμενοι μηδὲν κινεῖσθαι. Hic utriusque, Platonis et Aristotelis, dicta confundit.

lem ⁹⁰: quae opinio ab aliis derisa est, quasi negaret ea quae sunt in omnium conspectu posita; ab aliis serio refutata, ut ab Alexandro Aphrodisiensi, Peripatetico, qui contra Eleaticos studiose ostendere conatus est, essentiam quidem per se stabilem esse, nec tamen ideo motum e mundo esse tollendum; sed alterum cum altero copulandum ⁹¹. Alii vero Parmenidem defendunt, quod ens informans naturam intelligibilem, huic corporeum quidem motum detraxerit, intelligentiae tamen motionem, i. e. τὸ νοεῖν, reliquerit, sicut Plotinus animadvertit ⁹². Melius vero Simplicius Alexandro respondens monet, istam argumentationem ad Parmenidis sententiam parum pertinere; illum considerasse tantum ens ipsum, simplex et ab omni contagione omni-que fluxu remotum; neque adeo, quae de hoc praedicat, transferri oportere ad rerum naturam, quam ipse a vera cognitione disjunxit et ad opinionis visa rejecit ⁹³.

Eleaticorum autem rationes etiam hac in quaestione aemulati sunt sceptici, qui, ut auctor est Sextus Empiricus, contendebant, μὴ μᾶλλον εἶναι ἢ μὴ κίνησιν ὅσον μὲν γὰρ ἐπὶ τοῖς φαινομένοις, δοκεῖν εἶναι κίνησιν, ὅσον δὲ ἐπὶ τῷ φιλοσόφῳ λόγῳ, μὴ ὑπάρχειν ⁹⁴. Haec cum Parmenideis fere conveniunt; illud interest, quod

(90) Vid. scriptores laudati supra § 7, n. 67; cf. Aristocles, cit. in Addend.

(91) Alexander Aphrod. a Simplicio cit. not. 93. cf. Aristocles ibid.

(92) Plotinus Ennead. V, 1, 8. p. 490: καὶ ἀκίνητον δὲ λέγει Παρμενίδης τοῦτο (τὸ ὄν), καίτοι προστιθείς τὸ νοεῖν, σωματικὴν πᾶσαι κίνησιν ἐξαίρων ἐπ' αὐτοῦ, ἵνα μένη ὡσαύτως.

(93) Simplic. Phys. I, f. 9 A; f. 17 A B.

(94) Sextus Empir. Pyrrhon. Hypot. III, s. 65.

sceptici inter utrumque pariter ambigui erant, neutrum affirmabant; Parmenides contra alterum verum esse censet, alterum opinioni congruum ducit.

§ 10.

Vidimus, Parmenidem ens appellasse simplex, uniforme, continuum, οὔλον, ἓν, συνεχές. Hoc deinceps propria argumentatione exponit, demonstrans ens esse unâ et aequabili naturâ absolutum.

»Nam quum neque sit non-ens, quo ens dirimi vel diminui possit, neque ens ente ulla parte praestantius vel deterius, majus minusve esse queat, nulla in eo esse potest vel membrorum discretio vel naturae diversitas: ergo est omnino sui simile, aequabili natura, et globi instar omni ex parte rotundum.”⁹⁵

Argumentatio haec multum agitata est a veteribus vel ad declarandam Parmenidis sententiam vel ad redarguendam. Primum a Platone in Sophista, ubi Eleates hospes ens totum esse statuens, ita pergit⁹⁶:

εἰ τοίνυν ὅλον ἐστίν, ὥσπερ καὶ Παρμενίδης λέγει,
παντόθεν εὐκύκλου σφαίρης ἐναλίγκιον ὄγκῳ, —
τοιοῦτόν γε ὄν, τὸ ὄν μέσον τε καὶ ἔσχατα ἔχει· ταῦτα δὲ ἔχον, πᾶσα ἀνάγκη μέρη ἔχειν. Ita e Parmenidis dictis sequi ostendit contrarium ei quod ille effecerat. Parmenides ens voluit esse unum et individuum; Plato demonstrat, quod rotundum sit, habere medium et extrema, ergo non esse simplex sed partibus compo-

(95) Vid. vss. 101 - 108.

(96) Plato Soph. p. 244 E. Cf. supra ad vs. 102 sq.

situm. At Plato non id agebat, ut Parmenidis mentem explicaret, sed ut argumentationem ejus dialectica ratione exploraret. Nobis, qui non quid dicere debuerit, sed quid voluerit, quaerimus, animadvertendum est, Parmenidem, quum ens diceret σφαιροειδές, non cogitasse Platoniam istam definitionem, sed sphaeram finxisse imaginem ac speciem perfectae illius aequabilitatis quam enti tribuit, unde eadem quoque forma a Xenophane Deo erat tributa ⁹⁷.

Idem argumentum saepius tangitur ab Aristotele, qui hinc efficit, Parmenidem ens statuisse πεπερασμένον, finitum; quod deinde a plerisque inter Parmenidis placita divulgatum est ⁹⁸. Qua ratione ille hoc effecerit et quo sensu intellexerit, videamus. In Physicis quaerens quid sit ἄπειρον, quid πεπερασμένον, dicit notiones istas a veteribus perperam esse intellectas: illos videlicet infinitum dicere istud, ultra quod nihil sit; id autem contrario esse perfectum et totum: συμβαίνει δὲ τοῦναντίον εἶναι ἄπειρον ἢ ὡς λέγουσιν · οὐ γὰρ οὐ μὴδὲν ἔξω, ἀλλ' οὐ αἰεί τί ἔξω ἐστί, τοῦτο ἄπειρόν ἐστιν · οὐ δὲ μὴδὲν ἔξω, τοῦτ' ἐστι τέλειον καὶ ὅλον. Deinde ostendit, totum idem esse ac finitum et terminatum, sicut dixit Parmenides, rectius quam Melissus, qui contrarium statuit: τὸ ὅλον δὲ καὶ τέλειον ἢ τὸ αὐτὸ πᾶμπαν ἢ συνέγγυς τῇ φύσει ἐστί · τέλειον δὲ οὐδὲν μὴ ἔχον τέλος, τὸ δὲ τέλος πέρας. διὸ βέλτιον οἰητέον Παρμενίδην Μελίσσου εἰρηκέναι · ὁ μὲν γὰρ τὸ ἄπειρον ὅλον φησὶν · ὁ δὲ τὸ ὅλον πεπεράνθαι, μεσσόθεν

(97) Vid. Xenophan. Rell. p. 104, 108, 119.

(98) Vid. loci citati supra § 7, n. 67.

ἰσοπαλές⁹⁹. Quidam arbitrati sunt, totam hanc argumentationem esse Parmenidis; sed subtilis hujusmodi verborum explicatio illius sensui parum congrua est; Aristotelis est haec definitio, qua arguit, Parmenidis sententiam Melisso anteponendam esse. Parmenidem autem ens πεπερασμένον statuuisse, colligit ex eo quod dixit μεσσόθεν ἰσοπαλές. Demonstratum enim erat a mathematicis, quodcumque medium habeat, idem certos quoque habere terminos, atque adeo finitum esse; contra infinitum medium vel terminos habere non posse¹⁰⁰. Quum igitur Parmenides ens aequalibus a medio radiis terminatum diceret, sequatur, eum finitum illud censuisse. At ista definitio si Aristoteli probata erat, num Parmenidi quoque cognita et recepta fuerit, merito dubitandum. Ens quidem sphaerae instar rotundum finxit, non tamen ut finibus terminatum esse significaret, sed ut summam perfectionis speciem illa imagine exprimeret. At alia quoque afferuntur loca quibus idem clarius dicere videatur, ut versus hic a Simplicio citatus¹⁰¹:

κρατερὴ γὰρ ἀνάγκη
πείρατος ἐν δεσμοῖσιν ἔχει τέ μιν ἀμφὶς ἐέργει.

Verum si horum verborum sensum attentius conside-

(99) Vid. Aristot. Phys. III, 6. p. 278 F. Idem placitum Phys. I, 2. p. 254 G; de X. Z. et G. cap. II. et IV. p. 941 C; 943 extr. De notione τοῦ τελείου cf. Metaph. IV, 16. p. 685. Aristotelem sequuntur ipsius interpretes, ut Themist. Paraphr. p. 35; Jo. Philopon. Phys. I, Litt. A. f. 5 adv. quem citabimus not. 107; Simplic. Phys. f. 116 B sq. Μέλισσος μὲν γὰρ ἀπειρον εἰπὼν τὸ ὄν, καὶ ὅλον αὐτὸ φησὶν εἶναι. Παρμενίδης δὲ ὅλον λέγων αὐτὸ . . . καὶ πεπερασμένον εἰκότως φησὶν αὐτό.

(100) Vid. Aristot. de Coelo I, capp. 5, 6, 7. Cf. de X. Z. G. c. II, p. 941 C.

(101) Vs. 85 sq. Cf. Simplic. Phys. I, f. 7.

mus, apparebit Simplicium non significare, ens esse terminatum, sed immobile esse et constans et certis naturae suae legibus adstrictum. Concedatur tamen, eum ens πεπερασμένον statuisse, modo ne eodem sensu quo intellexit Aristoteles; ille poetica imagine adumbravit, quod hic subtili definitione expressit.

§ 11.

Non alienum hic videtur cum Parmenidis sententia contendere Melissum, quem Aristoteles dicit contra atque illum statuere, infinitum (τὸ ἄπειρον) esse totum; cuius auctoritate ducti plerique vulgo praedicarunt, alterum finitum statuisse universum, alterum infinitum. Melissi verba, in quae Aristotelis interpretatio quadrat, memoravit Simplicius¹⁰²; sunt autem haec: εἰ δὲ ἄπειρον (τὸ ἐόν), ἓν (i. e. ὅλον ἐστὶν)· εἰ γὰρ δύο εἴη, οὐκ ἂν δύναίτο ἄπειρα εἶναι, ἀλλ' ἔχοι ἂν πέρατα πρὸς ἀλλήλα· ἄπειρον δὲ τὸ ἐόν· οὐκ ἄρα πλείω τὰ ἐόντα· ἐν ἅρᾳ τὸ ἐόν. Si ens infinitum est, unum seu totum esse ait, quoniam quod infinitum est, nullis attingatur terminis; si vero terminis attingatur, non unum sed duo aut plura fore. In quibus Melissus secutus est vulgarem illam veterum notionem, ἄπειρον esse οὐ μὴδὲν ἔξω, πεπερασμένον contra δ' αἰεὶ πρὸς ἕτερόν τι περαίνει¹⁰³; quam vocabulorum definitionem Aristoteles, ut modo vidimus, immutavit¹⁰⁴. Ex his autem apparet, dis-

(102) Simplic. Phys. f. 22 B.

(103) Aristot. Phys. III, c. 4 et 6. Cf. quae notavi in Xenophan. p. 122 sq.

(104) Docet enim, id quod veteres infinitum appellabant, fini-

crimen, quod inter Parmenidis πεπερασμένον et Melissi ἄπειρον intersit, magis in verbo quam in re esse positum, quum ille τὸ πεπερασμένον parum definiverit, intelligat autem perfectum et omnibus numeris absolutum; hic ἄπειρον e communi significatione appellet id ultra quod nihil est, quodque totum est vi sua contentum: quocirca amborum sententiae fere inter se conveniunt.

Aristoteles autem, semel constituto hoc discrimine, propriam inde effingit utriusque rationem et sententiam. Ita in Metaphysicis ¹⁰⁵, Παρμενίδης, inquit, ἔοικε τοῦ κατὰ λόγον ἐνὸς ἄπτεσθαι, Μέλισσος δὲ τοῦ κατὰ τὴν ὕλην. διὸ καὶ ὁ μὲν πεπερασμένον, ὁ δὲ ἄπειρόν φησιν εἶναι αὐτό. Jam τὸ κατὰ τὴν ὕλην ἐν dicitur quasi materies in varias partes et formas distributa; τὸ κατὰ λόγον ἐν appellatur idem ac τὸ κατ' εἶδος ἐν, quod uniforme ac sui simile est, nec alteri subjectum, sed per se constans. Itaque alterum est infinitum, alterum suis finibus contentum; alterum est veluti materies, alterum ut forma ac species; ambo sic fere inter se differunt, ut mundus formatus a rudi indigestaque mole ¹⁰⁶. Hujusmodi

tum dici oportere; finitum autem non necesse esse alterius rei finibus attingi, sed ipsum suis terminis contineri. Cf. Aristot. de Xenoph. Zen. Gorg. c. IV, p. 944 A.

(105) Metaph. I, 5. p. 648 E.

(106) Aristot. Metaph. IV, 6. p. 678 H: λέγεται δὲ ἐν καὶ ὧν τὸ γένος ἐν, διαφέροντα ἅς ἀντικειμέναις διαφοραῖς, ... καὶ τρόπον δὴ τινα παραπλήσιον, ὥσπερ ἡ ὕλη μία. ἔτι δὲ ἐν λέγεται ὅσων ὁ λόγος ὁ τὸ τί ᾗν εἶναι λέγων ἀδιαίρετος πρὸς ἄλλον δηλοῦντα τί ᾗν εἶναι τὸ πρᾶγμα. deinde p. 697 E: ἀριθμῶ μὲν ἐν, ὧν ἡ ὕλη μία.

ergo discrimen inter Parmenidis et Melissi ens esse Aristoteles arbitratur, quem interpretes fere sequuntur¹⁰⁷. Quodsi solum eorum verba attendamus eaque ex Aristotelis interpretatione definiamus, possint profecto videri (εοικέναι, ut dicit) ita inter se differre; si vero sensum eorum quaeramus, istud discrimen, ut modo ostendimus, plane videtur tolli. Quod quo melius judicetur, consideremus brevi utriusque argumentationem; unde patebit, opinor, ambos, etsi verbis et disserendi ratione discrepent, sententia tamen inter se concinere.

Melissus ens infinitum esse demonstrat, quia est sempiternum, nec ortûs et interitûs terminis circumscriptum¹⁰⁸: ὅτε τοίνυν, inquit, οὐκ ἐγένετο, ἔστι τε καὶ ἀεὶ ἦν καὶ ἀεὶ ἔσται, καὶ ἀρχὴν οὐκ ἔχει οὐδὲ τελευτήν. — τὸ δὲ μήτε ἀρχὴν ἔχον μήτε τελευτήν ἀπειρον

εἶδει δὲ, ὧν ὁ λόγος εἷς. Idem Phys. I, 2, ἀπειρον dicit pertinere ad quantitatem (τὸ ποσόν), πεπερασμένον ad qualitatem (τὸ ποιόν). Ibid. III, 6, p. 278 extr. ἔστι τὸ ἀπειρον τῆς τοῦ μεγέθους τελειότητος ὕλη, καὶ τὸ δυνάμει ὅλον, ἐντελεχείᾳ δὲ οὐ, . . . καὶ οὐ περιέχει, ἀλλὰ περιέχεται κτλ.

(107) Alexander Aphrod. in Metaph. f. 10 A: »Melissum Aristoteles ait ad materiam spectasse; ac ideo ipsum ens infinitum posuisse; infinitio enim materiam attingit.» Jo. Philoponus Phys. I, Lit. A, f. 5 adv. μίαν μὲν οὖν καὶ πεπερασμένην καὶ ἀκίνητον καὶ ἀπειρον Παρμενίδης ἔλεγε καὶ Ξενοφάνης · μίαν δὲ καὶ ἀκίνητον καὶ ἀπειρον ὁ Μέλισσος περὶ τῶν αὐτῶν καὶ αὐτὸς διαλεγόμενος, πλὴν ὅτι οὗτος μὲν ἀπειρον ἔλεγε τὸ ἐν, οἱ δὲ περὶ Παρμενίδην πεπερασμένον · τοῦτο δὲ διὰ τὸ ἐκκεινὸς μὲν (τοὺς περὶ Παρμ.) εἰς τὴν ὀριστικὴν καὶ εἰδοποιὸν τῶν νοητῶν δύναμιν ἀπιδεῖν, τοῦτον δὲ εἰς τὴν ἀπειρίαν τῆς δυνάμεως.

(108) Melissus apud Simplicium Phys. f. 7 A, f. 22 B. Melissi hunc locum spectat Aristot. de X. Z. G. cap. II, p. 941 A: ἀπειρον γὰρ εἶναι φησὶν, εἰ ἔστι μὲν, μὴ γέγονε δέ · πέρατα γὰρ εἶναι τὴν τῆς γενέσεως ἀρχὴν τε καὶ τελευτήν.

τυγχάνει ὄν · ἄπειρον ἄρα τὸ εἶν. Idem docet Parmenides, quum ens ἀγένητον, ἀνώλεθρον, atque uno verbo ἀτέλεστον statuit. Parmenides ens ad sphaerae similitudinem informans ἴσον ac τετελεσμένον appellat; eodem valet quod Melissus ἐν et ὅμοιον dicit. Sic ex utriusque ratione, ut jam Simplicius ostendit ¹⁰⁹, ens non minus infinitum (ἄπειρον) quam finitum (πεπερασμένον) potest appellari; utrumque proprio sensu: ἄπειρον, quatenus aeternum est nec finem nec initium habet; πεπερασμένον quatenus est unum, totum et aequabile ¹¹⁰. Haec distinctio plerosque fefellit. Unde existimarunt quoque, Parmenidem, quum omnium consensu ens finitum statuerit, non potuisse idem ἀτελέστον sive ἀτελεύτητον vocare, sicut in ipsius versu legitur, quoniam hoc idem significet atque ἄπειρον, et τῷ πεπερασμένῳ sive τετελεσμένῳ contrarium sit. At eâdem ratione ne ἀγένητον quidem nec ἀνώλεθρον vocari posset, quoniam haec quoque ambo infiniti notione comprehenduntur ¹¹¹. At si varias horum verborum notiones juste distinguamus, difficultas ista facile videtur tolli.

(109) Vid. Simplic. Phys. f. 7 A.

(110) Hoc etiam sensu ἄπειρον dicitur ab Hermia, cit. supra § 7, n. 67. Omitto Epiphanium, adv. Haeres. III (T. II, Vol. I, p. 1087), dicentem: Παρμενίδης, ὁ τοῦ Πύρρητος Ἐλεάτης, καὶ αὐτὸς τὸ ἄπειρον ἔλεγεν ἀρχὴν τῶν πάντων. Ita confuse ac perverse ab eo veterum placita referuntur.

(111) Vid. Aristot. Phys. III, 4. p. 274 H. Pariter ipse Aristoteles esset reprehendendus, quum mundum πεπερασμένον dicit eundemque ἄπειρον, siquidem sit εἷς καὶ αὐδιος, ἀρχὴν μὲν καὶ τελευτὴν οὐκ ἔχων τοῦ παντὸς αἰῶνος, ἔχων δὲ καὶ περιέχων ἐν ἑαυτῷ τὸν ἄπειρον χρόνον. de Coelo II, init.

Aristoteles autem, ut paullo ante Parmenidem Melisso anteposuit, quod ille rectius definiverit τὸ ὅλον, sic ambos pariter reprehendit ut sibi ipsis repugnantibus. Nam, sive ἄπειρον τὸ ὄν sive πεπερασμένον dicas, in utroque hoc vocabulo inesse magnitudinis notionem; illos autem ens informare uniforme et individuum, in quod nulla quantitatis et magnitudinis notio conveniat ¹¹². At haec significatio τοῦ ἀπείρου et πεπερασμένου ab illis animadversa non fuit. Quum ens infinitum et perfectum praedicarent, non cogitarunt aliquam magnitudinem vel spatii ambitum; tantum significarunt, unum illud et aequabile esse suaeque natura absolutum.

Longe vero aliter seriores Platonici Parmenidis dicta interpretati sunt. Hi prouti τὸ ὅλον et συνεχές in eum sensum explicuerunt, ut idem simplex et varium, unum et multum significaret, similiter τὸ πεπερασμένον et σφαιροειδές intellexerunt perfectum quiddam et divinum, quod cuncta intelligibilium rerum genera unâ complexione contineret, in quo esset πάντων ἑνωσις καὶ περιοχὴ ἀληπτος, ut Proclus dicit ¹¹³. Eundem fere in modum a Simplicio videmus ens πεπερασμένον et τέλειον intelligi, ut omnium principium et finem, ἀρχὴν καὶ πέρας, ideoque perfectum et omnibus numeris completum ¹¹⁴. At haec interpretatio quam aliena sit a Parmenidis mente, qui ens ab

(112) Aristot. Phys. I, p. 254 G; 255 H. Cf. Simplic. in Phys. f. 27 AB.

(113) Procl. in Parmen. T. IV, p. 120. Cf. Annot. ad Parmen. vs. 41.

(114) Simplic. Phys. f. 7 A; 19 A. Tetigimus hoc etiam supra in explicando τὸ ἀδιαίρετον, § 9, n. 82.

omni multitudinis et varietatis notione segregavit, apertum est.

Alii denique e versu illo,

παντόθεν εὐκύκλου σφαίρης ἑναλίγκιον ὄγκῳ,

collegerunt, ens nihil aliud quam universum mundum significare, quem vulgo hac specie informabant veteres. Antiqua jam fuit haec interpretatio, et quo magis erat ad vulgarem sensum accommodata, eo facilius a vulgo interpretum recepta est¹¹⁵; merito autem improbata est jam ab Eudemo et deinde a Simplicio, qui animadverterunt, nec mundum dici posse unum et individuum, neque ens sphaeram vocari a Parmenide, sed sphaerae simile, qua imaginem ab oculis remotam proponeret et illustraret¹¹⁶.

§ 12.

Et sic quidem praecipuas notas, quibus Parmenides entis quasi speciem informavit, explicuimus. Unum adhuc argumentum restat, supra jam a nobis tactum, quod a multis tanquam gravissimum Par-

(115) Memoratur jam ab Eudemo, ut statim videbimus; deinde adscita est praeter alios ab Alexandro Aphrodisio, quem carpit Simplicius Phys. I, f. 9 A, et saepius; denique a plerisque placitorum narratoribus recepta et prodita, aliis κόσμον, aliis τὸ πᾶν appellantis, ut apparet e locis citatis supra n. 67.

(116) Simplic. Phys. I, f. 29 et 31 A, ubi dicit: οὐδὲ τῷ οὐρανῷ ἐφαρμόττει τὰ παρ' αὐτοῦ λεγόμενα, ὥς τινες ὑπολαμβάνειν ὁ Εὐδήμος φησὶν, ἀκούσαντας τοῦ παντόθεν εὐκύκλου — tum eodem folio B: εἰ δὲ εὐκύκλου σφαίρης ἑναλίγκιον ὄγκῳ τὸ ἐν ὄν φησὶ, μὴ θαυμάσης · διὰ γὰρ τήν ποιήσιν καὶ μυθολογικοῦ τινος παράπτεται πλάσματος. Cf. commentar. vs. 102.

menideae doctrinae placitum memoratum est. Audivimus Parmenidem non semel in carmine affirmantem, non ens nec dici nec cogitari posse; cogitare idem valere atque esse, atque hoc habendum veluti fundamentum, quo ipsa mens et cogitatio nitatur ¹¹⁷. Ex his dictis Platonici talem effinxerunt sententiam: Parmenidem ens dixisse ipsam mentem (τὸν νοῦν), et intellexisse naturam animatam, mente vigentem, universi principium et auctorem: quod placitum a Parmenide ductum deinceps etiam Platoni et Aristoteli probatum esse. Sic Plotinus, postquam Platonis sententiam explicuit, de Parmenide pergit ¹¹⁸:

ἤπτετο μὲν οὖν καὶ Παρμενίδης πρότερον τῆς τοιαύτης δόξης, καθόσον εἰς ταῦτ' ὅσον συνῆγεν ὃν καὶ νοῦν, καὶ τὸ ὄν οὐκ ἐν τοῖς αἰσθητοῖς ἐτίθετο,

— τὸ γὰρ αὐτὸ νοεῖν ἐστὶ τε καὶ εἶναι λέγων. Copiosius idem exponit Simplicius ¹¹⁹: Ἀριστοτέλης τὸν παρ' αὐτῷ νοῦν ἦτοι τὸ πρῶτον αἷτιον ἐν τι εἶναί Φησιν καὶ τὸ αὐτὸ νοῦν καὶ νοητὸν καὶ νόησιν, καὶ τοῦτο οὐ παρὰ Πλάτωνος μόνον, ἀλλὰ καὶ παρὰ Παρμενίδου λαβὰν λέγοντος:

ταῦτ' ὅν δ' ἐστὶ νοεῖν τε καὶ οὕνεκεν ἐστὶ νόημα·
οὐ γὰρ ἄνευ τοῦ ὄντος, ἐν ᾧ πεφασισμένον ἐστίν,
εὐρήσεις τὸ νοεῖν.

ένεκεν γὰρ τοῦ νοητοῦ (ταῦτ' ὅν δ' εἰπεῖν, τοῦ ὄντος) ἐστὶ τὸ νοεῖν, τέλος ὃν αὐτοῦ. Similiter alio loco de Parmenide

(117) Vid. vss. 39 sq. 41, 93-95.

(118) Plotinus, Ennead. V, 1, 8, p. 489 sq.

(119) Simplicius Phys. I, f. 19 A.

dicit ¹²⁰: τὸ ἐν ὧν ταῦτὸν εἶναι φησι νοεῖν τε καὶ νοητὸν καὶ νοῦν. Volunt ergo, Parmenidem ens informasse naturam cogitantem, et quidem talem in qua tum cogitandi fons seu principium (ὁ νοῦς), tum cogitandi actio (τὸ νοεῖν), tum denique cogitationis effectus et finis (τὸ νοητὸν) ita inter se constricta sint, ut tria haec unam constituent vim, quasi mentem in se conversam et sui contemplatione contentam.

Interpretatio haec quantopere a Parmenidis mente abhorreat, vix opus est exponere. Ille videlicet ens unum et simplex statuit, non autem variis formis et naturis concretum; quod placitum e Neoplatonicorum potissimum schola profectum hi temere Parmenidi affinxerunt. Neque Parmenidem ens finxisse cogitatione praeditum, cum ex ipsius dictis, tum etiam e Platonis et Aristotelis judiciis facile effici potest. Hi enim quum Eleaticorum rationes diligenter explorent et studiose repugnantia notent, istud profecto haud intactum omisissent, si ille ens immobile fecisset idemque cogitatione praeditum; quae ambo plane sibi repugnant. De hoc tamen nihil animadvertunt. Contra ea Plato Eleaticorum principem propter hoc ipsum tacite vituperat, quod ens immobile statuit atque adeo omni vita omnique animi et mentis actione privavit. Audiamus quae dicit in Sophista: » Quid tandem? inquit, num credamus, mehercule, id, quod revera est, motione et vita et anima et mente destitutum esse, nec vivere ipsum nec sapere, sed veluti sanctum quiddam et augustum, mentis expers,

(120) Ibid. f. 31 A.

immobile consistere?"¹²¹ Deinde probat, vita et anima et mente carere illud non posse, neque, si his praeditum sit, immobile esse posse, sed moveri. Haec dicta aperte Parmenidem spectant, quod ens ἀκίνητον finxit. Si Parmenides ens dixisset mentem aut mente praeditum, Plato non reprehendisset eum, quod illud mentis expers constare dicat; potius hoc redarguisset, quod idem cogitare statuatur, moveri neget, quae sibi sunt contraria.

Propiora vero sunt Parmenidis sententiae haec, quae Plato alibi ipsum cum Socrate facit loquentem. Interroganti Socrati, num ea, quae dicuntur rerum εἶδη, sint solum mentis notiones nec usquam alibi nisi in animis nostris reposita, ille haec respondet: » Quid vero? inquit, si εἶδη illa sint mentis et cogitationis species, nonne cogitatio debet esse alicujus cogitatio? si autem alicujus, nonne entis cogitatio est, et quidem unius cujusdam, quod per omnia diffusum mens unâ specie expressum comprehendit? Ergo νοούμενον hoc unum esse semper omnibus in rebus idem erit." ¹²² Haec et quae sequuntur quamquam Plato sua ratione explicuit, tamen concinunt fere cum Parmenidis placito, ens per omnia patere atque omni adeo cogitationi subesse, ut sine hoc ne dici quidem cogitarive quidquam omnino possit.

(121) Soph. p. 248 E: Ξένος. Τί δαὶ πρὸς Αἰός; ὡς ἀληθῶς κίνησιν καὶ ζωὴν καὶ ψυχὴν καὶ φρόνησιν ἧ ῥαδίως πεισθησόμεθα τῷ παντελῶς ὄντι μὴ παρεῖναι, μηδὲ ζῆν αὐτὸ μηδὲ φρονεῖν, ἀλλὰ σεμνὸν καὶ ἄγκιον νοῦν οὐκ ἔχον ἀκίνητον ἐστὼς εἶναι; — — Ἀλλὰ δῆτα νοῦν μὲν καὶ ζωὴν καὶ ψυχὴν (ἔχειν), ἀκίνητον μέντοι τὸ παράπαν, ἔμψυχον ὄν, ἐστάναι; Θεαίτητος. Πάντα ἔμοιγε ἄλογα ταῦτ' εἶναι φαίνεται.

(122) Parmen. p. 132 B.

§ 13.

Et hactenus quidem singula Parmenidis argumenta, quantum fieri potuit, accurate distincteque exposuimus. Jam deinceps omnem ejus argumentationem comprehendamus, ut, quis sit sensus ejus et significatio, quae veterum de eo judicia, cognoscamus.

Parmenides considerandam proposuit veritatem, puram illam, nullo fuko, nullis sensuum pigmentis deformatam, omni mortali concretionem liberam. Verum autem censuit illud quod constans nec fluxum sit, quod per omnia quae dicimus et cogitamus, omnia quae in naturae videntur, pateat, quodque sit fundamentum omnium, hoc est, esse sive ens. Hoc igitur ipsum per se ponit; esse demonstrat eo quod, hoc sublato, nulla omnino res esse queat et ad nihilum reducantur omnia. Deinde informat illud notis ex ipsius natura depromptis: docet nec genitum esse nec mortale neque mobile neque dividuum, sed unigenum, simplex, aeternum, continuum, totum, perfectum. Segregat ab eo quaecumque sunt fluxa, quaecumque tempore et spatio continentur, moventur, mutantur, adsignatque ei contraria. Denique uno hoc esse omnem veritatem contineri docet; contraria ista, fieri, occidere, variari, temere a mortalibus pro veris haberi. Quo fit, ut Parmenideum ens sit natura quaedam spectabili naturae paene contraria, notaeque, quibus illud informat, physicorum notionibus sint plane oppositae.

Hujusmodi ratio, ut rerum naturae et communi intelligentiae repugnans, non mirum si multas peperit controversias, multorumque excitavit mirationem. Itaque non modo singula ejus argumenta, ut supra vidimus, sed totam rationem impugnarunt, quaerentes, quale tandem et quid illud esset quod ens diceret. Unum quidem ens appellat et immobile, ceteraque; at hoc ipsum ens quid sit, quae vis ejus et natura, scire voluerunt. Quaestio obscurior, de qua magna jam diu fuit inter doctos contentio, ut ipsum jam Platonem audiamus dicentem, ἄκρου esse κολυμβητοῦ, reconditam Parmenidis mentem expiscari¹²³. Neque propria Parmenidis ista obscuritas, sed communis ei fuit cum aliis ejusdem aetatis, qui in rebus abstrusis contemplationem ponerent, ut Heraclito, Empedocle; de quibus omnibus Eleaten illum hospitem apud Platonem audimus querentem, quod, ceteros ut imperitum vulgus despicientes, utrum ipsi intelligantur ab iis necne, parum curaverint; satis habuerint, quae ipsis placerent, suâ ratione concludere: *λίαν τῶν πολλῶν ἡμῶν ὑπεριδόντες ὀλιγώρησαν· οὐδὲν γὰρ φροντίσαντες, εἴτ' ἐπακολουθοῦμεν αὐτοῖς λέγουσιν εἴτ' ἀπολειπόμεθα, περαίνουσι τὸ σφέτερον αὐτῶν ἕκαστοι*¹²⁴. Cognoscimus inde universe, quale Platonis de illis fuerit judicium; ut non miremur, eum decreta illorum potius Socratico more explorasse, quam certe definiteque explicuisse. Videamus ceteros.

(123) Plato Parmen.

(124) Plato Sophist. p. 243 A.

§ 14.

Aristoteles, in primo physicorum, veterum placita de naturae principiis enumerans, dicit alios complura, alios singula statuuisse principia; unum atque immobile Melissum et Parmenidem. Aristoteles igitur ens interpretari videtur naturae initium. Mox tamen fatetur eorum placita in naturam parum convenire ¹²⁵: nam principium, licet ipsum nec aliunde natum et per se constans et aeternum sit, esse tamen oportere alicujus principium, et movendi agendique vi praeditum esse: quorum neutrum in Parmenidis ente haberi, siquidem statuit illud unum et immobile:

οἷον ἀκίνητον τελέθειν τῷ παντὶ ὀνομ' εἶναι,
ut ipse dicit, sive ut vulgo, ἐν τὸ πᾶν: quocirca nec alterum adesse posse, cujus sit principium, nec ullam in ipso inesse movendi vim, qua ad efficiendum impellatur: ergo ens ne principium quidem, multo minus naturae principium posse haberi.

Aristoteles ut hoc loco, ita saepius, in quaerendo de rerum caussis, principiis et actionibus, utriusque,

(125) Aristot. Phys. I, 2. p. 253 sq. Ἀνάγκη ἦτοι μίαν εἶναι τὴν ἀρχὴν ἢ πλείους· καὶ εἰ μίαν, ἦτοι ἀκίνητον, ὥσπερ φησι Παρμενίδης καὶ Μέλισσος, ἢ κινουμένην, ὥσπερ οἱ φυσικοί τὸ μὲν οὖν εἰ ἐν καὶ ἀκίνητον τὸ ὄν σκοπεῖν, οὐ περὶ φύσεώς ἐστι σκοπεῖν οὐ γὰρ ἔτι ἀρχὴ ἐστίν, εἰ ἐν μόνον καὶ οὕτως ἐν ἐστίν· ἢ γὰρ ἀρχὴ τινὸς ἢ τινῶν. Similiter Metaph. I, 5. p. 648, de rerum initiis quaerens, illorum placita ab hac quaestione aliena censet: εἰς δέ τινες οὐ περὶ τοῦ παντός ὥς ἂν μιᾶς οὐσης φύσεως ἀπεφήναντο εἰς μὲν οὖν τὴν νῦν σκέψιν τῶν αἰτίων οὐδαμῶς συναρμόττει περὶ αὐτῶν ὁ λόγος.

Parmenidis et Melissi, placita notat ut naturae contraria; at quamvis fatetur, illa naturae legibus adversari, ad has tamen leges exigit et dijudicat. Sic in metaphysicis quaerens, quid sit movendi principium (τὸ ὅθεν ἡ ἀρχὴ τῆς κινήσεως), dicit ¹²⁶: ἔνιοι γε τῶν ἐν λέγοντων, ὥσπερ ἡττηθέντες ὑπὸ ταύτης τῆς ζητήσεως, τὸ ἐν ἀκίνητόν φασιν εἶναι καὶ τὴν φύσιν ὅλην, οὐ μόνον κατὰ γένεσιν καὶ φθοράν, — ἀλλὰ καὶ κατὰ τὴν ἄλλην μεταβολὴν πᾶσαν. quosdam, quum movendi principium a se inveniri posse desperarent, motum simpliciter sustulisse; itaque illorum, qui unum esse statuunt, neminem illud vidisse, excepto Parmenide, καὶ τούτῳ μὲν κατὰ τοσοῦτον, ὅσον οὐ μόνον ἓν, ἀλλὰ καὶ δύο πῶς τίθῃσιν αἰτίας εἶναι, quippe qui non modo unum esse statuatur, sed quodammodo etiam duo faciat rerum principia, alterum agens, alterum patiens. Quo spectat duplicem Parmenidis rationem, de ente et de rerum natura; quarum alteram ille veritati congruam, alteram sensuum visis probabilem dixit ¹²⁷; utramque tamen Aristoteles pariter ad naturam (τὴν φύσιν) refert. Clarius etiam iudicium suum exponit in libro de coelo ¹²⁸, dicens veteriores, qui de veritate philosophati sunt, ortum et interitum plane sustulisse: οὐδὲν γὰρ οὔτε γίγνεσθαι φασιν οὔτε φθείρεσθαι τῶν ὄντων, ἀλλὰ μόνον δοκεῖν ἡμῖν, οἷον οἱ περὶ Μέλισσόν τε καὶ Παρμενίδην. quos, etiamsi recte ratiocinentur, non tamen statuere congruenter natu-

(126) Aristot. Metaph. I, 3. p. 646 A.

(127) Vid. superius § 3, p. 145.

(128) De Coelo III, 1. p. 368 G; cf. Simplicii commentar. f. 138 A ed. Ald.

rae (οὐ φυσικῶς) : namque esse quidem ingenitum quiddam et immobile ; verum hanc quaestionem non naturalis sed divinae philosophiae esse, non physices, sed theologiae munus. Illi vero, inquit, διὰ τὸ μὴθὲν μὲν ἄλλο παρὰ τὴν τῶν αἰσθητῶν οὐσίαν ὑπολαμβάνειν εἶναι, τοιαύτας δέ τινας νοῆσαι πρῶτοι φύσεις, — εἴπερ ἔσται τις γνῶσις ἢ φρόνησις — οὕτω μετήνεγκαν ἐπὶ ταῦτα τοὺς ἐκεῖθεν λόγους. Quum nullam suspicarentur esse nisi spectabilium rerum essentiam, et tamen intelligerent esse oportere naturam quandam ingenitam et immobilem, nisi omnis scientia tollatur, ad illam transtulerunt notiones huic proprias, et mundi naturam finxerunt quasi aeternam et divinam.

Ex his quantum efficere possumus, Aristotelis iudicium huiusmodi est. Censet Parmenidem, sicut plerosque physicos, quaesivisse naturae principium, principium autem tale, quod esset constans certaue cognitione posset comprehendere. Quum vero generationis fluxaeque naturae certum ac stabile principium reperire non posset, statuisset universum unum esse et immobile; quae sensibus videantur, ad opinionem reduxisset, quod vero ratione intelligi possit, solum verum aestimasse. Hoc autem intellexisset substantiam (τὴν οὐσίαν) naturae adspectabilis, eamque informasse non quasi materiem e qua sint omnia, sed ut formam per se absolutam et perfectam: οὐ κατὰ τὴν ὕλην, ἀλλὰ κατὰ τὸν λόγον, ut alibi dicit ¹²⁹. Hinc intelligitur, cur Aristoteles Parmenidem et Melissum tam frequenter accuset, quod naturae substantiam

(129) Aristot. Metaph. I, 5. p. 648 E.

finxerint prorsus incongruam; siquidem talis illa esse debeat, quae tam motionis quam quietis particeps sit ¹³⁰. Incidisse autem eos in hunc errorem mentis quadam imbecillitate (ὥσπερ ἡττηθέντας ὑπὸ ταύτης τῆς ζητήσεως), quod videlicet caussam et principium motionis ac generationis reperire non possent: namque, ut dicit, τὸ μὲν οὖν πάντα ἡρεμεῖν, καὶ τούτου ζητεῖν λόγον ἀφέντας τὴν αἴσθησιν, ἀρρώστια τίς ἐστι διάνοιας ¹³¹; putare cuncta quiescere, et hujus rei rationem quaerere, mentis imbecillitas est. Ita factum esse, ut Parmenides et qui eum secuti sunt, adspectabilem mundum quasi transsilirent et, spretis sensibus, ad rationem cuncta referrent: ὑπερβάντες τὴν αἴσθησιν καὶ παριδόντες αὐτήν, ὡς τῷ λόγῳ δέον ἀκολουθεῖν, εἶναί φασι τὸ πᾶν ἐν καὶ ἀκίνητον — ¹³². Laudat quidem Parmenidem eo, quod viderit esse firmum quiddam et stabile, sed in hoc vituperat, quod illud ad naturam retulerit, opinatus videlicet, ejusdem esse disciplinae de universi natura et de ente quaerere ¹³³; quae disciplinae plane sint inter se diversae. Physicen enim esse quidem disciplinam, quae circum entia versatur, non vero principem disciplinarum, quam ille theologiam vocat, quae ens ipsum per se considerat: quas ambas illos non distinguentes in eum errorem incidisse, ut phy-

(130) Ibid. V, 1. p. 690.

(131) Phys. VIII, 3. p. 321 H.

(132) De Gener. et Corrupt. I, 8. p. 395 H.

(133) Ad Eleaticos praecipue spectant quae dicit Metaph. III, 3. p. 667 D: » De ente, inquit, ceterarum disciplinarum auctores non quaerunt, nisi τῶν φυσικῶν ἔνιοι, εἰκότως τοῦτο δρῶντες· μόνοι γὰρ ὄντο περὶ τῆς ὅλης φύσεως σκοπεῖν καὶ περὶ τοῦ ὄντος.

sica cum metaphysicis confunderent et ad naturam transferrent notiones supra naturam positas ¹³⁴.

Ejusmodi igitur est Aristotelis de Parmenidis ente iudicium. In quo hoc praesertim mirationem facit, quod ens interpretatur naturae principium, τὴν αἰσθητῶν οὐσίαν, quamquam nihil habeat cum sensibus commune, nihil naturae congruum, sed, ut ipse fatetur, sensibus sit plane repugnans. Affirmat tamen Aristoteles, veteriores illos nullam aliam nisi istam οὐσίαν intellexisse; eosque a mundi contemplatione in illud quasi regnum transsiliisse. At videntur contra potius a divinae naturae cognitione ad entis contemplationem esse delati. Nam qui primus de hoc quaesivit Xenophanes, ens dixit esse ipsum Deum, quo significaret, eum omni generatarum rerum fluxu esse immunem. Tamen huius quoque Deum Aristoteles universum sive mundum interpretatus est; falso, ut alibi ostendere studui ¹³⁵. Attamen non distinxit Parmenides essentiam primam seu divinam a naturali. Fatendum, Aristotelis hanc distinctionem cum universe veteribus tum Parmenidi quoque incognitam fuisse; e quo tamen non sequitur, ut ambo ista inter se confuderit; immo vero rebus naturalibus essentiam, hoc est, τὸ εἶναι, ne tribuit quidem; nasci ista dicit et interire et mutari, non autem esse; illa ad sensuum visa, hoc solum ad

(134) Ibidem E: ἔστι δὲ σοφία τις καὶ ἡ φυσική, ἀλλ' οὐ πρώτη (σοφία). ὅσα δὲ ἐγχειροῦσι τῶν λεγόντων τινὲς (nr. τῶν φυσικῶν) περὶ τῆς ἀληθείας (τοῦ ὄντος), ὃν τρόπον δεῖ ἀποδέχεσθαι, δι' ἀπαιδευσίαν τῶν ἀναλυτικῶν τοῦτο δρῶσι.

(135) In Xenophanis Rell. p. 95, 133 sq.

veritatem refert. Quamobrem illa Aristotelis interpretatio parum videtur probanda et magis ipsius quam Parmenidis rationi congruere. Nimirum Aristoteles cum ipse in veritate indaganda rerum causas et principia maxime consideraret, ad eandem rationem antiquiorum quoque sententias et placita exegit; hinc etiam ens Parmenidis summam rerum causam et naturae principium intellexit, quamquam fateri coactus, nullam in eo principii vim aut naturae notionem inesse.

§ 15.

Aristotelis auditor Theophrastus, quantum ex ejus fragmentis discimus, non commentatur Parmenidis sententiam, sed rationis ejus summam tantum refert, ut superius vidimus ¹³⁶. Deinde autem duplex potissimum invaluit doctorum interpretatio de illius sententia judicantium: altera eorum qui secundum decretum ἐν τὸ πᾶν, universum mundum unum a Parmenide statui crederent, aut rerum naturam et generationem omnem negari ¹³⁷. Quod decretum deinde a multis est derisum et exagitatum, quasi ille omnia quae oculis cernantur aut sustulisset aut ad unum ens reduxisset ¹³⁸. Isti vero ea, quae Parmenides de sensuum visis canit, aut ne norunt quidem, aut tanquam

(136) Vid. supra § 2, p. 143.

(137) Vid. supra § 11, p. 190. Cf. Aristocles ap. Euseb. Praep. XIV, 17.

(138) Veluti ab Hermia Irris. Gentil. s. 3; cf. supra p. 168, n. 67.

inanes vulgi opiniones ab eo referri putarunt ¹³⁹. Haec vulgaris fere fuit sententia.

Alii vero exstiterunt iique doctiores, qui Parmenidis sententiam vindicare studuerunt summisque eam extulerunt laudibus. Spernunt eos qui Parmenidem res terrenas tantum et spectabiles cogitasse putant; ipsum Aristotelem reprehendunt, quod Parmenidis mentem non intellexerit, aut certe excusant, quod non intelligere eam se simulaverit, non tam e suo iudicio quam e vulgi opinione disserentem ¹⁴⁰. Hi sunt potissimum seriores Platonici alique cum his consentientes, Plotinus, Plutarchus, Proclus, Simplicius. Docent isti, Parmenidem intelligibilem naturam (τὸ νοητὸν) ab opinabili (τοῦ δοξαστοῦ) accurate distinxisse, utrique suos constituisse fines suamque subjecisse materiem, sicut supra ostendimus. Ut δοξαστὸν ad res humanas, sic νοητὸν ad res divinas referunt ¹⁴¹, idque intelligunt summam rerum omnium causam, principium et finem a quo ducantur et quo referantur omnia. Hoc autem quale sit, quo melius intelligatur, Neo-platoniorum ratio paucis est adumbranda. Censuerunt hi, omnia quae sunt tam supra quam subter, tam divina quam humana, tam aeterna quam fragilia ab uno fluxisse principio unoque vinculo contineri; esse autem varios quasi naturarum orbes, intervallis distinctos et praestantiae gradibus

(139) Ut Colotes et Alexander, supra § 3, p. 144.

(140) Cf. Simpl. Phys. f. 19, 32 pr. de Coelo, III, f. 138.

(141) Vid. Plutarchus citatus § 3, n. 16. Jo. Grammaticus in Phys. I, lit. A, f. 5 adv.

diversos: infimum locum tenere materiem sive mundum spectabilem; hoc superiorem, quae spiritu et animo praedita sint, naturae vires, animas, daemones; supra illa esse ipsa intelligibilium rerum genera sive ideas; summum denique locum obtinere talem naturam, quae rerum genera et vires per universum patentes unâ complexione comprehendat. Haec autem ut a nobis mente discernuntur, sic naturâ quoque esse discreta. Summam illam naturam caussam dixerunt esse omnium, e quo tanquam fonte cuncta manasse, de puro illo et divino statu in deteriore conditionem dejecta, et ex intelligibili regione in humilem ac terrenam faecem demersa. Illud autem, ut fontem omnium, contraria continere rerum genera confusa inter se unâque vi constricta: esse unum idemque multa (ἐν πολλά), constans et mobile, initium naturae idemque naturâ suâ completum et perfectum; atque ut a nobis intelligentiâ comprehenditur, sic ipsum quoque mente praeditum esse, atque tale, in quo cogitandi principium (ὁ νοῦς), cogitandi actio (νόησις) et cogitandi finis (νοητόν) una vi inter se essent constricta. Hanc naturam τὸ παντελῶς ὄν atque eximie τὸ νοητὸν appellarunt. Ea igitur, quamquam est una ac tota, in plures tamen partes dividi potest: nam cernitur in eo et unum ens (ἐν ὄν) et multa (πλῆθος), et ambo ista contraria sibi et opposita tertio quodam tanquam communi vinculo colligantur, ut in eo tria haec cernantur: τὰ πολλὰ, quae sunt diversa rerum genera, τὸ ἓν, id quo ista inter se colligata sunt, τὸ ὄν per se sive μοναδικῶς ὄν, supremum quasi fastigium

et fons omnium. Jam vero hanc doctrinam illi Parmenidi attribuunt, ejusque sententias et verba saepe usurpant ad rationes suas confirmandas.

§ 16.

Primum quidem ajunt, ut diximus, Parmenidem ens statuuisse intelligibile, opinabilibus rebus oppositum; atque ut haec ad naturam et sensus pertineant, sic illud omni mortali concretione, omni sensuum contagione liberum esse, menti vero cognatum et sola mente comprehendendum ¹⁴². Ut autem mente comprehenditur, sic ipsi quoque mentem inesse quasi inhaerentem et arcte cum eo constrictam; unde intelligatur, si ens immobile a Parmenide appellatur, corporeo tantum motu vacare, non autem mentis motione, quae ipsi inest. Porro Parmenidis ens continere contraria rerum genera, ut sit unum simul et multa; quod si ille non clare expresserit, intelligi tamen ex ipsius verbis, quum alterum significetur vocabulis *έν, μονογενές, ἀδιαίρετόν*; alterum vocabulis *όλον et συνεχές*; quorum in illis unitatis, in his numeri et multitudinis notionem inesse. Hoc docet Proclus dicens ¹⁴³: *ώσπερ αὐτὸς ὁ θειότατος Πλάτων . . . οὕτω δὴ καὶ ὁ Παρμενίδης ἐκ τε τοῦ ἐνὸς ὄντος οἶδε τὸ πλῆθος τὸ νοητὸν προῖόν καὶ πρὸ τῶν πολλῶν ὄντων τὸ ὄν ἐν ἰδρυμένον, περὶ δὲ τὸ τῶν νοητῶν πλῆθος τὴν ἔνωσιν*

(142) Namque, dicit Proclus in Parm. IV, p. 115, *νοῦ γὰρ ἐστὶ τὸ ὄν θεωρεῖν, ἐπειδὴ καὶ τὸ πρῶτως ὄν τοῦ πρωτίστου νοῦ νοητόν ἐστιν.*

(143) Proclus in Parm. T. IV, p. 121 sq.

ἔχειν. Idemque iterum ¹⁴⁴: Παρμενίδης ἐν ἀποφαινόμενος τὸ ὄν καὶ τὸ πλῆθος αὐτῶν ὑφίστατο, καὶ οὐ τῶν αἰσθητῶν μόνον, — ταῦτα μὲν γὰρ ἐν τοῖς κατὰ δόξαν παραδέδωκε τὰ αἰσθητὰ προσαγορεύων, ὡς ἄλλος τις Πυθαγόρειος ὁ Τίμαιος, — ἀλλὰ καὶ τῶν νοητῶν ἐκεῖ γὰρ ὁ θεῖος ἀριθμὸς πάντων ἡνωμένων ἀλλήλοις. Similiter judicat Simplicius, dicens, Parmenidis ens individuum quidem esse, ut principium et finem omnium, idem vero, ex ipsius et ceterorum Eleaticorum mente, partes quoque habere ¹⁴⁵.

Itaque Parmenidis ens dixerunt summum omnium principium, mente praeditum, cuncta in se uno complectens, ut ipsorum verba explicabunt. Sic Plotinus ¹⁴⁶: Παρμενίδης . . . εἰς ταῦτὸν συνῆγεν ὄν καὶ νοῦν, καὶ τὸ ὄν οὐκ ἐν τοῖς αἰσθητοῖς ἐτίθετο,

τὸ γὰρ αὐτὸ νοεῖν ἐστὶ τε καὶ εἶναι

λέγων. καὶ ἀκίνητον δὴ λέγει τοῦτο, καίτοι προστιθεὶς τὸ νοεῖν, σωματικὴν πᾶσαν κίνησιν ἐξαιρῶν ἀπ' αὐτοῦ, ἵνα μένη ὡσαύτως· καὶ ὅγκῳ σφαιρίως ἀπεικάζων, ὅτι πάντα ἔχει περιειλημμένα, καὶ ὅτι τὸ νοεῖν οὐκ ἔξω, ἐν δὲ ἑαυτῷ. Proclus, docens entia cuncta ab uno ducta principio et cognata esse inter se, addit ¹⁴⁷: καὶ πρὸς ταύτην τὴν ἔνωσιν πάντων τῶν ὄντων ὁ Παρμενίδης ἀποβλέπων, ἐν τὸ πᾶν ἡξίου καλεῖν, κυριώτατα μὲν καὶ πρώτως πᾶν, ὃ καὶ ἡνῶται πρὸς τὸ ἐν, καὶ ἀπλῶς δὲ τὸ πᾶν · πάντα

(144) Ibid. p. 141.

(145) Simplicius Phys. f. 19 A: δέξαιντο ἄν, ἐν τάξει τινι τοῦ ὄντος καὶ μέρη ἔχειν.

(146) Plotinus Ennead. V, 1. 8, p. 489 sq. Ficin.

(147) Proclus in Parm. T. IV. p. 114; vocabula, κυριώτατα μὲν — ἀπλῶς δὲ, significant *eximio sensu* — *communi significatione*.

γὰρ καθόσον μετέχει τοῦ ἑνὸς ὄντος, τὰ αὐτά πως ἔστιν ἀλλήλοις. Cum his consentit Simplicius, qui postquam de Parmenidis ente multa disseruit, sic concludit ¹⁴⁸: λείπεται οὖν, τὸ νοητὸν πάντων αἴτιον, δι' ὃ (potius περὶ ὃ) καὶ ὁ νοῦς ἔστι καὶ τὸ νοεῖν, ἐν ᾧ πάντα κατὰ μίαν ἔνωσιν συνηρημένως προείληπται καὶ ἡνωμένως, τοῦτο εἶναι τὸ Παρμενίδειον ἐν ὄν, ἐν ᾧ μία Φύσις καὶ τοῦ ἑνὸς καὶ τοῦ ὄντος ἐστί. Similiter alibi ¹⁴⁹: εἰ γὰρ αἴτιον ἐκεῖνο πάντων, καὶ ἔστι πάντα πρὸ πάντων, δῆλον ὅτι προείληπται ἐν αὐτῷ τὰ πάντα, κατὰ μίαν ἔνωσιν περιεχόμενα τὴν τοῦ ἑνὸς ὄντος, δι' ἣν ἀμερίστως διακριθέντα ἕκαστον τὰ πάντα ἐστί. Hi igitur omnes conveniunt, Parmenidis ens esse summum universi principium, causam et fontem omnium, quod omnem naturae vim et variarum rerum genera uno vinculo teneat constricta.

Quum igitur tale sit, idem et individuum esse dixerunt et tamen in plures species posse dividi, sive, ut illorum verbo utar, ἀμερίστως μερίζεσθαι, h. e. discerni quidem posse varias in eo rerum species, nec tamen divelli et separari. Secundum Simplicium distinguuntur in eo tres entis species et quasi gradus; quorum τὸ μὲν ἄκρον ἀδιαιρέτως ἡνῶται — τὸ δὲ μέσον, εἰς συνοχὴν τὴν ἔνωσιν χαλάσαν, ὅλον γέγονε καὶ μέρη — τὸ δὲ τρίτον ἡνωμένως τὴν εἰδητικὴν διάκρισιν προβαλλόμενον

(148) Simplicius Phys. I, f. 31 A.

(149) Ibid. fol. 19 A; cf. f. 8 B: τὸ γὰρ ὄντως ὄν τὸ ἡνωμένον, ὃ καὶ ἀρχὴ καὶ αἰτία τῶν πολλῶν καὶ διακεκριμένων ἐστίν, οὐχ ὡς στοιχειῶδες, ἀλλ' ὡς προαγωγὸν ἐκείνων ἐν ἔλεγον. Pro προαγωγὸν reponendum Neoplatonicorum vocabulum παραγωγόν, quod similiter ut παράγεσθαι, παρακτικόν, illis frequens est.

πάντα μὲν ἐν ἑαυτῷ προέδειξε κατ' αἰτίαν, διὰ δὲ τὸ νοητὴν εἶναι τὴν διάκρισιν, πάντα τῇ τοῦ ἑνὸς ὄντος ἐνώσει κεκράτηται. ¹⁵⁰ i. e. primum horum est unum per se, nullo plane partium discrimine, quod etiam μοναδικὸν ὄν appellant; secundum est ens suis partibus constans, totum et integrum; tertium denique idem quod universum, diversa complectens rerum genera uno vinculo colligata. Similiter Proclus in Parmenidis ente agnoscit τάξιν τῶν ὄντων πρώτων καὶ μέσων καὶ τελευταίων, καὶ ἐνώσιν ἄφραστον αὐτῶν. Atque postremum hoc, τὸ ἐν ὄν, appellatur ab eo ἡ πηγὴ τοῦ ὄντος καὶ ἡ ἐστία, καὶ τὸ κρυφίως ὄν, ἀφ' οὗ τὰ ὄντα περιοχὴν καὶ ἐνώσιν ἔλαχε ¹⁵¹. de quo eodem alibi sic loquitur: ἀπάντων τῶν ὄντων...μία ἐξηρημένη καὶ ἀμέθεκτος αἰτία προϋφέστηκεν, ἄρρητος μὲν παντὶ λόγῳ καὶ ἄφραστος, ἄγνωστος δὲ πάσῃ γνώσει καὶ ἀληπτος ¹⁵². Hanc summam omnium causam, quae nec verbis exprimi nec cognitione comprehendi possit, τὸ ἐν Parmenidis intelligendum dicit. Eodem fere sensu Simplicius ¹⁵³: ὁ δὲ Παρμενίδης τὸ κατὰ τὰ αὐτὰ καὶ ὡσαύτως ἔχον αὐτοῦ (h. e. τοῦ ὄντος), καὶ πάσης μεταβολῆς, τάχα δὲ καὶ ἐνεργείας καὶ δυνάμεως ἐπέκεινα, θεασάμενος, ἀκίνητον αὐτὸ ἀνυμνεῖ καὶ μόνον, ὡς πάντων ἐξηρημένον.

Tali igitur natura Parmenideum ens sibi informantes, quid aliud eos intellexisse credimus, nisi divi-

(150) Simplicius, ibid. f. 19 AB.

(151) Proclus in Parmen. T. IV, p. 120. Pro verbis περιοχὴν καὶ ἐνώσιν vitiose editum est καὶ περὶ τὴν ἐνώσιν.

(152) Id. Theol. Platon. III, 7. p. 131 sq.

(153) Simplic. Phys. I. f. 7. A. Spectat autem Parmenidis vs. 97.

narum rerum summam, atque adeo ipsum summum Deum, universi caussam et auctorem? Neo-Platonici videlicet omnes illas aeternae naturae notas sive ideas, veluti τὸ ὅλον, τὸ ἀκίνητον, cetera, singulas singulos finxerunt Deos, et summam atque ultimam illarum summum quoque appellarunt Deum: unde etiam Parmenidis ens, notasque quibus illud informat, ad divinam naturam significandam retulerunt ¹⁵⁴. Itaque in hac adumbranda saepius Eleatae verba usurpant. Jamblichus, Deorum vim cum coelesti luce comparans, dicit ¹⁵⁵: τῶν θεῶν τὸ Φῶς ἐλλάμπει χωριστῶς, ἐν ἑαυτῷ τε μονίμως ἰδρυμένον, προχωρεῖ διὰ τῶν ὄντων ὅλως· καὶ μὴν τό γε Φῶς τὸ ὁρώμενον ἐν ἑστί, συνεχές, πανταχοῦ τὸ αὐτό, ὅλον. In quibus Eleaticae dictionis vestigia manifesto apparent. Clarius etiam Ammonius tam Timaei quam Parmenidis placita ad Deos refert ¹⁵⁶: ὡς ὁ Τιμαῖος ἡμᾶς... ἐδίδαξε, καὶ αὐτὸς ὁ Ἀριστοτέλης, .. καὶ πρὸ τούτων ὁ Παρμενίδης, οὐχ ὁ παρὰ Πλάτωνα μόνον, ἀλλὰ καὶ ἐν τοῖς οἰκείοις ἔπεσιν, οὐδὲν ἑστί παρὰ τοῖς θεοῖς οὔτε παρεληλυθός οὔτε μέλλον· — τὰ δὲ τοιαῦτα τοῖς ὄντως οὔσι καὶ μεταβολὴν οὐδὲ κατ' ἐπίνοιαν ἐνδεχομένοις προσαρμόττειν ἀμήχανον· — ἀλλὰ πάντα παρ' αὐτοῖς ἐν ἐνὶ τῷ νῦν ἑστὶ τῷ αἰῶνι ἰδρυμένα. Apparet τὰ ὄντως ὄντα eadem atque θεοὺς appellari ab Ammonio, sicut universe a Platoniciis. Similiter Proclus de rebus divinis

(154) Testem afferre sufficiat Proclum, in Commentario in Parmenidem, edit. Cousin.

(155) Jamblich. de Myster. Aegypt. Sect. I, cap. 9. Gale.

(156) Ammonius Herm. in Aristot. de Interpr. p. 38, 3 sq. citatus Brandis. p. 141. Spectat Parmenidis vss. 60, 74 sq. ubi cf. commentar.

loquens ¹⁵⁷: ἐστὶ δὲ, inquit, οὐ πᾶν τὸ τῶν θεῶν γένος ὀνομαστόν · ὁ μὲν γὰρ ἐπέκεινα τῶν ὅλων (θεὸς) ὅτι ἄρρητος, καὶ ὁ Παρμενίδης ἡμᾶς ὑπέμνησεν · οὔτε γὰρ ὄνομα αὐτοῦ, φησὶν, οὔτε λόγος ἐστὶν οὐδεὶς. Summo ente summum Deum a Parmenide intelligi dicit; miro autem errore ad entis speciem transfert, quod Parmenides et Plato non-enti tribuunt, illud nec verbis significari nec cogitatione comprehendi posse ¹⁵⁸. Sed Neo-platonico homini istiusmodi interpretandi licentia facile condonanda. Cum illorum autem iudicio plures, ut Stobaeus, Boëthius, seriores item, consentiunt, Parmenidem ente nihil aliud quam summum Deum intellexisse affirmantes ¹⁵⁹. Licet autem faten-

(157) Proclus in Plat. Cratyl. p. 36; ubi vitiose editum est ὀνόματα, et φύσιν (pro φησὶν).

(158) Vid. superius vs. 39 sq. 63 sq.

(159) Stobaeus Eccl. Phys. I, p. 60: Θεὸν ἀπεφήνατο Παρμενίδης τὸ ἀκίνητον καὶ πεπερασμένον σφαιροειδές. Boëthius, Consol. Phil. III, extr. » Ea est enim divinae forma substantiae, ut neque in externa dilabatur nec in se externum aliquid ipsa suscipiat, sed, sicut de ea Parmenides » ait, παντόθεν ἐνύκλου κτλ.” Etiam Aristotelem sive quisquis fuerit auctor libri de X. Z. et G. eo sensu ens intellexisse, jam olim Gassendus Opp. T. I, p. 135, et nuper Brandisius effecere ex his, quae leguntur ibi cap. IV, p. 943 sq. Τί κωλύει πεπεράνθαι καὶ ἔχειν πέρατα ἐν ὄντι τὸν Θεόν; ὥς καὶ ὁ Παρμενίδης λέγει, ἐν ὄντι εἶναι αὐτὸν, παντόθεν ἐνύκλου σφαίρης κτλ. Priora verba, τί κωλύει πεπεράνθαι . . . τὸν Θεόν; spectant Xenophanem, qui ens dixit Deum, eumque infinitum; cui opponit Parmenidem, qui ens finitum appellavit. Apparet, Aristotelem hīc magis de entis forma quam de ejus significatione loqui; quocirca non mirum si hac in re utriusque sententiae discrimen non notavit. Quis vero praestet, αὐτὸν non esse delendum, vel in αὐτὸ mutandum, quod ad τὸ ὄν referatur? Quamobrem hic locus mihi parum valere videtur, ad Aristotelis iudicium cognoscendum; praesertim quum alibi nunquam Parmenidis ens Deum appellet, sicut ens Xenophanis.

dum sit, plura Parmenidis dicta de ente in divinam naturam optime congruere, cavendum tamen, ne illius placita ad alienam rationem accommodemus notionesve ei attribuamus ab ipsius mente alienas.

Quodsi illorum iudicium ad Parmenidis sententias et verba exigamus, quid inter utrosque intersit, quid conveniat, facile apparebit. Sunt omnino in his quaedam Parmenidis, at non omnia. Platonici videlicet Parmenidis placita de veritate, cum Platonis doctrina de ideis, et Aristotelis ratione de rerum principiis causisque, ita confuderunt, ut hinc nova plane ratio nasceretur, quae quamquam auctoris Parmenidis vestigia quaedam referret, tamen colore et figura prorsus ab illo esset diversa. Parmenides ens simplex per se ponit, nulla partium concretione, nulla generum diversitate; illi ens unum et multa appellant, simplex idem et varium. Parmenides, ente sublato, negat cogitari quidquam posse, sed illud esse omnis cogitationis fundamentum; Platonici esse et cogitare ambo ita constrinxere, ut inde naturam effinxerint mente vigentem, cogitatione praeditam. Ille ens dicit vacuum omni motu, et constans naturâ; hi movendi principium faciunt. Ille in ente veritatem ponit; hi initium rerum omnium, causam universi, summum Deum praedicant. Ille ens a rerum natura plane secernit; hi ens dicunt fontem et originem, a qua omnia tam supra quam subter manaverint. Denique, ut uno verbo complectar, Parmenides statuit simplex ens sive τὸ ἀπλῶς ὄν, Platonici ens perfectum sive τὸ παντελῶς ὄν, h. e. tale in quo sit una τῶν ὄντων

πάντων complexio. Ex his judicari potest, quantum inter utramque rationem intersit. Quibus vero machinis Platonici usi sint, ut Parmenidis dicta ad suam mentem et sententiam detorquerent, in singulis illius argumentis et notionibus explicandis supra ostendimus.

§ 17.

Jam praecipua, quae accepimus, veterum interpretum judicia de Parmenidis ente percurramus. * Quodsi jam quaerimus, quod dudum indagamus, quae et qualis natura eo significetur, magis profecto, quid non sit, quam quid sit ens Parmenideum, didicisse

(*) Seriorum sententias de eo et judicia ordine exponere longum foret; obvia sunt omnibus et ab antiquorum fere interpretum testimoniis pendent. Silentio tamen praeterire non possum judicium Jo. Theod. van der Kemp, in Parmenide, libro vulgo minus noto, qui talem illius philosophiam describit: »Naturalis, inquit, Parmenidis philosophia in binas partes fuit divisa, quarum alteram sensuum indagini subjectam, alteram puro intellectui dicatam fuisse, vulgo agnitum est. Deinde, ut in parte philosophiae sensuali binis utebatur principiis, igne et terra, similiter, dicit, philosophiae ejus pars sublimior binis constabat capitibus, in quorum uno de ente, altero de non-ente, tanquam principiis τοῦ παντός, specie quidem et voce, numero vero minime discretis, Parmenides disserebat. Et voce ὄντος intellexisse eum videri unum supremumque Deum, μὴ ὄντος nomine universarum rerum omni forma et qualitate exutam materiem designavisse, et hanc nihil appellasse. Ambo autem haec ita conjunxisse, ut nec infinitum utriusque discrimen tolleretur, neque orbis quasi imperium Deum inter materiemque divideret." Vid. praesertim p. 411 sqq. Ratio haec, in quam perversa interpretatione loci Aristotelis Metaph. I, 5, (de quo inferius § 19, n. 9) ductus est, partim e Platonis Parmenide partim e seriorum interpretationibus conflata, quam parum Parmenidis rationi congruat, non opus est moneri.

nobis videmur. Illud tamen didicimus, ut caveamus, ne senioris aetatis notiones cum illius ratione confundamus, sed ex ipsius potius verbis et placitis studeamus mentem ejus cognoscere.

Parmenides igitur in carminis exordio considerandam sibi proponit non mundi naturam, non principia rerum, non causam universi, sed solam veritatem; verum autem censuit esse, i. e. notionem a sensibus remotam, ex ipsa animi conscientia ductam; idque quale sit describere aggressus est, notis non extrinsecus petitis, sed ex ipsa rei natura deductis: detraxit ab eo quaecumque cum sensibus et rerum natura aliquam haberent communionem, adjunxit quae simplici ac stabili naturae viderentur congruere. Hanc autem speciem in mente repositam, velut naturam per se constantem expressit et formavit. Parmenidi hanc philosophandi viam monstraverat Xenophanes. Hic esse statuerat Deum, Deique naturam in essentia praesertim posuerat; ille, omissa Dei notione, esse sive ens ipsum per se consideravit, eamque notionem mente comprehensam quasi mundum quendam expressit ad spectabili mundo oppositum. Haec est summa Parmenideae sententiae, ad quam praecipuae ejus argumentationes referuntur: quam si merito aestimare velimus, dubium videtur utrum laudanda magis sit an reprehendenda. Namque esse demonstrando opposuit se iis qui fluere et mutari omnia docerent, dubitationis nebulam, quam isti rebus omnibus obducerent, disjecit, ac veritatis fundamentum posuit tale, quo sublato consistere et remanere nihil possit. Praecla-

rum sane illud meritoque laudandum. Idem vero in contemplanda illa specie unice intentus, ejusque magnificentia quasi abreptus, multis in rebus lapsus est. Ens finxit naturam per se constantem, a rerum natura prorsus secretam: ita vero illud, cujus communionem res omnes contineantur, et quo tanquam fundamento rerum veritas nitatur, esse dico, a rebus ipsis separavit: atque ut Xenophanes Deum a mundo segregaverat, sic Parmenides, ut cum Platone loquar, universum ab universo divellit ¹⁶⁰. Deinde ens, ut unum et simplex, simplici specie exprimere conatus est; sed in eo describendo notiones admiscuit concretas et a simplici illa natura alienas, ut totum, continuum, finitum, quae quidem non modo unum significant, sed simul multa conducunt, ut Plato et Aristoteles ostenderunt ¹⁶¹. Porro solum omnino esse verum statuit, quod autem non est, falsum ac nihil omnino. E quo sequatur, ut omnia quaecumque non esse dicantur nec simplici hac notione contineantur, veluti nasci, interire, fluere, variari, falsa sint et ad nihilum reducantur. Distinxit quidem ille opinabilia a veris, et utrisque suam tribuit dignitatem, at non, quid fecerit, sed quid consequens sit, quaerimus. Ita autem veritas augustis sane terminis coarctetur! Quid? si unum et simplex esse verum habeatur, necesse sit, omnis notionum conjunctio tollatur, nec ullae revera praedicari possint qualitates quae enti attribuantur, ipsum adeo ens quale

(160) Vid. infra, not. 169.

(161) Vid. supra, § 8 et 10, p. 171, 182.

sit, dici nequeat, et prorsus ad nihilum sive non ens reducatur.

Ob has aliasque rationes Parmenidis placita acriter refutata sunt a Platone et Aristotele, qui ostenderunt ens non esse unum, sed multiplex, nec per se constare, sed aliis cum rebus esse conjunctum. Id vero nondum viderat Parmenides. Ille videlicet ens ipsum per se considerans, non rerum naturaeque veritatem, sed ipsum verum, simplex et uniforme, anquirere voluit, non autem animadvertit, se pro veritate inanem speciem, ac revera, ut ajunt, nubem pro Junone esse amplexum.

Quum autem talem finxerit summam illam quam mente conceperat naturam, quaeritur, num ἄθεος sit habendus Parmenides? Fuerunt qui eum hac culpa criminarentur, quod ens unum videlicet verum et aeternum praedicans, Deum tolleret; contra alii ens ipsum Deum a Parmenide, si non appellari, intelligi tamen censuerunt ¹⁶². In qua quaestione dijudicanda ne imitemur eorum prudentiam, qui tantas lites se

(162) Harum sententiarum priorem sequitur Bayle Dict. in *Xenoph.* Posterior sententia placuit Gassendo Opp. T. I. p. 135 et 234, qui Parmenideum ens non physice sed thelogice interpretandum censet; praecipue vero acrem patronum nacta est Cudworthium Syst. Intell. p. 592—599, qui manifestum esse contendit, unum summum potentissimum Deum a Parmenide cultum esse. Ejus argumentatio quamvis docta tamen parum probabilis est, utpote non ipsorum fontium cognitione sed seriorum fere interpretum testimoniis nixa. Cf. Wolfius ad Origen. Philos. cap. XI. p. 890, et Moshemius ad Cuthworth. p. 599 sq.

componere nolle dictitantes, rem in integro relinquunt, attendamus potius ea quae ipsius Parmenidis versus significant. Nusquam ille ens Dei nomine appellat; immo vero in exordio Deum fingit haec explicantem, et tam veritatis cognitionem quam opinionum visa sibi aperientem; eundemque per totum deinceps carmen loquentem facit. E quo apparet profecto, Parmenidem neque ens idem dixisse ac Deum, neque vero divinam naturam sustulisse. Qualis autem sit Deus, non accurate explorasse videtur, sed poëtice tantum significasse, praesertim in iis, quae de rerum natura canit ¹⁶³; eadem fortasse usus vel prudentia vel modestia, qua Melissus, qui de Diis disserendum non censuit, obscuram de illis dicens esse cognitionem ¹⁶⁴.

§ 18.

Quum talis sit Parmenidis ratio, non miretur quis, eam a multis reprehensam esse, ab Aristotele adeo eristicam vocari; potius mirandum videatur, cur a summis philosophis, praesertim a Platone, tantis ille elatus sit laudibus, ut vulgo Platonicae doctrinae parens et idearum auctor celebratus sit.

Nimirum Parmenides, licet in peragrandō avio Musarum campo a via deflexerit, praeclarum tamen

(163) Quod jam animadversum est a Moshemio l.l. quamquam in explicando, qualis sit ille Deus, peccat. Van der Kemp, ut facile expectes, hanc opinionem ut impiam a Parmenide repellit, p. 414 not.

(164) Vid. Diogenes L. IX, 24.

opus est aggressus. Nam cum plerique suae aetatis, in verum anquirendo, incertis in rebus quasi fluctuarent, ille verum non in fluxa natura collocatum nec sensibus obnoxium esse docuit; secrevit veritatem ab opinionum visis, eamque terrena faece liberatam in mundum intelligibilem extulit. Sic quidem indicavit regionem quo tendendum sit philosopho, et quo optimus quisque tetendit. Philosophus enim, ut ait Plato ¹⁶⁵, versatur in lucido veritatis campo, quem intueri vulgaris acies non valet, in entis specie (τῇ τοῦ ὄντος ἰδέα) contemplanda semper mente intentus. Non quid videatur, sed quid sit, non quae sensibus appareant, sed quae mente et ratione comprehendantur, indagare philosophi munus est.

Quum autem philosophia quod certum et constans sit indaget, prae ceteris disciplinis eo potissimum excellit, quod illae proficiscuntur a principiis quibusdam quae postulatur quidem, sed an vera sint, non quaeritur; haec vero ipsa rerum principia anquirat. Velut physice, ut exemplo utar, corporum naturas actiones et affectiones investigans, ipsum hoc, esse naturam, esse naturales quosdam motus ponit; credit, quia sensibus ita videtur, licet ratione non habeat perspectum. Philosophia vero hoc ipsum, motus sitne revera an videatur tantum, anquirat. Itaque inter philosophiam et ceteras disciplinas hoc praesertim discrimen ponitur a veteribus, quod hae hypothesebus tanquam fundamentis nitantur; illa vero ad τὸ ἀνυποθετὸν tendat, nihil aliunde petat, sed totum opus quasi a solo ex-

(165) Plato Soph. p. 254 A.

citet ¹⁶⁶. Huiusmodi autem est principium a Parmenide constitutum, ens, quod non sensibus quidem percipitur, sed ipsa animi conscientia et ratione agnoscitur tanquam principium omnium, quo sublato, nihil amplius constare possit ¹⁶⁷.

Haec de Parmenidis argumento. Quod autem ad quaerendi viam sive methodum spectat, philosophia ad veri cognitionem utitur praesertim cernendi arte (*τῷ κρίνειν*), qua ea quae sunt, ab iis quae videntur, verum ab opinabili, unum a multis, denique contraria a contrariis secernit, quod dialectices munus est. Hanc autem viam in entis notione exploranda maxime secutus est Parmenides. Esse demonstrato, contrarium non esse ab hoc secernit, et tanquam falsum refutat; deinde secernit ab eo repugnantia ista, nasci, interire, mutari, ut simplici naturae aliena; secernit motionem et partium divisionem, quippe quae ab una et simplici natura abhorreant. Quibus omnibus exploratis, absolutam et perfectam entis speciem exprimere studuit. Itaque distinguendo et cernendo praesertim Parmenides ad veri contemplationem tetendit, eamque in primis ingressus est viam quae ad diligentio-rem rerum cognitionem maxime ducit. Sed praeterea alterum

(166) Plato Soph. p. 254 B. Van Heusde Initia phil. Platon. II, 2, p. 73. Seneca Epist. I, 88, ubi geometria et philosophia inter se conferuntur.

(167) Aristot. Metaph. IV, 1, 3. p. 665, 667.

est huic oppositum, quod jungendo et copulando cernitur, quoniam non solum oportet diversa a diversis discerni, sed etiam varia inter se conjungi et comparari: utrâque demum ratione completum est dialectices munus, sicut ostendit Eleates ille apud Platonem, dicens ¹⁶⁸: Τὸ κατὰ γένη διαιρεῖσθαι, καὶ μήτε ταῦτὸν εἶδος ἕτερον ἡγήσασθαι μήτε ἕτερον ὃν ταῦτὸν, μᾶν οὐ τῆς διαλεκτικῆς Φήσομεν ἐπιστήμης εἶναι; — Οὐκοῦν ὃ γε τοῦτο δυνατὸς δρᾶν, μίαν ἰδέαν διὰ πολλῶν, ἐνὸς ἐκάστου κειμένου χωρὶς, πάντα διατεταμένην ἱκανῶς διαισθάνεται, καὶ πολλὰς ἑτέρας ἀλληλῶν ὑπὸ μιᾶς ἔξωθεν περιεχομένας, καὶ μίαν αὖ δι' ὅλων πολλῶν ἐν ἐνὶ ξυνημένῃ, καὶ πολλὰς χωρὶς πάντα διωρισμένας · τοῦτο δ' ἔστιν, ἧ τε κοινωνεῖν ἕκαστα δύναται καὶ ὅπη μή, διακρίνειν κατὰ γένος ἐπίσταςθαι. *Res in genera dividere nec easdem species pro diversis, nec diversas pro iisdem putare, nonne dialectices munus esse dicamus? — Ergo qui hoc facere sciat, agnoscet probe unam speciem per multa, eaque separata inter se, penitus pertinentem, et multas item species inter se diversas una quadam forma extrinsecus comprehensas, et unam rursus e totis multis conflata, et multas prorsus inter se discretas; hoc autem est, singula, qua congruere possint qua non congruere, discernere generatim nosse.* Hoc autem, quod dialectices munus est, ille nulli alii tribuendum censet πλὴν τῷ καθαρῶς τε καὶ δικαίως φιλοσοφοῦντι. Itaque dialectice duobus his potissimum cernitur, discernendo et conjungendo, quarum rationum illam

(168) Platon Soph. p. 253 D.

studiose usurpavit Parmenides, hanc fere omisit: cujus exemplum sequentes Eleatici imitati subtiliter quidem singula discernere instituerunt, sed hac distinguendi subtilitate eo pervenere, ut omnia quasi dissecarent, integrum nihil relinquerent, atque adeo universum ab universo divellerent ¹⁶⁹.

Parmenides a multis idearum parens creditus et celebratus est. Et sane philosophia ejus continet initia, e quibus idearum doctrina excrevit. Etenim ens ipsum per se suaque forma effingens, exemplum proposuit, ad cujus similitudinem ideae exprimerentur. Attamen idearum doctrinam Parmenides tantum inchoavit, auxerunt eam et perfecerunt Socratici, praecipue Plato. Ille ipsum τὸ ὄν tantum consideravit, et quasi formam veritatis adumbravit. Hi autem quid sit τὸ ὄν, in quo posita sit veritas, quaesiverunt; ut Euclides, sapientiae et honestatis praestantiam a Socrate edoctus, in his ipsis ens posuit, sapientiam vel honestatem unum esse dicens a ceteris rebus secretum, idque divinum ipsumque Deum praedicat; quae autem contraria his, non esse dicit ¹⁷⁰. Ita hic Parmenidis placitum Socratica ratione auxit et quasi corroboravit. Maxime vero explicuit et illustravit Plato, qui Parmenidis exemplo verum appel-

(169) In quod congruunt Platonis verba Soph. p. 259 D: καὶ γάρ, ὁ γὰρ θεός, τό γε πᾶν ἀπὸ παντὸς ἐπιχειρεῖν ἀποχωρίζειν . . . ἀμούσου τινός καὶ ἀφιλοσόφου.

(170) Diogenes L. II, 106 sq. F. Deyks de Megaricorum doctr. (Bonn. 1827) p. 26 sq.

lans id quod per se est, retulit hoc ad res aeternas et divinas, non autem unum esse dixit, ut Parmenides, neque unam honestatem vel sapientiam esse, ut Euclides, sed in plura genera divisit et varias effinxit formas, ut pulcrum, sanctum, bonum; easque formas quamquam humana et terrena contagione immunes diceret, non tamen a mundo divellit plane ac segregavit, sed exemplaria esse censuit eorum quae in rerum natura et in hominum actionibus et officiis obscura et confusa videantur ¹⁷¹. Ita demum effectae sunt ideae perfectae rerum species et exempla, quibus intuendis et imitandis ad veram sapientiam et honestatem contendere philosophum oporteat.

(171) Vid. van Heusde *Initia Phil. Plat.* II, 3. p. 54 sq.

§ 19.

DE OPINIONUM VISIS.

Jam veritatis doctrina explicata, deinceps, duce Parmenide, opinionum visa seu placita ejus de mundi origine et rerum natura enarrabimus.

Conveniunt omnes, et ipsius versus testantur, duo et contraria Parmenidem fecisse generatarum rerum principia, quae vulgo calidum et frigidum sive ignis et terra appellantur. Aristoteles: Παρμενίδης, inquit, θερμὸν καὶ ψυχρὸν ἀρχὰς ποιεῖ, ταῦτα δὲ προσαγορεύει πῦρ καὶ γῆν¹. Idem alio loco: δύο τὰς αἰτίας καὶ δύο τὰς ἀρχὰς τίθησι..., θερμὸν καὶ ψυχρόν, οἷον πῦρ καὶ γῆν λέγων· τούτων δὲ τὸ μὲν κατὰ τὸ ὄν (τὸ θερμὸν) τάττει, θάτερον δὲ κατὰ τὸ μὴ ὄν². Ut postrema verba nunc omittamus, de quibus mox erit dicendum, comparatis inter se his locis, apparet ab Aristotele dici, Parmenidem duo principia posuisse calidum et frigidum, quibus ignem et terram significari. Iisdem vocabulis designant Theophrastus et ceteri plerique³; alii vero lucidum et opacum

(1) Aristoteles Phys. I, 5. T. I. p. 257 G.

(2) Idem Metaph. I, 5. T. II, p. 648 F. Cf. mox not. 7.

(3) Theophr. apud Alexandr. Aphrod. n Arist. XII libros de Prim. philos. sive Metaph. intp. Sepulv. f. 7 A (ad L. I, 3. p. 646 B.): »Ex opinione vulgi rerum apparentium duo principia facit, ignem et »terram, alterum ut materiem, alteram ut causam et efficiens.» Joannes Philoponus citatus supra, p. 147, n. 19; Diogenes Laërt. Theophrastum secutus, IX, s. 21: δύο τε εἶναι στοιχεῖα, πῦρ καὶ γῆν· καὶ τὸ μὲν δημιουργοῦ τάξιν ἔχειν, τὴν δὲ ὕλης. Item Origenes

vocant, ut Plutarchus de Parmenide loquens ⁴: στοι-
χεῖα μεγνύς τὸ λαμπρὸν καὶ σκοτεινόν, ἐκ τούτων τὰ
Φαινόμενα πάντα καὶ διὰ τούτων ἀποτελεῖ. Et hoc qui-
dem accuratius; ipse Parmenides in carmine ambo
illa principia lucem et noctem appellat; quas na-
turas deinde ita informat: alteram calidam, te-
nuem, levem; alteram frigidam, densam, gra-
vem ⁵. Unde intelligitur, Parmenidem non proprie
terram et ignem, sed aetheriam et terrenam mate-
riem intellexisse, quam ipse lucem et noctem, seriores
magis usitatis vocabulis ignem et terram vel calidum
et frigidum appellarunt ⁶.

Philos. XI: οὐδὲ αὐτὸς ἐκφεύγων τὴν τῶν πολλῶν δόξαν, πῦρ λέγων
καὶ γῆν τὰς τοῦ παντός ἀρχάς, τὴν μὲν γῆν ὡς ὕλην, τὸ δὲ πῦρ ὡς
αἷτιον καὶ ποιοῦν. alii, quos passim citabimus.

(4) Plutarch. adv. Colot. p. 1114 (Vol. X, p. 583 R.) Cf. Alexand.
Aphrod. apud Simplic. Phys. f. 9 A: ἀρχὰς τῶν γενομένων ὑπέθετο
πῦρ καὶ γῆν, τὴν μὲν γῆν ὡς ὕλην ὑποτιθεῖς, τὸ δὲ πῦρ ὡς
ποιητικὸν αἷτιον. καὶ ὀνομάζει, φησί, τὸ μὲν πῦρ φῶς, τὴν δὲ γῆν
σκότος. Similiter Simplicius ipse Phys. f. 6 B, inter eos, qui plura
naturae elementa statuunt, Parmenidem memorans, dicit eum ἐν τοῖς
πρὸς δόξαν principia statuuisse πῦρ καὶ γῆν, μᾶλλον δὲ φῶς καὶ
σκότος. Quamquam idem in interpretandis Parmenidis versibus ple-
rumque varias illas appellationes confundit, ut Phys. f. 7 B: τῶν μὲν
γεννητῶν ἀρχὰς καὶ αὐτὸς στοιχειώδεις μὲν τὴν πρώτην ἀντίθεσιν
ἔθετο, ἣν φῶς καλεῖ καὶ σκότος, πῦρ καὶ γῆν, ἣ πυκνὸν καὶ
ἀραιόν, ἣ ταῦτὸν καὶ ἕτερον, λέγων κτλ. (Cf. commentar. in
vs. 117). Ibid. f. 39 A: οὗτος ἐν τοῖς πρὸς δόξαν τὸ θερμὸν καὶ τὸ
ψυχρὸν ἀρχὰς ποιεῖ. ταῦτα δὲ προσαγορεύει πῦρ καὶ γῆν, καὶ
φῶς καὶ νύκτα ἦτοι σκότος. λέγει γὰρ κτλ. Levioris momenti
locos omitto. In his autem locis Simplicius magis interpretis quam
testis et auctoris munere fungitur.

(5) Vid. vss. 115—118; cf. fragm. 2, supra p. 48.

(6) Parmenidem ipsum his appellationibus non usum esse, ex iis quae
attulimus nemini dubium fore credo. Fuerunt tamen qui sic putarunt,

Haec autem principia, ut genere diversa, sic potestate inter se sunt opposita. Plerique ita distinguunt, ut alteri ὄντος, alteri μὴ ὄντος tribuant potestatem. Sic Aristoteles: Παρμενίδης (στοιχεῖα) λέγει δύο, τὸ ὄν καὶ τὸ μὴ ὄν εἶναι φάσκων, πῦρ καὶ γῆν⁷. Quae non ita accipienda, quasi Parmenides ipse ambo elementa his vocabulis distinxerit⁸: ille ens et non ens non ad opinionum, de quibus hîc agitur, sed ad veritatis doctrinam retulit, illudque per se verum, hoc falsum ac nihilum dixit; — sed interpretanda sunt ex Aristotelis ratione, qui res omnes pro diversa naturae vi et potestate in duo genera discernens, alterum ὄν, alterum μὴ ὄν appellavit, ut in quoque major minorve vis inesset: horum illud est agens et efficax, hoc autem patiens et iners; veluti calidum et frigidum, alterum vocatur ὄν, in quo caloris vis inest, alterum μὴ ὄν, quod est caloris vacuitas; unde hoc etiam universe στέρησις ab eo appellatum. Has igitur notiones Aristoteles ad Parmenidis aliorumque veterum placita accommodans,

ii videlicet, qui antiquorum placita non ex ipsis fontibus, sed ex Aristotelis, Theophrasti, aliorumve rivulis repeterent; ut Joannes Philoponus in Aristot. Phys. (L. I, c. 5 pr.) lit. C, p. 11 sq. haec scribens: Παρμενίδης ἐν τοῖς πρὸς ἀλήθειαν ἐν εἶναι λέγων τὸ ὄν, ἐν τοῖς πρὸς δόξαν τὰ ἐναντία ἀρχὰς ὑπετίθετο, τὸ θερμὸν καὶ τὸ ψυχρόν · καλεῖ δὲ τὸ μὲν ψυχρὸν γῆν, τὸ δὲ θερμὸν πῦρ. Auctorem hic secutus est, ut videtur, Alexandrum Aphrodisium, quem ipse nominat in Comment. de Gener. et Corrupt. (Ald. 1527) f. 64 A, vid. not. 10. Similiter alii ejusdem farrinae scriptores, Diogenes Laërtius, Pseudo-Origenes, modo citati.

(7) Arist. de Gener. et corr. I, 3. T. I, p. 389 A. Cf. not. 2.

(8) Sicut multi seriorum interpretum, Aristotelis verbis inducti, opinati sunt, ut Alexander Aphrodisius, Joannes Philoponus, alii citati n. 13.

vult alterum entis, alterum non-entis instar esse, ut aperte dicit in primo Metaphysicorum: *τούτων δὲ τὸ μὲν κατὰ τὸ ὄν, τὸ θερμὸν, τάττει, θάτερον δὲ (τὸ ψυχρὸν) κατὰ τὸ μὴ ὄν* ⁹. Rem alibi, de veteribus physicis loquens, manifestius declarat, haec dicens ¹⁰: *ἐπεὶ γὰρ πέφυκεν, ὥς φασι, τὸ μὲν θερμὸν διακρίνειν (unde ἀραιὸν vocat Parmenides), τὸ δὲ ψυχρὸν συνιστάναι (unde πυκνόν), καὶ τῶν ἄλλων ἕκαστον τὸ μὲν ποιεῖν, τὸ δὲ πάσχειν, ἐκ τούτων λέγουσι καὶ διὰ τούτων ἅπαντα τάλλα γίνεσθαι καὶ φθείρεσθαι*. Quoniam calidum diffundendi, frigidum condensandi vim habeat, sitque alterum agens, alterum patiens, ideo haec a veteribus rerum elementa esse habita dicit. Hinc eodem sensu Parmenidis principia, alterum agens, alterum patiens dicta, ut apud Ciceronem

(9) Vid. n. 2. Haec autem Aristotelis dicta nonnullos in errorem induxerunt, opinantes ab illo significari, Parmenidem, ut in veritate quaerenda *τὸ ὄν* et *τὸ μὴ ὄν*, sic in rerum natura ignem et terram statuisset illis respondentia; sicut iudicat van der Kemp, superius citatus p. 211. Error in iis, qui non ipsas Parmenidis reliquias cognorant neque collatis omnibus veterum testimoniis diligenter comparaverant, facile ignoscendus.

(10) Aristot. de Gener. et Corr. II, 9. p. 407 BC. Hic praeter alios Parmenidem intelligi, jam veteres animadverterunt. Joannes Philoponus ad h. l. p. 64 A annotat: *ὁ Ἀλέξανδρος τοὺς περὶ Παρμενίδην τοιαύτης γεγονέναι δόξης (φησί)*. Eodem pertinet locus Metaph. I, 3. p. 646 B, ubi postquam dixit ea, quae supra retulimus p. 197, qui unum omnia statuerent, horum nemini contigisse caussam moventem videre, praeterquam Parmenidi, subjungit haec: *τοῖς δὲ πλείω ποιοῦσιν μᾶλλον ἐνδέχεται λέγειν, οἷον τὸ θερμὸν καὶ ψυχρὸν ἢ πῦρ καὶ γῆν · χρῶνται γὰρ ὥς κινητικὴν ἔχοντι τῷ πυρὶ τὴν φύσιν, ὕδατι δὲ καὶ γῇ καὶ τοῖς τοιοῦτοις τοῦναντίον (i. e. ὥς ὕλη)*. Quae verba etiam ad Parmenidem spectare, idem Alexander recte animadvertit, in Metaph. f. 7 A.

legimus, Parmenidem duo statuuisse, » ignem qui moveat, terram quae ab eo formetur¹¹; ¹¹ et ante Cicero-
nem dixerat Theophrastus, terram materiem, ignem
autem caussam efficientem appellans ¹². Cum
his plerique Parmenidis placitum interpretantes con-
cinunt, calidum sive lucem appellantes ποιητικόν,
αἴτιον, δημιουργόν; frigidum seu noctem ὕλην,
ὕλικόν ¹³. Quae omnia, quamquam non iisdem
verbis, idem tamen significant atque Aristotelicum ὄν
et μὴ ὄν, in altero (dicam minus latine) positivam,
in altero negativam inesse potestatem.

Hoc autem discrimen congruum quidem est Parme-
nidis sententiae, nec tamen plane. Licet enim lucem
naturâ leviolem et vividiolem, noctem graviolem cras-
siolemque fecerit, non tamen ambas ita potestate di-
stinxit ut illam caussam mundi effectricem, hanc in-
ertem materiem dixerit: utrique suam et propriam

(11) Acad. Qu. II, 37.

(12) Theophrastus citatus modo not. 3.

(13) Iis, quos modo not. 3 citavimus, addantur Alexander Aphrod.
in Metaph. f. 10 AB (Aristot. p. 648 F): »P. duo principia ponebat ip-
»sius mundi et rerum quae ad hunc mundum sunt, ignem et terram;
»quorum ignem ens dicebat, terram non ens et frigidum.... Ac
»fortasse Parmenides frigidum appellabat non ens, quum haec magis
»est materialis caussa; videtur autem materia esse quoddam non-
»ens." Jo. Philoponus de Gener. et Corr. f. 13 A, Parmenidis placita
ad Aristotelicam rationem accommodans dicit: τὴν μὲν ὕλικωτέραν
(οὐσίαν) μὴ ὄν ἐκάλουν οἱ περὶ Παρμενίδην, τὴν δὲ εἰδικωτέραν
ὄν · διὰ γὰρ τοῦτο οὗτος ὁ ἄνθρωπος τὴν μὲν γῆν μὴ ὄν ὠνόμασεν,
ὥς ὕλης λόγον ἐπέχουσιν, τὸ δὲ πῦρ ὄν, ὥς ποιοῦν καὶ εἰδικώ-
τερον. Diogenes L. IX, s. 21, dicit, τὸ πῦρ δημιουργοῦ τάξιν-
ἔχειν. quod vocabulum apud philosophos idem notat quod αἴτιον
sive ποιοῦν. Cf. Plutarchus, de primo frigido, Vol. IX, p. 729 Reisk.

tribuit naturam et actionem, utrique suas adjunxit qualitates; ambabus autem praeposuit (ut inferius videbimus) vim moderatricem, quae, contraria conciliando, rerum generationem efficiat ¹⁴. Sed Parmenidis sententia de hac re optime perspicitur ex ipsius versibus, quibus elementorum inter se mixtionem memorans, alterum $\alpha\rho\rho\epsilon\nu$, alterum $\theta\eta\lambda\nu$ cognominat ¹⁵ vocabulis a natura humana petitis: calori sive luci tribuit maris, nocti feminae potestatem; quibus appellationibus amborum inter se discrimen optime significatur, eoque Aristotelis et reliquorum interpretationes referendae sunt.

§ 20.

Vidimus quae et qualia Parmenides statuatur rerum principia; jam quae sit ratio hujus placiti, videamus. Primum, cur duo induxerit rerum principia, cum plerique suae aetatis physici ad unum omnia referrent, — vidit facile, si unum modo ponatur, nullam esse posse rerum varietatem, nec generationem nec interitum; hoc igitur improbavit, duo induxit quorum mutuâ actione omnia in rerum natura efficerentur. Principia haec fecit paria inter se et aequalia; utrumque sibi consentiens, alteri oppositum; his ambobus

(14) Haec clarius etiam patebunt ex iis quae de animo et sensu disseremus § 28. Jam Simplicius hoc animadvertit, Alexandrum reprehendens, Phys. I, f. 9 A: $\epsilon\iota\delta\epsilon\ \pi\omicron\iota\eta\tau\iota\kappa\omicron\nu\ \alpha\lambda\iota\iota\omicron\nu\ \tau\omicron\ \phi\acute{\omega}\varsigma\ \kappa\alpha\iota\ \pi\acute{\upsilon}\rho\ \nu\omicron\mu\acute{\iota}\varsigma\epsilon\iota\ \lambda\acute{\epsilon}\gamma\epsilon\sigma\theta\alpha\iota$, οὐ καλῶς οὔτεται. Ipse Deam illam $\tau\omicron\ \pi\omicron\iota\eta\tau\iota\kappa\omicron\nu$ vocat.

(15) Vid. vss. 129 sq.

mundum omnem ita compleri censuit, ut nihil relinqueretur vacuum ¹⁶; in eo sibi constans, quod, ut in veritate non ens, sic in natura inane sustulit.

Principia illa fecit lucem et noctem, quorum vis in mundo videtur esse maxima, ita, ut horum contraria actione omnes pene naturae mutationes, omnium rerum generatio et interitus contineri videantur. Singulis his cognatas tribuit species: luci calidum, leve, rarum; nocti frigidum, grave, densum: quorum omnium naturam an accuratius exploraverit, non apparet quidem, nec tamen pro illius aetate probabile est ¹⁷.

Vulgo autem haec principia elementa, στοιχεῖα sive ἀρχαὶ στοιχειώδεις, dici haberique solent. Et sane, quum ea sint e quibus oriantur et in quae resolvantur omnia, recte hoc vocabulo appellari possunt, modo ne existimemus, ea, sicut elementa haberi solent, esse pondus iners informemque molem, cui forma et actio extrinsecus impertiri debeant. Neque etiam habenda sunt formae quaedam corporis expertes, quibus materies extrinsecus suggerenda sit, sicut quidam olim finxerunt ¹⁸. Non ita veteres rerum principia sibi informarunt, neque formam et materiem, ambas illas natura inter se conjunctas, divellerunt. Ipse Parmenides eas appellat μορφάς,

(16) Vid. vss. 123 sq.

(17) Accuratius de his egerunt seriores, ut Plutarchus in eleganti quaestione de primo frigido, Vol. IX. R.

(18) Ita Telesius apud Baconem, Opp. Vol. IX, p. 333, jam ab ipso Bacone reprehensus, ibid. p. 347.

ut forma praeditas¹⁹, iisque et semina rerum omnium et species, et actionem vitam animamque contineri censet, earumque temperie varia corpora corporumque formas et motus effici²⁰.

Haec autem elementa sive rerum genera primusne invenerit an ab antiquioribus mutuatus sit, quaeritur. Etsi a plerisque Parmenides auctor hujus placiti habetur, origo tamen ejus e populari opinione et poëtarum fabulis repetenda est. Nam quum ipsa natura lucis et noctis, caloris et frigoris discrimine mundi conversiones et anni tempestates dividat, hinc jam barbaris hominibus nata est opinio, hos Deos esse, quorum vi et moderamine mundus regatur et universum compleatur. Quis ignorat Persarum religiones, in quibus duo illa numina consecrata sunt, lucis alter, alter tenebrarum Deus? Ejusdem notionis vestigia, quamvis obscura, in Graecorum mythologia apparent, ubi in primis celebrantur Ζεὺς et Ἄϊδης, alter coeli et lucis, alter orci et tenebrarum Deus²¹. Idem clarius significarunt illi sive theologi sive physici, qui Deorum personas ad naturae vires mundi-que partes magis accommodarunt; ut Acusilaus, qui Hesiodi theogoniam imitatus, inter antiquissimos Deos refert Νύκτα et Αἰθέρα²². Quae autem illi fabulo-

(19) Vid. vs. 112.

(20) Hoc e tota ejus rerum naturalium descriptione deinceps magis patebit. Cf. praecipue § 28.

(21) Hos Graecorum Deos cum Persarum Diis comparat Aristoteles. Vid. Diogen. Laërt. I, 8; Zoëga Abhandl. p. 112 sq. Cf. Creuzer. Symbol. I, p. 692.

(22) Vid. Schol. Theocr. Argum. Id. XIII; Damasc. in Wolfii Anecd.

sius vel obscurius tradiderunt, doctius et clarius exposuerunt praesertim Pythagorei, rerum omnium contraria statuentes genera et elementa (τὰ κατὰ συστοιχίαν vulgo appellata), inter quae haec praecipue, ἄρρ' ἐν καὶ θῆλυ, Φῶς καὶ σκότος²³; dicebant illi, paria (ἰσόμοιρα) esse in universo lucem et tenebras, calidum et frigidum, humidum et madidum²⁴. Jam vero horum disciplina fons habetur, unde cum alii rivulos duxerint philosophi, tum praesertim Eleatici. Tenuit Parmenides Pythagoricum illud decretum, mundum e contrariis constare elementis, quibus universum compleatur, sed placitum illud sua ratione conformavit: varia illa genera retulit ad duo capita, his cetera tanquam qualitates adjunxit; ornavit ea poëticis nominibus, fortasse interdum etiam quasi deorum personas induxit²⁵; sic novum veluti placitum protulit, quod illius nomine celebratum magnam deinde in physicis obtinuit auctoritatem. Multi enim, licet etiam in naturae elementis a Parmenide dissentientes, ut Democritus, Anaxagoras, Empedocles, Plato, tamen haec

Graec. T. III, p. 257, citt. a Sturzio ad calcem fragm. Pherecydis, p. 222. Quamquam generationis ordines, quos illi apud Acusilaum faciunt, non magis certos esse arbitror, quam quos Hesiodo obtrudunt; ut ipsa auctorum inter se discrepantia satis arguit.

(23) Vid. Aristot. Metaph. I, 5. p. 648 A; Eudorus apud Simplic. Phys. f. 39 A. Cf. Ritter, Pythag. Philos. p. 124.

(24) Diogen. Laërt. VIII, s. 26.

(25) Huc facit Clemens Alex. in Admonit. ad Gentiles, p. 43 C: Παρμ. δὲ ὁ Ἑλεάτης θεοὺς εἰσηγήσατο Πῦρ καὶ Γῆν. Quamquam Clementi, veterum placita in hoc libro acrius insectanti, non nimis confidere licet, tamen illud a Parmenidis ratione non abhorret. Cf. inferius ad not. 36 et 74.

duo, lucem et noctem, sive terram et ignem, praecipua faciunt, quorum vi pleraque in natura efficiantur ²⁶.

§ 21.

Itaque secundum Parmenidem totus mundus duobus his generibus constat, luce et nocte, paribus illis et inter se oppositis. Haec autem diversa elementa quomodo fit ut in unum coalescant, et inde oriatur ille corporum coelestium ordo et infinita rerum varietas et omnium inter se consensio? Vim addidit, quae discordia illa rerum genera consociaret: in medio mundi collocavit Deam cuncta moderantem. Haec est Genitalis vis, quae contraria rerum elementa ut marem et feminam conjugavit, diversasque vires commiscuit. Alma haec naturae parens et alios procreavit Deos sive naturae vires, et antiquissimum omnium Amorem, qui in universo dominatur ²⁷. Sic iisdem viribus, quibus animantium genera et hominum societas contineantur, mundum quoque regi et contineri voluit: Veneris desiderio (*μίσγιος ἀρχή*) in unum compelli, Amoris vinculo (*Ἔρωτι*) colligari. Ambobus his Diis, ut cognatis inter se et paribus, praecipuas tribuit naturae gubernandae partes; unde intelligitur, cur scriptores, Parmenidis placita referentes, illos saepe confuderint,

(26) Singula haec explicare longum; testimonia indicasse sufficiat: de Democrito et Anaxagora, vid. Simplicius Phys. f. 8. A; f. 33 B. et 38 B. Platonis, qui cum Empedocle fere concinit, placitum cognoscitur e Timaeo p. 31 B. Cf. Aristot. Part. Animal. II, 1, 2.

(27) Vid. vss. 127—131.

summam rerum causam modo Amorem, modo Amoris parentem appellantes. Plerique quidem Amorem memorant; ut Aristoteles dicens, Parmenidem videri, sicut Hesiodum, hunc movendi principium finxisse ²⁸:
 ὑποπτεύσειε δ' ἄν τις Ἡσίοδον πρῶτον ζητῆσαι τὸ τοιοῦτον
 (κινήσιος ἀρχήν), καὶ εἰ τις ἄλλος ἔρωτα ἢ ἐπιθυμίαν ἐν
 τοῖς οὖσιν ἔθηκεν ὡς ἀρχήν, οἷον καὶ Παρμενίδης· καὶ γὰρ
 οὗτος κατασκευάζων τὴν τοῦ παντὸς γένεσιν,

Πρώτιστον μὲν (Φησιν) Ἐρωτα θεῶν μητίσατο πάντων.
 Similiter Sextus Empiricus, Aristotelis testimonio utens, ait Hesiodum et Parmenidem Amorem induxisse tanquam κινήτικὴν et συναγωγὸν τῶν ὄντων αἰτίαν ²⁹. Simplicius contra Amoris parentem vocat τὸ ποιητικὸν αἴτιον οὐ σωμαίων μόνον τῶν ἐν τῇ γενέσει, ἀλλὰ καὶ ἀσωμάτων τὴν γένεσιν συμπληροῦντων, ³⁰ *causam effectricem non solum generatarum rerum, sed etiam virium quibus generatio efficitur*, h. e. Daemonum. Hi autem scriptores Deorum illorum utrumvis appellant causam naturae moventem et efficientem ³¹; et recte quidem, modo ne ita intelligamus, quasi Parmenides finxerit motorem quendam Deum, qui rudem materiem animaverit et formaverit. Non finxit ille elementa tanquam iners et immobile pondus, ut modo diximus, neque numen illud proprie appellat κινήσιος ἀρχήν, sed μίξιος ἀρχήν, quae non inanimem materiem

(28) Metaph. I, 4, pr. 646 E.

(29) Sext. Empir. adv. Mathem. IX, 1, 6, p. 549.

(30) Simplic. Phys. I, f. 7 B.

(31) Similiter Stobaeus infra § 22, n. 45 citatus, νοεῖα πάσης κινήσεως καὶ γενέσεως.

commoveat, sed contrarias vires et motus inter se conciliet, talem, qualis a Plutarcho veterum exemplo fingitur Θεὸς ἁρμονικός, τὴν τῆς θερμότητος καὶ ψυχρότητος ἐν κόσμῳ κοινωνίαν καὶ διαφορὰν, ὅπως συνοίσωνταί τε μετρίως καὶ διοίσωνται πάλιν, ἐπιτροπεύων ³².

Fictio autem haec poëtica est eademque Graecorum studiis prorsus consentanea. Quis ignorat, quanta in Graecorum institutis, religionibus, fabulis, Amoris fuerit celebritas ³³? Etiam vetustissimi vates et sapientes, Hesiodus, Pherecydes, Acusilaus, in theogoriis condendis et mundi primordiis celebrandis, Amori praecipuas tribuerunt partes, quos posteriores sunt aemulati; sed ut prisci illi res naturae ad Deorum personas, actiones et munera referebant, sic postea doctiores, velut Parmenides, Deorum numina ad naturae vires mundique partes significandas adhibuerunt: pro Deorum nuptiis induxere elementorum connubia, amore juncta, qualia eleganter describit Virgilius ³⁴:

*Tum Pater omnipotens foecundis imbribus Aether
Conjugis in gremium laetae descendit, et omnes
Magnus alit, magno commixtus corpore, fetus.*

Sic canit Virgilius; sic dudum ante Virgilium in scena cecinerunt Aeschylus et Euripides ³⁵, qui haec partim a poëtis partim a philosophis depromserant. Atque hunc in modum Parmenidem in exponenda rerum

(32) Plutarch. de primo frig. Vol. IX, p. 730. Reisk.

(33) Vid. Creuzeri Praepar. ad Plotin. de Pulcr. p. XXX sq. Proclus in Timaeum, p. 155.

(34) Virgilius Georg. II, 325.

(35) Horum nobilissimi versus exstant apud Athenaeum XIII, 8. p. 600. Cf. Heyne ad Virg. l. l.

natura Deorum numina et fabulas finxisse, cum Menander rhetor testatur ³⁶, tum ipsius versuum reliquiae satis indicant.

In hac autem fabula fingenda, Parmenidi auctorem fuisse Hesiodum, non improbable est ³⁷, quamquam ambo non plane inter se concinunt. Hesiodus solum induxit Amorem, quem statim post Chaos una cum Tellure exstitisse narrat, non aliunde natum, sed *prolem sine matre creatam*; ³⁸ Parmenides vero Amori parentem tribuit Deam, potentem illam et augustam, cujus etsi nomen non designat, vim tamen et naturam ipsius operibus ostendit. Dicitur illa *μίξις ἀρχή*, coëundi principium sive Veneris desiderium, e quo amor quasi prognatus est. Eadem ergo est quae vulgo Ἀφροδίτη vocata et a poëtis et philosophis alma natura parens et regina praedicata est. De hac similiter canit Euripides ³⁹:

ἥδ' ἐστὶν ἡ σπείρουσα καὶ διδοῦσ' Ἔρον,
οὗ πάντες ἐσμεν οἱ κατὰ χθον' ἐκγονοί.

neque tantum hominum et animantium, sed totius naturae mater et princeps celebratur:

Φοιτᾷ δ' ἐν αἰθέρ', εἴσι δ' ἐν θαλασσίῳ
κλυδῶνι Κύπρις, πάντα δ' ἐκ ταύτης ἔφν.

Empedocles, in multis Parmenidem aemulatus, duo fingit numina, Amicitiam et Discordiam, quarum illam principem facit, eandemque Ἀφροδίτην

(36) Ut supra vidimus, p. 21.

(37) Ut jam animadverterunt Plato et Aristoteles citati sub vs. 131.

(38) Hesiodus Theogon. vs. 117, 120.

(39) Euripid. Hippolyt. vss. 447—450; ubi versu tertio εἴσι, *incedit*,

appellat ⁴⁰. Eandem fictionem seriores quoque retinuerunt, ut Stoici, a quibus Venus *παναιτή* cognominata ⁴¹, praesertim vero recentiores Platonici, qui antiquorum fabulas studiose ad suam philosophandi rationem accommodare solebant. Hi, Platonis exemplum imitati, duplicem fingunt Venerem, alteram divinam, alteram naturalem, qualis haec Parmenidis Dea, eamque similiter naturae gubernatricem praedicant: Haec, dicit Proclus, ἐπιτροπεύει πάσας τὰς ἐν τῷ οὐρανίῳ κόσμῳ καὶ γῇ συστοιχείας, καὶ συνδεῖ πρὸς ἀλλήλας, καὶ τελειοῖ τὰς γεννητικὰς αὐτῶν προόδους διὰ τῆς ὁμονοητικῆς συζεύξεως ⁴². Quae quidem, exceptis verbis, Parmenidis sententiae plane sunt congrua. Idem vero, quo sua firmarent placita, fabulam quoque illam, de Venere cum Amore junctâ, jam ab antiquissimis theologis, Orpheo aliisque, proditam esse aiunt: εἰ δὲ . . . τὴν ὑπερκόσμιον αἰτίαν τῆς Φιλίας ἐθέλεις σκοπεῖν, εὕρήσεις καὶ παρὰ τοῖς θεολόγοις αὐτὴν ὑμνουμένην· τὴν γὰρ Ἀφροδίτην παρήγαγεν ὁ Δημιουργὸς (summus opifex Deus), ἵνα καλῶς ἐπιλάμπῃ τάξιν καὶ

pro ἔστι legit Bentlejus. Cf. Homer. Hymn. Vener. princ. Orph. Hymn. LV (54). Lucret. L. I. pr. Ovidius Fast. IV, 91:

Illa quidem totum dignissima temperat orbem,

Illa tenet nullo regna minora Deo;

Juraque dat coelo, terrae, natalibus undis,

Perque suos initus continet omne genus;

Illa Deos omnes (longum enumerare) creavit etc.

Hi omnes Veneri eandem, quam Parmenides Deae illi, tribuunt potestatem.

(40) Vid. Empedocles, vs. 56, 131.

(41) Vid. Cornutus Stoicus de Nat. Deor. c. 24; cf. Lucretius, I, 22.

(42) Proclus in Platon. Cratyl. ed. Boisson. p. 117; cf. Plotinus Ennead. p. 292 A.

ἁρμονίαν καὶ κοινωνίαν πᾶσι τοῖς ἐγκοσμίοις, καὶ τὸν Ἑρωτα ὁπαδὸν αὐτῆς, ἐνοποιὸν ὄντα τῶν ὅλων ⁴³. Quamquam illorum auctoritas non majorem fere in citandis antiquorum versibus quam interpretandis meretur fidem. Sed, ut ad Parmenidem revertamur, apparet ex his, cujusmodi Dea sit illa, quam naturae gubernatricem facit, et quanta ejus cum Venere sit similitudo. Quo circa non mirandum, ipsam quoque interdum Ἀφροδίτης nomine ab antiquis appellatam esse ⁴⁴, quo si non proprium nomen, tamen vis ejus et potestas optime significatur.

§ 22.

Eidem huic numini a Parmenide varia tributa esse cognomina, refert Stobaeus, dicens, Deam in medio collocatam ἀπάσαις τοκέα πάσης κινήσεως καὶ γενέσεως ὑπάρχειν, ἦντινα καὶ δαίμονα καὶ κυβερνήτην καὶ κληροῦχον ἐπονομάζει, δίκην τε καὶ ἀνάγκην ⁴⁵. Horum priora ex ipsius Parmenidis versu deprompta

(43) Proclus in Tim. p. 155.

(44) Ut a Plutarcho, loco citato sub vs. 130, et memorato in Commentar. supra p. 120.

(45) Stobaeus Eccl. Phys. I, 23. p. 482 sq. cum quo loco comparetur idem Eccl. I, 5. p. 158 : Παρμενίδης καὶ Δημόκριτος, οὗτοι πάντα κατ' ἀνάγκην · τὴν δ' αὐτὴν εἶναι εἰμαρμένην καὶ δίκην καὶ πρόνοιαν καὶ κοσμοποιόν. Eadem habent Plutarchus, Plac. Phil. I, 25; Galenus Hist. Phil. X. Hic ἀνάγκη praecipua appellatur; reliqua cum prior loco satis congruunt. Pro δίκην autem ibi Beckius et Heerenus scripserunt δίνην, quod conveniens sane Democrito (Vid. Diogen. Laërt. IX, 45), Parmenidi autem minus congruum.

sunt, ubi haec Daemon cuncta gubernare dicitur⁴⁶; κληροῦχον autem probabiliter in κληδοῦχον mutandum, ut cognomen Δίκης, quae a Parmenide coeli portarum claves tenere dicitur⁴⁷. Quod autem ad Justitiam et Necessitatem attinet, utramque a Parmenide interdum quasi Deos induci, penes quos supremum sit rerum moderamen, testantur ipsius versus⁴⁸; num tamen varia haec cognomina ad idem numen retulerit, non apparet. Universe veterum in his rebus non tanta erat diligentia et subtilitas; multa poëtarum instar significabant obscurius, multa loquebantur secundum vulgarem opinionem, etsi ipsorum principiis et placitis interdum parum congruerent. Veluti Empedocles, Amicitiam et Discordiam movendi causas statuens, multa tamen Fortunae et Necessitati reliquit. Idem in Anaxagora reprehenditur⁴⁹. Quid mirum igitur, Parmenidem, etsi unum statuisset supremum naturae numen, interdum tamen easdem partes variis quasi personis mandasse, interdum etiam uni eidemque personae varia tribuisse munera? Sic, exempli gratia, Δίκην modo templi sapientiae custodem facit, modo certam et immutabilem rationis legem vocat⁵⁰; quid mirum, si eandem interdum etiam naturae dominam appellaverit, aequâ lege cuncta moderantem? Praecipue

(46) Vid. vs. 127.

(47) Vid. vs. 14; emendatio est Fuellebornii.

(48) Vid. Parmenidis versus mox citandi.

(49) De altero animadvertit Aristot. de Gener. et corr. II, 6, p. 404 sq. de altero Plato Phaedon. p. 98 BC. ad q. I. cf. Wytttenb. Annot. p. 258.

(50) Vid. vs. 14 et vs. 69.

vero Ἀνάγκην memorat, tanquam summam tam divinarum quam humanarum rerum arbitram, fatalibus vinculis omnia continentem ⁵¹. Quo spectat Plato in Convivio, ubi Agathonem facit dicentem: τὰ δὲ παλαιὰ πράγματα περὶ θεοῦς, ἃ Ἡσίοδος καὶ Παρμενίδης λέγουσιν, Ἀνάγκη καὶ οὐκ Ἔρωτι γεγονέναι· οὐ γὰρ ἂν ἐκτομαὶ οὐδὲ δεσμοὶ ἐγίγνοντο καὶ ἄλλα πολλὰ καὶ βίαια, εἰ Ἔρως ἐν αὐτοῖς ἦν ⁵². Hic Parmenidem festive carpit, quod, similiter ut Hesiodus, in exponendis naturae principiis sibi non constet; quippe qui, cum Amorem naturae principem faciat, pleraque tamen Necessitate fieri dicat.

Itaque possit quidem Ἀνάγκη eadem videri quae Δαίμων illa gubernatrix, et ad id probandum afferri, quod ipsa Venus Necessitatis mater ab antiquis praedicata sit ⁵³, attamen Parmenides hoc nusquam dixisse videtur. Plutarchus dicit, elementorum, lucis et noctis, naturam ab illo necessitatem appellatam ⁵⁴. Ex his satis apparet, ipsum horum numinum vim non clare definiisse, sed ea veterum more poëtice usurpasse; seriores autem, illa ad suae rationis normam interpretantes ⁵⁵, varia haec et diversa nomina inter

(51) Vid. vs. 85 et vs. 137.

(52) Vid. Plat. Symp. p. 195 C.

(53) Vid. Orph. H. LV (54), 3. Cf. Creuzer Symbol. T. III, p. 522. ed. alt.

(54) Plutarch. de An. procr. e Timaeo, p. 1026 B (Vol. X. p. 253 R.): ἦν εἰμαρμένην οἱ πολλοὶ καλοῦσιν, Ἐμπεδοκλῆς δὲ φιλίαν ὁμοῦ καὶ νεῦκος, . . . Παρμενίδης δὲ φῶς καὶ σκότος. Est autem εἰμαρμένη eadem quae ἀνάγκη.

(55) Ita seriores Academici et Stoici necessitatem et fortunam eandem dicunt atque Deum. Cicero Acad. Qu. I, 7, alii.

se confudisse et ad unum supremum Numen retulisse; unde illud Stobaei placitum fluxit.

Illa autem Daemon, Amoris genitrix, praeter hunc alia quoque numina procreavit, ut intelligitur ex ipso Parmenide dicente, Amorem primum omnium Deorum esse editum; et e Simplicio, qui hunc versum memorans dicit, eandem quoque θεῶν αἰτίαν ab illo praedicari; idem colligi potest e Platonis et Menandri testimoniis, e quibus discimus Parmenidem Hesiodi exemplo deorum fabulas finxisse, eorumque personas ad rerum naturam accommodasse ⁵⁶: unde manifesto intelligitur, plura Deorum numina ab illo celebrata esse. Quinam ergo hi dii fuerunt? Cicero Parmenidis de divina natura sententiam memorans et perstringens, dicit, summum coeli orbem (στρεφάνην) ab eo Deum appellatum, (de quo inferius), tum addit: » multa sunt ejusdem monstra, quippe qui Bellum, » qui Discordiam, qui Cupiditatem, caeteraque generis ejusdem ad Deum revocat; – quae vel morbo » vel somno vel oblivione vel vetustate delentur; – » eademque de sideribus.” ⁵⁷ Quibus verbis Cicero aperte significat, a Parmenide praeter alia etiam Cupiditatem (Ἔρωτα?), Bellum (Νεῖκος?) Discordiam (Ἔριν?) inter Deos relata. Quae legenti mirum videatur, placitum, quod tota prorsus antiquitas Empedocli tribuit, a Cicerone ad Parmenidem referri, eundemque in Empedoclis sententia memoranda

(56) Simplicii locum indicavimus supra, sub versu 131 (130); Platonis et Menandri, superius, p. 20, 21.

(57) Vid. Cicero, N. D. I, 11.

nullam de hoc facere mentionem. Unde mihi quidem suspicio nata est, aut Ciceronem lapsum esse, Empedoclis placitum cum Parmenideo confundentem, aut libenarios ejus verba pervertisse, et quae illi essent tribuenda, huic adsignasse ⁵⁸. Quae conjectura tametsi mihi etiam nunc non absurda videatur, tamen diligentius consideranti visum est hoc placitum a Parmenidis sententia non abhorrere. Nam quid mirum, illum, quum videret mundum contrariis elementis oportere constare, etiam vidisse, contrarias requiri vires quibus universum regatur; atque ut Noctem Luci, sic Veneri et Amori Discordiam et Bellum opposuisse? In humana natura certe Dirae ab eo appellantur morborum et aegritudinum causae ⁵⁹. Itaque non improbabile mihi videtur, Parmenidem jam eadem illa numina sive naturae vires induxisse, quae deinceps ab Empedocle celebrata sunt, sed eo discrimine, quod ille confusius significavit, quae hic clarius exposuit; ille unum induxit supremum Numen, cui cetera omnia pareant; hic duo illa numina, Amicitiam et Discordiam, tanquam paria fere et aequalia sibi opposuit. Quocirca si

(58) Ex hac conjectura Ciceronis verba sic forent ordinanda; » Nam » Parmenides commentitium quiddam... appellat Deum; in quo neque » figuram divinam neque sensum quisquam suspicari potest. Empedocles » autem multa alia peccans, in deorum opinione turpissime labitur.... » et sensu omni carere. Multa ejusdem monstra, quippe qui Bellum, » qui Discordiam, qui Cupiditatem, cet.”

(59) Vid. vs. 154 sq. et commentar. p. 128. Nolo afferre, quod etiam Parmenidis sectatores, Melissus et Zeno, τὸ νεῖκος καὶ τὴν φιλίαν inter naturae principia retulisse dicuntur apud Stobaeum; Eccl. Phys. p. 60; nam eo loco certe Empedoclis nomen oblitteratum videtur.

utrumque contendamus, recte quidem dicere possumus cum Simplicio ⁶⁰: ποιητικὸν δ' αἰτίον ἐκεῖνος (Παρμενίδης) μὲν ἐν κοινόν, τὴν ἐν μέσῳ πάντων ἰδρυμένην καὶ πάσης γενέσεως αἰτίαν δαίμονα τίθησιν · οὗτος δὲ (Ἐμπεδοκλῆς) καὶ ἐν τοῖς ποιητικοῖς αἰτίοις τὴν ἀντίθεσιν (τὸ νεῖκος καὶ τὴν φιλίαν) ἐθεάσατο. Praeter ista autem quae memoravimus, sidera quoque et coelestia corpora a Parmenide deorum nominibus appellata videntur; de his vero deinceps aptior erit dicendi locus. Hactenus de naturae viribus; de quibus unum adhuc monendum restat, totum hoc genus a Simplicio Neo-platoniorum vocabulo appellari τὸ ψυχικὸν sive τὴν ψυχικὴν οὐσίαν, quo illi daemones, sive naturae vires moventes et efficientes, significabant ⁶¹.

§ 23.

Cognitis naturae elementis viribusque quibus haec moveantur, jam facile erit intellectu, quomodo Parmenides rerum naturam generari mundumque effici censuerit. Daemon illa sive genitalis vis contraria elementa quasi connubio jungens, diversa illa rerum genera, lucidum opacum, calidum frigidum, densum rarum, miscuit inter se varieque temperavit ⁶²; qua mixtione et temperie tam universum mundum et

(60) Simplic. Phys. I, f. 8 A.

(61) Simplic. Phys. I, f. 31 A: τῆς ψυχικῆς οὐσίας κατὰ τοὺς Ἐλεατικοὺς κίνησιν ἔχουσης. Cujus dicti sensus fugit Cousinum, de Xenophan. in Nouv. Fragm. Phil., et Brandisium, Comment. El. p. 58 e et p. 169 m.

(62) Vid. vss. 128 sqq.

coelestium corporum ornatum, quam singula, quae in terris fiant, et olim exstitisse et perpetuo gigni ac sustentari censuit, ut e sequentibus apparebit.

Primum mundi descriptionem consideremus. Argumentum illustre et magnificum, cujus quanto major erat veterum in contemplando admiratio, tanto minor fere in observando diligentia fuit. Quippe universi ornatum et pulcritudinem admirati, ejus naturam partiumque ordinem non sensu assequi studuerunt, sed mente informarunt ad eam pulcri perfectique speciem quae in ipsorum animis insideret ⁶³; sic ut Aristoteles ait, non suo cogitata suasque notiones ad mundi naturam, sed hanc ad illa accommodantes ⁶⁴. Hujusmodi quoque fuit Parmenidea ratio.

Mundo formam tribuit globosam, ut perfectissimam judicio veterum ⁶⁵ et sensibus consentaneam, eamque in plures divisit regiones varie temperatas ⁶⁶. Finxit

(63) Cf quae de astronomiae studio dicit Plato de Rep. p. 529 sq.

(64) Aristot. de Coelo, II, 13.

(65) Cf. commentarium, supra p. 109.

(66) Rem summatim enarrat Stobaeus, cujus verba non incommodum erit hic integra apponi; leguntur in Eccl. Phys. I, 23, 1. p. 482 sq. *Παρμενίδης στεφάνας εἶναι περιπεπλεγμένας ἐπαλλήλους, τὴν μὲν ἐκ τοῦ ἀραιοῦ, τὴν δὲ ἐκ τοῦ πυκνοῦ, μικτὰς δὲ ἄλλας ἐκ φωτὸς καὶ σκοτὸς μεταξὺ τούτων· καὶ τὸ περιέχον δὲ πάσας τεύχευσι δίκην στερεὸν ὑπάρχειν, ὃν πῦρ πυρώδης στεφάνη· καὶ τὸ μεσαίτατον πασῶν περὶ ὧν πάλιν πυρώδης· τῶν δὲ συμμιγῶν τὴν μεσαιτάτην ἀπάσαις τοκέα (vulg. τε καὶ) πάσης κινήσεως καὶ γενέσεως ὑπάρχειν, ἦντινα καὶ δαίμονα καὶ κυβερνήτην καὶ κληροῦχον (potius κληδοῦχον) ἐπονομάζει, δίκην τε καὶ ἀνάγκην. Καὶ τῆς μὲν γῆς τὴν ἀπόκρισιν εἶναι τὸν αἴρα, διὰ τὴν βιαιοτέραν αὐτῆς ἐξατμισθέντα πύλησιν· τοῦ δὲ πυρὸς ἀναπνοὴν τὸν ἥλιον καὶ τὸν γαλαξίαν κύκλον· συμμιγῇ δ' ἐξ ἀμφοῦν εἶναι τὴν*

στεφάνας, coronas, sive orbes alium supra alium positos; mundum amplexu suo cingentes: primum horum tenuissima materie et puro candore, alium huic oppositum densa materie sive nocte conflatum, inter utrumque medios orbes luce et nocte temperatos, cunctos mutua adhaesione connexos ⁶⁷. Itaque igneam materiam, ut levissimam, ad supera evolasse et extremam mundi oram obtinuisse censet; terrenam et crassam ad ima depressam circum mundi centrum desedisse; medium locum mixta materie compleri. Hac ratione mundum quasi in tres regiones distribuit, quarum prima est coelestis, οὐρανός et ὄλυμπος appel-

σελήνην, τοῦ τ' αἰέρος καὶ τοῦ πυρός. Περιστάντος δ' ἀνωτάτω πάντων τοῦ αἰθέρος, ὑπ' αὐτῷ τὸ πυρῶδες ὑποταγῆναι, τοῦθ' ὅπερ κεκλήκαμεν οὐρανόν · ὑφ' οὗ ἤδη τὰ περίγεια. Haec Stobaeus. Prima verba, Παρμενίδης στεφάνας στερεὸν ὑπάρχειν, eadem leguntur apud Plutarchum, Plac. Phil. II, 7; Galenum Hist. Phil. c. XI; Eusebium Praep. Eu. XV, 38 (e Plutarch. Plac. Phil.) Totum autem locum, ut multa hujus generis, parum accurate excerptum esse, legenti statim appareat; quaedam etiam vitiosa sunt, quae primum emendare aggressus est Davis. ad Ciceron. N. D. I, 11, Hic praeclare pro τε καὶ emendavit τοιέα, et verba proxime praecedentia, τὸ μεσαιτάτον πασῶν περὶ ὧν πάλιν πυρῶδης, conjecit sic legenda: καὶ τὴν μεσαιτάτην πασῶν πάλιν πυρῶδη. parum recte, quamvis probante Heereno ad Stobaeum, qui etiam incuriâ μεσαιτ. ἀραιῶν vertit *mediam inter densas sive caliginosas*, quum contra *raras sive lucidas* notet. Sed de hoc loco inferius n. 76. Quae ad Daemonis cognomina pertinent, tractavimus supra § 22, n. 45. Denuo locum hunc emendare et explicare instituit Boeckhius, in Annal. lit. Heidelberg. a. 1808, Fasc. I, p. 116-118; ut cognovi ex ipsius Comment. Acad. altera, de Platon. Syst. Coel. (Heidelb. 1810), et e Creuzeri annot. ad Cicer. N. D. p. 50. Liber dudum exspectanti nondum mihi venit in manus. Tantum ex allatis locis cognovi, clariss. virum quaedam recte explicuisse, in quibusdam tamen errasse. Singula deinceps, ut poterimus, ordine explicare aggrediemur.

(67) Cf. Stobaei verba modo citata: Παρμ. στεφάνας usque ad μεταξὺ τουτων. Parmenid. vs. 125 sqq. et commentar. p. 117 sq. — στεφάνη

latus Parmenidi; altera aetherea, αἰθήρ; tertia terrena, τὰ περίγεια complectens ⁶⁸. Harum singulas pluribus etiam coronis sive orbibus distinxit, quarum tamen naturam et ordinem plane explicare non possumus vel ob testimoniorum penuriam vel quod ipse Parmenides, ut mihi videtur, haec non tam subtili quam poëtica ratione enarraverit, et universi specie adumbrata, singularum partium descriptionem lectori paene divinandam reliquerit. Jam vero videamus.

Primum extremam mundi oram cingi dixit corona, quae muri instar fixa et solida reliquas omnes contineret ⁶⁹. Haec corona, quae respondet τῇ ἐκ τοῦ

idem quod στέφανος, Ionum dialecto; vid. Herodot. VIII, 118 et VIII, 26. Similiter promiscue usurpantur δίνη et δῖνος (Wyttenb. ad Platon. Phaedon. p. 261); σφαῖρα et σφαῖρος (vid. commentar. in Parmen. supra p. 109), alia. Cf. Creuzer. ad Ciceron. N. D. I, 11. p. 50.

(68) Vid. ultima Stobaei verba: περιστάντος δὲ ἀνωτάτω usque τὰ περίγεια. Stobaeus autem vocabula αἰθέρα et οὐρανόν ex suae aetatis usu ad Parmenidem accommodavit, ut ipse hîc indicat verbo κεκλήκαμεν, quamquam alibi (p. 518) ipsum Parmenidem ita vocasse dicit. Nos ea permutavimus convenienter ipsius Parmenidis vss. 132 et 136, ut jam in commentario p. 121 monuimus. Ipse adeo Stobaeus alio loco id testatur, Eccl. Phys. I, 24, pr. p. 500: Ἀναξιμένης καὶ Παρμενίδης τὴν περιφορὰν τὴν ἐξωτάτω τῆς γῆς εἶναι τὸν οὐρανόν, h. e. *summum orbem, a terra maxime remotum, coelum esse*. Quamquam Plutarchus et Galenus, idem placitum memorantes, Parmenidis nomen omittunt.

(69) Stobaeus: καὶ τὸ περιέχον δὲ πάσας τείλους δίνην στερεὸν ὑπάρχειν. Vocabulum στερεὸν decepit Brandisium, opinatum videlicet, orbem hunc, qui cingat coelum, terrena esse materie. At licet στερεὸν proprie densum significet, et praecipue de terra dicatur, ut dicit Plato in Timaeo, p. 31 B: στερεὸν δὲ οὐκ ἄνευ γῆς, — tamen saepe etiam universe fixum vel solidum notat: sic in Aristotelico libro de Mundo, c. 2. p. 465 B, de polis usurpatur: δύο ἀκίνητα ἐξ ἀνάγκης ἐστὶ σημεῖα καταντικρὺ ἀλλήλων... στερεὰ μένοντα καὶ συνέχοντα τὴν σφαῖραν, περὶ ὃ ὁ πᾶς κόσμος κινεῖται. Itaque hoc loco orbem

ἀραιῶν sive lucidae, quam Stobaeus primam memorat, procul dubio eadem est quam Cicero significat, dicens: » Parmenides commentitium quiddam » coronae simile efficit, στεφάνην appellat, continente » ardore lucis orbem qui cingit coelum; quem ap- » pellat Deum⁷⁰. Orbis hic cingens coelum quid aliud est quam corona illa, caeteras omnes ambitu suo includens. Ergo Parmenides mundum ardente lucis corona tanquam muro (τείχους δίκην) sepsit; similiter paene ut post eum Plato, antiquiores secutus, mundo circumdedit φᾶς ξύνδεσμον τοῦ οὐρανοῦ πᾶσαν ξυνέχον τὴν περιφορὰν⁷¹. Τείχους autem similitudo probabiliter ab ipso Parmenide profecta, qua usus sit poëtice, sicut *flammantia moenia mundi* dicit Lucretius, Graecum aliquem poëtam fortasse imitatus⁷².

stabilem et solidum significat, sive ut Cicero dicit, *orbem continente* (i. e. non interrupto) *ardore lucis*: hanc enim lectionem cum Davisio et Boeckhio praefero vulgatae, *continentem ardore l.*

(70) Cicero de Nat. Deor. I, 11; cujus loci sensus plerosque interpretes, Davisium, Creuzerum, Heerenum, alios, fefellit, putantes quippe, στεφάνην hanc eandem esse quam Stobaeus l. l. δαίμονα appellat. At haec in medio coelo ponitur a Stobaeo, illa coelum cingere dicitur a Cicerone. Discrimen hoc non fugit Brandisium, (p. 162, n. k.); sed Ciceronem ambas illas coronas permiscuisse putabat, credens nimirum, solam hanc, quae medium obtinet, Deum esse. Unde vero compertum habuit, non supremam quoque coronam Deum a Parmenide vocatam esse? Contrarium potius ex ipsis his Ciceronis verbis colligi potest. Porro Brandis lucidum illum orbem, qui a Cicerone cingere coelum, i. e. supremum locum tenere dicitur, ipse collocat sub eo, qui muri instar reliquos continere a Stobaeo dicitur: error inde natus, quod Br. extimum hunc orbem non luce sed terrâ conflatum opinabatur. Verum vidit Boeckhius, in Comment. de Plat. Syst. pag. extr. cum quo, in hoc quidem, mea interpretatio concinit.

(71) Plato de Rep. X, p. 616.

(72) Lucretius Lib. I, vs. 76.

Hac autem corona quid intellexit? Mihi orbe illo lucido et fixo nihil aliud intelligendum videtur quam stellarum fixarum orbis, quem vulgo ἀπλανῆς, inerrabilem appellant, ingens lucis globus, cujus nobis non nisi scintillae appareant, tenebrarum caligine offusae; ut idem sit ille quem Parmenides in versibus modo ὄλυμπον ἔσχατον, modo οὐρανὸν ἀμφὶς ἔχοντα appellat ⁷³. Congruit huic interpretationi, quod Stobaeus sub hoc orbe ponit τὴν πυρώδη στεφάνην, quo aetherium orbem designat, ut mox videbimus. Illum autem orbem Deum facit, ut dicit Cicero, ac similiter sidera; neque sane a Parmenidis ratione alienum est, eum veteriorum exemplo coelestibus globis divina tribuisse nomina ⁷⁴, sicut Οὐρανὸς et Γαῖα jam antiquitus Dii appellati. Ciceroni hoc ridiculum videtur, non reputanti videlicet, Parmenidem in naturae descriptione non magis philosophum agere quam poëtam. Reminiscamur vero quae ipse Cicero in somnio Scipionis Africanum facit loquentem ⁷⁵: » Nonne » adspicis, inquit, quae in templa veneris (mundum » significat)? novem tibi orbibus vel potius globis con- » nexa sunt omnia: quorum unus est coelestis (οὐρα- » νός) extimus, qui reliquos omnes complectitur, » summus ipse Deus, arcens et continens ceteros » (item Deos); in quo infixi sunt illi qui vol- » vuntur stellarum cursus sempiterni.” Quae profecto Parmenideis haud dissimilia sunt.

(73) Vid. Parmen vss. 136, 140,

(74) Cf. supra ad n. 25.

(75) Cicero de Rep. VI, 17. ed. Mai.

§ 24.

Sub illa autem suprema corona Stobaeus deinceps collocat τὴν πυρώδη ⁷⁶, — eandem quam Parmenides αἰθέρα appellat, — globeum igneum, non tamen puro

(76) Stobaeus: ὑφ' ᾧ (nr. τῷ πάσας περιέχοντι) πυρώδης στεφάνη. Creuzerus ad Cicer. l. l. conjectit ἐφ' ᾧ, ratus, opinor, igneae huic coronae superiorem potius quam inferiorem convenire locum. Sed refutant hanc conjecturam ipsa Stobaei verba, quae modo jam attulimus: περιστάντος δὲ ἀνωτάτω πάντων τοῦ αἰθέρος, ὑπ' αὐτῷ τὸ πῦρ ὥδεσ ὑποταγῆναι, τοῦθ' ὅπερ κεκλήκαμεν οὐρανόν. quae cum his plane congruunt. Unde etiam liquet, τὸ πυρώδες sive τὴν πυρώδη στεφάνην a Stobaeo appellari coelum, quem eundem aethera dicit Parmenides (ut modo ostendi n. 68), in quo sidera volvuntur (cf. idem cit. n. 82.). Ergo τὸ πυρώδες non de puro ardore seu luce intelligendum, sed eodem sensu interpretandum, quo solem quoque et lunam Stobaeus πύρινα appellat et πυρός exhalatione concreta dicit; tametsi aperte docet, illa utrâque noctis et lucis materie conflata esse. Vid. infra n. 79, 80. Universe in his Stobaei ἀκριβεία non valde laudanda est.

Quae autem his continenter subjunguntur verba, καὶ τὸ μεσαίτατον πασῶν περὶ ᾧ (alii codd. περὶ ὧν) πάλιν πυρώδης, manifesto corrupta sunt; nec Davisii conjectura, καὶ τὴν μεσαιτάτην πασῶν ἀραιῶν πάλιν πυρώδη, quidquam juvat; quid enim hoc sibi velit: *mediam inter omnes raras sive lucidas igneam coronam esse?* immo repugnat istud ipsius Stobaei testimonio, qui unam modo ἐκ τοῦ ἀραιοῦ, *puro candore coronam*, memorat; quae est suprema, mundum cingens, ut modo vidimus. Ut sensum assequamur, Stobaei verba attento animo relegamus: primo coronas universe enumerat tres genere: unam ἐξ ἀραιοῦ, alteram ἐκ πυκνοῦ, medias inter has μικτάς; tum singulas breviter notat: primum τὸ περιέχον πάσας, quae est suprema omnium et respondet τῇ ἐξ ἀραιοῦ; deinde τὸ μεσαίτατον πασῶν, quod nihil aliud potest esse quam centrum; tum τὰς συμμιγεῖς, quae eadem sunt atque μικταί, quarum unam, quae Daemonis locum obtinet, accuratius describit, inde ad terrae siderumque naturam transit. His, ut opinor, consentaneum est, τὸ μεσαίτατον πασῶν respondere τῇ ἐκ πυκνοῦ στεφάνῃ, quae τῇ ἐξ ἀραιοῦ opposita est. Itaque non dubito, quin Stobaei verba sic scribenda sint: καὶ τὸ μεσαίτατον πασῶν περὶ ᾧ πάλιν

candore, in plures coronas divisum, eas quas supra a Stobaeo mixtas appellatas vidimus, quarum aliae sunt puriore, aliae crassiore materie temperatae. Significantur his siderum et planetarum ordines ex opinione veterum astronomorum, putantium, globos illos qui in coelo volvuntur, vario splendore, variis intervallis mundum ambientes, non suo apte pondere suspensos ferri, sed quasi illigatos esse orbibus gradatim sibi invicem superlatis mutuque adhaesione connexis ⁷⁷. Hos orbes coronarum nomine designat Parmenides: quorum singulorum naturam et ordinem explicare difficile est; incertum adeo, an ipse haec accuratius persecutus sit. Praecipuum autem inter hos locum dedit Orbi lacteo, quem ut candore sic loco et dignitate reliquis anteposuisse videtur. Concretum hunc esse dixit lucis sive ignis exhalatione, admistâ crassiore materie; quo effici lacteum illum colorem quem adspicimus ⁷⁸. Eâdem ignis exhalatione, vel potius ex ipso orbe lacteo, ut tradunt, excretos esse Solem et Lunam, illum puriore et

πυρώδης, quae lectio cum libris plane congruit. Exciderit autem *κέντρον τάξιν ἔχειν*, aut simile quid, quod in infimum hunc sive terrenum orbem conveniat. *ἡ πυρώδης* autem, quae medium inter terram et coelum occupat locum, mixtas coronas s. siderum orbes comprehendit, eaque, ut *τῷ περιέχοντι* sive *οὐρανῷ* subjecta, sic *τῷ μεσαιτάτῳ* sive *τοῖς περιγείοις* superposita est. Hoc modo omnia satis plana esse confido.

(77) Vid. Apulejus de Mundo, p. 58. ed. Elmenh.

(78) Stobaeus l. l. supra n. 66: *τοῦ δὲ πυρὸς ἀναπνοήν τὸν ἥλιον καὶ τὸν γαλαξίαν κύκλον*. Alibi autem distinctius, p. 574: *Παρμενίδης τὸ τοῦ πνικνοῦ καὶ τὸ ἀραιοῦ μίγμα γαλακτοειδὲς ἀποτελέσαι χρῶμα*. (Cf. Plutarchus, Plac. phil. III, 1. Galen. c. XVII.) Cum quibus congruunt quae mox de sole et luna ex eodem afferam. Cf. Parmenides, vs. 140.

calidiore, hunc frigidior et crassior natura ⁷⁹; et lunam quidem aequalibus partibus e calido et frigido conflata, quo faciem lunae effici; soli magnitudine aequalem ejusque luce collustratam ⁸⁰. Simili fortasse origine ac naturâ reliqua sidera exstitisse voluit; de quibus nihil memoratur, nisi globos igneos esse et terrena exhalatione ali ⁸¹: hoc est, utrâque lucis et noctis

(79) Stobaeus, p. 532: *Παρμενίδης τὸν ἥλιον καὶ τὴν σελήνην ἐκ τοῦ γαλαξίου κύκλου ἀποκριθῆναι, τὸν μὲν ἀπὸ τοῦ ἀραιότερου μίγματος, ὃ δὴ θερμόν, τὸν δὲ ἀπὸ τοῦ πυκνοτέρου, ὅπερ ψυχρόν.* E quo simul patet, galaxiam utrique dignitate anteponendum esse. Idem p. 524, de sole: *Παρμενίδης καὶ Μητρόδωρος πύρινον ὑπάρχειν τὸν ἥλιον*, eodem sensu quo paullo ante (n. 78) *πυρὸς ἀναπνοήν τὸν ἥλιον* dixerat; minus accurate.

(80) Stobaeus l. I. (supra n. 66.) *συμμιγῇ δ' ἐξ ἀμφοῖν εἶναι τὴν σελήνην, τοῦ τ' ἀέρος καὶ τοῦ πυρός.* Ibid. p. 564: *Παρμ. φησι διὰ τὸ παραμεμίχθαι τῷ περὶ αὐτὴν πυρῶδει τὸ ζοφῶδες (εἶναι τὴν ἔμφασιν, lunae faciem), ὅθεν ψευδοφανῇ τὸν ἀστέρα καλεῖ.* Postrema haec verba mox tangemus, § 25, p. 255 sq.

De lunae magnitudine idem p. 550: *Παρμενίδης πυρίνην, ἴσην δὲ τῷ ἡλίῳ, καὶ γὰρ ἀπ' αὐτοῦ φωτίζεται*, melius *φωτίζεσθαι*, ut legitur in Plutarch. plac. II, 26, qui etiam omittit *γὰρ*. Similiter Galenus XV, p. 38, et e Plutarcho Eusebius XV, 27. Qua ratione ex eo, quod luna solis luce illustretur, Parmenides collegerit eam soli aequalem esse, fateor cum Heereno me non assequi. Itaque cum Plutarcho istud *γὰρ* melius omittamus, ut censuit quoque Brandisius. Nisi fortasse, quod paene credo, Parmenides lunam soli ἴσην dixerit alio quodam sensu, velut, aequalem et oppositum soli tenere cursum.

(81) Stobaeus p. 510: *Παρμενίδης καὶ Ἡράκλειτος πιλήματα πυρὸς τὰ ἄστρα, τρέφεσθαι δὲ τοὺς ἀστέρας ἐκ τῆς γῆς ἀναθυμιάσεως.* — ἄστρα et ἀστέρες hîc nullo discrimine posita sunt, ut saepius. Similiter fere paullo ante de Anaximandro refert: *Ἀναξίμανδρος πιλήματα ἀέρος, τροχοειδῆ, πυρὸς ἔμπλεα.* Nescio an *πιλήμα* fortasse effectum sit e *στεφάνῃ*; certe *στεφάνη* proprie vocatur *εἶδος περικεφαλαίας*, et *πίλημα*, teste Hesychio, est *ζώνη, μίτρα*. — Sidera terrenis vaporibus ali, vetus est et pervagata opinio: vid. Xenophanis rell. p. 163.

sive terrae et ignis materie constare. Inter sidera autem praecipuum locum dedit Hespero, quem princeps, ut Phavorinus retulit, eundem vidit esse ac Luciferum; et huic astro candore insigni insignem assignavit sedem, supra solem in purissimo coelo collocans⁸². Lunam autem, quantum ex iis, quae de ejus natura dixit, colligi potest, terrae proximam et terrenae atque aetheriae plagae conterminam statuuisse videtur.

Infimum denique locum obtinet terrena plaga, coelesti ex adverso opposita: quippe nocte sive densâ materie inferiora petente, in ima parte desedissem ipsam terram; hujus compressione excretos esse vapores terram circumdantes, aquam et aërem, rari et densi temperie conflatos⁸³. Terram autem docuit

(82) Diogen. Laërt. Parm. IX, 23: καὶ δοκεῖ πρῶτος πεφωρακέναι, τὸν αὐτὸν εἶναι Ἑσπερον καὶ Φῶσφορον, ὡς φησὶ Φαβωρίνος ἐν πεμπτῶ τῶν ἀπομνημονευμάτων • οἱ δὲ Πυθαγόραν. Eadem dicit Suidas v. Ἑσπερος. Eadem de aliis placitis est discrepantia. cf. paullo inferius § 25, n. 97. De hujus ceterorumque siderum ordine Stobaeus Eccl. Phys. I, 25. p. 516, 518: Παρμενίδης πρῶτον μὲν τάττει τὸν Ἑῶν, τὸν αὐτὸν δὲ νομιζόμενον ὑπ' αὐτοῦ καὶ Ἑσπερον, ἐν τῷ αἰθέρι • μεθ' ὃν τὸν Ἥλιον, ὑφ' ᾧ τοὺς ἐν τῷ πυρώδει ἀστέρας, ὅπερ οὐρανὸν καλεῖ. Etiam hîc Stobaeus nomina αἰθήρ et οὐρανός usurpat magis suâ vel Peripateticorum ratione, quam Parmenidis; vid. supra n. 68. Tantum vero ex his apparet, Luciferum ordine Soli anteponi, sicut et aliis placuit. Cf. Ideler, über das Verhältniss des Copernicus z. Alterth. in Museo Antiq. II. p. 447; Ast, commentar. in Platon. Remp. p. 630. An eundem quoque Galaxiâ superiorem fecerit, non apparet, nec tamen probabile est.

(83) Plutarch. Stromat. apud Euseb. Praep. Eu. I, 8. p. 23 D: λέγει δὲ τὴν γῆν, τοῦ πυκνοῦ καταρρέοντος ἀέρος γεγενένην. — τοῦ πυκνοῦ ἀέρος, i. e. τῆς νυκτός. Porro Stobaeus supra n. 66: καὶ τῆς μὲν γῆς τὴν ἀπόκρισιν εἶναι τὸν ἀέρα, διὰ τὴν βιαιοτέραν αὐτῆς ἑξατμισθέντα πίλησιν. Aristot. Gener. et Corrupt. II, 3: οἱ δ' εὐθύς δύο ποιοῦντες, ὥσπερ Παρμ. πῦρ καὶ γῆν, τὰ μεταξὺ μίγματα ποιοῦσι τούτων, οἷον ἀέρα καὶ ὕδωρ.

rotundam esse, et aequalibus undique a mundi ora intervallis distantem, in centro consistere; eamque tremiscere quidem interdum, haud tamen moveri ⁸⁴, sed circum hanc tanquam centrum coelestes orbes circumferri. Convenienter huic opinioni terram quoque primus, teste Posidonio, in quinque zonas distribuit; quarum mediam (torridam) nimis latam fecit, ita ut circulorum tropicorum intervallum excedat; ambas autem temperatas habitabiles dixit ⁸⁵.

Ita autem mundo ordinato, quaeratur, quae sedes adsignanda sit Deae illi naturae moderatrici, quam in medio coelo habitare finxit Parmenides. Plerique ita intellexerunt, eam in medio sive centro universi collocatam esse. Sic Simplicius de Parmenide loquens dicit ⁸⁶: καὶ ποιητικὸν αἷτιον ἐκεῖνος μὲν ἐν κοινόν, τὴν ἐν

(84) Diogenes Laërt. IX, 21: πρῶτος τὴν γῆν ἀπέφηνε σφαιροειδῆ καὶ ἐν μέσῳ κεῖσθαι. quod placitum, et reliqua quae sequuntur, haud dubie e Theophrasto petatum est, quem paullo post auctorem nominat: καθὰ μέμνηται καὶ Θεόφραστος ἐν τοῖς φυσικοῖς. Cf. paullo inferius n. 95. Reliqua, fortasse ex eodem fonte ducta, referunt Plutarchus Plac. III, 15: Παρμενίδης, Δημόκριτος, διὰ τὸ πανταχόθεν ἴσον ἀφυστῶσαν μένειν ἐπὶ τῆς ἰσορροπίας, οὐκ ἔχουσιν αἰτίαν, δι' ἣν δεῦρο μᾶλλον ἢ ἐκεῖσε ῥέψειεν ἂν • διὰ τοῦτο μόνον μὲν κραδαίνεσθαι, μὴ κινεῖσθαι δέ. et Galenus, l. l. XXI. Terrae motus spectari, quisque intelligit.

(85) Posidonius ap. Strabon. II, p. 150 C: φησί δε δὴ ὁ Ποσειδώνιος, τῆς εἰς πέντε ζωνὰς διαιρέσεως ἀρχηγὸν γενέσθαι Παρμενίδην • ἀλλ' ἐκεῖνον μὲν σχεδόν τι διπλασίαν ἀποφαίνειν τὸ πλάτος τὴν διακεκαυμένην τῆς μεταξὺ τῶν τροπικῶν. Cf. Posidon. rell. p. 91 sq. ed. Bake. Cum eo concinit Achilles Tat. Isag. in Arati Phaenom. c. 31, p. 90. ed. Petav. πρῶτος δὲ Παρμενίδης περὶ τῶν ζώνων ἐκίνησε λόγον. Plutarchus autem, Plac. phil. III, 14, inventum illud Pythagorae tribuens, de Parmenide dicit: Παρμ. πρῶτος ἀφώρισε τῆς γῆς τοὺς οἰκουμένους τόπους ὑπὸ ταῖς δυοῖ ζωναῖς ταῖς τροπικαῖς. Cf. inferius n. 98.

(86) Simplic. Phys. I, f. 8 A.

μέσῳ πάντων ἰδρυμένην καὶ πάσης γενέσεως αἰτίαν δαίμονα τίθησιν. Qua in re quidam censent illum Pythagoreos secutum esse, qui in medio universi igneam naturam ponebant, vi suâ omnia animantem, circum quam et terra et sidera se moveant. Ita interpretatur scriptor Theologumenôn: (οἱ Πυθαγορεῖοι) Φασί, περὶ τὸ μέσον τῶν τεσσάρων στοιχείων κεῖσθαι τινὰ ἐναδικὸν διάπυρον κύβον... εἰκόνασι δὲ κατὰ γε ταῦτα κατηκολουθηκέναι τοῖς Πυθαγορείοις οἳ τε περὶ Ἐμπεδοκλέα καὶ Παρμενίδην καὶ σχεδὸν οἱ πλεῖστοι τῶν πάλαι σόφων, Φάμενοι τὴν μοναδικὴν φύσιν Ἑστίας τρόπον ἐν μέσῳ ἰδρύσθαι, καὶ διὰ τὸ ἰσόρροπον φυλάσσειν τὴν αὐτὴν ἔδραν ⁸⁷. Hic summum numen in medio mundo collocatum aequilibrio constare dicit, prorsus ut de terra dixisse Parmenidem vidimus ⁸⁸. Ergo si haec ratio probetur, terra de sede sua detrudenda est, quo totus Parmenidis mundus corruat necesse est. Nisi putemus a scriptore illo ipsam intelligi Terram, tanquam divam genitricem, circum quam omnes coelestes globi volvantur; similiter fere ut Euripides, ab eodem citatus, de Tellure canit:

(87) Vid. Theologumena Arithm. p. 7 ed. Ast.

(88) Eundem fere in modum, Parmenidis mundum finxit Boeckhii Commentar. de Platon. Syst. coel. extr. » Pythagoreorum placita, inquit, » etiam Parmenides in ea parte carminis, ubi res, quae sensibus percipiuntur, haud ex scientia, sed ex opinionibus non tam suis quam aliorum » explicat, ita secutus est, ut Vestae loco in medio poneret Numen, » Δαίμονα ἢ πάντα κυβερνᾶ, quam κληδοῦχον, δίκην, ἀνάγκην appellat, » deinde terrena loca, tum coelum, et summum aethera sive ignem » omnia circumdantem et includentem, quem nomine Stephanes appellatum haud veritus est Deum nuncupare."

Γαῖα μήτηρ, Ἑστίαν δέ σ' οἱ σόφοι
βροτῶν καλοῦσιν, ἡμένην ἐν αἰθέρι ⁸⁹.

At illa Daemon, quae diversa elementa, terram et ignem, miscuit et consociavit, ipsa profecto nec terra nec ignis haberi potest. Atque huic opinioni repugnat testimonium Stobaei, qui Parmenidis mundum describens docet, Numen illud ab eo fingi tanquam coronam, mediam inter mixtas collocatam; τῶν συμμιγῶν τὴν μεσαιτάτην ⁹⁰. Quae sedes optime sane convenit Daemoni illi, quae ut contraria elementa inter se conciliat, sic medium quoque inter ea locum obtinere debet. Praeterea hac in re Stobaei auctoritas reliquis anteponenda videtur. Stobaeus enim Parmenideam mundi descriptionem omnem ordine exponit; Simplicius rem non nisi strictim attingit; scriptori autem Theologumenôn, Pythagorico homini, ad Pythagoream disciplinam omnia accommodanti, in interpretando non multum fidei potest haberi. Tenemus ergo, habitare hanc Deam mediam inter globos coelestes, paribus intervallis a mundi centro et circuitu distantem, unde ipsa globus ceteros globos, quos item Deos finxisse videtur, suo numine conciliat et moderatur (*).

(89) Cf. Macrob. Saturn. I, 23.

(90) Vid. supra n. 66.

(*) Ex hoc vel simili veterum commento fluxit fortasse, ut multa alia, haec Platoniorum opinio, inde a Platone (Epinom. 9, p. 984,) repetita, quam Apulejus de Deo Socrat. II, p. 133 Oudend. his verbis memorat: » Sunt quaedam divinae mediae potestates (daemones), inter summum » aethera et infimas terras in isto intersitae aëris spatio, per quas » desideria nostra et merita ad Deos commeant." Cf. Ast. Animadv. p. 602.

§ 25.

Jam ex iis, quae hactenus de Parmenidis mundo disseruimus, apparet talem fere ab eo fingi coronarum sive coelestium globorum ordinem: extremam mundi oram ambit corona solido lucis ardore, arcens ceteras, Olympus sive *Urānus* appellatus; huic proximus est *Galaxias*, sive orbis lacteus; deinde sequitur *Eous* idemque *Hesperus*; tum *Solaris* circus; post hunc reliqui fortasse planetae; quos infra *Luna* terrenae regioni proxima; postremo *Terra* centrum obtinens et *Olympo* e contrario opposita; intermedia omnium *Dea naturae gubernatrix*. Quae mundi descriptio e veterum testimoniis ducta cum ipsius Parmenidis versibus videtur congruere ⁹¹.

Caeterum in his describendis Parmenides cum *Ionicos philosophos auctores* habuit, tum *Pythagoreos*, nisi potius hi illum; quod decernere non ausim: certe concinit maxime cum *Pythagoreis*, qui simili figura mundum descripserunt: quam descriptionem ab antiquioribus fortasse inchoatam ⁹² accuratius exposuit et literis consignavit *Philolaus*. Hic mundum similiter dividit in tres plagas, quarum supremam item "*Ὀλυμπόν*" appellat, purissimo candore; subter hanc, eam in qua solis, lunae, et planetarum circuli

(91) Vid. *Parmen.* vss. 139 sqq.

(92) Sic *Anaximandro* placuit, τοὺς ἀστέρας (s. *πλανήτας*) ὑπὸ τῶν κύκλων καὶ τῶν σφαιρῶν, ἐφ' ὧν ἕκαστος βέβηκε, φέρεσθαι. Vid. *Plutarch. plac.* II, 16; *Stobaeus Ecll. Phys.* I, 25. p. 516.

feruntur, quem *κόσμον* vocat; infimam sublunarem regionem et terrenam, quam *οὐρανοῦ* nomine designat ⁹³. Haec, quamquam a Philolao accuratius descripta, formâ tamen cum Parmenideis congruunt. In eo autem Parmenides a plerisque Pythagoreis dissentit, quod hi coelestes globos ipsamque terram circum mundi centrum ferri dicebant, in quo statuebant globum igneum, Vestam et Deorum Matrem ab ipsis appellatam ⁹⁴; ille autem in medio terram collocat aequalibus ponderibus libratam, in hoc cum Ionicis consentiens.

Hac autem placitorum similitudine facile factum est, ut de nonnullis ambigatur, utrum Parmenidis propria, an cum aliis ei communia fuerint. Veluti terram esse globosam, alii Parmenidem primum docuisse tradunt, alii Pythagoram ⁹⁵. At Pythagorae multa sunt tributa, quae seriores demum Pythagorei docuerunt; et quum Parmenides a nonnullis Pythagoreus habitus sit, facile fieri potuit, ut hujus in-

(93) In his Stobaeum (Ecll. I, 23) sequor, etsi invitus. Mihi enim non dubium est, quin ex antiquorum mente vocabula *οὐρανός* et *κόσμος* transponenda sint, ut ille appelletur orbis sidereus, hic sublunaris. Stobaeus autem ipse sibi obloquitur, quum *οὐρανόν* modo supremum coeli orbem, modo sublunarem regionem vocet. Cf. Boeckh. Philol. p. 94 sqq.

(94) Vid. Aristot. de Coelo, II, 13. p. 363. cf. Boeckh. de Platon. Syst. Coel. p. 14 sq.

(95) Diogenes Laërt. VIII, s. 48, de Pythagora loquens: *τοῦτον δὲ Φαβωρῖνός φησι . . . τὸν οὐρανὸν πρῶτον ὀνομάσαι κόσμον, καὶ τὴν γῆν στρογγύλην . ὥς δὲ Θεόφραστος, Παρμενίδην . ὥς δὲ Ζήνων, Ἡσίοδον*. Non ausim hoc Theophrasti testimonium etiam ad *κόσμον* referres (ut facit J. H. Voss, in dissert. de figura terrae, Krit. Blätter u. Geogr. Abhandl. p. 148), quamquam cum Parmenideâ mundi descriptione bene congruat. Cf. idem VIII, s. 26.

venta illius disciplinae parenti attributa sint. Idem vero jam suspicatum esse Anaximandrum, nonnulli putant; censuit certe terram in medio collocatam esse et aequilibrio contineri ⁹⁶; si autem aequilibrio contineatur, quomodo potest esse non globosa? Licet hoc Anaximander nondum intellexerit, tamen haud improbabile est, opinionem istam jam Parmenidis aetate exstitisse, ab illo autem planius explicitam et versibus memoriae proditam esse: ut non immerito ejus auctor possit haberi. Similiter ambigitur de placito isto, Hesperum eundem esse ac Luciferum: quod Phavorinus quidem Parmenidi, plures et graviores testes Pythagorae tribuunt auctori ⁹⁷; item uter eorum princeps terram zonis descripserit, quod doctiores Parmenidi asserunt ⁹⁸. Lunam, ut lumen a sole mutuantem, *Ψευδοφαῖ* vocatam esse a Parmenide, legimus apud

(96) Aristoteles de Coelo, II, 13. p. 365 F: εἰσὶ δέ τινες οἱ διὰ τὴν ὁμοιότητά φασιν αὐτὴν (τὴν γῆν) μένειν, ὥσπερ τῶν ἀρχαίων Ἀναξίμανδρος · μᾶλλον γὰρ οὐθὲν ἄνω ἢ κάτω ἢ εἰς τὰ πλάγια φέρεσθαι προσήκει (f. προσήκειν) τὸ ἐπὶ τοῦ μέσου ἰδρυμένον καὶ ὁμοίως πρὸς τὰ ἔσχατα ἔχον . . . ὥστε ἐξ ἀνάγκης μένειν. Anaximandrum tamen non globosam finxisse terram, docuit J. H. Voss. l. l p. 134—141.

(97) Diogenes Laërt. Pythag. VIII, 14: Πρῶτόν τε (φασὶ Πυθαγόραν) Ἐσπερον καὶ Φῶσφορον τὸν αὐτὸν εἰπεῖν, ὥς φησι Παρμενίδης. corrig. οἱ δέ φασι Παρμενίδην. nisi fortasse inserto auctoris nomine scribi oporteat: ὥς δέ φησι Φαβωρῖνος, Παρμενίδην. Cf. superius n. 82. Pythagorae etiam vindicat Plinius II, 8, qui ipsum hujus inventi annum notat: » Quam naturam ejus sideris Pythagoras Samius primus apprehendit, Olymp. circiter XLII, qui fuit urbis Romae Annus CXLII." Quod tempus Parmenidis aetatem antecedit.

(98) Vid. supra n. 85. A Pythagora coelum in quinque zonas divisum esse refert Stobaeus Ecll. I, 24. (p. 502); coelum pariter et terram, Plutarchus Plac. III, 14; Galenus autem c. XXI, Pythagoreos universe auctores nominat.

Stobaeum; Diogenes idem de Anaximandro refert⁹⁹; plerique vero Anaxagorae, qui utroque posterior fuit, hoc decretum vindicant¹⁰⁰. Probabile, antiquum illud fuisse et tam Italicae quam Ionicae disciplinae aemulis notum, sed ab Anaxagora demum, physico-
rum principe, ratione demonstratum ejusque aucto-
ritate a plerisque receptum fuisse. Plura possent conferri, quae Parmenides cum Anaximandro aliisque communia habuisse traditur; sed ea levioris sunt mo-
menti: tantum inde universe colligi potest, Parmeni-
dis de rerum natura opiniones et placita tam cum Ioni-
corum veterum quam Pythagoreorum placitis cohaerere.

Ex haec quidem de mundi origine et natura. Praeterea Parmenidem in carmine egisse de coeli con-
versione, de siderum origine, motu, et vi in rerum
naturam, de rebus in coelo apparentibus, testantur
ipsius versus, in quibus istorum facit mentionem¹⁰¹;
ceterum de his nihil relatum invenimus, praeterquam
hoc unum, mundum aliquando interiturum, ut refert
Φιλοσοφουμένων scriptor: ὁ Παρμενίδης τὸν κόσμον ἔφη
φθείρεσθαι, ᾧ δὲ τρόπῳ, οὐκ εἶπεν¹⁰². At licet non
dixerit, quomodo id fiat, re ipsâ tamen intelligitur,
mundum, disruptâ illâ temperie qua rerum natura
contineatur, collapsurum aliquando et in eadem, e qui-
bus compositus sit, initia reversurum. Hactenus de
universi natura, pergamus ad reliqua.

(99) Diogenes L. II, s. 1; cf. superius n. 80.

(100) Vid. Plato Cratyl. p. 409 A. cf. Schaubach. Anaxagorae fr. p. 163.

(101) Vid. vss. 132-142.

(102) Origenes Philos. Cap. XI. Cf. Parmen. vs. 157.

§ 26.

Explicata mundi origine et conditione, transiisse videtur Parmenides ad ea quae in terris gignuntur: quorum de reliquis quid senserit vel docuerit, non accepimus; tantum relata nobis sunt ea quae de humani generis natura cecinit, quod argumentum diligentius quam cetera tractasse videtur. Exposuit de hominum origine, incrementis, corporis animique natura et indole, eaque singula pro suae aetatis ingenio subtiliter exploravit. De quibus quae ad nostram memoriam pervenerunt, enarrabimus.

De hominum ortu Diogenes (Theophrasto, ut videtur, auctore) refert, Parmenidi placuisse, *γένεσιν ἀνθρώπων ἐξ ἡλίου πρῶτον γενέσθαι*, *naturae principio hominum genus sole natum esse* ¹⁰³. Mira profecto opinio; unde nonnullis in mentem venit, pro *ἡλίου* legendum esse *ἰλύος*: homines *e luto* factos ¹⁰⁴; quod vulgaribus fabulis proximum ¹⁰⁵. Si vero id, quod Diogenes strictim et obscure retulit, ad veterum mentem et sententiam interpretemur, opinio ejus sic explicanda videtur: solem, quum omnia, quae in terris generantur, vi et calore suo excitet et foveat,

(103) Diogenes Laërt. IX, 22; quae pleraque desumta a Theophrasto, ut jam superius monui, § 19, n. 3; § 24, n. 84.

(104) Quae est lectio edit. Basil. et Aldobrandini, probata etiam Menagio, Bruckero, al.

(105) Cf. Censorin. de Die nat. c. IV, et Lindebrog. h. l. n. 14, ed. Haverc.

tum praecipue hominem procreasse, natura coelestibus cognatum, ac fortasse eâdem, quâ solem, calidi ac frigidi temperie conflatum ¹⁰⁶.

Haec opinio non multum discrepat a Pythagoreorum sententia, qui homines, ut Diis cognatos, maxime omnium animantium caloris participes esse ajebant ¹⁰⁷; neque ab Anaxagorae placito, qui et animalibus et plantis caloris semina a sole impertiri docebat, atque aliquando de plantarum natura interrogatus, respondit, earum matrem terram esse, solem vero patrem ¹⁰⁸. Sed simillimum est, quod in Platonis convivio Aristophanes, antiquiores forsitan imitatus, fingit, narrans, praeter mares et feminas quondam tertium quoque genus fuisse utriusque sexûs particeps, atque trium illorum generum hanc fuisse originem: τὸ μὲν ἄρρῆν ἦν τοῦ ἡλίου τὴν ἀρχὴν ἐκγονον, τὸ δὲ θῆλυ τῆς γῆς, τὸ δὲ ἀμφοτέρων μετέχον τῆς σελήνης, marium genus e sole, feminarum tellure, ambigenum autem istud lunâ editum esse ¹⁰⁹. Plato rem suo ingenio ornavit et auxit. Ceterum opinio haec sic explicanda videtur, terram recentem excepta gremio vel retenta lucis coelestis semina

(106) Haec explicatio placet J. Kühnio ad Diogen. Laërt. l. l. post Menagii Observ. p. 538 sq. et Brandisio Comm. Eleat. p. 166 sq. Neque opus est, hoc sensu, ut soli adjungatur terra, sic ut intelligi vult Ritter. Hist. phil. Vol. I, p. 483, quoniam sol ipse utroque elemento mixtus est secundum Parmenidem.

(107) Vid. Diogen. Laërt. VIII, 27.

(108) Vid. Aristot. Plant. I, 2; Irenaeus adv. Haeres. II, 14. citati a Schaubach. Anaxagorae fragm. p. 182 et 184.

(109) Platon. Sympos. p. 190 B.

vapore et compressu suo fovisse, ex iisque hominum quasi segetem procreasse. Inde, ut ait Virgilius ¹¹⁰,

Igneus est ollis vigor et coelestis origo.

Huic rationi consentanea sunt quae de humanae naturae primordiis commentus esse traditur. Qua de re Parmenidis eadem fere atque Empedoclis fuit opinio, qui, ut refert Censorinus, homines rerum principio ita exstitisse finxit ¹¹¹: » primo membra singula ex terra » quasi praegnante passim edita, deinde (dispersa illa » membra paullatim in unum) coïsse, et (tandem) » effecisse solidi hominis materiam, igni simul et » humore permistam.” Ita Empedocles; atque » eadem » haec, inquit, opinio etiam in Parmenide Veliate » fuit, pauculis exceptis ab Empedocle dissensis.” Paucula ista in eo posita videntur, quod Parménides minus fabulose artificioseque humanitatis primordia enarraverit, quam fecit Empedocles, cujus commenta mirati sunt multi, pauci, excepto Epicuro, secuti. Ille universe tantum finxisse videtur, primos naturae humanae fetus rudes fuisse et informes, paullatim autem excultos tandem ad formae humanae perfectionem pervenisse. Putabant enim veteres, naturam, ut in plerisque rebus formandis a parvis progressa initiis paullatim ad majora et ampliora tendit, similiter in procreandis hominibus et animalibus primo specimina edidisse inchoata et imperfecta, quae paullatim ornata et aucta tandem ad perfectionem essent perducta.

(110) Virgil. Aen. VI, 730.

(111) Censorin. de Die nat. c. IV. Quae uncis inclusa sunt, explicandi gratia addidi.

Sic igitur homo ortus est, iisdem temperatus elementis, quibus totus mundus constat. In humana autem natura considerata praecipue cernitur sexûs discrimen, cujus rei rationem et causam hanc esse voluit. Marium et feminarum discrimen omne retulit ad diversam utriusque sexûs temperiem, qua tam animi quam corporis diversitatem effici voluit. Feminas quidem natura calidiores esse, mares contra frigidiores; hos crassiore, illas tenuiore temperie. Placitum hoc refert Aristoteles¹¹²; quamquam vix satis congruum videtur Parmenidis rationi: nam quum duo ista, calidum et frigidum, ita inter se differant, ut alterum sit efficacius, alterum magis iners, consentaneum esset, illud marium, hoc feminarum magis proprium haberi, sicut plerisque physicis placuit. Sed Parmenides ut feminas calidiores crederet, effecit ex sanguinis redundantia quae menstruis fit, quod caloris putabat indicium¹¹³; fortasse etiam e feminarum indole, quae natura sint leviores et mobiliiores, ut contra duriores et graviores viri. Initium autem et causam

(112) Aristoteles de Part. anim. II, 2. p. 746 D: *ἔνιοί φασιν εἶναι θερμότερα . . . τὰ ἄναιμα τῶν ἐναίμων καὶ τὰ θήλεα τῶν ἄρσένων . οἷον Παρμενίδης τὰς γυναῖκας τῶν ἀνδρῶν θερμότερας εἶναι φησί, καὶ ἕτεροί τινες, ὡς διὰ τὴν θερμότητα καὶ πολυαιμίαν γινομένων τῶν γυναικείων. — τὰ γυναικεῖα appellantur menstrua. Cum Parmenide concinit fere Hippo, censens: » ex seminibus tenuioribus feminas, e densioribus mares fieri.” Censorin. c. VI.*

(113) Aristoteles l.l. et de Gener. Anim. IV, 1. p. 849 B, ubi non nominato auctore, idem placitum tangit: *οἴονται τινες τὸ θῆλυ θερμότερον εἶναι τοῦ ἄρσενος διὰ τὴν τῶν καταμηνίων πρῶσιν. . . . ὑπολαμβάνουσι δὲ τοῦτο γίνεσθαι τὸ πάθος δι’ ὑπερβολὴν αἵματος καὶ θερμότητος. Contrarium ipsi Aristoteli placet.*

huius diversitatis repetiit a mundi primordiis, fingens, utrumque sexum, ut temperie diversum, sic in diversis quondam orbis regionibus exstitisse: τὰ μὲν πρὸς ταῖς ἄρκτοις ἄρρενα βλαστῆσαι, τοῦ γὰρ πυκνοῦ μετέχειν πλείονος· τὰ δὲ πρὸς ταῖς μεσημβρίαις θήλεα, παρὰ τὴν ἀραιότητα ¹¹⁴ mares, ut crassiores, in boreali terrae plaga; feminas, ut leviores, in australi regione natas esse. Similia his etiam Empedocles docuit, quamquam contrario modo utriusque sexûs temperiem et natalem sedem describens ¹¹⁵. Commenta haec mirabilia, si eorum rationem quaeramus, partim quidem e philosophorum ingeniis nata sunt, partim vero ducta videntur e vulgi fabulis, quibus res parum diligenter observatae ac temere creditae pro veris certisque ferrentur. Ita Aristoteles narrat, veteres observasse, aquiloniis flatibus magis quam austrinis mares gigni; et a pastoribus credi, in pecoribus ad feminarum mariumve feturam non solum interesse, quibus flatibus fiat initus, sed etiam quam mundi partem pecudes spectent, borealem an austrinam ¹¹⁶. Quae opinio nititur fortasse veteri illa superstitione, qua septentrionalis plaga felicior habebatur meridionali, ut notum est ex auguriis ¹¹⁷. Ejusmodi fabulas, vulgo creditas, facile istis philosophorum commentis originem dedisse opinor.

Haec autem duo genera, marium et feminarum, quomodo, regionibus divisa, deinde congregata sint,

(114) Plutarch. plac. phil. V, 7; Galenus, XXXII.

(115) Vid. Aristot. de Part. anim. et Plutarch. plac. II. II.

(116) Vid. Aristot. de Gener. Anim. IV, 2. p. 850.

(117) Cf. mox not. 126.

etsi memoratum non legimus, facile tamen e Parmenidis ratione effici potest. Nam ut naturae elementa, similiter hominum genera, principio separata, mox Veneris impulsu conciliata inter se et Amoris vinculo consociata sunt. Ita jam in hominum societatem deducti, videamus, quomodo genus propagaverint.

§ 27.

Nulla est quaestio, ad naturam humanam pertinens, a veteribus physicis studiosius tractata et disceptata, quam haec de hominum generatione ac progenie; ad quod indagandum dubites utrum eos magis cognoscendi studium an rei obscuritas impulerit. Quaesiverunt de seminis origine, num ab utroque parentum an a patre solo oriretur; de liberorum sexu, qua causa fiat ut feminae maresve gignantur; de eorum figura, cur modo patribus modo matribus similiores existant, aliaque plura. Parmenides pleraque haec ad mixturae varietatem seminisque temperiem retulit.

Partum concipi putavit ex utriusque, patris et matris, seminibus mixtis inter se et temperatis: quae eadem multorum physicorum fuit opinio ¹¹⁸; semina

(118) Censorin. de Die nat. c. V: » Illud quoque ambiguum facit inter » auctores opinionem, utrumne ex patris tantummodo semine partus » nascatur, ut Diogenes, an etiam ex matris, quod Anaxagorae et » Alcmaeoni, nec non Parmenidi Empedoclique et Epicuro visum est." In Anaxagora falli videtur, qui testè Aristotele, Gener. Animal. IV, 1, p. 847 C, censuit, *γίνεσθαι ἐκ τοῦ ἄρρενος τὸ σπέρμα, τὸ δὲ θῆλυ παρέχειν τὸν τόπον*. Parmenidis placitum confirmant ipsius versus 150 sqq. in quibus seminis mixtionem memorat.

autem tum e dextris, tum e laevis partibus derivari ¹¹⁹, pariterque fetus in uteri tum dextra tum laeva parte exsistere; et dextris e partibus mares edi, laevis feminas ¹²⁰. Parmenīdi commune fuit hoc placitum cum Anaxagora, cujus sententiam clarius refert Aristoteles: Ἀναξαγόρας καὶ ἔνιοι τῶν Φυσιολόγων . . . εἶναι τὸ μὲν ἄρρῆν ἐκ τῶν δεξιῶν, τὸ δὲ θῆλυ ἐκ τῶν ἀριστερῶν· καὶ τῆς ὑστέρας τὰ μὲν ἄρρῆνα ἐν τοῖς δεξιοῖς εἶναι, τὰ δὲ θήλεα ἐν τοῖς ἀριστεροῖς ¹²¹. Etiam placitorum scriptor Plutarchus communem utriusque hac de re facit sententiam, sed eam perverse refert, dicens ¹²²: Ἀναξαγόρας, Παρμενίδης, τὰ μὲν ἐκ τῶν δεξιῶν καταβάλλεσθαι εἰς τὰ δεξιὰ μέρη τῆς μήτρας, τὰ δ' ἐκ τῶν ἀριστερῶν εἰς τὰ ἀριστερά· εἰ δ' ἐναλλαγῇ τὰ τῆς καταβολῆς, γίνεσθαι θήλεα. Horum prius, dextrum semen dextro utero, laevum laevo demitti, rectum est; quod autem sequitur, hoc modo mares nasci, contrario, si dextrum semen laevo utero, vel laevum dextro misceatur, feminas, falsum esse, attatis Aristotelis et Galeni testimoniis facile evincitur ¹²³. Hoc potius Parmenidem statuisse credo, si contrariae contrariis misceantur venae, effeminatos et molles homines generari; a qua opinione versus ejus a Coelio citati non multum distant ¹²⁴.

Illud autem placitum, mares et feminas diversis

(119) Ut dicit Censorinus l. l.

(120) Galenus citatus supra sub vs. 149; cf. commentar. in h. vs.

(121) Aristot. de Gener. Anim. IV, 1. p. 847 C. Cf. Censorin. cit. n. 127.

(122) Plutarch. plac. phil. V, 7.

(123) Omitto Pseudo-Galenum qui hac in re cum Pseudo-Plutarcho consentit, Phil. hist. cap. XXXII.

(124) Vid. Parmen. vss. 150—155, et Commentar. p. 127.

corporis partibus nasci, Parmenideae rationi plane congruum est: ut enim naturae principio mares et feminas terrarum regionibus disclusit, sic eosdem in utero quoque locis separatos esse, consentaneum erat. Quod autem illis dextrae, his laevae tribuantur partes, istius placiti alii hanc rationem dedere, quod dextrum latus sinistro latere calidius esset, ut ipse medicorum parens Hippocrates iudicat ¹²⁵; Parmenidi vero haec ratio parum convenire videtur, quippe qui feminas calidiores voluit esse quam viros. Sed congruit illa locorum divisio cum descriptione terrae regionum, in quibus quondam utriusque sexûs primordia exstitisse finxit. Nam borealis mundi plaga dextra, australis laeva dici haberique solebat a priscis, praesertim Pythagoreis ¹²⁶; eosdem igitur utrisque in corpore adsignavit locos, quos quondam in terris occupavissent.

Porro quaesivit etiam, qua caussa fiat, ut liberi modo patris modo matris imaginem referant. Ad hanc quaestionem pertinere videtur, quod ad sexûs diversitatem explicandam affert Censorinus, dicens ¹²⁷: »inter se »certare feminas et mares, et penes utrum victoria »sit, ejus habitum (sexum intelligit) referri, auctor est »Parmenides”; sicut contra, quae ille de formae similitudine dicit, ad sexum referenda sunt; ait enim:

(125) Vid. Menag. ad Diogen. Laërt. Obs. p. 75; cf. Aristoteles, I. I. p. 848 H.

(126) Vid. Aristot. de Coelo II, 2; Achilles Tat. Isagog. in Arat. c. 28. p. 88 Antv. Opinio haec jam Aegyptiis placuit, auctore Plutarcho, de Is. et Osir. p. 363. (Vol. VII, p. 435 Reisk.) Plura de hoc legantur apud Fabricium ad Chalcid. Tim. p. 312, et Sturz. Empedocl. p. 336.

(127) Censorin. C. VI.

» Parmenidis sententia est, cum dextrae partes semina
 » dederint, tum filios esse patri consimiles; cum laeva,
 » tunc matri.” Hac enim caussa sexûs diversitatem
 effici, modo vidimus. Censorinus quum utramque
 quaestionem eodem capite tractaret, facile potuit ista
 confundere. Caeterum illa quoque ratio Parmenidis
 placitis consentanea est. Nam quum ex utriusque
 seminis temperie nascatur proles, necesse est, quum
 semina varie temperata misceantur, existat inter ipsa
 quasi certamen quoddam, et utrius superior sit natura
 majorque vis, ejus figuram vultumque referri. Ne-
 que ab hac opinione multum discrepat illud quorum-
 dam placitum, quod memoratur ab Aristotele ¹²⁸:
*ἀφ’ ὁποτέρου ἂν ἔλθῃ σπέρμα πλεόν, τούτῳ γίγνεσθαι
 μᾶλλον ὅμοιον.*

Haec sunt quae de humana progenie e Parmenidis sen-
 tentia accepimus: omnia fere ab illo ad seminis materiem
 et mixturam referuntur. Praeterea autem vidit, ut justa
 efficiatur temperies, requiri etiam virtutem quandam
 in diversorum seminum consensione positam, qua illa
 apte coalescant. Ubi haec consensio adsit, bene con-
 dita corpora nasci; ubi desit et semina inter se pugnent,
 fetus procreari fractos et debiles et quasi diris vexatos.
 Sic a seminum inter se consensione vel repugnantia
 bonum malumve corporum habitum pendere ¹²⁹.

(128) Aristot. de Gener. Anim. IV, 3. p. 852 F.

(129) Cf. commentar. p. 127, 128.

§ 28.

Ut corporis naturam elementorum temperie conflata dixit, sic eorundem vi et vicissitudine omnem vitae actionem omnesque motus effici et temperari censuit. Praecipuae sunt partes calidi et frigidi, quorum alterum, ut mobile et vividum, ad agendum et movendum excitat; alterum, tardum et grave, ad silentium et quietem componit. Sic laboris et somni vicissitudo nihil aliud est quam calidi et frigidi permutatio: somnum refrigerationem esse dixit ¹³⁰. Similiter juvenus et senectus eo praecipue differunt, quod altera calidior sit, altera frigidior: senectutem igitur effici dixit caloris remissione ¹³¹; mortem denique nihil aliud esse nisi ignis et caloris extinctionem ¹³². Itaque calore maxime vitam agitari voluit, quod alii etiam, praesertim Pythagorei, docuere: *ζῆν μὲν πάντα ὅσα μετέχει τοῦ θερμοῦ* ¹³³.

Haec ad naturalem hominum conditionem pertinent; ad eadem principia animi quoque vim, sensum et cogitationem refert. Animum naturâ cum corpore concretum esse voluit; mentem a sensu non distinxit. Eâdem enim elementorum concretione et temperie, qua corporis figuram et membra, etiam animi sensum et cogitationem (quae uno vocabulo *νοῦν* sive *νόημα* appellat) constare, et variatâ illorum mixturâ ac tem-

(130) Tertullianus de anima p. 295. Rigalt. cit. Br.

(131) Vid. Stobaeus Floril. Tit. 105, 29. Vol. III, p. 427. Gaisf.

(132) *ἐκλειψιν τοῦ πυρός*, dicit Theophrastus, cit. inferius not. 143.

(133) Diogen. Laërt. VIII, s. 27.

perie, ut corpora, sic animos quoque mutari ¹³⁴; in quibus plus calidi sit, eos esse acriores et celeriores, in quibus plus frigidi, hebetiores et tardiores; omnes tamen aliqua temperie indigere ¹³⁵. Porro elementorum fluxu et vicissitudine ut corporum sic animorum quoque affectiones et motus exsistere: frigore oblivionem pari, calore memoriam acui ¹³⁶. Sic animi natura cum corpore plane cohaeret, illiusque vis per omnia membra et artus diffusa est, praecipue tamen in pectore viget ¹³⁷.

Placita haec congruunt cum plerorumque physico-
rum sententia, putantium, eandem esse hominum,
tam corporum quam animorum, atque universi mundi
vim et naturam ¹³⁸. Unde etiam rerum cognitionem
et intellectum explicabant, statuentes, similia simi-
libus cognosci; hoc est: eo, quod animus iisdem
quibus universus mundus constet rerum initiis, effici

(134) Vid. vss. 145—148, citati a Theophrasto in physicorum fragm. s. de sensu, et commentar. h. l. p. 125 sq. Macrob. in Somn. Scip. I, 15: » Parmenides (animam dixit mixtam) ex terra et igne.”

(135) Theophrastus l.l. *ἐὰν γὰρ ὑπεραίρη τὸ θερμόν ἢ τὸ ψυχρὸν, ἄλλην γίνεσθαι τὴν διάνοιαν, βελτίω δὲ καὶ καθαρωτέραν τὴν διὰ τὸ θερμόν · οὐ μὴν ἀλλὰ καὶ ταύτην δεῖσθαι τινος συμμετρίας.*

(136) Theophrastus l.l. *καὶ τὴν μνήμην καὶ τὴν λήθην ἀπὸ τούτων (τῶν στοιχείων.) γίνεσθαι διὰ τῆς κράσεως.*

(137) Plutarch. plac. phil. IV, 5, et Galenus Phil. hist. c. XXVIII: *Παρμενίδης (τὸ τῆς ψυχῆς ἡγεμονικόν) ἐν ὅλῳ τῷ θώρακι.* Brandis animadvertit, si Parmenides voce *θώραξ* usus sit, totum truncum intelligendum esse, antiqua significatione Mihi Plutarchus sua ratione loqui videtur; dicit *ἐν ὅλῳ θώρακι*, ut hujus sententiam distinguat ab iis, qui in parte *θώρακος*, ut in corde aliove, animam ponebant.

(138) Copiose hanc opinionem illustrat Themistius in Paraphrasi Aristotelis de Anima Lib. I, f. 66, 67, 72, passim.

ut percipere res et agnoscere possit; veluti oculos lucem percipere, quia ipsi sint lucis participes. Sensus autem, ut animi instrumenta, diversos diversis elementis accommodatos esse, eorumque perceptionem effici τῇ ἀπορροΐᾳ, id est, tenuissimis particulis de rebus effluentibus, quae ad sensus adlabantur et per horum quasi meatus (πόρους) in mentem influant cum eoque se communicent. Hanc cum aliorum tum imprimis Parmenidis sententiam fuisse, refert Stobaeus, hos auctores enumerans: Παρμενίδης, Ἐμπεδοκλῆς, Ἀναξαγόρας, Δημόκριτος, Ἐπίκουρος, Ἡρακλείδης, παρὰ τὰς συμμετρίας τῶν πόρων τὰς κατὰ μέρος αἰσθήσεις γίνεσθαι, τοῦ οἰκείου τῶν αἰσθητῶν ἐκάστου ἐκάστη (αἰσθήσει) ἀρμότοντος ¹³⁹. Etiam Theophrastus, locuples testis, adfirmat Parmenidi placuisse, sensum et intellectum fieri τῷ ὁμοίῳ; quam tamen rationem Empedoclem demum ad singulos sensus accommodasse dicit, Parmenidem universe tantum tetigisse ¹⁴⁰.

Haec de sensu et intellectu. Quod ad cupiditatem attinet, auctore Stobaeo, Parmenides, similiter ut post eum Empedocles, censuit, cupiditatem nasci alimenti

(139) Vid. Stobaei appendix Flor. ed. Gaisf. p. 71. Plutarchus IV, 9 Empedoclem tantum et Heraclidem ejus placiti auctores nominat.

(140) Theophrastus, de sensu, princ. *Περὶ αἰσθήσεως αἱ μὲν πολλαὶ καὶ καθόλου δόξαι δύο εἴσιν · οἱ μὲν γὰρ τῷ ὁμοίῳ ποιοῦσιν, οἱ δὲ τῷ ἐναντίῳ. Παρμενίδης μὲν καὶ Ἐμπεδοκλῆς καὶ Πλάτων τῷ ὁμοίῳ. quod quale sit, deinde explicat. Tum pergit: καθόλου μὲν οὖν περὶ αἰσθήσεως αὗται πρῶτα δίδονται δόξαι. περὶ ἐκάστης δὲ τῶν κατὰ μέρος, οἱ μὲν ἄλλοι σχεδὸν ἀπολείπουσιν, Ἐμπεδοκλῆς δὲ πειρᾶται καὶ ταύτας ἀνάγειν εἰς τὴν ὁμοιότητα Παρμενίδου · Παρμενίδης μὲν γὰρ ὅλως οὐδὲν ἀφώρισεν.*

desiderio seu penuria (ἐλλείψει τροφῆς τὴν ὀρεξιν) ¹⁴¹. Quod si recte relatum sit, sic interpretandum: quando elementorum aliqua pars effluxerit, turbatâ temperie, existere desiderium istius jacturae reparandae; hinc cupiditates nasci. Ex his autem jam clarius cognoscere licet, et qualia rerum principia et qualem animum sibi informaverit Parmenides. Nam quum a naturae elementis omnia, etiam vitam, sensum mentemque repeteret, apparet eum elementa non considerasse tanquam pondus iners et materiam informem, sensûs expertem, sed vita animaque praeditam; animum autem, quem iisdem elementis conflatum diceret, non suâ propriâque naturâ contentum putasse, sed mundo rebusque corporeis cognatum et similem.

His placitis quae consentanea sint, facile est intellectu. Nam quum ipsis elementis vitam animamque indiderit, ex his autem omnia sint conflata, sequitur ut nihil sit in rerum natura prorsus inanimum, sed animata sint omnia. Quae opinio concinit cum multorum veterum, tam poëtarum quam doctorum, sententia, qui omnes res naturales, plantas, arbores, fluvios, saxa, quasi animatas esse ¹⁴², animamque per universum mundum patere putabant. Sic quoque Parmenides censuit, nihil prorsus esse inanimatum, sed quidquid sit in rerum natura, sensu valere; sensum autem hunc pro variâ materiae conditione varie esse temperatum varieque agentem. Quod

(141) Vid. Stobaei Appendix ed. Gaisf. p. 72.

(142) Notum est illud Thaletis, qui magnetem, quia ferrum ad se trahat, animatum dixit. Vid. Themistius, l.l. f. 67 A; alique.

discrimen num per omnes naturarum gradus a summis ad ima descendens, persecutus sit, non apparet, neque tamen probabile est, siquidem ista omnia universe tantum tetigisse videtur. Hoc vero certum est, eum quaslibet res, non modo eas in quibus calor insit, sed etiam quae omni calore sint destitutae, vivere quodammodo et sapere putasse; ipsum cadaver percipere et sentire dixit, non lucem, non calorem, non sonitum, sed contraria his, caliginem, algorem, silentium ¹⁴³. Unde apparet, Parmenidem ea quae ad noctem referret, frigidum, obscurum, iners, non intellexisse potestatem quandam negativam, ut vulgo appellant, sive vacuum quiddam, sed vim luci et calori et actioni contrariam, contrariisque virtutibus et viribus insignem ¹⁴⁴.

Porro quod ad animum attinet, quum elementorum temperie constet, necesse est ex ejus sententia mentem a sensu non distingui, sed sentire et cogitare idem esse, omniaque haec, vitam, sensum, animam, mentem, una natura contineri. Docent hoc ipsius versus, et doctissimorum interpretum testimonia confirmant ¹⁴⁵. Attamen, objiciat aliquis, ra-

(143) Theophrastus l.l. *ὅτι δὲ καὶ τῷ ἐναντίῳ* (i. e. *τῷ ἐτέρῳ τοῦ δυοῖν στοιχείῳ*) *καθ' αὐτὸ ποιεῖ τὴν αἰσθησίν, φανερόν, ἐν οἷς φησὶ τὸν νεκρὸν φωτὸς μὲν καὶ θερμοῦ καὶ φωνῆς οὐκ αἰσθάνεσθαι διὰ τὴν ἔκλειψιν τοῦ πυρός, ψυχροῦ δὲ καὶ σιωπῆς καὶ τῶν ἐναντίων αἰσθάνεσθαι, καὶ ὅλως δὲ πᾶν τὸ ὄν ἔχειν τινα γνῶσιν*. Cf. Brandis Comment. p. 168.

(144) Antiqui de hoc dissenserunt; vid. Plutarch. de pr. frigido, Vol. IX, p. 727 sqq. Reisk.

(145) Vid. Parmen. vs. 146 sq. Aristoteles, Metaph. III, 5. p. 671 F, hos versus tangens, dicit plerosque veterum, in quibus etiam Parmenidem, credidisse, *φρόνησιν μὲν τὴν αἰσθησίν, ταύτην δὲ εἶναι ἀλλοίωσιν*. Theo-

tionem (λόγον) discernit a sensu, sensus hebetes et caecos vocat, rationem solam verum cernere dicit. Etiam hoc veteres agnoverunt ¹⁴⁶. Quomodo ergo ista sibi non repugnant? E Parmenidis mente res ita explicanda videtur. Ut ille, in naturae veritate indagandâ, verum statuit unum illud esse, naturae autem res putavit esse incertas et opinabiles; similiter animum, quem naturae congruum finxit, partim essentiae et veritatis compotem fecit, quatenus ens ipsum cernat ¹⁴⁷, partim fluxae naturae et erroris participem, quatenus opinabilia cognoscat. Eam vero animi partem, in qua veritatis cognitio posita sit,

phrastus l.l. dicit: τὸ γὰρ αἰσθάνεσθαι καὶ τὸ φρονεῖν ὡς ταὐτὸ λέγει. Quem secutus Diogenes L. IX, 22, idem sic refert: (Παρμενίδης φησὶ) τὴν ψύχην καὶ τὸν νοῦν ταὐτὸν εἶναι, καθὰ μέμνηται καὶ Θεόφραστος ἐν τοῖς φυσικοῖς.

(146) Plutarch. Stromat. ap. Euseb. Praep. Eu. I, 8. p. 23 D: τὰς αἰσθήσεις ἐκβάλλει τῆς ἀληθείας. Sextus Empir. adv. Mathem. VII, s. 111: Παρμενίδης τοῦ μὲν δοξαστοῦ λόγον κατέγνω, . . . τὸν δ' ἐπιστημονικὸν (λόγον), τουτέστι, τὸν ἀδιάπτωτον, ὑπέθετο κριτήριον, ἀποστάς καὶ τῆς τῶν αἰσθήσεων πίστεως. ad quod probandum deinde (s. 114) affert versus 53—56. Aristocles apud Euseb. ibid. XIV, 17. p. 757 B: ἄλλοι δ' . . . οἶονται δεῖν τὰς μὲν αἰσθήσεις καὶ φαντασίας καταβάλλειν, αὐτῷ δὲ μόνον τῷ λόγῳ πιστεύειν. τοιαῦτα γὰρ τινα πρότερον μὲν Ξενοφάνης καὶ Παρμενίδης καὶ Ζήνων καὶ Μέλισσος ἔλεγον, ὕστερον δὲ οἱ περὶ Στίλπωνα καὶ τοὺς Μεγαρικούς. contra quos deinceps sensuum fidem tuetur. Cf. Eusebius ipse eodem opere XIV, 2 et 16, p. 718 D, 756 A. Diogenes L. IX, 22: κριτήριον δὲ τὸν λόγον εἶπε, τὰς τε αἰσθήσεις μὴ ἀκριβεῖς ὑπάρχειν, afferens versus modo citatos. Stobaeus quoque in Append. Florent. p. 71, inter hujus placiti auctores Parmenidem numerat. Animadvertendum autem, omnes illos interpretes Parmenidis sententiam strictius interpretatos esse quam ipse fecit, et plerosque suis eam vocabulis explicuisse. De Xenophane egimus in hujus carm. rel. p. 192.

(147) Cf. vss. 93—95, et commentar. h. l.

quem λόγον appellat, qualis sit, significavit quidem, non autem descripsit, sed omnem animi ejusque indolis partiumque descriptionem, similiter ut rerum naturae, ad δόξας sive opinabilia rejecit.

His consentaneum quoque est Parmenidis placitum, fallaces esse hominum de rerum natura opiniones ¹⁴⁸. Nam quum omnia elementorum temperie constant, haec autem in perpetua versentur vicissitudine, oportet tam animi opiniones quam rerum naturas mutari et variari ¹⁴⁹. Hinc ejus verecundia in affirmando, et vehementia in reprehendendo eos, qui, quum certo sciri de rerum natura (ens semper excipitur) nihil possit, audeant se scire dicere ¹⁵⁰.

Quod autem ad animos attinet, quamquam eos in vita cum corporibus constrictos putavit, non tamen, extinctis corporibus, animos quoque evanescere, aut per se manere non posse arbitratus est. Num de animorum lapsu in corpora aut discessu e corporibus in carmine egerit, ignoramus; hoc tamen didicimus, eum credidisse, animos etiam solutos corporibus vivere, variasque pati fatorum vicissitudines; ut e memora-

(148) Vid. Parmen. vss. 98 sq.

(149) Cf. Aristot. Metaph. III, 5.

(150) Cicero Acad. Qu. IV, 23: » Parmenides, Xenophanes, minus bonis quamquam versibus, sed tamen illis versibus, increpant eorum arrogantiam, quasi irati, qui audeant se scire dicere.' » De Xenophane monui in hujus carmin. rell. p. 189. Ciceronem haec a Graeco aliquo auctore mutuatum credo, qui fortasse versus Parmenidis modo citatos spectaverit. Etiam Arcesilas, mediae Academiae princeps, placitum περὶ ἐποχῆς praeter alios ad Parmenidem retulerat, quamquam multis improbantibus. Vid. Plutarchus adv. Colot. p. 1121 (Vol. X, p. 612 R.) Cf. Brandis, Comment. p. 181 not. b).

bili Simplicii loco apparet, ubi hic refert, Parmenidem dixisse, Daemonem illam, quae universum mundum gubernat, eandem quoque τὰς ψυχὰς πέμπειν ποτὲ μὲν ἐκ τοῦ ἐμφανοῦς εἰς τὸ ἀειδέες, ποτὲ δὲ ἀνάπαλιν, *animas modo e luce in tenebras, modo rursus e tenebris in lucem mittere* ¹⁵¹. Ergo eidem deae, quam totius naturae gubernatricem et deorum quasi parentem finxit, etiam animarum humanarum moderamen tribuit; quale munus ab aliis poëtis Proserpinae mandatum ¹⁵². Qualem autem hanc animarum migrationem intellexerit, ex his non satis manifesto apparet; utrum eas e luce in tenebras demitti dixerit tum, quum, vitali luce extincta, ad umbras abeant (ut vulgus credebat), an contra, quum de coelo delapsae in terrenam caliginem demittantur (ut sapientibus placuit); et vicissim in lucem emitti volueritne tum, quum primum vitae lucem adspiciant, an quum e terra quasi carcere ad supera evolent, haec non satis manifesta sunt. At si meminerimus, quae Parmenides in carminis prooëmio fingit, duas esse vias, alteram lucis, alteram noctis, quarum illa veritatem, haec errorem, altera res aeternas et divinas, altera humanas et caducas significat ¹⁵³; et quae deinde his consentanea statuit naturae elementa, lucem et tenebras, quorum hoc terrena praecipue, illud aethëria complectitur; his igitur comparatis, non dubium vi-

(151) Simplic. Phys. f. 9 A. Cf. Ritter, Gesch. d. Phil. Vol. I, p. 486.

(152) Ut a Pindaro, in fragm. Threnorum ap. Platon. Menon. p. 81; in Boeckhii editione Pindari, fragm. 98.

(153) Vid. vs 11.

dentur, quin in lucem emitti adscensum in coelum, contra in tenebras delabi descensum et lapsum in terrena loca significet. Voluisse ergo videtur, animas cel-
siore origine ortas Daemonis illius ministerio modo per noctis portam de coelo in terram mitti, modo rursus a terra in coelum evehi. Habemus hîc vestigia nobilis illius placiti de *παλιγγενεσία* et fatali illa animarum sorte, qua per multa secula sursus deorsum jactatae in orbem commeare cogantur. Quod placitum ex Aegypto in Graeciam translatum, deinde tam a poëtis quam philosophis, Pythagoreis praesertim, celebratum est et latissime per omnem antiquitatem patet ¹⁵⁴. In his autem quae de animis praedicat, tenendum est, Parmenidem, sic ut in omnibus quae de rerum natura canit, non vera polliceri, sed probabilia tantum et communi sensui consentanea sequi, ut ipse profitetur extremis versibus dicens:

οὕτω τοι κατὰ δόξαν ἔφυ τάδε νῦν τε ἔασι
καὶ μετέπειτ' ἀπὸ τοῦδε τελευτήσουσι —

(154) Pythagoreorum hoc placitum copiose expositum est praesertim a Creuzero, *Symbol. et Mythol.* T. III, p. 424 sqq. ed. alter. et *Pracpar. ad Plotin. de Pulcro.* E poëtis Pindarum nominasse sufficiat, de cujus sententia quaedam animadverti in *Specim. Pindar.* p. 105 sq.

Et sic quidem magni Parmenidis rationes opinionesque tam de rerum natura quam de veritate, quantum cum ex ipsius versibus tum e veterum philosophorum et interpretum testimoniis ac judiciis assequi mihi licuit, exposui. In quibus quamquam multa esse fateor obscurius et confusius ab antiquis prodita, plura fortasse etiam a me etsi invito praetermissa aut perperam explicata, confido tamen fore ut ex his jam plenior justiorque adumbrari possit Parmenideae doctrinae effigies, e qua et ipsius ingenium, ratio, sententia, et philosophiae ejus vis in sequentium philosophorum doctrinam et placita elucescat.

ADDENDA ET CORRIGENDA.

- p. 7, not. 12. De Anaximandro acute Ritterus (Hist. Phil. T. I, p. 482) animadvertit, Theophrastum fortasse voluisse, Parmenidem in physicis quaedam Anaximandri placita aemulatum esse; hinc Diogenem effecisse, illum Anaximandri auditorem habitum esse. Hujusmodi παρακούσματα in Diogene aliisque ejusdem farrinae scriptoribus non insolita sunt, ut illud quod paullo post memoravi, p. 9, not. 15.
- p. 21, not. 59. Locus e Diogene Laërtio citatus non legitur L. IX, s. 42, sed IX, 23. Verba ejus, perspicuitatis gratia, integra hic annotabo: καὶ δοκεῖ (Παρμ.) πρῶτος πεφωρακέναι, τὸν αὐτὸν εἶναι Ἑσπερον καὶ Φωσφόρον, ὥς φησὶ Φαβωρῆνος ἐν πέμπτῳ τῶν ἀπομνημονευμάτων· οἱ δὲ Πιθαγόραν· Καλλίμαχος δὲ φησὶ μὴ εἶναι αὐτοῦ τὸ ποίημα.
- p. 48. Diogenes Laërtius, in vita Myson. I, 107, hoc Parmenidis testimonium affert: ζητοῦσι τί ἐστὶν ὁ Ἥτατος· Παρμενίδης μὲν οὖν δῆμον εἶναι Λακωνικῆς, ὁθεν εἶναι τὸν Μύσωνα. Neminem fore credo qui hic Parmenidem Eleaten cogitet; potius grammaticum quendam intelligendum esse apparet. Atque is haud dubie est idem ille, cujus mentionem facit Diogenes in Parmenide IX, 23, dicens: γέγονε δὲ καὶ ἕτερος Παρμενίδης, ῥήτωρ τεχνολόγος. Jam non dubito, quin elogium Suidae et Photii, v. μακάρων νῆσοι κτλ. citatum a me n. 4, de cujus auctore in commentario p. 132 dixi mihi non liquere, ad eundem hunc Parmenidem sit referendum. Par est certe utriusque loci argumentum, et optime congruit scriptori rhetorico vel grammatico, in obscurioribus antiquitatis locis interpretandis versato.
- p. 57, ad vs. 8. Brunckii auctoritate credideram primam in ἔημι semper longam esse; vidi tamen eam interdum corripì, ut Il. XXII, 273; in Xenophan. fr. XXI vs. 7. p. 68, meae edit. Quocirca h. l. pro χροῖης ἔειν praestat legi χροῖῃσιν ἔειν.
- p. 141, not. 7. Similem Alcmaeonis sententiam memorat Censorinus, de Die nat. c. V, extr. »Quae (scil. de humano partu) disserens, non »definite se scire Alcmaeon confessus est, ratus neminem posse »(add. verum?) perspicere.»
- p. 162, n. 52. Multi, seriores praesertim, quaestionem ἐν ἣ πολλὰ Par-

menidi attribuerunt, hujus argumentationem cum Zenonis ratiunculis confundentes, ut Georg. Pachymeres de insec. lineis, in Aristot. ed. Casaub. T. I, p. 930 A: τοῦ Παρμενίδου λέγοντος, ἔν τὸ ὄν, καὶ τὸ παρὰ τὸ ὄν οὐδέν, ὥς μὴ ὄν, ἵνα μὴ πολλὰ λέγων εἰςάξῃ καὶ τὸ μὴ ὄν· πάντα γάρ (φησὶ) τὰ ὄντα, καθὸ ὄντα, ἔν ἐστὶ· πολλὰ δ' ἂν εἶεν, εἰ καὶ τὸ ἕτερον τοῦ ὄντος καὶ παρὰ τὸ ὄν, τὸ μὴ ὄν δηλονότι, ἐστὶ· καὶ ἄλλως δὲ, ἵνα μὴ καὶ τὸ κενὸν εἰσαχθῇ τὸ τὰ πολλὰ διόριζον, ᾧ δὴ καὶ ἐκτόπως προσώχθισεν. Sunt haec Parmenidis, non tamen omnia. Porphyrius citatus a Simplicio, Phys. I, f. 25 A, Parmenidis placitum sic explanat: εἴτι παρὰ τὸ λευκὸν ἐστὶ, ἐκεῖνο οὐ λευκὸν ἐστὶ· εἴτι παρὰ τὸ ἀγαθὸν ἐστὶ, ἐκεῖνο οὐκ ἀγαθὸν ἐστὶ· καὶ εἴτι παρὰ τὸ ὄν ἐστὶ, ἐκεῖνο οὐκ ὄν ἐστίν· τὸ δὲ οὐκ ὄν οὐδέν· τὸ ὄν ἄρα μόνον ἐστίν· ἐν ἄρα τὸ ὄν· καὶ γὰρ εἰ μὴ ἔν ἐστὶ ἀλλὰ πλείω τὰ ὄντα, ἦτοι τῷ εἶναι διοίσει ἀλλήλων ἢ τῷ μὴ εἶναι· ἀλλ' οὔτε τῷ εἶναι διαφέρει οἱ ἂν· κατὰ γὰρ αὐτὸ τὸ εἶναι ὅμοιά ἐστι, καὶ τὰ ὅμοια ἢ ὅμοια ἀδιάφορα καὶ οὐχ ἕτερα τυγχάνει ὄντα· τὰ δὲ μὴ ἕτερα ἐν ἐστίν· — οὔτε τῷ μὴ εἶναι· τὰ γὰρ διαφέροντα πρότερον εἶναι δεῖ· τὰ δὲ μὴ ὄντα οὐδὲν διαφέρει ἀλλήλων· εἰ τοίνυν πλείω (φησὶν) ὑποτιθέμενα μήτε τῷ εἶναι μήτε τῷ μὴ εἶναι διαφέρειν οἷόν τε καὶ ἕτερα εἶναι ἀλλήλων, δηλον ὥς ἔν πάντα ἔσται, καὶ τοῦτο ἀγέννητον καὶ ἀφθαρτον. In his quae τὰ πλείω spectant, Porphyrius Zenonis rationes cum Parmenideis confudit. Idem quoque argumentationem περὶ διχοτομίας falso a Zenone ad Parmenidem transtulit, ut supra p. 16 vidimus. Apparet inde quam caute his testibus utendum sit, quod parum attendit Tennemann. Hist. Philos. I, p. 170, 172.

p. 168, not. 67. Add. Aristocles in Euseb. Praep. Eu. XIV, 17, p. 756: Ξενοφάνης καὶ Παρμενίδης καὶ Ζήνων καὶ Μέλισσος, item postea οἱ περὶ Στίλπωνα καὶ τοὺς Μεγαρικούς, — ἡξίουσιν οὗτοι γε τὸ ὄν ἐν εἶναι καὶ τὸ μὴ ὄν ἕτερον εἶναι, μήδε γεννᾶσθαι τι μήδε φθείρεσθαι μήδε κινεῖσθαι τὸ παράπαν. Idem alibi copiosius adversus istos a se dictum iri pollicetur, dicens: τὸν μὲν οὖν πλείω πρὸς τούτους λόγον ἐσόμεθα φιλοσοφούντες· νυνὶ μέντοι κτλ.

p. 192. Quae hic adversus Neo-Platonicos disserui, eadem valent in multis seriorum, qui ens Parmenidis fluxerunt naturam animatam, mente vigentem, divinam: ut Tennemann. Hist. Phil. I, p. 175 sq.

et p. 180, Ritter. Hist. Phil. I, p. 471 sqq., Parmenideos illos versus (93—96) in similem fere sententiam interpretantes. Iidem versiculum quoque huncce (148): τὸ γὰρ πλεόν ἐστὶ νόημα, in eundem modum explicant, hoc sensu: *omnia mente impleta sunt; universum mens est*. Quae interpretatio quam parum congrua sit verborum totiusque sententiae nexui, attentius legenti, ut opinor, apparebit. Cf. Commentarius, p. 104 et 126.

p. 214. De quaestione illa, an ἄθεος habendus sit Parmenides, dissentientium scriptorum auctoritates affert Brucker. Hist. Crit. Phil. T. I, p. 1160 sqq. Ipse plurimum sequitur Moshemium, tametsi longius quam ille a Parmenidis mente recedens.

p. 255, not. 97. Ex hoc Pythagorae placito (vel, ut alii volunt, Parmenidis) Ideler in dissert. über das Verhältn. d. Kopernic. z. Alterth. p. 443, suspicatur, Pythagoram opinatum esse, Veneris stellam circum solis orbem ferri; quae vulgo Aegyptiorum ratio ab astronomis appellatur. At si Pythagoras id docuisset, sequentes physici hoc placitum non prorsus ignorarent. Serius demum, Alexandrina aetate, Graecis innotuisse videtur, ab his ad Romanos esse translatum.

p. 11. not. 23: Euseb. l. l. (not. 16), corrigatur: Euseb. l. l. (not. 17).

p. 16, l. 4: Parmeniid . . . — Parmenidi

p. 36, vs. 77: ὁμοιον . . . — ὁμοιον.

p. 43, in fine: vs. 130 (πρώτιστον κτλ.) — vs. 131 (πρώτιστον κτλ.)

p. 51, l. penult. methaphora . . . — metaphora.

p. 91, l. 28: hypercalecticum . . . — hypercatalecticum.

p. 100, l. 9: in dissert. § 21 . . . — in dissert. § 22.

p. 114, l. 13: νόον φρήν . . . — νόον φρήν.

p. 138, l. 10: faceta . . . — facete.

p. 144, n. 13: Vid. inferius not. 15. — Vid. inferius not. 16.

p. 164, l. 18: duos . . . notiones — duas . . . notiones.

p. 176, not. 81: Ibid. 1. . . . — Ibid. 2. . . .

p. 178, l. 1: φυρᾶς — φορᾶς

p. 185, l. 1: Simplicium . . . — Parmenidem.

p. 194, l. 11: in naturae . . . — in natura.

p. 221, not. 3: n Arist. . . . — in Arist.

p. 222, l. 2: μεγνύς — μινγνύς.

p. 235, l. 8: Quo circa . . . — Quocirca.

p. 241, l. 12: suo cogitata . . . — sua cogitata.

p. 162, not. 52: Aristot. Elench. Soph. — add. I, 9. p. 234 B.

INDICES.

INDEX AUCTORUM

QUI DE PARMENIDE MEMORARUNT.

ACHILLES TATIUS

Isagoge in Arat. c. 31, pag. 90 Petav. pag. 250.

AFRICANUS

apud Syncellum Chronogr. Olymp. 88. p. 9.

ALCIDAMAS

apud Diog. Laërt. VIII, 55 sq. p. 13.

ALEXANDER APHRODISIUS

Metaph. intp. Sepulv. f. 7 A. . p. 10. 143. 221. 224.

f. 10 A. p. 187.

f. 10 AB. p. 125.

f. 48 A. p. 158.

Analyt. pr. intp. Felic. p. 204. p. 161.

ap. Simplic. Phys. f. 9 A. p. 144. 181. 190. 202. 222. 226.

f. 17. p. 25. 97. 181.

ap. Jo. Philop. de Gener. et interitu f. 64 A. . p. 224.

AMMONIUS HERMEAE

de Interpret. Lit. A. f. 3. p. 158.

Lit. D. f. 7. . . p. 34 (ad ys. 60.) 89. 208.

ANONYMUS SCRIPTOR

Vitae Pythag. ed. Kust s. 8. p. 9, 10.

ARCESILAS

ap. Plutarch. adv. Colot. p. 1121. p. 272.

ARISTOCLES

ap. Euseb Praep. Eu. XIV, 17. . . p. 158. 168. (Cf. Add.)

201. 271.

ARISTOTELES

- Physic. I, 2. p. 253 sq. (Casaub.) p. 180. 196.
 — p. 254 A. p. 159.
 — p. 254 F. p. 158. 176.
 — p. 254 G. p. 184. 189.
 I, 3. p. 255 D. p. 176.
 — p. 255 E. p. 23 sq.
 — p. 255 F. p. 161.
 — p. 255 H. p. 189.
 I, 5. p. 257 G. p. 221.
 I, 8. p. 261 p. 161. 169.
 I, 9. p. 263 H. p. 169.
 III, 6. p. 278 . . . p. 40 (ad vs. 103 sq.) p. 184.
 VIII, 3. p. 321 H. p. 199.
 de Coelo III, 1. p. 368 p. 143. 169. 197. 180.
 de Gener. et Corrupt. I, 3. p. 389 A. p. 147. 223.
 I, 8. p. 395. . . p. 145. 147. 178. 199.
 II, 3. p. 249.
 II, 9. p. 407 BC. p. 224.
 de Part. Animal. II, 2. p. 746 D. p. 260.
 de Gener. Animal. IV, 1. p. 847 C. p. 263.
 — p. 849 B. p. 260.
 Metaph. I, 3. p. 646 A. p. 197.
 — p. 646 B. p. 224.
 I, 4. p. 646 E. . . . p. 43 (ad vs. 130.) 231. 233.
 I, 5. p. 648. . . . p. 9 sq. 145. 158. 186. 196. 198. 221.
 III, 4. p. 663 C. p. 158.
 IV, 3. p. 667 D. p. 199.
 — p. 667 E. p. 200.
 IV, 5. p. 671 F. p. 270.
 — p. 671 C. p. 46 (ad vs. 145—148.)
 XIII, 2. p. 761 B. p. 48.
 de X. Z. G. c. 2. p. 941 . . . p. 39 (ad vs. 102—104) p. 184.
 c. 4. p. 943 sq. . . p. 40 (ad vs. 102 sq.) 184. 209.

ATHENAEUS

Deipnos. IX, 15. p. 505 F. p. 4. 14.

BESSARION

adv. Cal. Plat. II, 11. f. 31 B. . . . p. 20. 37 (ad vs. 81—88.)
 35 (ad vs. 58—69.)
 — f. 32 A. . . . p. 37 (ad vs. 81—88.)
 p. 40 sqq. (ad vs. 109—118.)

Boëthius

Consol. phil. III. p. 39 (ad vs. 102—104.) 209.

CALLIMACHUS

ap. Proclum in Parm. IV, p. 5. p. 10.
ap. Diog. Laërt. IX, 23. p. 21. (Cf. Addenda.)

CAMOTIUS (JOANNES)

in Theophr. Metaph. f. 100. p. 11.
f. 44. p. 20.

CEBES

Tabul. princ. p. 11.

CENSORINUS

de die nat. c. IV. p. 259.
c. V. p. 262 sq.
c. VI. p. 264 sq.

CHALCIDIUS

in *Timaeum*, p. 283. p. 169.

CICERO

Acad. Qu. IV, 23. p. 17. 24. 272.
IV, 37. p. 224 sq.
Nat. Deor. I, 11. p. 238 sq. 244.
de Rep. (Somn. Scip.) VI, 17. p. 245.

CLEMENS ALEXANDRINUS

Admonit. Gentil. p. 43 c. p. 229.
 Stromat. V, p. 552. . . p. 18. 38 (ad vs. 89-92.) 102.
 — p. 576. p. 31 (ad vs. 29 sq.)
 — p. 603. A. p. 34 (ad vs. 58, 59.)
 — p. 614. A. p. 44 (ad vs. 132—138.)
 VI, p. 627. B. p. 32 (ad vs. 40.)

COELIUS AURELIANUS

de Morb. Chr. IV, 9. p. 545. . . p. 47 (ad vs. 150—155.) 127.

COLOTES

apud Plutarch. adv. Colot. p. 1114. p. 144. 202.

DEMOCRITUS

ap. Diogen. Laërt. IX, 42. p. 22.

DIOGENES LAËRTIUS

Prooem. s. 16. p. 18.

Lib. II, s. 3. p. 8.

II, 106. p. 23.

III, 6. p. 23.

IV, 13. p. 23.

VIII, 14. p. 255.

— 48. p. 254.

— 55 sq. p. 13, 18. 19.

IX, 21. p. 3. 7. 10. 11. 221. 225. 250.

— 22. . . p. 16. 30. (ad vs. 28-30.) 33. (vs. 53-55.)
65. 66. 257. 271.

— 23. . . p. 4. 6. 7 sq. 11. 16. 21. (cf. Add.) 68. 249.

— 24. p. 13.

— 25. p. 3. 13. 14.

— 29. p. 6.

— 42. p. 22.

EPIPHANIUS

adv. Haeres. III. Vol. I, p. 1087. p. 3. 188.

EUDEMUS

ap. Simplic. phys. f. 25 sq. p. 161. 163.

f. 31 A. p. 190.

EUDOCIA

Viol. p. 149. p. 17.

p. 361. p. 19.

EUSEBIUS

Praep. Eu. I, 8. p. 23 c. . p. 10. 11. 34. (ad vs. 59.) 146.

— p. 23 D. p. 160. 249. 271.

EUSEBIUS

- Praep. Euseb. X, p. 504 D. p. 10.
 XIII, p. 680 C. p. 34 (ad vs. 58 sq.)
 XIV, 2. p. 718 D. p. 271.
 — 3. p. 720 D. p. 3. 168.
 XIV, 16. p. 756 A. p. 271.
 — 17. p. 756 C. p. 158. 201.
 — p. 757 B. p. 271.
 — p. 758 A. p. 10.
 XV, 27. p. 248.
 XV, 38. p. 242.

EUSEBIUS

- Canon. Chron. Olymp. πς' p. 9.

GALENUS

- in Hippocr. Epidem. VI, 48. . p. 46. (ad vs. 149.) 263.
 (PSEUDO-) de Phil. Hist. X. p. 168. 235.
 XI. p. 242.
 XV. p. 248.
 XVII. p. 247.
 XXI. p. 250.
 XXVIII. p. 267.
 XXXII. p. 261. 263.

GEORGIUS PACHYMERIUS

- de Insecab. lineis. p. 277.

HERMIAS

- Gentil. Irris. s. 3. p. 403. p. 168. 188. 201.

HERMIAS

- in Platon. Phaedr. p. 125. p. 51.

JAMBlichus

- Vit. Pyth. s. 166. 267. p. 10.
 de Myst. Aegypt. s. 1, c. 9. p. 208.

MACROBIUS

- Saturn. I, 1. p. 5.
 Somn. Scip. I, 2. p. 21.

MACROBIUS

Somn. Scip. I, 15. p. 267.

MARTIANUS CAPELLA

Nupt. I, IV. p. p. 95. p. 12.

MENANDER

de Encom. I, 5. p. 39. p. 21. 233. 238.

ORIGENES (PSEUDO-)

Philos. XI. p. 890. p. 168. 178. 221 sq. 256.

PHAVORINUS

ap. Diog. Laërt. IX, 23. p. 16. 249. 255.

PHILOPONUS (JOANNES)

Phys. Lib. I. lit. A. p. 9. . . . p. 20. 147. 184. 187. 202. 221.

lit. B, p. 6. p. 147. 148.

— p. 7. 8. p. 25. 161.

— p. 9. p. 23. 34 (ad vs. 59, 60.)
p. 36 (ad vs. 80.) 173.

lit. C, p. 11 sq. p. 20. 223.

Lib. III. lit. M, p. 12. p. 109 sq.

de Gener. et interitu f. 13 A. p. 225.

f. 35 B. p. 179. 180.

f. 64 A. p. 224.

PHOTIUS

Lexic. V. Μακάρων νῆσος. p. 48.

PLATO

Parm. princ. p. 18.

p. 127. p. 4. 12. 13.

p. 128. p. 18.

— A. p. 158.

— C. p. 22.

p. 132 B. p. 193.

p. 135 D. p. 142.

p. 136 p. 12.

Sophist. princ. p. 15.

p. 217 c. p. 5. 12. 15.

PLATO

- Sophist. p. 237. . p. 13. 18. 33 (ad vs. 52.) 48. 130. 160.
 p. 238 c. p. 160.
 p. 241. p. 14.
 p. 242 d. p. 158.
 p. 243 A. p. 195.
 p. 244 E. p. 39 (ad vs. 109—104.) 182.
 p. 248 E. p. 193.
 p. 258 sq. p. 33 (ad vs. 52.) 48. 161.
 p. 259 D. p. 213. 219.
 Theaetet. p. 152 D. p. 157. 178.
 p. 157 AB. p. 157.
 p. 180 DE. p. 39 (ad vs. 97.) 99. 158. 178.
 p. 181 A. p. 180.
 p. 183 E. p. 5. 13.
 Euthyd. p. 286 c. p. 163.
 Sympos. p. 178 B. . . p. 43 (ad vs. 130.) 119 sq. 233. 238.
 p. 195 c. p. 20 sq. 237.

PLOTINUS

- Ennead. V, 1. 8. p. 489 sq. Ficin. . . . p. 32 (ad vs. 40.) 99.
 181. 191. 205.
 VI, 4. 4. p. 648 A. p. 36 (ad vs. 80.) 90.

PLUTARCHUS

- de aud. poët. p. 16. p. 17.
 de audit. p. 44. p. 17.
 Qu. Rom. p. 282. p. 45 (ad vs. 144.
 de Pyth. orac. p. 402. p. 16.
 Amator. p. 756 F. . . p. 20. 43 (ad vs. 130.) 120. 235.
 de Fac. Lun. p. 929 A. p. 45 (ad vs. 144.)
 de Anim. procr. e Tim. p. 1026 B. p. 237.
 adv. Colot. p. 1114. . . p. 23. 30 sq. (ad vs. 29 sq.) 34 (ad vs. 59.)
 99. 116. 121. 146. 202. 222.
 p. 1116 A. p. 45 (ad vs. 143.)
 p. 1121. p. 272.

SIMPLICIUS

- in *Physic. ibid.* . . . (ad vs. 109-120.) 42 (ad vs. 125-127.)
 43 (ad vs. 130.) 144. 146. 181. 190.
 222. 238. 273.
- f. 12 A. p. 39 (ad vs. 102—104.)
- f. 17 AB. . . p. 25. 33 (ad. vs. 50 sq. 52.) 34
 (ad vs. 56-69.) 37 (ad vs. 81-83.)
 81. 90. 92. 97. 147. 181.
- f. 19 AB. . . p. 32 (ad vs. 43 sq.) 34 (ad vs. 59.)
 36 (ad vs. 77.) 39 (ad vs. 93—97;
 102-104.) 76. 104. 145. 173 sq.
 176. 189. 191. 202. 206. 207.
- f. 25 A. p. 25. 31 (ad vs. 35-40.) 32
 (ad vs. 43-51.) 158.
- f. 25 sq. p. 161.
- f. 26 A. p. 34 (ad vs. 59.)
- f. 27 AB. p. 40 (ad vs. 102 sq.) 189.
- f. 29. p. 48. 86. 190.
- f. 30. p. 16.
- f. 31 AB. p. 18. 25. 34 (ad vs. 56-111.) 39
 (vs. 93sq.) 48. 109. 190. 206. 240.
- f. 32 A. p. 202.
- f. 34 B. p. 35 (ad vs. 61-65.) 91. 92.
- f. 38 sq. p. 41 (ad vs. 112-118.)
- f. 39 A. p. 42 (ad vs. 121-124.) 222.
- f. 53 B. p. 48.
- f. 116 sq. p. 184.
- f. 152 B. p. 33 (ad vs. 52.)
- de *Anima*, III, f. 72 B. p. 96 sq.
- de *Coelo* III, f. 138 AB. p. 30 (ad vs. 28-32.) 34 (ad vs. 59.)
 p. 35 (ad vs. 61-65.) 36 (ad vs. 76.)
 41 (ad vs. 109-111.) 44 (ad vs.
 139-142.) 47 (ad vs. 156-158.)
 65. 112. 147. 166. 197. 202.

SOTION

apud Diog. Laërt. IX, 21. p. 10.

SPEUSIPPUS

apud Diog. Laërt. IX, 23. p. 11.

STOBÆUS

Eclog. I, 3. p. 60. p. 209.

5. p. 158. 235.

10. p. 274. p. 43 (ad vs. 130.)

15. p. 352. p. 39 (ad vs. 102-104.)

21. p. 412, 416. p. 168.

23. p. 482 sq. . p. 117. 118. 121. 235. 241-252.

24. p. 500. p. 243.

25. p. 510. p. 248.

25. p. 516. 518. p. 249.

26. p. 524, 532. p. 248.

27. p. 550. ibidem.

p. 556 sq. p. 125.

p. 564. p. 248. 255 sq.

28. p. 574. p. 247.

Florileg. Tit. 105. 29 p. 266.

Append. Flor. p. 71. p. 268. 271.

p. 72. p. 269.

STRABO

II. p. 150 c. p. 250.

VI. princ. p. 3. 10. 11.

SUIDAS.

V. Ἑσπερος. p. 249.

Μακάρων νῆσοι. p. 48. 132.

Παρμενίδης. p. 3. 7. 10. 16. 17. 19.

Ὠς. p. 48. 131 sq.

SYNCELLUS

Chronogr. p. 253 D. p. 8 sq.

TERTULLIANUS

de Anim. p. 295. . , p. 266.

THEMISTIUS

Paraphr. Phys. p. 161. 184.

THEODORETUS

Therapeut. I. p. 38 (ad vs. 89.) 69. 102.

— IV. p. 3. 34, (ad vs. 59.)

THEOLOGUMENÔN SCRIPTOR.

p. 7. p. 251.

THEOPHRASTUS

Phys. fragm. de sensu, princ. . . . p. 46 (ad vs. 145-148.)
126. 266-271.)

ap. Alexandr. Aphrod. Metaph. f. 7 A. . . . p. 10. 143.
201. 221. 225.

ap. Simplic. Phys. I, f. 7 A. p. 155.
— f. 25 A. p. 158.

ap. Diogen. Laërt. VIII, 48. p. 254.
— 55 sq. p. 13. 18 sq.
IX, 21. p. 7. 250.
— 22. p. 271.

TIMO PHLIASIVS.

ap. Diogen. Laërt. IX, 23. p. 11. 68.

INDEX II.

VOCABULORUM GRAECORUM.

- ἀγής. p. 122.
 ἀδαής. . vs. 3, 118. p. 55, 115 sq.
 ἀδιαίρετός. p. 176.
 ἀίδηλος. vs. 134. p. 122.
 ἀιδής. p. 55.
 αἰθήρ. p. 243.
 — κόσμος, οὐρανός, distincta.
 vs. 132—136. p. 121.
 — οὐρανός, permutata. p. 243,
 not. 68.
 αἶσα φλογός, similia. vs. 126.
 p. 118.
 αἰσθησις et φρόνησις. . . p. 149,
 270, not. 145.
 ἀκίνητος. vs. 81. p. 97.
 ἄκριτος, *iudicii expers*. . vs. 49.
 p. 79.
 — non purus. . . vs. 125.
 p. 118.
 ἀλήθεια, opp. δόξα. . vs. 29 sq.
 p. 66 sq.
 ἀλώμενον φῶς, luna. . . vs. 143.
 ἀμηχανία. vs. 47. p. 78.
 ἀμοιβαδόν. vs. 19.
 ἀμοιβός (κληίς). . vs. 14. p. 61.
 ἀμφί et ἀμφίς permutata. vs. 110.
 p. 112.
 ἀνάγκη. . vs. 85, 137. p. 235, 237.
 ἀνοήτος, ἀνώνυμος. . . vs. 72.
 — et ἀνόνητος confusa. ibid.
 ἀνυστός et ἐφικτός. vs. 39. p. 73 sq.
 ἄπειρος et ἀτελεύτητος differunt.
 p. 100 sq.
 ἄπειρον opp. πεπερασμένον. p. 183
 sq. 185—189.
 ἄπιστος. vs. 76. p. 95.
 ἄπιστος, ἄπυστος, ἄπαυστος con-
 fusa. ibid.
 ἀποτμήγειν. vs. 90. p. 103.
 ἀπὼν παρών. vs. 89. p. 103.
 ἀπτερέως. . . vs. 17. p. 61 sq.
 ἀραιός, ἀραιός. vs. 116. p. 114 sq.
 ἄρσεν — ἑήλυ. vs. 129 sq.
 ἀρχός, ἀρχή. . vs. 128. p. 118.
 ἄσκοπον ὕμνα. . . vs. 54 p. 83.
 ἄσυλος. vs. 107. p. 111.
 ἀτέλεστος. . . vs. 59. p. 88 sq.
 ἀτραπός, κέλευθος, ὁδός, *de ratione*
et disputatione. vs. 34, 36, 38.
 p. 70, 72.

ἄτρεκῆς et ἄτρεμῆς confusa. vs. 29.
p. 67 sq.

ἄτρεμῆς, ἡρεμῆς. . . vs. 59. p. 88.

αὖτον αὖτεν. p. 57.

ἄφαντος (νύξ) vs. 123.

Ἀφροδίτη et Ἔρως. . . p. 233 sqq.

βαίνειν. βῆσαν act. . vs. 2. p. 53.

βαλανωτός (ὀχεύς). vs. 16. p. 61.

γάλα οὐράνιον. vs. 140. p. 124 sq.

γάρ et γ' ἄρα confusa . vs. 128.

γένεσις. p. 120.

γενέσθαι, *fuisse, mortuus esse.*

vs. 75. p. 94. sq.

γνῶναι, opp. φράσαι. vs. 39 sq. p. 73.

γόμφοι. vs. 20.

γράμματα, λόγοι, ποιήματα, de
singulari libro. p. 18.

Δαίμων, Θεά, anonyma. vs. 3, 22,
127. p. 54, 118.

δέμας. vs. 118.

δέξια - λαῖα s. ἀριστερά. . vs. 149.
p. 264.

δεσμός, metaphor. . . vs. 81 p. 98.

δεσμοὶ πείρατος. Vid. πείρας. . . .

δημιουργός. . . . p. 225, n. 13.

διάκοσμος. . vs. 119. p. 115 sq.

διζεῖν, δίξησις, de cognitione.
vs. 34, 52, 61. p. 71.

δίκη. vs. 28. p. 64, 235, 236.

— et δίνη conf. p. 235, n. 45.

δίκρανος. vs. 47. p. 78, 156, n. 36.

δινωτοὶ κύκλοι. vs. 9.

δοκεῖν, opp. εἶναι. . . p. 66 sq.

δόξα, δόξαι. vs. 30, 156. p. 68.

— cf. ἀλήθεια.

δοξαστός, opp. νοητός p. 146, 150.

δῶματα νυκτός. . . vs. 6. p. 56.

Γ et Τ confusa. . . vs. 33. p. 70.

ἔθος, λόγος opp. vs. 53. p. 83.

— et θεός confusa. . . vs. 53.

εἶδος. Vid. μορφή.

εἰδώς. εἰδότα φῶτα. . . . vs. 3.

εἰμαρμένη. . . . p. 237, n. 54.

εἶναι c. infinit. εἴσι νοῆσαι. vs. 34.
p. 71.

εἶναι, ἔστι, de aeterno. vs. 60, 97.
p. 99.

— ἔόν. vs. 43 et saepius. p. 77.

εἶναι τε καὶ οὐκί. vs. 99. p. 106 sq.

— ὄν et μὴ ὄν, *positivum* et
negativum. p. 223 sq.

εἶναι opp. δοκεῖν. Vid. δοκεῖν.

ἐκτὸς ἀπό. . . . vs. 27. p. 64.

ἐλαύνεσθαι, ἰέναι, περᾶν, de dis-
serendi ratione. vs. 32. p. 70.

ἐνεκα. τὸ οὐνεκεν sive οὖ ἐνεκα.
p. 104 sq.

ἐπὶ, ἐφ' ἑαυτοῦ. p. 99. ὅσον ἐπι
vs. 1. p. 52.

ἐπί et ἐπεὶ confusa. . vs. 101.

ἔργα ἡλίου, σελήνης. vs. 134. p. 122.

Ἐριδες, *Dirae*. . vs. 154. p. 128.

Ἐρως. . . . vs. 131. p. 119 sq.
p. 231 sqq.

ἕτερον. Vid. ταῦτόν.

- εὐαγής. . . vs. 133. p. 122 sq.
 εὐκυκλος. . . vs. 102. cf. p. 67.
 εὐπειθής (ἀλήθεια). vs. 22. p. 67.
 εὐφεγγής. p. 67.
 ἐφικτός. Vid. ἀνυστός.

 ζόφος opp. φάος. . . . p. 131.

 ἥ et καὶ confusa. p. 63.
 ἥ γάρ, ἥ ῥα. vs. 20, 27, 108. p. 63.
 Ἡλιάδες. vs. 6. p. 56.
 ἡλίου et ἱλῦος confusa. p. 257.
 ἡματος καὶ νυκτὸς κέλευθοι. vs. 11.
 p. 59.
 ἥπιος. vs. 116.
 ἡρεμής. Vid. ἀτρεμής.
 ἥτορ ἀληθείης. . . vs. 29. p. 67.
 ἡχίηεις. ἡχίηεσσα ἀκουή. vs. 54. p. 83.

 θέμις. vs. 28. p. 64.
 θυμὸς et μῦθος confusa. vs. 56.
 p. 85.
 θώραξ. p. 267.

 ἰέναι. Vid. ἐλαύνεσθαι.
 ἰθὺς ἔχειν. vs. 21. p. 63.
 ἰκάνειν. θυμὸς (μ') ἰκάνει. vs. 1.
 p. 52.
 ἵπποι, ἄρμα. metaphor. vs. 1.
 p. 51.
 ἰσοπαλής. . . vs. 103. p. 109 sq.
 ἴσος. vs. 108, 124.
 ἴσος et ὁμοῖος. vs. 108. p. 111.
 ἰσχύς πίστιος. vs. 67.

 κάλυπτρα. vs. 7. p. 57.
 καταθέσθαι. . . vs. 112. p. 113.
 κέλευθος. Vid. ἀτραπός.
 κληΐδας ἔχειν, κληδοῦχος. vs. 14.
 p. 61.
 κληδοῦχος et κληροῦχος confusa.
 p. 235 sq.
 κοινός. τὸ κοινόν. p. 76. ξυνὸς αἰθήρ.
 vs. 140.
 κόσμος, κατὰ κόσμον. vs. 91, p. 104.
 κόσμος ἐπέων. vs. 111.
 — — cf. αἰθήρ, οὐρανός.
 κρᾶσις μελέων. vs. 145.
 κρίνειν. vs. 55. p. 83 sq.
 κρίσις. vs. 70. p. 93.
 κροτάφων et κρατερῶν confusa.
 vs. 7. p. 56.
 κύκλωψ (σελήνη). . . . vs. 135.
 κωφὸς καὶ τυφλός, vs. 49. p. 79.

 λάϊνος οὐδός. . . . vs. 12. p. 60.
 λεύσσω et λεύσω. . . . vs. 89.
 λόγος, λογίζεσθαι, λογισμός. vs. 55.
 p. 83 sq.
 λόγος et νοῦς. . . vs. 55. p. 84.
 — opp. ἔθος. Vid. ἔθος.
 — τὸ κατὰ λόγον opp. τὸ καθ'
 ὕλην. p. 186.
 λόγοι. Vid. γράμματα.

 μακάρων νῆσοι, Thebis. . p. 132.
 μᾶλλον, ἥσσον. vs. 107. p. 111.
 μένειν, μόνιμος, de aeterno et im-
 mutabili. . . vs. 84 sq. p. 99.

μένος ἄστρον. vs. 141. p. 125.
 μηδέν (τὸ). vs. 65, 124.
 μίσγειν. μίγεν(ἔμιγε) active. p. 119.
 μοῖρα. vs. 26. p. 64.
 μονογενής (μουννογ.) s. 59. p. 87 sq.
 μόνος. p. 207.
 μορφή, εἶδος, σχῆμα. vs. 112.
 p. 112 sq. 227 sq.

μοῦσα. p. 70 sq.
 μοῦσαι et μοῦναι confusa. vs. 34.

νοεῖν, φάσθαι. vs. 39 sq. p. 73.
 νοητός, φατός. vs. 63.

— δοξαστός. Vid. δοξαστός.
 νοῦς, νοεῖν, νόημα, νόησις. vs. 43,
 146, 148.

νυκτιφάης. vs. 143. p. 125. p. 84,
 149 sq.
 νυκτὸς καὶ ἡματός κέλευθοι. vs. 11.
 p. 59.

ξυνός. Vid. κοινός.

ξυνεχής. Vid. συνεχής.

ὁ, ἡ, τό. τῆ—τῆ. vs. 78, 107.
 p. 96, 111.

— ὁ μὲν—ὁ δὲ, inversa sig-
 nificatione. vs. 72 sq.
 p. 94. ἐν τῷδε, similia,
 vs. 70, 109, 157.

— τὰ ἐπὶ τοῖσι. vs. 122.
 αἱ ἐπὶ ταῖς. vs. 126.

ὁδός. Vid. ἄτραπός.

οῖος et οἷος confusa. vs. 97. p. 106.

ὄλος (οὔλος). vs. 59. p. 86 sq. 182.

ὀλομελής (οὔλομ.) p. 86.

ὄλυμπος. vs. 140. p. 125.

ὁμοῖος. vs. 77. p. 95. Vid. ἴσος.

ὁμοῦ πᾶν. vs. 60. p. 90.

ὄν, μὴ ὄν. Vid. εἶναι.

οὐρανός s. ὄλυμπος. . . . p. 242.

— et κόσμος permutata. p. 254.

ὅτε c. optativo. . vs. 10. p. 58.

παιδικά, apud philosophos. p. 14.

παλίντροπος. }
 — τόνος. } vs. 51. p. 80 sq.
 — βολος. }

παναπειθής. vs. 38.

παρελαύνειν. μή τι σε παρελάσση.
 vs. 120. p. 116.

πᾶς. πᾶσιν καὶ παντί. vs. 148. p. 126.

— πάντα διὰ παντός. vs. 32. p. 70.

— πάντῃ πάντως. . . . vs. 91.

πατήρ, magister. p. 14.

πεδάω, πέδη, de necessitate. vs. 69,
 96, 137. p. 93, 105.

πειθῶ. vs. 36, p. 72.

πεῖρας. πεῖρας πύματον. vs. 101.

— πείρατος δεσμοί. vs. 85. p. 98.

— πείρατα δεσμών. vs. 81. p. 97 sq.

— πείρατα ἄστρον. vs. 138. p. 124.

πέμπειν, incitare. vs. 129. p. 119.

πεπερασμένον. p. 99. Vid. ἄπειρον.

περίφοιτος. vs. 135.

περόναι. vs. 20.

πίλημα. p. 248, n. 81.

πίστις. vs. 30. p. 68 sq.

πλαγκτός. vs. 48. p. 79.

πλάζεσθαι. . . . vs. 47. p. 78.

πλέον. . . vs. 123. cf. addend.

— et πλεών. . vs. 79. p. 96.

πλήθω, πλήρης, c. dativo. p. 61.

πλῆνται, πλῆντο, duplici significatione. . . . vs. 12. p. 60.

ποιεῖν. ποίηντο. vs. 125. p. 117.

ποίημα, commentum. . . p. 22.

— ποιήματα. Vid. γράμματα.

πολύδηνις. . . } vs. 55. p. 84 sq.
— δηνις. . }

πολύπειρος, -ων. . . vs. 53. p. 82.

— πλαγκτος et -καμπτος confusa. . . vs. 145. p. 126.

— ποινος (Δίκη). vs. 14. p. 61.

— φραστος. . . vs. 4. p. 55.

πύλαι. . . vs. 11. p. 59 sq. 62.

Πύρης, Πύρρης. N. P. p. 3. n. 1.

πυρώδης (στεφάνη). . . . p. 246.

σήματα, argumenta. vs. 57. 114.

— sidera. vs. 133. p. 121 sq.

σκίδνασθαι — συνίστασθαι. vs. 91.

σπέρχειν et σπέρχεσθαι. . p. 58.

στερεός. . . . p. 243, n. 69.

στεφάνη, -ος. p. 242, n. 67. p. 244.

στυγερός (τόκος). vs. 128. p. 119.

συνεχής. vs. 61, 80. p. 171, 176.

συνέχεσθαι. vs. 78.

συνήγορος. vs. 24. p. 63.

σύριγξ (ἄξονος). vs. 8, 19. p. 58.

σφαῖρα, σφαιροειδής, metaphor.
vs. 102. p. 109, 190.

σφαῖρα, -ος. p. 243, n. 67.

σχῆμα. Vid. εἶδος.

ταυτόν. ἐν ταύτῳ μένειν. vs. 84.

— opp. ἕτερον. p. 115. 222, n. 4.

τε num vocabulo anteponatur?
p. 100.

— post ὅς, ὅσος. p. 52.

τῆλε et τῇδε confusa. vs. 83. p. 98.

τρέφω. τραφεῖς. vs. 157.

τρόπος et τόπος confusa. p. 107.

τυφλὸς καὶ κωφός. Vid. κωφός.

ὑπέρθυρον, et -ριον. vs. 12. p. 60.

φαντασίαι. p. 68.

φατίζω. πεφατισμένον. vs. 94,
p. 105.

φλογὸς πῦρ. . . vs. 115. p. 114.

φύσις. περὶ φύσεως. . . . p. 19.

— αἰθερία. vs. 132.

— μελέων. . vs. 147. p. 126.

χάσμι' ἄχανές. vs. 18.

χείρ. χεῖρα χειρὶ ἐλεῖν. vs. 22. p. 63.

— χερσὶν ὠσάσθαι. vs. 7. p. 56 sq.

χνοιά et χνόα, similia. . p. 58.

χρέος. vs 64, p. 91.

χρεών. vs. 28, 104. p. 66, 105.

ψευδοφαῖς (σελήνη). p. 248, n. 80.

ψυχικόν, sive ψυχικὴ οὐσία. p. 240.

ὥς. θαυμασίως ὥς. . p. 131. sq.

INDEX III.

RATIONIS GRAMMATICAE.

- Anacoluthia. vs. 72, 73. p. 94.
- Dativus loco Genitivi post πλήθω, πλήρης. p. 61.
- Hiatus vs. 38: παναπειθέα ἔμμεν. vs. 87: τὸ ἐόν. alibi. cf. p. 72.
- Hypallage verbi Passivi pro Medio. p. 62.
- Ionica dialectus Parmenidi vindicata vel reddita. vs. 24: συνήορος.
 vs. 39 et saepius: ἐόν. vs. 48: Φορεῦνται. vs. 66: οὐκί.
 vs. 80: ξυνεχής. vs. 84: τῶντόν, ἐωυτό. vs. 88: κε.
 vs. 102: σφαίρης. p. 242, n. 67: στεφάνη.
- Nominativus absolutus. p. 119.
- Optativus post ὅτε. vs. 10. p. 58.
- Pleonasmus. vs. 32: πάντα διὰ παντός. vs. 91: πάντῃ πάντως.
 vs. 148: πᾶσιν καὶ παντί. cf. p. 126. vs. 7: ὠσάμεναι χερσὶ
 cf. p. 57. vs. 115: φλογὸς πῦρ, similia. cf. p. 114.
- Synizesis. vs. 88: ἐπιδευές. cf. p. 101. vs. 97: παντὶ ὄνομα. cf. p. 106.
 vs. 106, 116: ἐόν, κενεόν. cf. p. 111.
- Versus dactylicus hypercatalecticus vs. 65, p. 91 sq.

INDEX VOCABULORUM

QUAE IN XENOPHANE MEMORANTUR VEL IN
DISSERTATIONE EXPLICANTUR.

- | | |
|-------------------------------------------------------------------|------------------------------------------------------------------------------------|
| ἀγαθός, <i>almus</i> . fr. XIX, p. 60, 63. | ἄτρεμεῖν et ἡρεμεῖν. . . p. 105. |
| ἀθεμίστιος. . . . fr. VII, p. 48. | αὐτὸ μέσον, αὐτόμεσον, ἂν τὸ μέσον.
fr. XXI, vs. 11. p. 68, 71. |
| αἰρεῖν. ἐλεῖν τι, <i>se rei alicui applicare</i> p. 62. | αὐχαλέος. . . } |
| ἀλγινόεις. fr. XIX, vs. 4. p. 60. | αὐχμαλέος. . . } fr. XX, p. 67. |
| ἄλλοτε ἄλλῃ. . . fr. IV, p. 38. | ἄφροσύναι. . . . fr. XX, p. 65. |
| ἄμεινον pro τὸ ἄμεινον. fr. XVI,
p. 53 sq. | βάκχοι. . fr. XXVII, p. 80 sq. |
| ἀμφήριστος. . . p. 190, n. 10. | βληστρίζω. . . fr. XXIV, p. 78. |
| Anacoluthia. fr. XIX, vs. 17. p. 61. | βρόταχος (βάτραχος). fr. XXX,
p. 83. |
| ἄμφοτερόβλεπτος. }
— γλωσσος. } p. 190, n. 10. | γῆ καὶ ὕδωρ. fr. X, p. 46, 48. |
| ἂν et ἄρ confusa. p. 64. | γηρεῖς, particip. v. γηράω. fr. XXVI,
p. 80. |
| ἀνθοσμίας, ἄνθος ὁσδόμενος (οἶνος)
fr. XXI, p. 71. | γιγνώσκειν, ἀκούειν, c. genit.
fr. XVIII, p. 58 sq. |
| ἄπειρον, — <i>ία</i> . vid. <i>πέρας</i> . | δεῖ, <i>χρή</i> , <i>consentaneum est</i> . p. 103. |
| ἀποτομή (γῆς). p. 159, not. 35. | δειλὸς πρὸς τὰ αἰσχρά. fr. XXXVI,
p. 87. |
| ἀσκηθής. p. 119. cf. Solon. ap.
Plutarch. vit. c. 26. | δέμας. οὔτε δέμας οὔτε νόημα. fr. I,
p. 35. μορφή τε δέμας τε. fr. V,
p. 39. |
| ἀσκητὸς ὀσμὴν, <i>exquisito odore</i> .
fr. XX, p. 65. | |
| ἄσσα et ὅσσα confusa. fr. XIV, p. 52. | |
| ἄτμος et ἀναθυμιάσις differunt.
p. 161 sq. | |

Δεξιός vel Δέξινος. N. P. p. 1, n. 1.
 δόκος. . . fr. XIV, p. 51, 53.
 δύνασθαι, singulari quadam sig-
 nificatione. fr. XXI, vs. 15.
 p. 69, 72.

Ellipsis verbi. fr. XXI, 20.
 p. 69, 74.

ἐπί et ἐπεί confusa. fr. IV, p. 38.

εὐφροσύνη. κρατῆρ μεστὸς εὐφροσύ-
 νης. fr. XXI, vs. 4. p. 68.

εὐφημος. εὐφήμοις μύθοις καὶ
 καθαροῖσι νόοις. fr. XXI, vs. 14.
 p. 69.

εἰοκώς. εἰοκότα ἐτύμοισι pro ἔτυμα.
 fr. XV, p. 53.

ἐπιδείκνυναι et ὑποδεικν. confusa.
 fr. XVI, p. 53 sq.

ἐπιτρώγειν et ὑποτρ. — fr. XVII,
 p. 55 sq.

ἐπιέναι (λόγον). fr. XVIII, p. 56.

εὐνομία. fr. XIX, vs. 19. p. 61.

ἥλιος. ἥλιοι, soles, diversae coeli
 plagae. . . p. 167 sq. n. 61.

ἡρεμεῖν, ἡρεμοῦν, ἡρεμία, opp. κι-
 νεῖσθαι, κτλ. . p. 105 sq. 108.

θάλασσα, ὕδατος ἀρχή. f. XI, p. 48.

θεός et δαίμων. p. 114.
 — θεῶν monosyllabum. fr. XXI,
 vs. 24. p. 69.

ἱαμβοί p. 20 sq.

Infinitivus sine articulo substan-
 tive positus. . . . p. 103 sq.

κενεμβατεῖν. p. 169.

κέρασος. . fr. XXIX, p. 82 sq.

κίμβιξ. . fr. XXVIII, p. 81 sq.

κίνησις, μεταβολή. . . . p. 124.

κινητός (εἶναι). p. 106.

κόσμος. p. 177.

κραδαίνειν. fr. III, p. 37.

κωλῇ ἐρίφου. fr. XXII, p. 75 sq.

λαρινός (βοῦς) fr. XXII, p. 75 sq.

μένειν ἐν ταῦτῳ, de immutabili
 et immobili. . fr. IV, p. 38.

μήν et μίν confusa. fr. VI, p. 38.

μορφή et φωνή confusa. fr. V, p. 39.
 cf. Parmenid. comment. p. 107.

νεφέλη, νέφος, vapor. . p. 162.

νόος et λόγος confusa. . . p. 71.

νόου φρήν. fr. III, p. 37.

Ξενοφάνης, Ξενοφῶν, Ξενοκράτης,
 Ξενοφάντης confusa. p. 31 sq.
 cf. Φιλόξενος.

ὄλος (οὔλος). . fr. II, p. 35 sq.

Ὅμηραπάτη pro Ὅμηρικῇ ἀπάτη.
 p. 16, n. 33.

ὅμοιος πάντη. p. 103.

— τὸ ὅμοιον. p. 101.

— et ἴσος confusa. ibid.

παρωδαί, s. παρωδίαι. . . p. 25
 πέρας, opp. ἀπειρία. . p. 130 sq.
 περαίνειν, περαῖνον, πεπερασμένον,
 opp. ἄπειρον. p. 104, 107, 122 sq.
 Πίσσα, Πίσσης -ας, amnis Olympiae.
 fr. XIX, vs. 3, 21. p. 60, 62.
 πολλοί (οἱ), opp. εἷς, ἕκαστος.

p. 102.

πορφύρεος et Φοινίκεος. fr. XIII,
 p. 49 sq.
 προδίδουαι, deficere. f. XXI, vs. 5.
 p. 68, 70.

προεδρία καὶ σιτία, virtutis prae-
 mia. fr. XIX, p. 60, 62 sq.
 πρόκλησις et πρόσκλησις confusa.
 fr. XXV, p. 80.

προμηθεία θεῶν. fr. XXI, vs. 24.
 p. 69, 75.
 προςπλάζω. αἰθέρι προςπλάζον.
 fr. XII, p. 49.

ρίζαι θαλάττης, γῆς. p. 152 sq. 156.

σαφές (τό). . fr. XIV, p. 51 sq.
 σίλλοι. p. 23 sq.
 στυφελίζειν. fr. XVIII, p. 56, 58.
 Synizesis. fr. VI, p. 42: καὶ αὐτοί.

XX, p. 67: ἀγαλλόμενοι εὐπρε-
 πέεσσι. XXIII, p. 77: χέας.
 σφαῖρα, σφαιροειδής, de perfecto.
 p. 104, 119 sq. 141 sq.
 σῶμα et δῶμα confusa. fr. VI,
 p. 42.

ταῦτόν. ἐν ταῦτῳ μένειν. fr. IV,
 p. 38.

τεκνοῦν, τεκνοῦσθαι. . p. 100 sq.
 τελεῖν, τετελεσμένον. fr. XIV, p. 52.
 τῇ — τῇ. p. 104.

τίθημι, τιθεῖς, -εῖ, -εῖν. p. 70.
 τραγικοὶ χοροί, τραγωδίαι. p. 21-23.

ὑπό et ἐπί confusa. Vid. ἐπιδ. sq.

Φιλόξενος scripturae compendio
 factum ex Φιλόσοφος Ξενοφάνης.
 p. 30, n. 66.

Φρήν νόου. Vid. νόος.

Φύσις. περὶ φύσεως. . . . p. 26.

ψυχή. p. 184.

ὥς et εἰς confusa. p. 66.

ὥς ἐπίπαν. . fr. XX, p. 65 sq.









